

HERMANNI BOERHAAVE

PHILOSOPH. ET MED. DOCT. INSTITUT. COLLEG. PRACTIC. BOTAN.
ET CHEM. IN ACADEMIA LUGD. BAT. PROFESS. COLLEG. CHIRURG.
IN EADEM URBE PRÆSID. SOCIET. REG. SCIENTIAR. LONDIN.
ET ACADEM. REG. SCIENTIAR. PARIISIENS. MEMBR.

PRÆLECTIONES ACADEMICÆ D E MORBIS NERVORUM

Quas ex Auditorum Manuscriptis collectas
edi curavit

JACOBUS VAN EËMS,
MEDICUS LEYDENSIS.
TOMUS PRIMUS.



VENETIIS,
MDCCLXII.



EX TYPOGRAPHIA REMONDINIANA.
SUPERIORUM PERMISSU, AC PRIVILEGIO:



68

PRÆFATIO EDITORIS.



Riginta jam elapsi sunt anni, quum summus BOERHAAVIUS publicas suas prælectiones de nervis eorumque morbis inciperet. Aderam tunc his exercitiis Medicinæ tyro, & volante calamo describebam, quæ ex optimi Præceptoris ore assequi poteram. Seposui vero tunc temporis manuscriptum, aliis meditationibus, quas cæteri discursus academici, quibus etiam intereram, requirerant, occupatissimus. Postea autem dum Praxi medicæ admotus liberius per jucundum Medicinæ campum exspatiari liceret, data opportunitate subinde ad descriptas prælectiones recurrebam, & tunc demum clarius percepi, quam vastus veræ sapientiæ Medicæ thesaurus in iis esset reconditus.

Hunc vero aliis invidere nolens, sæpe optavi, summo BOERHAAVIO acerba morte de terris sublato, alium quendam, qui forte accuratius Manuscriptum possidebat, curare velle, ut in lucem ederetur; sed hæcenus irrita fuerunt mea vota; donec tandem nihil tunc tale cogitanti traderentur mihi eadem illæ Prælectiones, manu acutissimi JACOBI HOVII, quem olim inter commilitones numeravisse lætus recordor, & qui nunc praxin Medicam AMSTELÆDAMI summo cum applausu exercet, ex ipso summi Præceptoris ore descriptæ; cui dein adhuc accedebat aliud Manuscriptum, sed longe contractius, quod ex iisdem in suos usus composuerat Vir Illustrissimus GERARDUS BARO VAN SWIETEN, qui, licet praxin Medicam jam exercens, tamen assiduus summi Præceptoris in exercitiis publicis fuit auditor; jam vero ad munus Archiatri in aula Cæsarea evectus, artem Me-

dicam , pro eo , quo pollet erga eam , ardore , auctoritate & exemplo egregie promovet.

Binos illos codices dum cum meo proprio comparabam, in genere quidem , imo in multis locis verbotenus, convenire deprehendi; hinc inde tamen differre observabam; nec latebat ratio: nam quia prælectiones academicæ, licet tunc temporis longe frequentiores, quam sequentibus annis, tamen interpositis feriis aliisque impedimentis frequenter interrompebantur, summus Præceptor sæpe in medio cursu gradum sistere cogebatur: dum vero ad hæc exercitia recurreret, solebat breviter repetere summa rerum capita, quæ ultimis prælectionibus tractata fuerant, & sæpe tunc intermiscibat alia quædam prius omissa. Inter auditores autem tales reperiebantur, qui ne verbo quidem optimi Præceptoris carere volebant; alii vero non describebant, quæ in initio prælectionum ex præcedentibus repetebantur; unde maximum, quod inter codices discrimen est, in majori minorive verborum ambitu consistit.

Ex tribus itaque, quæ possidebam, manuscriptis, hæc Prælectiones collegi & composui, servatis, quantum fieri poterat, ipsis summi Auctoris verbis; nec ipsas repetitiones, de quibus modo dixi, omnino omittendas esse credidi, si talia continerent, ex quibus prius jam dicta majori in luce collocari possent. Fateor, quod sic minus expolitum sit opusculum, quam si ipse Auctor, omittens vel addens quæ ipsi videntur necessaria, una continuata serie a capite pergit usque ad calcem: nolui tamen nimis mutilare, quod meum non erat, opus; eamque ab omnibus æquis lectoribus gratiam expecto, ut si hac parte aliquid deprehendant, quod forte ipsis minus recte dictum, vel alieno loco positum videatur, illud adscribant difficultati, quæ sæpe occurrebat, omnia, quæ in manuscriptis legebantur, ita disponendi, ut suo quæque loco inveniri possent.

Eam quoque mihi præscripsi legem, ut summi Auctoris sententiam ubique omni, qua poteram, fidelitate proponerem: Novi, quod post ejus mortem a
cla-

claris in arte viris talia proposita sint experimenta, & inde deducta ratiocinia, quæ systemati BOERHAAVIANO minus favent; eosque omni laude dignos esse existimo, qui minime jurantes in verba magistri, indefesso conatu veritatem sectantur amplectunturque, a quonam demum fuerit proposita: nec tamen codicis hujus editionem propterea omitti debere credidi; argumenta enim, quibus vir tanta ingenii acie præditus, tanto veritatis ardore animatus, qualem novit & admiratus est universus orbis summum BOERHAAVIUM, sententiam suam stabilivit, suo pondere carere non possunt, omnique attentione & severo examine sunt dignissima: & si tantus vir forte erraverit, quod experimentis destituto facile eveniet; in ipso tamen errore patebit, eum veritatis amantissimum, & judicio subactò præditum, non sine gravissima ratione a recto tramite fuisse deflexum.

Aliorum auctorum loca, quæ in Manuscripto citata inveniebam, in editis eorum scriptis, quatenus illa possidebam, quæsi, examinavi: quæ conveniebant, ipsis eorum verbis proposui; ubi vero propter male descriptas paginas, vel aliam forte editionem, discrepantiam observavi, ipsa, quæ in manuscripto erant, verba reliqui, nihil mutans.

Summa rerum, quæ tractabantur, capita in margine adposui, ut uno intuitu inveniri possent; rerumque præcipuarum indicem ad calcem adjeci: & ut lectorum commodo eo melius consulerem, brevem totius operis conspectum præmittendum esse credidi.

CONSPECTUS

TOTIUS OPERIS.



Oram hoc opus divisum est in duas partes, quarum prima agit de morbis, qui proprie dictis nervis, eorumque membranis accidunt; altera de illis affectibus, qui totum systema encephali, ex quo nervi oriuntur, & a cujus bona constitutione humanitas dependet, turbant, labefactant, destruunt.

In ipso primæ partis initio exhibetur etymologia & definitio nervi *pag. 1.* dein quid proprie nervus sit, & unde originem habeat, disquiritur *pag. 2.* & quoniam nervi ex cranio egrediuntur, hinc in genere de cranio differitur, quatenus sit propugnaculum encephali, quod nervis originem præbet, tam in embryonibus, quam in adultioribus; addunturque nonnulla de ejus figura, quatenus ob nervorum causam talis esse debuit *pag. 2. 4:* & ob eandem rationem theca vertebrarum in genere consideratur *pag. 4.*

Nervi non decurrunt nudi per corpus, sed vaginas, quibus defenduntur, mutuuntur ab encephalo; hinc membranæ cerebri etiam describendæ erant. Exterior earum est dura mater, cujus definitio datur *pag. 5;* cohesio, appendices & fabrica describuntur *ibidem*, & hac occasione nonnulla adduntur de fabrica membranarum in genere, ut ea, quæ postea de membranis cerebri dicenda sunt, eo melius intelligi possent *pag. 6. 7.*

Dura mater illud cum omnibus corporis membranis habet commune, quod gaudeat vasis arteriosis, quæ porto describuntur *pag. 7;* easque accipit ex carotidibus *pag. ead.* & vertebralibus *pag. 8;* illaque abeunt in venas, quæ describuntur *pag. 8. 9;* addunturque nonnulla, quæ his vasis propria sunt *pag. 9. 13.*

Patet ergo, quod dura mater ratione vasorum pati possit varios morbos, qui falso nervis adscribuntur; illique recensentur *pag. 13;* nempe inflammatio, suppuratio, gangrana, scitrus *pag. 14;* vulnera *pag. ead.*, contusiones *pag. 14,* dolores a plethora *pag. 15;* hinc proprie dicta cephalalgia, separatio duræ matris a cranio *pag. 15. 16;* & ab his causis potest fieri apoplexia *pag. ead.:* aliæque quædam adduntur, ex quibus patet, morbos posse fieri in systemate vasorum duræ matris, qui, licet nervis adscribantur, proprie tamen ad vasa pertinent *pag. 17.*

Dura mater habet etiam nervos sibi proprios, qui describuntur *pag. 18;* hinc potest esse sedes doloris ab eorum rosione & tensione *pag. 18.* Maxime autem quaeritur, an veram convulsionem pati queat *pag. 19:* clari enim viri affirmaverunt, duram matrem esse musculum, quorum sententia refutatur *pag. 19. 21,* licet tamen concedatur, in nonnullis duræ matris locis adesse fibras *pag. 21.,* sed quæ longe alii usui inserviunt *pag. 22.—23,* & in sinibus majoribus imprimis necessariæ sunt, ut nimiam eorum expansionem impediant *pag. 23.*

Sinus

Sinus illi habent ampullas, unctuosum humore, attritum prohibente, plethoras, in quibus ergo varium tumorum genus obtinere potest *pag. 23. 24*; potest etiam in fibris eorundem sinuum nasci induratio, & hinc oriri morbi, nervis falso descripti *pag. 24.*

Dura mater per varia foramina exit ex cranio & spina dorsii, nervis vaginam exteriorem largitura *pag. 24. 25*; ergo cum iis protenditur per totum corpus *pag. 25*, iisque duritiem conciliat *pag. 25*; deserit vero eos, ubi in viscera, vel motuum sensuumque organa ingrediuntur *pag. 26*: hæc vero duræ matris vagina gaudet arteriis, venis & nervis *pag. 26. 27.*; ergo patitur morbos, vasis & nervis proprios, illæsa tamen pulpa interiori: potest hic itaque nasci omne tumorum genus *pag. 27. 28*, per quos comprimitur pulpa nervorum interior *pag. 28*; vel humores, in vasis vaginæ contenti, possunt fieri acres, & sensum corrodere nervum *pag. 29*, idemque poterit obtinere in gangliis *pag. ead.*

Nervi etiam variis morbis obnoxii sunt ab aerimonia humorum, qui continentur in vasis vaginæ, ut patet in scorbuto, lue venerea, arthritide *pag. 29*, rheumatismo & odontalgia *pag. 30*, quæ omnia dein variis exemplis ex probatis auctoribus confirmantur *pag. 30. 31.*

Encephalon ambitur variis distinctis membranis, quæ liquore intermedio concretere prohibentur *pag. 31. 32*, qui liquor præternaturaliter potest augeri in cranio *pag. 32. 33*, in theca vertebrarum *pag. 33*, in vaginis nervorum ipsis *pag. 33*; unde compressa pulpa interiori functiones nervorum ipse delentur; qui morbi quomodo cognoscantur & curentur, docetur *pag. 34. 35*; & tales morbos revera dari, ex analogia illustratur *pag. 35.*

Sequitur nunc consideratio secundæ cerebri membranæ, nempe arachnoideæ, cujus traditur inventio *pag. 35*, nexus *pag. 36*, fabrica *pag. 36*; dein morbofa constitutio, siccitas, concretio *pag. 37*, quæ per observationes confirmatur *pag. 37*; nimia humiditas *pag. 38*, pinguedo *pag. 39*; unde morbi nascuntur in toto genere nervoso, illæsa tamen medulla.

Porro describitur tertia cerebri membrana, nempe pia vel tenuis, & in ea notantur amplitudo *pag. 39*, singularis constitutio, *pag. 39*, nexus *pag. 40*; arteriæ, quæ mira ratione propagantur *pag. 40*, decurrunt supra medullam *pag. 41*, insinuant se in corticem *pag. 41*: docetur dein distinctius, quomodo se habeat in cerebro *pag. 42*; quam innumerabilia sint ejus vasa, ita ut tota fere sit vasculosa *pag. 42. 43*; consideratur ejus superficies exterior *pag. 43. 44*, interior *pag. 44*; nexus per vasa arteriosa *pag. 44*, & venosa *pag. 45*, insinuatio in anfractus cerebri *pag. 45. 46*, applicatio ad medullam *pag. 46. 48*, appendix constituens plexus choroideos *pag. 48. 49.*

Ut porro ostendatur, quomodo pia mater se habeat in cerebello, traditur ejus generalis descriptio *pag. 50*, notantur arteriæ *pag. 50. 51*, & sic acquiritur idea piz matris, cerebellam ejusque processuum verisimiles invellentis *pag. 52. 51.*

Eadem ratione paucis tantum verbis agitur de medulla spinali, & pia matre ipsi propria *pag. 51. 52.*

Pia mater, morbofa facta, functiones nervorum etiam lædit, quod nunc potro demonstratur: scilicet arteriæ ejus possunt fieri nimis amplæ, sive illa amplitudo communis sit toti corpori, vel huic parti propria *pag. 52. 53.* vel nimis arctæ *pag. 53. 54*; vel nimis rigidæ *pag. 54. 55*; vel nimis flexiles *pag. 55.*

Plethora, in toto corpore nata, replet etiam vasa piz matris, quæ ergo comprimunt corticem *pag. 55. 56*, vel medullam *pag. 57*, in cerebro potius quam cerebello *pag. 57*; utraque vero ratione functiones nervorum lædi possunt: sed datur etiam plethora, piz matri propria, inprimis in obesis *pag. 57*, qui propterea variis nervorum morbis sunt obnoxii *pag. 58*;

hæc

hæc vero etiam oritur ab arteriis, in aliis corporis locis impeditis *pag.* 58. 59; ab obstructis arteriis coeliacis & mesentericis *pag.* 59.; ab impedito sanguinis ex cerebri sinibus exitu *pag.* 59.; a compressis venis jugularibus *pag.* 60.; a respiratione compressa *pag.* 60.; per nonnullos animi affectus *pag.* 61.; & ab impeditis evacuationibus consuetis *pag.* 61.; quæ plethora, natiq; inde morbi, quomodo cognoscantur & curentur, legi potest *pag.* 61. 62.

Consideratur nunc vitium plane contrarium, nempe defectus sanguinis rubri in valis piz matris *pag.* 62. 63.; & hac occasione refutatur sententia illorum, qui putabant, hominem eo esse saniores, quo sanguine ejus esset tenuior *pag.* 63. 64.; etenim a tali sanguine fit lentior & leucophlegmatia *pag.* 64.; hinc etiam hydrops inter membranas cerebri *pag.* 65., & impotentia ad motum *pag.* 65.; huic autem malo inprimis obnoxia sunt corpora tenella *pag.* 65. & viscerum debilitate laborantia *pag.* 66.

Quoniam vero tale corpus virginibus proprium est, hinc illæ frequenter incidunt in peculiare morbi genus, quam Chlorosin vocant, de qua agitur *pag.* 66. &c. Hanc multri Medici falso adscripserunt deficientibus menibus *pag.* 67., quoniam tamen revera oritur a defectu sanguinis rubri *pag.* 67., quod eo citius patet, quia virgines non tantum, sed & omnes alii a nimis hæmorrhagiis in similem morbum incidunt *pag.* 68.; hujus diagnosi & curatio traditur *pag.* 68. 69. Hæc cura consistit procul dubio in restitutione sanguinis rubri *pag.* 69.; quæ obtinebitur restitutione chylopoiesios per cibos siccos & concoctu faciles *pag.* 69., potus generosos, sed non inebriantes *pag.* 70., condimenta appetitum acutientia *pag.* 70., medicamenta stomachica amara exterius & interius adhibita *pag.* 70. 71., simplicia magis quam composita *pag.* 71., & purgantia blanda bili æmula *pag.* 72. Iisdem remediis restituitur hæmatopoiesis *pag.* 72. 73., nam ex chylo hi lac, ex lacte sanguis; hinc si chylus rite conficitur, tunc etiam restituitur sanguis *pag.* 73. Huc vero maxime facit exercitatio corporis *pag.* 74., & ferri usus internus *pag.* 74., quod qua ratione exhiberi debeat, docetur *pag.* 75.; quænam cautela in ejus usu observandæ sint *pag.* 75. 77.; & quid post ejus usum agendum sit *pag.* 77. Iisdem etiam remediis restituitur pneumatopoiesis *pag.* 77. 78.

Sanguis, in valis piz matris hærens, non tantum potest peccare quantitate, sed etiam acrimonia; hinc pertractata plethora & inanitione jam etiam consideratur, quamnam noxam nervis pariat talis acrimonia. Quaritur ergo primo, an acria huc usque pervenire queant *pag.* 79.; & si ulla, affirmatur hoc inprimis de spiritibus stillatitiis fermentatis *pag.* 79. 80.; quorum effectus, in cerebrum recensentur *pag.* 80., & hac occasione agitur de ebrietate *pag.* 81.; curaque morborum, qui ab hac causa pendent, paucis traditur *pag.* 81. Sed dantur etiam alii spiritus, sive effluvia, ex quibusdam vegetabilibus exuntia, quæ etiam paucis memorantur *pag.* 82.; & de horum, & spirituum stillatiorum effectibus nonnulla adduntur *pag.* 82. 83.

Quoniam nunc de spiritibus sermo est, disquirunt, quid proprie per spiritum intelligi debeat, cujus proprietates recensentur *pag.* 83. 84., & ubi inveniantur, dicitur *pag.* 84.

Primo nunc consideratur ille spiritus, qui in animalibus per solam vitam paratus, effluviis modo ex illorum corpore exit *pag.* 84.; recensentur ejus varii effectus *pag.* 85., in varias corporis animalis partes *pag.* 85.; vis ejus in latum se diffundens *pag.* 86., non tamen animalium generi tantum nocens *pag.* 86.; quæ vis incredibili plane subtilitate pollet *pag.* 86. 87., & tamen ita signi potest, ut per longum tempus effectus suos præstet *pag.* 87.; vis illa vario modo communicari potest *pag.* 88. 89., ita tamen ut inprimis agat in nervos dissectos *pag.* 89., hinc forte directe spiritus nervosos afficiat *pag.* 89. 90., quod ex modo communicationis demonstratur *pag.* 90.; &

90 ; & tandem quædam adduntur , quæ diagnofin , prognofin , & curationem venient recepti fpectant *pag.* 91. 92.

Sequuntur fecundo illi fpiritus , qui producantur per putrefactionem , quæ valde promovetur per calorem *pag.* 92 , & corpora ita refolvit , ut fiant volatilia *pag.* 92 : morbi inde nati , & methodus eos curandi recenfentur *pag.* 93.

Agitur tertio de fpiritibus ex animalibus exhalantibus , & de eorum effectû in corpus , quod illos fpiritus recipit *pag.* 93. — 95.

Ordo rerum nunc ducit ad fpiritus , qui exeunt ex vegetantibus *pag.* 95 , per exhalationem , olfactus , organa afficientem *pag.* 95. — 97 ; vel per diftillationem *pag.* 97 ; vel per contufionem *pag.* 97. Quæritur , an vis medicata vegetabilium ab his fpiritibus pendeat *pag.* 98 ; fummaque horum fubtilitas demonftratur , quia nullo fenfu dignofci , fed fuis tantum effectibus manifefari poffunt *pag.* 98. 99 : illi fpiritus in fingulis vegetantibus fingulares funt *pag.* 99. 100.

Pergitur nunc ad regnum foſſile , quod etiam fpiritus fuppeditat *pag.* 100. qui in nonnullis fodinis naturales funt *pag.* 100. 101 , & fingularibus effectibus fe manifefant *pag.* 101.

Nonnulli etiam memorantur ſectores , corpori humano valde pernicioſi *pag.* 101. 102. Ignis etiam miros & noxios extrahit fpiritus , de quibus agitur *pag.* 102. 103 , qui imprimis lethales funt ab igne ſuffocato *pag.* 103 , quod miris exemplis confirmatur *pag.* 103. 104. Hac occaſione alii quidam noxi fpiritus , per calorem extricati memorantur *pag.* 104. 105.

Sequuntur nunc fpiritus per mifcelam parati *pag.* 105 , quorum exemplum habetur in vitriolo *pag.* 105. 106 , qui etiam in nervos agunt *pag.* 106.

Perractatis morbis , qui oriuntur a corporibus alienis , in nervos eorumque liquores agentibus , confideratur nunc nervus integer , & examinantur morbi , qui toti eorum ſubſtantie accidunt ; hunc in finem paucis agitur de nervo in genere *pag.* 106. 107 ; dein de tendine , quoniam ille ex nervis oritur *pag.* 107 : nervi & tendines per ſolam ſenium exſiccantur *pag.* 107. 108 ; poſſunt pati inflammationem , per quam conſtituentes eorum partes inter ſe concreſcunt *pag.* 108. 109 ; poſſunt per ſuppurationem nudari ſuo involucri , & ab externis injuriis peſſime affici *pag.* 109 : hac occaſione nonnulla adduntur de futura tendinis *pag.* 110.

¶ Quoniam vero nervi nudi per dentes decurrunt , hinc porro agitur de Odontalgia *pag.* 110 , quæ ut plurimum oritur ab exefa vitree dentis croſta , nervoque nudo æri expoſito *pag.* 110 , nec niſi illo nervo deſtructo curari poteſt , quod quibus modis fiat , docetur *pag.* 111. Hac occaſione etiam agitur de alijs odontalgis , ab inflammatione gingivarum *pag.* 112 ; ab earum colliqueſcentia per ſcorbutum *pag.* 112. 113 ; a perforatione alveolorum *pag.* 113 , quæ ſpecies ex confideratione dentium amplius exponitur , & medendi methodus traditur *pag.* 114. 115 : hæc odontalgia frequenter oritur ab acidis , dentem corrumpentibus , & per ejuſ evulſionem , vel per antiſeptica debet curari *pag.* 115. Alia ejus ſpecies fit per dentem molarem , antrum HIGHMORI perforantem *pag.* 115 : quia vero catarrhi in hoc malo frequenter accuſantur , hinc nonnulla de iis adduntur *pag.* 116.

Pergitur nunc ad Paronychiam , quæ etiam a nervo circa phalanges digitorum denudato ortum habet , & deſcribuntur hujus mali ſymptomata *pag.* 116. 117 , ſedes *pag.* 117 , affectus partis fabrica exponitur *pag.* 118 ; recenſentur variz hujus morbi ſpecies , prima ab accumulata articularum mucilagine *pag.* 118. 119. Altera ab inflammato ligamento , quod capſulam articularem conſtituit *pag.* 119. 120. Tertia a male affecta membrana cellulofa in articulis *pag.* 120. — 122. Quarta a leſo perioſteo in phalangibus digitorum *pag.* 122. 123. Quinta a vitio tendinum , qui in prima phalange digitorum finem habent *pag.* 123. 124. Sexta ab inflammata vagina , quæ his tendinibus circumponitur *pag.* 125. 126. Hac occaſione nonnulla notantur de ſcuto cartilagineo , ſub quo illi tendines tranſeunt *pag.* 126. Septima denique a leſo harum cartilagineum perichondrio *pag.* 127. 128.

Sequitur jam confideratio physiologica unguium *pag.* 128. — 130 , dein eorum patho-

pathologia *pag.* 130 ; imprimis exponitur, quam dolorifica mala ab ariditate epl. dermidis cum illis coherente, & ab ipsa eorum arescentia sequi possint *pag.* 130. 131.

Porro explicatur callos, qui fit a degeneratione nervorum, per eorum compressionem nata *pag.* 131, & hac occasione agitur etiam de cecitate & furditate senili, quæ ab occalescentia nervorum optiçorum & acoustiçorum producantur *pag.* 132.

Agitur dein de verrucis, quæ sunt papillarum nervearum degenerascentium species, & diversæ earum sedes notantur *pag.* 132.—135.

Porro tractantur Clavi, cornubus animalium similes, suntque illi papillarum nervearum, ex eade assurgentium compressiones & indurationes *pag.* 135. 136.

Tandem, Capitulum de papillis in superficie corporis degenerascentibus primum hujus opusculi tomum claudit *pag.* 137. 138.



PARTI secunda agit de Morbis, qui totum systema encephali afficiunt; & quoniam ab eo humanitas pendet, hinc post brevem præfationem pag. 143.—145. agitur de mente humana, quæ in genere describitur pag. 145.—147, & ex ipsa ejus consideratione deducitur cognitio adorabilis DEI, qui omnibus rebus, mentisque humanæ primam dedit originem pag. 146. 147.

Agitur dein de modo, quo mens humana ideas acquirit, ostenditurque, hanc rem vix melius posse explicari, quam si ille modus comparetur cum ingressu luminis in oculum pag. 147.—150. Consideratur porro potestas mentis humanæ, quæ apta est cogitare infinita pag. 150, præterita sibi sistit præsentia pag. 150, adhibitis etiam quibusdam notis corporeis pag. 151, vel sine illis, dunt tamen in utroque casu perfecte eadem manet. pag. 151. 152.

Pergitur jam ad Ratiocinium, ostenditurque, hanc actionem esse simplicissimam, & quasi momentaneam pag. 152.—155, moram vero ejus successivam pendere a notis, quibus nobis opus est pag. 155. 156; unde concluditur, esse in mente perfectionem latentem, qua per se cogitat pag. 156. 157.

Sequitur alia mentis facultas, nempe Voluntas, quæ se extendit ad infinita pag. 157. 158, habetque in se fundamentum virtutis, & vitii pag. 158. 159: hujus proprietates recensentur pag. 159, & nonnulla adduntur de summo bono pag. 159. 160.

Considerantur porro animi affectus pag. 160, qui in genere referuntur ad amorem & odium pag. 161; quorum bonum vel malum regimen felicitatem hominis promovet vel turbat pag. 161. 162; recensentur horum diversitates pag. 162, & ostenduntur varii effectus in corpus humanum pag. 162. 163, unde deducitur regimen mentis, quod medicorum est pag. 163.—165.

Porro describitur Imaginatio, quæ facultas mentis homini imprimis propria est pag. 165. 166, recensentur miri ejus effectus pag. 166. 167, notantur varii gradus pag. 167. 168, & docetur ejus regimen pag. 168. Hæc vero si nimis valida sit, oritur insania, quæ porro describitur pag. 169. 171, methodusque curandi traditur pag. 171. 173.

Pertractatis morbis, qui sedem habent in ipso sensorii communis loco, jam agitur de iis, qui sedem habent in alio loco, unde sensorium commune æque afficiunt, ac si in eo ipso hærent pag. 173. 174. Imprimis hic accutur merentur præcordia pag. 174, mesenterium pag. 174. 175. Herniæ pag. 175. 176, alique causæ, quæ in nervos abdominales agunt pag. 176. 177; nec minus hic peccant uteræ & vesica pag. 177: methodus curandi morbos, ab hac causa ortos, traditur pag. 177.

Sensorium commune sæpe etiam afficitur a fordibus, in primis viis hærentibus, quæ sæpe malignam indolem habent: morbi inde nati describuntur pag. 178.—180. Dein agitur de bile atra in iisdem his locis hærente, & morbos nervorum producente pag. 180.—183.

Venena varia, in ventriculo hærentia, totum sensorium commune etiam turbant, quod demonstratur pag. 183. 185.

Næc consideratio ducit, ad explicandam nervorum ventriculi & primarum viarum actionem in sensorium commune pag. 185. 186, cujus rei illustre exemplum habetur in Colica Pictorum, de qua agitur pag. 186. 187; adduntur quædam de noxis ab affectis nervis remotioribus pag. 188, & pauca alia, quæ curationem horum affectuum spectant pag. 188.

Sequitur Capitulum, ubi ampliori sermone ostenditur, nervos, per totum corpus dispersos, in proprio suo loco agitados, producere capitis & generis nervosi morbos pag. 188.—191.

Hactenus sensorium commune consideratum est, quatenus est pars corporis solida, vel fluida, vel ex utriusque composita; jam vero sequitur subtilior indagatio principii illius, quod HIPPOCRATES vocavit *impetum faciens*,

cians, a quo omnes motus originem ducunt, & in quod omnes sensus terminantur: de eo in genere quædam dicuntur pag. 191. 192. Ut vero constitutio ejus morbosa melius intelligatur, accuratius deinde inquiritur ortus idearum pag. 192-195, animi affectuum pag. 195, unde iterum fiunt motus corporei pag. 195. 196, excretiones perturbatæ pag. 196; omniumque fere functionum mutatio pag. 196. Recensentur porro miri effectus hujus principii impetum facientis respectu motus corporei, quos tamen minime percipimus pag. 196. 197.

Definitur nunc accuratius, quid sit sensorium commune pag. 198; quod ut agat, requirantur nervi pag. 198. 199, qui distincti sunt in ortu & fine pag. 199; determinatur porro, cujusnam corporis loco sensorium commune assignari queat, nempe ipsi nervorum origini pag. 200, in qua nulla adest confusio, ita ut tam origo quam functio cujuscunque nervi sit distinctissima pag. 200. 201, quæ distinctio tam accurata est, ut homo respectu humanitatis revera sit duplex pag. 202. 203. Obijci tamen posset, quod partes cerebri se mutuo decussent, hinc illa res accuratius inquiritur, nec tamen apodictice determinatur, quid statuumendum sit pag. 203.—207.

Sequitur Caput de Sympathia, in qua explicatur, quid nervi patiuntur ab externa causa, & qua ratione unus homo agat in alterum, & patiatur ab altero: præmittuntur quædam, quæ hanc rem in genere spectant pag. 207.—209; docetur deinde, quomodo unus homo possit excitare affectus alterius pag. 209. 210; illustrantur hæc exempla ex arte musica desumpta pag. 210. 211; emarrantur miri potentie nostræ effectus pag. 211. 212, quorum nescimus causam, modum & instrumenta pag. 212. 213, qui non semper pendent a nostra voluntate pag. 213. 214, sed quasi unico actu fiunt pag. 214, diu durant pag. 215, corpus nostrum mutant tam ad salutem quam ad mortem pag. 215. 216, extendunt se in longinquum & ad alia corpora pag. 216, nec demari possunt nisi per remedia, quæ corpus humanum debilitant, & ad mortem ducunt pag. 217. 218. Adduntur deinde alia de principio, hos effectus excitante, quod plane invisibile est pag. 218. 219, & tamen tantum habet imperium in corpus, ut ab eo, in animi affectibus exorbitante, omnis generis morbi excitentur, imo mors ipsa, & quidem subitanea secuta fuerit pag. 219.—224.

Superest nunc disquisitio, quemnam effectum præstet imaginatio humana in alienum corpus, id est, agitur peculiari capitulo de vi imaginationis mulieris gravidæ in proprium foetum: hæc primo exemplis demonstratur pag. 224.—227, deinde adducuntur variorum Auctorum de causa hujus eventus sententiæ pag. 227, quas tamen non admittendas esse demonstratur pag. 227. 228, concluditurque, causam hujus phaenomeni esse incognitam pag. 228, & ad mirabilia referendam, pag. 229; quod in toto opere generationis etiam locum habet pag. 229.—231, uti etiam in aliis casibus, in quibus ignorantiam nostram fateri cogimur pag. 231.

Absolutum jam esset pensum, nisi opportunum foret aliquot exemplis ostendere, qua ratione morbi, proprie cephalici dicti, pertractari debeant: & quia Vertigo horum est levissimus, hinc primo ejus historia traditur pag. 232.—256: deinde sequitur Caput de Apoplexia, quæ inter morbos cerebri est periculosissima pag. 256.—271: hujus minores gradus sunt Parapoplexia, de qua agitur pag. 271. Patetis pag. 271. 272, Lethargus pag. 272, Cataphora pag. 272. Carus pag. 272. 273, Coma pag. 273, 274, Paralysis, de qua amplior sermo est pag. 274.—306. Tandem Caput de Epilepsia, pag. 306. incipiens, hisce prælectionibus de morbis nervorum imponit

F I N E M.

HER.



HERMANNI
BOERHAAVE
PRÆLECTIONES ACADEMICÆ
DE
MORBIS NERVORUM.

Propo-
situm.



DE his morbis dicere constitui, de quibus hæcenus vobiscum nunquam de industria egi, quoniam infantibus, dulcibus conjugii pignoribus, sexui amabili, virisque, literis operam dantibus, insensibilissimi & creberrimi hostes sunt. Horum sedes in abstruso latet, hinc ratio eorum physica tam parum fuit perspecta, ut non tyrones, non vulgares Medici, sed principes in arte Viri ad Dæmones, præligia, & nescio quæ incondita, potius confugiant, quam ut eos ex legibus corporis humani explicare audeant. Sed quo magis noxium est hoc malorum genus, eo magis agitantur illi, qui publicis se devoverunt usibus, ut boni aliquid, quod miseris ægris utile erit, proferre queant. Agite ergo, A. O., opus hoc aggrediamur; vos excitate me vestra præsentia, & attentas

adhæbere aures; ego conabor efficere ne vos, temporis honeste avaros, huius dispendii pœniteat.

Quam partem corporis humani Græci *Νῆρον* dicunt, eam unus literæ transpositione *Nervum* dixerunt Latini, utroque vocabulo intellexerunt illam partem, quæ sensibus motibusque arbitrariis inservit: sic sensere omnes vocabularii. Verum quum huic operi lacerti, tendines, & fibræ quoque spectant, hinc contigit, ut hæc tria *Nervi* nomine promiscue intelligerentur.

Nervi de-
signo

Vos, qui excussistis Græcæ & Latinæ Linguae vocabula, novistis, nil crebrius occurrere, quam quod Lacerti vocentur *Nervi*, & hoc sensu sæpe de *homine nervoso* loquuntur auctores. Sed nihil etiam est frequentius, quam *Tendines* vocare *Nervos*; sic dicebantur *Nervi* contuli esse, quando *Tendines* eo modo lædebantur. Denique quum videbant, Lacertos & *Tendines* non agere

A

re

re sunt Fibrillis, hinc & eas quoque *Nervos* vocaverunt. Qui ad hæc non attendunt, auctores Græcos & Latinos sæpe male intelligunt. Nos vero, ut omnem evitemus obscuritatem, utimur libertate, quæ omnibus disciplinarum cultoribus conceditur, ut vox quædam per definitionem præmissam unicæ significationi prouderet adstringatur.

Ego *Nervi* nomine intelligo, partem corporis, ortam ex medulla cerebri, cerebelli, medulla oblongata & spinali, & inde porrectam ad omnes alias fere corporis partes firmas, forma chordarum vel funiculorum. Nulla hic utor licentia, nam ita hæc vox a tribus aliis distinguitur.

Dico ex medulla, nam ex eanulla alia pars corporis oritur; ad partes firmas, nam nullum os, membrana, musculus, tendo, viscus &c. inventa sunt, ad quæ non porrigitur nervus; forma chordarum, nupiam tamen tensus, sed ubique laxus procedit.

DE NATURA NERVORUM.

Nervi
natura.

DE hac nunc dicere debeo, nam aliter Morbi nervorum intelligi nequeunt; estque ea etiam ignota, nisi cognoscatur prius medulla, unde Nervus oritur; nam quia a nulla alia parte originem ducit, hinc possumus dicere, Nervus est medulla, sed adunata; & ubi solitarie decurrit, est medulla dispersa.

Illud, quod proprie facit Nervum, non est Nervus, nisi ratione ortus ex medulla; in Nervis autem, qui nobis apparent, videntur tantummodo illa, quæ Nervo superinducta sunt.

Hinc ubicunque Nervi sunt, ibi adfunt propagines medullæ usque ad illum locum, ad quem feruntur: & ubi ultimas actiones faciunt, ibi il-

læ non sunt per exteriora, sed tantum per illud interius.

Proinde si Medicus Medullæ fabricam cognoscat, intelliget etiam, quid sit Nervus; quædam medullæ naturam ignorat, nil boni sciet de Nervo: atqui in toto corpore humano nil minus cognoscitur, quam Medulla. Rogate solertissimum HARVEJUM, subtilissimum RUYSEHIUM, artificiosissimum LEEUWENHOEKIUM, qui tot latentia in lucem protraxit & hærent, vident aliquod homogeneum, splendens corpus, sed nihil fere determinant.

Nostrium erit, quum veram medullæ fabricam ignoramus, certa quædam de hoc corpore experimenta excutere.

Omnis Medulla, unde Nervi oriuntur, deprehenditur semper circumfuso cortice cincta, sed Medulla spinalis invenitur huic corticem intra se gerens.

Intra corticis superficiem extremam, & medullam ipsi contiguam, nemo mortalium hætenus vidit aliquid intermedii, nec humorem, nec vas, hinc medulla creatura est, non pendens nisi a cortice, vel ab ejus membranis.

Constat porro, omnium Nervorum originem esse intra cavitatem cranii ossei vel thecæ ossæ vertebrarum: in cranio continetur cerebrum, cerebellum, cortex & medulla utriusque, medulla ex utroque collecta, oblongata dicta, & nervi ex ea oriundi.

Theca vertebrarum dorso cava, nexa cranio ad partem posteriorem & inferiorem, facit quasi cranii propaginem, cujus omnes partes sunt solutæ, sed inter se connectæ. In tota hac Theca nil invenitur nisi medulla, ex cranio demissa, una cum cortice, triginta distinctis nervorum paribus, variisque involucriis, quæ etiam involucria sunt corticis.

Confer-
ratio Me-
dullæ.

Contenta
Cranii.

Et cavi-
tatis ver-
tebra-
rum.

DE CRANIO.

Cranii
descrip-
tio.

CRanium vocatur cavum illud osseum, quod in adultis præcipue constat ex octo distinctis ossibus, per suturas inter se nexis.

Dico, cranium præcipue constare ex octo ossibus, nam in junioribus plura sunt, quia os frontis dividitur in duo, os sphenoidale & os temporum etiam ex aliis pluribus constat: hoc ita factum est, ut capacitas cranii, destinata continendis partibus memoratis, hisce contentis se sensim posset adaptare. Vidistis procul dubio corpora humana non majora digito indice; vidistis in his corpusculis, cranium in quibusdam locis jam fieri osseum: ut vero ejus contenta excreverent, capsula continens etiam debebat posse extendi, quod fieri non potuisset, si ex uno osse constitisset: si in homine oriretur impossibilitas, ut cranium excreveret, dum vis cordis contenta ejus adhuc extrorsum urget, sequerentur inde morbi incurabiles, hinc quamdiu crescimus, suturæ nunquam delentur; imo cranium eo mollius, membranulosius, fururisque magis intructum est, quo homo origini propior est.

Quomodo se habeat in Embryone.

In Embryone unius mensis totum caput leni tritu facile conteritur in mucum; in bimeltri jam incipit aliquid ossei nasci, hoc suctum apparet in quadrimeltri; in novimeltri omnia ossa jam fere perfecta sunt, sed futuris magnis adhuc separata.

In singulis his ossibus sunt singulares quædam partes, quibus arteriæ nutritives applicantur, & ubi illæ arteriæ in centro concurrunt, ibi primo os fit, nam ex hoc puncto distinctæ arteriæ dantur unicuique ossi distincto, hinc cum ibi maxima est vis impellens, ibi prima fit ossificatio, & proinde os crescit a suo centro.

Quamdiu illæ futuræ expansiles

sunt, tamdiu ossa etiam extenduntur, & quo magis increverunt contenta in cranio, eo magis excreverunt cranium continens.

Simulac cranium ad debitam pervenit magnitudinem, totum durum est, nec ulla futura membranosa amplius superest, sed serratus margo unius ossis in marginem alterius immixtus conspicitur.

In homine viginti quinque annorum in illis commissuris deprehendantur parva vestigia illarum membranarum, in quibus vascula quædam continentur; sed in summa senectute suturæ fere delentur, nec vasa per illas amplius transeunt, & tamen hi homines vivunt sine notabili vitio generis nervosi; hinc futuræ male creduntur fuligines de capite emittere, & cranium per se nihil facit ad nervos eorumque origines, nec ullius momenti est respectu cerebri & nervorum, an suturæ adint vel non, & male culpatus suturarum defectus fonticulis supra ossa parietalia compensatur.

Cranium respectu cerebri & nervorum figuram habet capacissimam, nec in toto corpore ullum cavum itabile tam capax, & quod tot partes continet, invenitur. Fabrica ejus est securissima, ita ut nullus locus in toto corpore adeo defendatur, quam nervorum exortus.

Quamdiu Cranium extendi debet, ex variis partibus est compositum; ubi vero crescendo necessitas definit, hæ naturæ uniformis, & ossa pro continuis haberi possunt: non potuisset autem aliter segmentum illius sphericum æqualiter extendi, nisi partes ejus paululum in planum vergent; homini vero in nulla parte plus periculi metuendum est, quam in fronte, hinc ossa ibi magis eminent, & in occipite etiam magna tubera inveniuntur.

Cranium nervorum tantum causa inæquabile est, nam in tota superiori sphaera æqualis est superficies: in-

Confideratio Me-
mbranae.Contenta
Cranii.cavi-
is ver-
or-
m.Quer-
do in
dultisFigure
Cranii

terna, dentis quibusdam foveis pro arteriis & venis ibi positis; inferius vero superficies tam scabra est, ut describi nequeat, nam quia medulla oblongata sub pondere cerebelli poni deberet, hinc tales eminentiæ & declivitates in posteriori inferiorique parte inveniuntur.

Jucundum valde est habere cranium apertum in manu, & partem ejus inferiorem conferre cum illistabulis Eustachianis, in quibus cerebrum inversum pingitur, nam tunc apparet, nullam esse in eo cavitatem, quin usum suum habeat: cæterum cranium, quatenus os est, nihil ad nervos facere videtur, nisi quod eos defendat; potest tamen cranium tumens; exostosis comprimere medullam & nervos.

DE THECA VERTEBRARUM:

Vertebra.
rum nu-
merus.

NOvisit, septem colli vertebrae esse, quarum unaquæque attentæ menti uberissimam præbet speculatio- nis materiam. Hæ septem diversæ sunt a cæteris, nam duodecim sequentes pectoris longe alterius fabricæ sunt, neque illæ omnes plane inter se conveniunt: tum sequuntur quinque vertebrae lumborum, quæ iterum differunt; denique vertebrae ossis sacri, de quorum numero au- ctiores variant.

Harum
structura.

Hæc compaginatur hæc theca ossea, distincta in tot ossa a se invicem separata, quæ omnia, ut possent crescere, in junioribus in plura alia ossa distincta sunt: quum vero unaquæque vertebra requisitam magnitudinem habet, tunc apparet unum os.

Omnes hæ partes sic factæ mirabili modo inter se nectuntur, nam corpus earum cingitur limbo, ex quo nascitur ligamentum, quod de una vertebra in alteram ita protenditur, ut totum limbum cingat; hinc pars inferior cujusque vertebrae adnectitur superficiem superiori verte-

bræ sequentis ope illius ligamenti, quod oritur fibris perpendicularibus, innumerabilibus, fortissimis; & quo animal est origini propius, eo illud ligamentum est longius; sed in senectute ita deletur, ut cum osse fere concreseat, omniaque illa corpora proxime inter se nectantur, & hæc ratio est convexitatis spinæ dorsii in senibus.

Hoc ligamentum intermedium facit, ut tota hæc compages ossea firmissima sit; demonstrant enim Mechanici, quod funis, quo brevior sit, eo difficilius rumpi queat: illa vero ligamenta tam curta sunt & numerosa, ut salva flexilitate faciant tantam firmitatem, quam si esset unum os.

Hæ vertebrae simul faciunt alteram quasi cranium speciem, totaque hæc theca figuram habet, medullæ spinalis longitudini accommodatam; sed quia flexilis debet esse, hinc in tot partes divisa est.

Omnes etiam suas habent appendices, eo modo dispositas, 1. ut maneat æquabilissima thecæ cavitas in omni flexilitate; 2. ut omnis causa externa ubique deprehendat æqualem resistantiam; & hæc est ratio, cur processus spinosi longissimi sunt, ubi maxima requirebatur flexibilitas, uti in collo patet, & fortissimi, ubi corpus summis injuriis est obnoxium; 3. ut transmittant nervos, qui ut tuto transire possent, ad latera exire debebant; hinc appendices illæ etiam situm habent ad latera, ut declivi suo decursu nervorum exitum defenderent: 4. ut admittant vasa, quæ magno numero, recto itinere, thecam ingrediuntur. Cæterum theca hæc alios usus nervis præstare non videtur.

Appendices.

DE DURA MATRE.

Multi morbi huic imputantur, hæc ergo omni cum cura examinanda est.

Tota.

Tota superficies interna cranii & thecæ vertebrarum in omni puncto visibili succingitur membrana, quæ intra cranium *dura mater* vocatur, sed intra thecam vertebrarum peculiari nomine capet. Possemus vocare continuatum perioskeum totius superficiei internæ vertebrarum usque ad initium ossis Coccygis.

Varia de
ea opinio
est.

Huic membranæ in cerebrum, cerebellum, medullam oblongatam & spinalem tantas adscripserunt vires Viri Clarissimi, PACCRIGIUS, BACCHIVS, alique, ut, si vera sit eorum sententia, Medicus, cui morbi nervorum curandi occurrunt, magis intencus esse debeat, ad conservandam membranæ hujus incolumitatem, quam ipsius cerebri vel nervorum. Agite, excutiamus, quid de ea sentiendum sit.

Rivus de-
scriptio.

Dura mater est membrana crassissima, durissima, vasculosissima, succingens ossam superficiem cavi cranii, illique in omni puncto adnexa, maxime ad futuras, ubi olim membranacea interstitia fuerunt; & ad illa loca internæ cranii, ubi nervi egrediuntur.

Dico, quod sit *membrana crassissima*, nam nulla membrana in toto corpore reperitur crassior; *durissima*, ita ut tenaculis vix possit decerpi; *cranium ita succingens*, ut omnes ejus politas superficies, sinus, cryptas, scrupulosque asperitates obvellet, illique ita *adnexa*, ut nullum punctum sit in exteriori superficie duræ matris, quæ cranium spectat, quin cavæ superficiei cranii cohaereat; *maxime tamen ad futuras*,

Cohæsitio.

quibus omnibus olim præbuit interstitium: novistis enim, os frontis in junioribus habuisse tale interstitium membranaceum, quod nil erat, nisi dura mater. Ad basin cranii, ubi moles cerebri incumbit, omnium maxime cohæret, & quidem tam arcte, ut ipsi illi viri, qui duræ matris systolen & diastolen adscripserunt, illud saltem de hoc loco affir-

mare non ausi fuerint: cum tamen ad hæc loca ingrediuntur & exeunt omnia vasa, omnesque nervi egrediuntur, satendum est, ibi immobilem esse, ubi spiritus determinatur ad partes. Moneo hoc, quæ clari viri putant, morbos nervorum (quod etiam verum esse puto) pendere a motu spirituum inordinato: sed credunt, duram matrem quasi cor esse spiritibus; coguntur ergo fateri, quod hæc membrana plane nullum habere motum possit in illis locis, ubi maxime requiri videbatur: porro maxime cohæret ad futuras, ubi oriuntur ejus appendices, scilicet a sutura sagittali usque ad Torcular Herophili & suturam lambdoideam: decurrens juxta ejus decursum, facit accetionem novam; & quod notandum, quemadmodum ad suturam sagittalem emittit septum longitudinale inter lobos cerebri, five processum falciformem, ita ad hanc suturam demittit septum transversum, quod protenditur usque ad os sphænoideale, & sic facit diaphragma medium inter cerebrum & cerebellum. Hæc duo septa sunt mobilia, licet non nisi in magnis capitris concussionibus moveri videantur.

Appendices.

Præterea, dura mater, qua parte applicatur cranio, ubi vasa ingrediuntur, & nervi exeunt, non perforatur, sed ibi jam a prima formatione accepit tot appendices, cavas, quot produci debebant ad omnia illa loca, ut vasa vel nervi iis, investiri possent; septum vero transversum in vaginam abit, quæ totam medullam oblongatam capit, & exit ad os occipitis.

Hæc est idea duræ matris, qualis primo intuitu nobis apparet: examinemus eam ulterius.

Dixi, quod dura mater sit *membrana*. Membrana Anatomicis definitur pars mollis, in longum & latum extensa, parum crassa, vix aut non vasculosa, unde inter partes similes referendam esse dixerunt. No-

his autem, si solos tantum sensus consulamus, membranae in duas classes dividi debere videntur, quarum prima est earum, quae sensibus nostris vasculosae apparent, altera earum, quae nulla vasa sensibus exhibent.

Ipsi veteres Anatomi membranas vasculosas agnoverunt, nam protali habuerunt Mesenterium, in quo vasa & nervos descripserunt.

Omnes autem membranae vasculosae bifidae sunt, id est omnes, quae continent vasa magna, illa nunquam habent in superficie, sed inter binas membranas decurrentia. Sic nulla arteria insignis in Mesenterio est nuda, sed inter duo plana membranacea Mesenterii haerent omnes, & omnes rami ramorum, iterumque horum ramuli ad ultima usque. Pari ratione dura mater scaten vasis non habet ullum vas externum sibi impositum, quod proprie ad illam pertinet, sed semper intra suam duplicaturam. Quando ergo vasa ex illa membrana exeunt, semper exeunt intra illam duplicaturam. Hac ratione emulgentes haerent inter duplicaturam peritonaei, cum vero ad renes pervenerunt, illos intrant relicto peritonaeo, quod renes transcendit. Consideratio hujus rei postea magnum usum habebit, nam hinc videbimus, id omne, quod clari viri in talibus membranarum crediderunt fibras musculosas esse, revera fuisse vasculosum. PACHIONUS, alique sic decepti, fallunt iterum alios, dum dicunt, se prius debere aliquandiu macerare duram matrem in aceto & aqua calida, antequam fibras illas possint demonstrare: RUYSCHIIUS vero docuit, quod omnes membranae crassae videantur quidem fibrosae, sed quando replentur materia ceracea, totum illud apparet vasculosum. Haec ergo membranae non nisi propter vasa repleta crassae apparent, subductis vero liquidis sunt satis tenues.

1. De membranarum, quae ad sensum non vasculosae sunt, notandum est, quod vasa, ceterum invisibilia, per morbos distendi, & sic apparere queant. Tunica Cornea oculi in homine sano nullum vas conspicuum habet, sed quum ophthalmia oritur tam violenta, ut omnia objecta aegro rubra appareant, quia tunc vasa huius tunicae sanguinem rubrum admittunt, sensibus se manifestant. Idem in adnata similibusque tunicis verum est. 2. Vasa in his membranarum per injectiones RUYSCHIANAS etiam apparent: Clarus ille Vir considerans faciem hominis post mortem & videns, illam tam deformem fieri, ut nemo mortuum cognosceret, quem vivum cognoverat & amaverat, cogitabat, eandem mutationem esse in interioribus, quam in exterioribus; concludebat inde, ut veram faciei humanae fabricam cognosceret, sibi opus esse quadam materia, per quam facies repraesentari posset, ut erat in vita; hinc cogitavit de injicienda materia molli & fluida, sed quae simul debet esse consistens & colorata, & invenit materiam suam ceraceam rubram, per quam faciem hominis mortui fecit apparere instar vivi, eodemque experimento in aliis etiam membranarum vasa ostensa fuerunt. Homo vivus, torosus, genas habet, propter vasa distenta ruberrimas; mortuus habet genas gelidissimas & pallidissimas; ars injectoria post mortem ostendens, quod pulchrum erat in homine vivo, imitatur naturam, & defectum supplet. Hac ratione multae membranae sensibus nostris apparent vasculosae: Conspicitur hoc, e. g., in membrana hepar succingente; haec per statum separata apparet tenuis, subtilissima, pellucida; post injectionem vero videtur tota vasculosa, nullo puncto excepto. V. RUYSCHII *Thef. Anat. X. Tab. III. Fig. 5.*

3. Sunt membranae in quibus nullus morbus, nec ulla ars vasa ostendit.

Membr.
ae non
vasculo.
sa.

dit. Talis est membrana Amnios in homine, quæ sætum, funem umbilicalem, & aquas, cavo suo contentas, includit. In ea per artem RUYSCHIANAM nulla hæcenus vasa detecta sunt. Talis est Chorion, quæ nullum etiam vas ostendit, nisi ubi placenta coheret. V. RUYSCHII *Epist. Anat. IX. pag. 9.* Has membranas tamen vasculosas esse, ex eventu apparet; hinc didicimus tantum, nullum vas distinctum sensibus nostris in iis apparere. Talis est membrana cerebri Arachnoidea, tenuis & simplicissima, qua parte proximè adjacet futuræ sagittali, in qua tamen per statum etiam apparent quasi vasa, quæ RUYSCHIIUS Pseudolymphatica vocat. Tale est corpus reticulare MALPIGHII & Cuticula. Novi, quæ inserta sunt aëtiis Societatis Britannicæ a celeberrimo Anatomico Sr. ANDRÆ, quasi vasa in Cuticula ostendisse. Sed an ille Vir hæc vasa unquam bona fide demonstraverit, dubitare liceat, quum a RUYSCHIO ad ea ostendenda provocatus sit. V. ejus *Advers. Anat. Decas 3. pag. 27.* Verum est, quod merus sanguis ruber per Epidermidem transivisse visus sit. V. in eadem *Decade pag. 13. &c.* Concludere hinc licebit, dari membranas nullas absolute solidas, sed quod tantummodo ita nobis appareant quum tamen revera constant ex vasis tam parvis, quæ nec naturaliter, nec per artem, ullum humorem coloratum admittunt.

In omnibus etiam membranis vasculosis interstitia dari, quæ non vasculosa apparent, per injectiones RUYSCHIANAS docemur. Omnes porro membranae impletæ, si vasis turgidis macerentur in aqua pura, separari possunt juxta latitudinem, & tunc inter binas lamellas separatas exhibent illa vasa, quæ antea colorata in membrana illa apparebant, unde vulgo putatur, quod vasa decurrant inter media segmenta non

vasculosa; illud autem verum tantum videtur de vasis conspicuis, nam alia visum fugientia adesse possunt. Tale quid apparet in Amnio & Chorion, casu a se mutuo separatis: morbi enim inventi sunt, ubi latex effusus separationem inter illas produxerat, unde patebat, quod inter has membranas vasa non visibilia decurrerent. Præterea debent etiam esse pertusæ, nam transmittunt per suam substantiam liquores, nutrimento sætui, in iis contento, destinatos: hinc licet & ibi vasa non videantur, per experimenta tamen certo certius demonstrantur. Hac si applicemus duræ matri, concludere licebit, quod illa etiam sit separabilis in duas lamellas, quæ in sua duplicatura vasa conspicua continent, & adesse etiam spatia intermedia, quæ vasa conspicua non habent, & tamen vasis invisibilibus replentur. Agamus nunc singulatim.

DE VASIS DURÆ MATRIS.

Hæ sunt, ut in omni parte, arteriæ, & venæ. Arteriæ duræ matris.

Arteriarum decursus per duram matrem pulchre cognoscitur partim ex ortu suo triplici, partim per sulcos cranio ab iis impressos. V. RUYSCHII *Thef. V. Tab. 11. Fig. 4.* ubi illæ arteriæ delineantur, quibus sulci exquisitè respondent.

Omnes arteriæ, ad duram matrem pertinentes, oriuntur vel a carotidibus, vel a vertebralibus, & duplici quidem ortu ex Carotidibus, simplici ex vertebralibus. Sæpius actus.

Arteria Carotis ita dicitur, quia id est caput petit, unde Latinis vocari posset Capitalis. Hæc arteria est vel externa, quamdiu per jugulum transiens vergit ad basin Calvariæ; vel interna, quando mox introibit canalem osseum, pro ea excipienda formatum. Hæc in itinere, quo basin cranii petit, emittit duos

ramus: primus est maximus, qui ex latere Carotidis oritur angulo fere recto, vergens inde oblique extrorsum & antrorsum; paululum progressus deflectit a canali, in quo decurrit Carotis interna, & reperit foramen rotundum, pone foramen illud magnum, per quod ultimus ramus quinti nervorum parvis exit, & tunc applicans se basi cranii, insinuat se in duram matrem, retinens membranas suas crassas. Patet inde, quod ramus, qui sanguinem debebat dare duræ matri, non derivetur ex Carotide interna, nam hæc deponit membranas suas crassas; sed illæ arteriæ, quæ ad duram matrem pertinent, retinent omnes suas membranas, ab hoc respectu etiam distinguuntur ab illis arteriis, quæ sanguinem ad cerebrum & cerebellum vehunt.

Hæc arteria, quæ hic ingreditur, recta procedit, statimque evanescit in dura matre, nam cum illa supra dictum foramen hæreat, statim ejus duplicaturam intrare potest.

Hic ramus satis magnus est, ubi ingreditur, sed dividit se in multos ramulos, qui dein occupant omnem partem duræ matris, quæ ossa bregmatica, & magnam etiam ossium frontis & occipitis partem succingit, & dispergunt se etiam per processum falciformem, ad quem nulla alia arteria pertingit, nisi ab hoc trunco. Hoc ideo notandum est, quia clari viri putant, quod ramus ex osse frontis huc veniat, quum contra os frontis arteriam accipiat ex ipsis arteriis cerebri.

Secundus ramus, qui pertinet ad duram matrem, oritur ex eadem illa arteria Carotide; nam postquam hæc arteria ramum exiguum dedit, qui pertingit ad oculum, progreditur ad os orbitæ interius: in parte tunc oculi illa, ubi apophysis lateralis ossis cuneiformis partem lateralem orbitæ osseæ facit, oritur hic ramus, qui inde procedens introrsum & de-

scendens pervenit ad posteriorem partem cristæ galli, ubi iterum ascendens duram matrem ingreditur, illique prospicit ab osse frontis & basi cranii inferiori usque ad sellam turcicam. V. RIDLEY *Anat. Cerebri* Fig. 11. Lit. i. Hic ramus a quibusdam auditoribus confunditur cum alio, qui ad cerebrum pervenit, & oritur ex carotide interna; sed ideo accuratius cognosci meretur, quia hic loci sedem videntur habere illi dolores capitis, qui ad frontem oriuntur; sed si in latere hærent, potius de primo ramo cogitandum est.

Tertius ramus oritur ex arteria vertebrali. Hæc per septem commissuras vertebrarum colli sursum vergit, insinuat se ad basin cranii, & priusquam magnum foramen ossis occipitis ingreditur, emittit ramum externum lateralem, qui progreditur ad foramen, per quod par nervorum octavum, & vena jugularis interna transeunt: & ubi eo pervenit, tum oblique antrorsum progreditur. V. RIDLEY *Anat. Cerebri* Fig. 11. Lit. k. intrans calvariam, mox pergit ad duram matrem, & distribuit suos ramos per illam ejus partem, quæ os occipitis succingit, & septum transversum inter cerebrum & cerebellum constituit; hi vero rami præcedentibus longe minores sunt.

Præter hos nulla ars vidit ullum ramum arteriosum venire ad duram matrem. Inspicite RUYSCHEI *Thef. Anat. V. Tab. 11. Fig. 4*; comparate cum cranio adulti hominis, & visuri estis, omnes illos sex ramos, ab utroque latere tres, inter se conjungi per anastomoses, & sic prospicere omnibus duræ matris partibus.

Hæc jam arteriis respondent suæ venæ, quæ omnes decurrunt juxta comites arterias, quibus semper directe apponuntur, huic artetiz in sua dialtose venas comprimunt, & contentum sanguinem propellunt versus loca ampliora; tempore vero systoles opportunitatem dant, ut venæ jam

Ex verbo-
bus illis.

Communi-
casse.

Vena du-
ra ma-
tris.

vacuæ, & a compressione liberæ sanguinem iterum recipiant, quod necessarium erat, quia venæ tunica musculari delitunt. Hæ autem venæ omnem sanguinem, quem ex arteriis recipiunt, deferunt ad illa loca, per quæ arterias ingredi dixi, quod in venis a cerebro & cerebello redeuntibus non ita obtinet.

Hic vero notandum est, quod nonnulli observaverint, inveniri homines, in quibus sanguis venosus duræ matris redit per eadem loca, ubi ingrediuntur arteriæ; quandoque tamen partem quandam sanguinis non intrare in istas venas, sed in cavitatem sinus falciformis & sinuum lateralem, adeoque hic duplicem esse sanguinis exitum.

RUYSEHIUS sæpe a me rogatus, ut finem faceret litis de itinere sanguinis per duram matrem, tandem respondit, auctores vera simul scripsisse & falsa. Magnus quippe WILLISIUS dixerat, quod sanguis, arteriis duræ matris datus, spiritibus non orbatus, recto tramite tenderet in cavum sinus longitudinalis, ibique permisceretur cum sanguine, qui ex pia matre, cerebro & cerebello redibat, adeoque spiritibus orbatus erat; & quod illud maximopere requireretur, ne sanguis in illo sinu coagularetur. Hoc receptum fuit ab omnibus Europæ Medicis, nam videbatur valde probabile, & experimentis confirmatum, nam urina tincta, per arterias duræ matris injecta, exonerabat se in sinus. VIEUSSENSIUS, rem proprius examinans, sententiam WILLISII adstruxit.

RUYSEHIUS vero per injectiones suas detexit, repletis felicissimo successu arteriis, ad duram matrem tendentibus, impleri etiam ejusdem venas. Notavit materiam ceraceam, dum in arteriis hæret, uniformiter cohæere; ubi vero ex ultima arteriæ extremitate venit in venas, tum vacillare quasi nec continuatam effluere, quia venæ continuo latiores

sunt, unde materies ceracea semper in venis quasi intercepta reperitur. Invenit quidem, ceram sæpe venire in sinum longitudinalem, sed tunc semper effluere ex venis duræ matris, non ex arteriis; & ceram etiam semper colore orbam, & sepe albam esse reditam.

Concludimus inde, sanguinem, qui adfertur per arterias duræ matris, pervenire quidem ad sinum longitudinalem, sed tunc semper prius venosum esse factum. Confirmantur hæc ex iis, quæ videri possunt apud RUYSEHIUM *Thef. Anat. VII. N. H.*

Attendamus nunc ad arterias, quæ per sex ramos ex triplici origine ferunt sanguinem ad duram matrem, ita ut ne unica quidem ejus gutta ad cerebrum vel cerebellum perveniat. Omnes hæ arteriæ servant suam membranam crassam & musculosam in toto decursu per duram matrem. Novistis, Aortam, ubi ex corde sinistro exit, accipere tunicam tenuissimam a membrana, cor investiente; sed non potest ulterius per corpus distribui, nisi transeat per pericardium: deprehendunt autem Anatomici, membranas non perforari ab ullo vase, eas vero extendi supra vas transmissum; ergo hinc oritur altera arteriæ tunica, priori incumbens: inter has duas membranas decurrunt rami arteriæ coronariæ, qui distribuuntur supra totum corpus arteriæ a corde usque ad omnes partes externas. Hæ arteriæ sunt semper in diastole, quando cor est contractum, ergo non implentur ab Aorta, sed ab arteriis coronariis, & quidem eo tempore, quo arteria se submittit, quia tunc arteriæ, inter membranas disseminatæ, minus premuntur; momento post ab expansa arteria comprimuntur, hinc propter alternam pressionem & relaxationem sanguis facillime per eas moveri potest. His accedit tertia membrana, quæ proprie arteriarum substantiam constituit, nimirum muscularis, & hujus respectu

Confide-
ratio Ar-
teriæ.

Curfus
Sanguinis
per eas.

ar-

arteria vocari potest tubus musculosus, fibris longitudinalibus & orbicularibus præditus. Omnes nunc arteriæ in toto corpore, ubi sanguinem ad locum destinatum deduxerunt, in ingressu illius loci deponunt omnem substantiam musculosam, & non evadunt simplices, tenues, & non elastici canales: hoc in jecore, liene, renibus, ossibus, cerebro &c. ita obtinet; arteriæ vero, quæ ad duram matrem perveniunt, crassas suas tunicas retinent; debent ergo habere systolen & diastolen, id est, debent posse contrahi juxta longitudinem & latitudinem, donec perveniant ad summam arctitudinem, quæ summæ contractioni respondet: debet etiam earum capacitas posse repleri, & eo usque dilatarari, ut fibræ amplius distendi nequeant, & tunc vis elastica arteriæ ad minimum redacta est; simulac vero causæ distendentes incipiunt minui, elasticitas incipit reagere, causamque distendentem expellere; hinc fit alterna systole & diastole, quæ ultima præternaturalis est arteriæ, & pendet a corde, quod semper tantum ejicit, quantum arteriæ admittunt; & quo arteriæ dilationis plus resistunt, eo magis se contrahunt, simulac definit causa distendens: ergo simulac vis resistens est ablata, arteria manebit impleta & distenta, sive cor agat, sive non.

Quæritur magnopere, quisnam motus sit contentorum intracraniorum? Clarus RIDLEY vidit, si vivo animali cranium longa plaga perterebratur, & ossiculum peterebratum sollicitè aufertur, ne partes internæ lædantur, quod tunc ad singulos cordis ictus magna fiat expansio in superficie illius duræ matris. Hanc vero pendere a systole & diastole arteriarum, patet ex sulcis, durissimo ossi cranii insculptis, quæ tam profundæ sunt, ut dimidiam ad minimum harum arteriarum partem intra se locare possint, hinc decurrunt

eodem modo, & ostendunt eosdem ramos, quam arteriæ. Potestis hinc etiam colligere, hanc systolen & diastolen in his arteriis non esse parvam, quoniam tantum effectum facit. Factor, sunt clari viri, qui putant, hos sulcos insculpi, quum cranium adhuc molle est, hinc minime resistit, adeoque illos arteriis non posse attribui: hoc vero, pace eorum, non credo, nam hi sulci tempore infantie respondent magnitudini, quam arteriæ tuoc temporis habent; hinc quoniam in homine viginti quinque annorum sunt tam magni, quam arteriæ in eadem ætate, & in infante unius anni etiam sunt tam parvi, quam arteriæ eodem tempore; hinc, inquam, mihi videtur, illos sulcos non natos esse, quum hæ partes adhuc erant flexiles, sed illos omni tempore & eodem modo crescere cum arteriis. Concludo ergo, hanc systolen & diastolen in systemate arterioso duræ matris esse ingentem, & quidem maximam ad loca cordi proxima, id est, in parte inferna cranii ad sex illa loca, ubi arteriæ ingrediuntur, & ubi minimum est cerebri; quæ dein sensim decrescunt, donec perveniant ad summam materiam cranii: nam cum omnis arteria maximam systolen & diastolen habeat, ubi cordi proxima est, ergo in inferiori cranii parte maxima erit; sed ibi sunt illæ asperitates scrupæ & sinus, in quos cerebrum se non infinuat, adeoque hic motus propriæ ad cerebrum non pertinet; nam si effectum haberet in cerebro, videretur maximus debere esse, ubi cerebrum maximum est, id est, in parte cranii superiori, quod tamen non ita obtinet.

Erge aliquid quid: nempe, Venæ duræ matris decurrunt eodem modo ut arteriæ, eoque maximæ sunt, ubi egrediuntur ex cranio juxta ingredientes arterias, quas in omni suo decursu sequuntur; ergo quando arteriæ se contrahunt, laxantur venæ.

An ab his
pendet motus
in matre?

Et an
hanc?

næ; & vicissim; arteriis dilatatis, comprimuntur venæ; hinc colligimus, systolen & diastolen arteriarum a natura etiam insitutam esse, ad sanguinem venosum promovendum, qui ex se parvam tantum vim progressivam habet.

Hoc moniti, pergamus. In singulis cordis ictibus dilatatur systema arteriosum duræ matris, hinc capacitas cranii tantum minuitur, quantum dilatantur arteriæ. Ponamus drachmas duas sanguinis cranii ingredi; concipiamus, quantum spatium hæc comprehendant; ergo quo tempore cor se contrahit, arteriæ duræ matris tanto pleniores sunt, quam in earum systole, & capacitas cranii debet ea ratione minui, ut sufficiens locus sit pro capiendis duabus drachmis; atqui cranium semper plenum est, nam si olla cranii ab Anatomico removeatur, numquam iterum potest imponi, quia Encephalum se semper expandit, quod certum exhibet documentum, contenta cranii potius comprimi, quam quod ullum in eo detur vacuum. Concludimus inde, quod in singula impletione systematis arteriosi duræ matris, concava ejus superficies necessario debeat premere convexam cerebri superficiem, ergo hic semper erit alterna compressio & relaxatio, quæ quoniam distribuatur per totam superficiem, in singulis locis non potest esse valde magna. Vidimus autem, maximam vim exerceri illis locis, ubi venæ sunt; hæc vero momento antequam dilatentur arteriæ, sanguine plene sunt, hinc cum dilatatio arteriarum fit, pressio determinatur in venas, nec cerebrum inde potest mutari, nisi a parva illa pressione, quæ superest, postquam venæ jam sunt evacuatæ.

In septo transverso & processu saliciformi etiam venæ sunt, sed quum vis arteriarum, quæ hic minimæ sunt, non sufficit evacuandis venis, constructi sunt duo sinus, qui om-

nem sanguinem venosum horum processuum excipiunt, unde immediate deducitur in venam jugularem.

Circa Cerebellum vix ullæ arteriæ majores apparent, quoniam hic ne minima quidem debeat fieri perturbatio. Colligamus ergo ex omnibus, quæ huc usque consideravimus, quod nil musculosi nobis hætenus in dura matre occurrit, nisi in solis arteriis; illæ vero omnes terminantur in ipsa dura matre, nec ullus ramus unquam pertingit ad suppositam piam matrem vel tunicam Arachnoideam, multo minus ad cerebrum vel cerebellum.

Consideremus nunc exitum illarum sex arteriarum, quæ duræ matri propriæ sunt; desinunt illæ in tomentosam subtilitatem. RUYSCHIVS sæpe dixit, & scripsit etiam, quod nil difficilius esset, quam replere vasa arteriosa duræ matris ad ultima usque; hoc vero si succederet, tunc duram matrem impletam invenit adeo rubram, ut nullum spatium fere a vasis liberum superesset, & nisi inungatur oleo Terebinthinæ, & per microscopium ad lucem conspiciatur, vasa vix distincta appareant, sed tunc etiam simul tomentum videri potest: id est, quum vasa sunt tam subtilia, ut membranae eorum præ tenuitate fere evanescent, & se mutuo contingant, tunc quasi halitus roriferus materiæ ceracæ effusus conspicitur, quod ideo fit, quia substantia vasorum repletorum respectu materiæ replentis fit quasi nulla. Hoc etiam in dura matre apparet, unde vasa tenerissima hic adsunt.

Quæsitum etiam fuit, an hic essent vasa lymphatica, & de hac relites natæ sunt inter summos Anatomicos; scitis vero ex RUYSCHIANIS, quod ubicumque arteria rubra in venam rubram definit, ibi cera in venas transfundatur, sed ubi arteriæ serosæ laterales sunt, cera non transeat in venas serosas, adeoque cum

Et io ec.
rebello.

Exitus ar.
teriarum
duræ ma-
tris.

Quid fiat
in proces-
sibus du-
re ma-
tris?

cera

cera in nostro casu non transit, vasa lateraliter adesse debent. Præterea cum dura mater a minimo spatio sensim excrefcit, certum est, eam debere nutriri omnium generum vasis.

Transitus
arteriarum in
diploem.

Sequitur nunc consideratio harum arteriarum, quatenus cranio prospiciunt; hæ enim ex dura matre egrediuntur, nam nullum vel minimum spatium est, ubi cranii interna superficies libera est a dura matre; sed in parte media inter cavam cranii & convexam duræ matris superficiem, nulla vasa sunt, ergo vasa, quæ cranium intrant, oriuntur a duræ matre; hæc autem cum præter sex arterias memoratas nullas alias habeat, ergo harum rami esse debent. Novissimis, cranium exterius ramos accipere ex carotide externa, qui pericranium ornant, & terminantur in diploe; eodem modo arteriæ, quæ a dura matre oriuntur, in diploe terminantur, hinc diploe ab utraque parte vasa accipit.

Revocate nunc in memoriam; quod dura mater constet duabus lamellis; harum exterior, cranio contigua, non admodum crassa est; interior vero, encéphalon spectans, satis fortis & fibrosa est, unde ab auctoribus recentioribus pro musculo habetur: hæ vero fibræ vix apparent nisi post macerationem, suntque maxime conspicuæ, ubi venæ majores adsunt: præterea, exterior lamella duræ matris, ubi processus suos format, longe crassior est, quam ubi cranio applicatur; didicistis vero, omnes arterias distribui inter duas lamellas; videtur hinc, quod lamella, quæ spectat cranium, vix ullam debeat habere crassitiem, quia nullus metus erat, ne vasa ibi rumperebantur, quoniam sustinentur a cranio: sed interior lamella incumbit molli cortici, hinc ibi metus erat maximus, ne arteriæ propter impetum rumperentur, aneurysmaticæ fierent; inservit ergo omne robur du-

ræ matris, ut systema ejus arteriosum sustineri possit.

Videte nunc: arteriolarum duræ matris tenues, emergentes ex superficie ejus, cranio applicata, recipiuntur a poris, in superficie interiori ossis cranii insculptis, ita ut vix punctum sit, ubi hæ arteriæ non ingrediuntur; hæ vero quum sanguinem satis magna vi huc ferant, lamella, encéphalon spectans, dura & resistens, veri muscoli vice fungitur, adigens sanguinem intra poros cranii. Miramini sapientiam summi Opificis; nempe, ut sanguis posset propelli in loca maxime resistentia, vasa non debuerunt esse mollia, sed fortia; atque non indigebant illa vi intra ipsam ossium substantiam, hinc omnes arteriæ duræ matris, quæ cranium ossium ingrediuntur, deponunt suam crassam tunicam, sed lamella duræ matris, cortici cerebri accumbens, facta est elastica, ut sanguinem propellere queat: si ergo clari Viri urgere, quod dura mater vi musculari prædita sit, possumus hoc eadem concedere quatenus agit in suas arterias, minime vero, quatenus agit in subjectum cerebrum.

Numquam neglexi occasionem hanc rem accuratius inquirendi; & Nosocomium publicum hanc opportunitatem mihi dedit. Juvenis & robusta puella moriebatur vera Phrenitide, ejusque cadaver coram auditoribus, paucis post mortem horis, aperui. Quando olla cranii erat ablata a subiecta dura matre, in tota ejus superficie, qua cranium spectat, non inveni ullum punctum, microscopio distinguendum, ubi non erat guttula sanguinis rubri, & cava olla cranii ablata etiam non exhibebat ullum punctum, quod non ostendebat talem guttulam sanguinis, respondentem guttulae, in superficie duræ matris visibili.

2. Hinc ergo manifestissime patebat, quod per infertionem harum arteriarum commercium sit inter du-

Hæc res
propius
demon-
stratur.

ræ matris convexam, & concavam cranii offeï superficiem: sed apparet præterea in hoc cadavere, quod venæ in dura matre etiam essent repletæ, & quod æque sit commercium inter vasa venosa duræ matris & cranii, quam inter arteriosa hinc tota superficies interior cranii tam firmiter adhæret convexæ duræ matri, ut sit quasi unum corpus; & falsum est, quod nonnulli affirmant, duram matrem cranio tantum necesse ad sinus & processus, sed non ad ossa Bregmatis, aut alibi. 2. Rurſus etiam, quando vasa capitis feliciter injecerat, vidit, quom cranium auferret, ceracea filamenta ex dura matre pervenire ad ossæam substantiam cranii. 3. Quando cranium externum ita concutitur, ut vasa hæc, ex dura matre in cranium pergentia, rumpantur, nullum punctum invenitur in fronte, bregmate, vel occipite, ex quo Chirurgi non observant, tali in casu sanguinem purum exivisse. Hoc tamen nunquam visum est in vasis interioribus duræ matris, quia hæc crassissimis membranis sunt præditæ. Observatum etiam fuit in suspensis, vasa hæc raro vel nunquam esse rupta. Maxima nunc insertio arteriarum est ad locum diploes, & Chirurgi observant, ibi plurimum sanguinis in concussionibus effundi. Hæc arteriæ nunc semper ad locum ingressus sunt maximæ, & sunt minores pro ratione distantie majoris. Usus autem harum arteriarum est, ut hæc ossa nutriant, augeant, vel consolident, & medullam etiam conficiant, quæ in diploe omnium ossium cranii reperitur. Ab exteriori etiam parte cranii æque ingrediuntur arteriæ, quam ab interiori, nam si tantum venirent ex dura matre, tunc totum cranium extrorsum excresceret, nunc vero servatur æqualitas.

DE MORBIS CAPITIS AB ARTERIIS DURÆ MATRIS.

Hi sollicite sunt distinguendi ab aliis morbis, qui oriuntur a vitiis nervorum, differantque etiam ratione loci, nam possunt fieri in dura matre ipsa; in osse, quod arterias ex eo recipit, & in diploe intermedia.

Omnis ergo morbus, qui unquam observatus fuit arteriæ proprius esse, in dura matre etiam locum habere potest.

Omnis talis morbus parit effectus, ab illo morbo pendentes, hinc omnia symptomata, quæ unquam morbos arteriarum sequuntur, in dura matre etiam obtinent.

Ergo potest hic oriri omne Inflammationum genus, sive per transitum sanguinis rubri in dilatatos ramos arteriosos laterales minimos, sive per impedimentum in ipso canali ortum, quo prohibetur sanguinem suum transmittere in venas.

Hujus nunc potest fieri Resolutio. Si in initio febrium ardentium, quando summus dolor capitis adest, copia & impetus sanguinis minuantur, & diluentia exhibeantur, hæc sperari potest.

Vel etiam potest fieri Suppuratio, id est destructio & abscissio ultimarum extremitatum arteriosarum, quæ prius obturatæ erant: scilicet inventi sunt sæpius morbi mirabiles post dolores capitis enormes, qui ab omnibus adscribebantur cerebro. Cranium post mortem aperto, inventa fuit dura mater fere consumpta ab ingenti Apostemate, hoc dum increviscit, comprimitur cortex & medulla cerebri, archabitur cavitas cranii, omnesque functiones impediuntur, quæ a parte compressa pendebant. V. G. Vix major est arteria in dura matre, quam ad illum locum, ubi nervus septimi paris, sive auditorii.

Inflam-
matio.

Quæ po-
tèst resol-
vi.

Vel sup-
puratio.

toribus ingreditur sinum ossis petrosi: hinc sæpe oriuntur surditates incurabiles post magnos capitis dolores, in morbis acutis perpeffos; tunc enim ibi adfuit inflammatio cum tinnitu aurium, quæ abiit in suppurationem; nam postea aliquando sponte facta excretionem puris, restituitur auditus, unde patet nervum fuisse illæsum. Si forte pus propagetur, potest hic fieri omne morborum genus.

Vel abire
in gan-
gramm.

Potest hic etiam oriri Gangræna. HIPPOCRATES jam scripsit de sphacelo cerebri, & concipere facile possumus, post diras inflammationes materiam morbi æque posse corrumpi in ichorem gangranosum, quam in aliis inflammatis partibus, sed tunc subito sequetur mors.

Vel in
scirrhos.

Verum hic etiam potest oriri tumor duriusculus & scirrhoideus. Scilicet, observamus in aliis membranis, post Inflammationes lentas vel nimis cito exsiccatas similes tumores relinqui. Vesicam urinariam a calculo digitum transversum crassam describit RUYSCHIUS, *Obs. LXXXIX.* Aliæ membranæ contractiles possunt reduci ad tantam duritiem, ut non amplius contrahi vel distendi possint. Hos morbos refero ad scirrhos, qui etiam possunt fieri in dura matre, & ex hac causa omne morborum chronicorum genus potest produci, qui hoc commune habent, quod cerebri functiones lædant, & hinc etiam cerebro imputati sunt.

Vulnera.

Huc etiam refero vulnera, & inde natas ecchymoses inter duram matrem & cranium. Omnes morbi, inde nati, cerebrum per se non læsum, imprimis lædunt compressione externa, unde porro ejus functiones læduntur. Vidimus, quod dura mater in parte cranio contigua arteriolas habeat tam tenues, ut statim fere dirumpi possint, hinc ibi facillime ecchymosis fieri possunt: nec etiam tantum effundi potest sanguis ruber, sed etiam serum & lym-

pha; nam ubicumque est arteria rubra, adfunt etiam serosæ, lymphaticæ, & omnes series minores ad ultimas usque. Quicumque nunc liquor effundatur, dura mater eo loco secedit a suo cranio; & sæpe etiam talis separatio inventa est, vix apparente ullo liquore, qui jam exsiccat & diffusus erat, sed tunc morbus diu duraverat vel calidissimus fuerat. Hos vero humores extra vasa sua effusos, brevi debere corrumpi, per se patet. Similis Ecchymosis potest etiam fieri intra duram & piam matrem: talis vero rarior est, & vix fieri posse videtur, nisi postquam vulnus per duram matrem penetraret usque ad illam ejus superficiem, quæ piæ matri accumbit. Fateor, quod hic sæpe sanguis effusus inventus sit; ille vero videtur profuere vel ex sinibus disruptis, vel ex venis, ad sinus tendentibus. Observat RHEZIUS, raro inveniri hominem suspensum, quin semper sanguis effusus sit supra cerebri superficiem; eumque fluere ex parvis venis, quæ se in sinus evacuare solebant; illi vero patent in venas jugulares, hinc iis compressis, quum arteriæ maneat integræ, venæ minores facile poterunt rumpi.

Contusiones, vel validæ concussio-
nes cranii, multa etiam mala facere
possunt. Os enim est pars corporis
valde elastica, & utcumque flexilis; hinc magna ossis concussio semper mutat illius figuram; os potest manere integrum, sed premitur introrsum: desinente causa concutiente restituit se quidem in pristinam figuram, sed tamen arteriæ tenuissimæ, ex dura matre in os immissæ, possunt ab hac causa facillime rumpi. Rarius hoc fit in osse frontis vel occipitis, quia primum est fornicatum, & alterum per magnam suam crassiciem sustinetur; sed caput nostrum planius est in Bregmate: hinc figura ejus ibi facilius potest mutari: in centro vero Bregmatia mul-

Contusio-
nes.

multæ cryptæ cavernosæ sunt, & ibi loci imprimis arteriæ ingrediuntur: si ergo ad illum locum oritur concussio, frequens etiam est ecchymosis, unde periti Chirurgi hic plerumque trepanum applicant. Morbi inde nati necessario nocent cranio, nam simulac per concussionem, rupturam, & ecchymosin commercium vasorum tollitur, debet delinere vitalis influxus, & hinc etiam multa mala fiunt.

Oriuntur hic sæpe, inprimis in Lue Venerea, terribiles dolores, quasi ossa dissilirent, illique ab affecta diploe pendere videntur; possunt illi etiam fieri in aliis morbis chronicis, in quibus vitiatas sanguis defertur ad diploen.

Frequenter autem oriuntur a plethora, sive abundantia boni liquiditatis: hæc nullam partem plus afficit, quam Encephalon, quod totum cranium adeo implet, & ab eo ita coercetur, ut credere non possit unde omnis impetus Plethoræ capiti nocet: quod si impetus sanguinis nimis moti rarefactionem faciat, idem fit, ac si plethora adefset; hinc debet fieri necessario dilatio artierum & venarum; sed venæ omnes, exceptis iis, quæ ad sinus decurrunt, comites habent suas arterias, unde se invicem comprimendo sanguinis motum possunt impedire, & hinc inflammatio oriri potest. Attendamus ad hominem suspensum, uno momento videmus, faciem purpuream fieri; lacrymas, salivam, mucum prodire: hic autem nihil mali est, nisi sola compressio venarum, nam arteriæ vertebrales penitus non, & carotides valde difficulter possunt comprimi. Si tales homines ante mortem casu fortuito liberati fuerint narraverunt postea, se simulac constringeretur laqueus, primo vidisse lucem, mox tenebras, denique nihil; quod procul dubio inde fiet, quin arteriæ in retina subito distentæ nervum opticum concutiunt, hinc

quasi flammam ante oculos repræsentant; mox vero venis penitus compressis nihil amplius videri vel sentiri potest. Si jam ponamus, loco funis tantam fieri artierum dilationem a quocunque causa, ut venæ comprimantur, similia symptomata fiunt.

Ex hac nunc plethora videntur oriri dolores illi molestissimi, Apoplexiam sæpe prænunciantes, qui proprie Cephalici dicuntur. Novit illis, hunc morbum æstivo tempore post maiorem corporis motum vel animi affectum plethoricis esse frequentissimum. Cogitate arterias duræ matris cranium ingredi per illa parva foramina, in quibus simul adsunt venæ; hinc quo magis illæ arteriæ expandantur, venæ eo magis debent comprimi; ergo impeditur effluxus sanguinis venosi ex cranio, unde primo dura mater, dein etiam partes interiores patientur. Concipitis facile, omnem illum sanguinem, qui per venas reduces evacuari non potest, arterias duræ matris necessario dilatare; hinc compressionem illam in toto systemate venoso continuo augeri; quibus, sequetur dolor inhumanus, ruptura vasorum, suffocatio circulationis, error loci, & omne inflammationum genus: atqui in dura matre sunt vasa omnium serierum usque ad minimas, hinc ab impedita circulatione facile ex vasis minimis potest fieri extravasatio illius liquiditatis, quod HIPPOCRATES in sanis vocavit spiritum, in ægrotis ichorem.

Ex hac causa oriri poterit separatio duræ matris ab ipso cranio. Unicum hujus rei exemplum adduxisse sufficiet. Juvenis, recte se habens, tumma cum contentione studiis incumbens, post nimias meditationes æstivo tempore incidit in febrem ardentem; accedit atrocissimus capitis dolor, nulli remedio cedens, dein terribiles spasmi, tandem miser homo moritur: cranio post mortem

Cephalalgia.

Separatio duræ matris.

tem aperto invenitur ingens cavitas inter illud & duram matrem; æque facta erat ex dura matre, ex figura convexa pressa in concavam, quæque cerebrum etiam ita intriorum prefferat, ut cranio ablato manerit fossa ingens. V. PACHIONI *Epist. Anatom. pag. 94. (*)*.

Hunc casum adducit clarus vir, ad demonstrandum, fibras duræ matris gaudere vi musculari, quæ ex arcuata superficie se contrahere possunt in magis planam. Si quid veri hic video, summi dolores videntur originem habere a distensione vasorum duræ matris per magnum sanguinis impetum; ipsi vero a tanta eorum compressione, ut ipsa medulla inde pati potuerit. An vero separatio duræ matris facta est per spasmodum? non credo: nam si leges contractionis fibræ curvæ applicemus duræ matri, facile patebit quod per spasmodum non possit recedere intriorum, ut faciat fossam curvam, sed quod inde tantum plana fieri queat: videtur autem, quod figura ejus concava pressioni cujusdam liquidi originem debeat; & probabile est, effusum hic fuisse quandam humorem, qui resorberi non potens, & per calorem rarefactus, duram matrem eo usque a cranio separare potuit. Intelligitis, hinc fieri posse omne morborum genus, nam quia cranium semper plenum est, non potest fieri humorum effusio, quin prematur cerebrum; & quia hic multa vasa rumpuntur, gangræna etiam metucunda est.

Hinc dari potest ratio dicti illius HIPPOCRATICI, quod æger a summis & repentinis capitis doloribus voce destitutus moriatur intra triduum. Vidi hujus rei notabile exemplum in hac urbe in homine quodam Theologo, qui sedens inter

amicos, & optime se habens, subito conquerebatur de inmani capitis dolore; & parvo tantum elapso tempore incidit in Apoplexiam, intra triduum lethalem. Pono, hic factum esse impedimentum quoddam in cursu sanguinis venosi, a cerebro redeuntis: ab hac causa potest uno momento insignis tumor & dolor fieri; nam quando venæ se non evacuant, sanguis arteriosus tanto majori vi urget cerebrum, & vasa distenduntur, quibus ruptis illico fit Apoplexia. Hoc pater in suspensis, nam vasa intracranium æque distenduntur, quam extra illud. Videmus etiam, quod homines, qui caput suum deorsum inclinant, illico lacrymantur, faciem tumidam & lividam, oculisque turgidos habeant. In hoc casu sanguis impeditur effluere ex cerebro, & contra majori copia eo adfluit. Videtis ergo facile, quod si tale impedimentum sanguinis venosi pergat, inde fieri possit omnium sensuum & motuum muscularium abolitio, nullo tamen nervo læso.

DE VENIS DURÆ MATRIS, ET MORBIS AB IIS PENDENTIBUS.

Hæ venæ sanguinem accipiunt ^{Venæ duræ matris.} ab ejus arteriis, quemadmodum clarus RUYSCHIUS perinjectiones suas demonstravit. Sanguis venosus a diploe cranii etiam redit in venas duræ matris. Hæ venæ egrediuntur ex cranio per eadem foramina, per quæ arteriæ ingressæ erant. Venæ, quæ hærent a Bregmate usque ad falciformem processum, reducant sanguinem suum per idem foramen, per quod allatus erat. Venæ circa occiput, quæ sanguinem reducant, per arterias vertebrales allatum, terminantur vel in ve.

Apoplexiam spectans.

(*) Editio, quam citavi, impressa est Romæ Anno hujus sæculi XLI. post C. BOERHAVII mortem. Procul dubio summus vir alia usus fuit, quam non posideo. Hanc ob causam non convincunt paginae, in manuscripto citatæ. Eandem tamen observationem respici, certus sum.

venam jugularem internam, vel in sinum venosum vertebralem. Omnis sanguis venosus, qui redit a processu falciformi, evacuat se in duas venas circa sinum longitudinalem, quæ sanguinem suum deferunt partim in hunc sinum, partim in torcular Herophili. Hinc sanguis venosus duræ matris, maxima parte in venas, parva etiam in sinus exoneratur; & quum hæ venæ reduces egrediuntur per foramina ossea, varia circa has partes oriri possunt malorum genera.

Processus
falciformis.

Observavit RIDLEYUS, quod Falx, Messoria vel falciformis dicta, quæ est diaphragma inter utrosque cerebri lobos, in supremo cranio initium habens a crista galli, & finem ad torcular Herophili, perpendiculariter demissa, infima sua basi adnectatur cerebro per tenuissima ligamenta vasculosa, hinc teneat cerebrum quasi suspensum, ne mole sua medullam oblongatam subjacentem possit comprimere. Hæc apophysis plurimis arteriis indigebat, quas RUYSCHIVS per injectionem etiam in ea demonstravit; illæque recto tramite se exonerant in venas, & hæ venæ in venam majorem, quæ ad partem inferiorem hujus processus decurrit, & ubi ad torcular Herophili pervenit, se aperit in illum sinum; & præterea exonerat se in toto itinere per ramos laterales satis magnos in sinum longitudinalem: ubi falx est minima, hæ venæ etiam sunt minimæ, sed ad partem posteriorem maximæ, quia ibi ex profundissimo loco processus falciformis exsurgunt.

Ratio huius
fabri-
ca.

Videmus hinc, quare sanguis venosus duræ matris partim se exoneret in venas; partim in sinus? nam quotiescunque arteriæ sex memoratæ parvam tantum sanguinis quantitatem pacato motu deferunt ad duram matrem, ita ut dilatatio fiat parva; & venæ reduces satis magnum spatium habeant pro reducendo sanguine.

Tomo 1.

ne, illæ videntur sufficere: si vero arteriæ sic dilatentur, ut venæ sanguinem sufficienti copia transmittere nequeant, suffocatio facta fuisset, nisi venæ inter se communicarent, & præterea sanguis venosus in sinus potuisset exonerari. Dubitatis forte, an hi sinus non debeant recipere tantum sanguinis, ut sanguinem venosum cerebri admittere nequeant; credo tamen, quod propter continuum sanguinis fluxum hi sinus huic operi non sint inopares. Hanc autem fabricam revera existere per injectiones RUYSCHIANAS patuit, in quibus cera, in arterias duræ matris injecta, non tantum redit per venas, sed etiam ubique effunditur in sinum longitudinalem.

Hisce jam intellectis, possumus transire ad morbos, qui in his partibus accidunt; sed jam vidimus, quod nimia arteriarum dilatatio, & venarum compressio se mutuo semper comitentur; hisce igitur ulterius explicandis non inhærebo, sed unam observationem addam, quæ ad intelligendos capitis morbos magnum usum habet. Arteria carotis, hærens in canali osseo ramum dat, qui insinuat se in duram matrem, & dispergit se ad os frontis: quando ramus ille pervenit ad cristam galli, dat minimum ramulum, qui ad latera cristæ galli penetrat per foramen, per quod egreditur nervus opticus, & dispergitur per oculum & nasi partes interiores: videmus jam sæpe, quod ægri, morbis inflammatoriis decumbentes, in primis in principio Phrenitidis, conquerantur, bulbos oculi esse quasi compressos, graves, & dolentes; intelligitis ergo, ubi diathesis inflammatoria adest, quare hæc mala fiant & cur oborta narium hæmorrhagia sanentur.

Morbi
harum
partium.

Patet ergo ex dictis, quod omnes hi morbi male confundantur cum morbis cerebri propriis: ex illa tamen confusione magni errores orti sunt in praxi medicæ; nam quando Medici

Corollaria.

B in

in his morbis exhibent remedia antihysterica, augent malum, quod per missionem sanguinis & subductionem alvi curari debet: si quis contra pro mulieribus revera hysteris hæc evacuancia præscriberet, summopere noceret, nam illæ per spiritum antihystericum longe melius levantur. Intelligitis etiam, in quo casu juventa veteribus laudata remedia, nempe hæmorrhagia spontanea narium, vel arte facta per vapores tepidos, aquam tepidam naribus attractam, vel errhina levia; vel evacuatio sanguinis per venas jugulares, quæ directe agit in venas duræ matris. Cucurbitæ & fomenta, ad jugulum adposita, eidem scopo inserviunt, quia ab his venæ harum partium dilatantur.

DE NERVIS DURÆ MATRIS EORUMQUE MORBIS,

Nervi
duræ ma-
tris.

Dura mater præter arterias & venas habet etiam nervos per suam substantiam distributos, & quidem satis numerosos & insignes, qui omnes oriuntur ex quinto pari nervorum cerebri.

Ex quin-
to pari.

Dividitur hoc par in ramum superiorem & inferiorem; superior ramus iterum in ophthalmicum & temporale: quando superior hic ramus per magnam orbitæ rimam exit, duræ matri plurimos ramos dat, quaquaversum distributos; & a ramo inferiori huc quoque ramuli veniunt. Quum totum hoc par inserviat tantum musculis, ergo nil faciat ad peculiarem quandam sensum, sed tantum ad motum animale. Dicetis forsan, quod contribuat ad olfactum, quia nonnulli ejus rami etiam ad nares veniunt, sed quoniam hi distribuuntur ad musculos, ab iis potius actionem sternutationis pendere credo; hinc ergo illis nervis, quatenus ad duram matrem pertinent, communia tantum nervorum officia tribuere possumus. Sufficiet hæc pauca de iis di-

xisse: transeamus ergo ad considerationem morborum, qui iis accidunt.

Dolor semper debet adesse, quod Dolor ab
iis. quiescuntque horum nervorum fibrillæ in dura matre distenduntur ad dilationem usque, vel statum huic proximum; adeoque dura mater hoc respectu etiam morbos nervorum, dolorem nempe, patitur, nam ille sensus communis est omnibus nervis, a cerebro oriundis, motui etiam inservientibus; & hic morbus duræ matris etiam communis est omnibus aliis corporis partibus. Talis autem dispositio nervorum fieri potest vel per rosionem, vel per tensionem. Patebit postea, quod nervus, quo in minores fibrillas disceptus sit, eo acutius sentiat; hinc ubi nervi dispersi sunt in fibras sere invisibiles, ibi dolores sunt acutissimi & atrocissimi: & quando fibrilla minima ita extenditur, ut jamjam dissolvatur, dolor erit omnium maximus.

Rosio duræ matris fieri potest a cranio læso per gammata, exostoses, & cariem, uti in Lue Venerea: aderit tunc etiam corruptio medullæ in diploe, qui sensum faciet rodentis doloris, quasi cranium dissiliret in lamellas, nam tunc lamella cranii vitrea eoque corrupta, ut materies acris pertingat ad exteriorem duræ matris superficiem: sed de hoc mali genere nihil amplius dicam, ne a scopo nimis divagemur.

Ab eo-
rum ro-
sione.

Tensio hic potest fieri, vel a tumore osseo cranii, cui dura mater in omni puncto arcte insigitur, vel a liquore in cavo arteriarum, tunicas earum distendente. Novistis, quod Periosteum, (quale etiam est dura mater) in adultis ita extendatur supra ossa, ut nusquam minima laxitas sit; hinc simulac os incipit extendi, fibræ Periosteæ etiam distenduntur, & dolor oritur, nunquam sere desinens; eumque ab hac causa in Lue Venerea fieri certum est.

Atensio-
ne.

Scitis etiam, ultimum finem arteriarum

rum desinere fere in nervulum; hinc in omni inflammatione, id est, diffusione arteriarum a motu sanguinis impedito, momento quo incipit suppuratio, dolor summus est; sed qui obtinet in omnibus corporis arteriis a causis inflammationis communibus, unde hic loci peculiarem considerationem non meretur.

DE FABRICA MUSCULARI DURÆ MATRIS.

An convulsio.

QUæritur maxime, an a nervis per duram matrem dispersis etiam possit oriri convulsio in ipsa dura matre? ut hoc bene definiatur, velim sciatis, quod per convulsionem non intelligi contractionem spontaneam, cuiuslibet parti propriam; sed motum musculorum involuntarium cum alterna inflatione & remissione; nervi autem non convelluntur, nisi quatenus convellitur: & quia tendines a veteribus etiam vocabantur nervi, hinc dicebant, nervos in convulsione contrahi. Cæterum convulsio nervis proprie ascribi non potest. Quando ergo clari viri loquuntur de convulsione duræ matris, vellem, ut dicerent, quid per convulsionem intelligant: enim vero totum hoc negotium inde pendet, an ullus musculus sit in dura matre; respicitur quidem partium duræ matris descissarum spontanea contractio, an vero hæc est talis convulsio musculi, ut trahat suum tendinem & intumescat? Arterię duræ matris habent musculares tunicas, ergo eo sensu convulsionem pati possunt; quæ ergo hoc sensu erunt in partibus, duram matrem constituentibus; sed quis erit earum effectus? arctabunt tantum capacitatem arterię, vel minuent ejus longitudinem, hinc spatium in cranio paulo amplius reddent, & sanguis majori impetu propelleretur: sed talis convulsio non potest favere BACILLIVIO & PACHIONIO. Quæritur

autem, an præter hanc convulsionem in arteriis detur alia in ipsa musculari fabrica duræ matris? Hoc verò non potest definiri, antequam sciamus, an musculus sit in dura matre, nec ne. Convulsio enim est actio musculi violenta & præternaturalis, quæ in sanitate erat naturalis, & eadem in musculis, arbitrio nostro subjectis, quam in vitalibus: in musculo convulso idem fit quod olim, sed non fit per impetum nostri arbitrii, estque tam violenta, ut cohiberi non possit. Ut igitur hanc rem rite examinemus, nonnulla de musculis præmittenda erunt.

Omnes musculi donantur carne rubra, vel ea destituuntur; posteriores enim etiam esse musculos, insecta docent. Musculi, carne rubra donati, carnosius dicuntur: alii vero tantum habentur pro musculis, quia effectus eorum apparent, quod in intestinis demonstratum fuit. Dura mater autem nullas fibras rubras carneas habet, ut ipse oculus docet, nec apparent per microscopia. Conspecte enim, olla cranii ablata, silum duræ matris locum, ubi hæc fibræ deberent esse maximæ, id est, a principio futuræ sagittalis usque ad torcular Merophris, videbitis nihil nisi membranam cæruleascentem vel albam: neque hoc docent injectiones, quæ demonstrant, arterias hic eodem modo decurrere, ut in omnibus membranis, non, ut in musculis: ramus arteriosus, qui ad musculus deducitur solitarius, simulac eum intrat, dividitur in tot ramos, ut totus musculus fasciculus fere arteriarum appareat; sed arteriæ, quæ per duram matrem distribuuntur, docente RUYSCHO, tandem in tomentum abeunt: si ergo hic essent fibræ musculares rubræ arteriæ deberent colligi in similes fasciculos, ut in aliis musculis, etiam minimis; atqui longe aliud quid hic obinet.

Videamus ergo, an dura mater habeat musculos non rubros, sua contra-

Consideratio musculorum.

Sed qui in dura matre non adsunt.

Imo nequidem

fibra non
subra.

tractione se manifestantes, id est, qui ad certum influxum spirituum & liquidi arteriosi turgent, & paulo post se submitunt. Diceris forte, dari posse partem corporis organicam, ex diversis vasis contextis factum, cujus effectus est idem quam in dilatatione ventris & adductione tendinum, quacunque de causa hæc fiant: in hoc casu non necesse esset respicere ad sanguinem, sed tantum ad effectus, quos edunt tales muscoli.

Considerate ergo, quod muscoli non rubri cognoscantur adesse vel per aciem oculorum, vel per effectus contractionis demonstratos. Quoad primum, oculus videt in superficie duræ matris, cavum cranii spectante, & in superficie piæ matri contigua, fibras fortes, multas, majores forte quam in ventriculo vel intestinis tenuibus: sed quando & quomodo? RIDLEYUS, postquam scripserat, triplicem fibrarum ordinem esse in dura matre, & duplicem in processu falciformi, dixit, quod hæc fibræ conspici non possint in dura matre recenti & cruda, sed postquam diu in aqua ebulliente retenta fuisset. Cur autem non demonstravit has fibras in dura matre cranio adhuc adhærente? Certe tunc non apparent. Nec etiam eas ostendit PACHIONUS, qui ipse dixit, duram matrem prius debere macerari per mensem & diutius in aceto acerrimo quotidie renovato. Intelligimus inde, quomodo clari viri, qui has fibras agnoscunt, illas non possunt ostendere nisi post prægressam præparationem, an tuto liceat ita ratiocinari: in dura matre, separata a cranio, cocta & macerata, apparent illæ fibræ, ergo & antea erant, & habebant illam vim contractilem, quæ fibris attribuitur; licet in dura matre, quando injectio in ejus vasa felicissimo successu facta est, dum cranio adhuc adhæret, nullæ apparent fibræ, sed tantum vasa.

Considerate autem, quod omnis

fibra tensa, a punctis suis retinentibus soluta, brevior fiat & crispetur, & hac ratione semper magis musculoſa appareat; hoc in omnibus fibris totius corporis obtinet: quando itaque dura mater separatur a cranio, tunc fibræ ejus acquirunt aliquid, quod antea cranio affixæ non habebant, id est, sunt breviores, crassiores & rugosæ, & hac ratione musculoſæ apparent. Si quis nunc has fibras velit considerare ut musculoſas, dabo hoc ipsi, modo mihi concedat, eas in vivo homine ejusque statu naturali non ita potuisse agere. Præterea, in illa diuturna coctione & maceratione RIVLEJANA & PACHIONIANA quodlibet vas orbatus omni suo humore distendente, hinc collabitur & omni modo contrahitur: enimvero, omne vas habet magnitudinem suam ex causa intus distendente & ex vi contrahente vasi propria, quæ priori causæ contrahitur, hinc omne vas plenum est contra naturam distensum, ergo vasis contractis apparent fibræ musculoſæ, quæ antea non erant: hinc arteria, per duræ matris longitudinem decurrens, exorta ex suprema superficie processus falciformis, quandiu distenditur suo sanguine, a nemine pro fibra musculari habetur; sed quando orbatu suo sanguine, instat fibræ apparet; & quoniam dura mater ab ea sua vasa accipit, hinc per totum suum ductum apparebit fibrosa.

Debet hic certe maxime considerari, quod ipsi hi auctores non scribant se invenisse has fibras in Bregmæte vel parte inferiori duræ matris; sed omnes dicunt, eas incipere a processu falciformi, ubi sagittali suturæ committitur, & deprehendi usque ad originem suturæ lambdoideæ, ubi sinus longitudinalis & laterales concurrunt. Nempe, si concipimus, futuram sagittalem dividi in tres partes æquales, tunc fibræ, quæ
ma-

Ubi hæc
fibræ ad-
esse di-
cuntur.

xime carnosæ sunt, oriuntur in medio, & procedunt ad unum alterumve pollicem versus latera, sed inferius evanescent: variat etiam earum decursus, nam, quæ in parte anteriori sunt, procedunt retrorsum, mediæ descendunt antrosum vel recta versus latera, in parte postica progrediuntur antrosum. Plenior harum fibrarum descriptio ex RIDLEJO & PACHIANO peti potest, quam si comparetis cum iis, quæ antea dicta sunt, patebit, quod dura mater crassissima sit, & maxime adhærescat in fastigio ad futuram sagittalem; ita ut fiat quasi unum corpus; quo vero magis ad latera venit, eo minus coheret; in basi iterum crassior est, ubi arctissime cranio adhæret; ergo fibræ maxime sunt in illo loco, ubi dura mater minime se movere potest.

Vera fabrica ostenditur.

Transseo nunc ad alias fibras, quæ in dura matre notantur. Novistis, quod processus falciformis, qui in homine tam notabilis est, membranosa duræ matris duplicatura sit. Fibræ, quæ ibi inveniuntur, disponuntur inprimis supra sinum longitudinalinem, eumque ita ambiunt, ut illum possint arcuare: ergo ejus dilatationi resistunt, & sanguinem prement versus Torcular Herophili. Tertium præterea genus fibrarum est: concipite, falciformem processum decurrere per medium cerebrum, & annecti crista galli: sanguis venosus cerebri evacuat se in sinum processus falciformis: sinus ille, quo tempore pulmo difficulter sanguinem transmittit, ideoque venæ jugulares intumescunt, debet etiam turgere, & quum sit venosus, facile posset expandi, & sanguinem retineret, qui tunc polypus evaderet; hoc autem ne fiat, sinus ille ad loca, ubi debilissimus est, retinacula habet adposita, quæ unum latum ita adligant alteri, ut sinus se non patiat expandi: hæ fibræ sunt omnium fortissimæ in parte postica sinus longitudinalis, & in sinibus lateralibus;

Et usus.

sed hæc loca sunt, ubi sanguis se exonerat extra cranium: ergo omne illud conamen omnium harum fibrarum non respicit ipsum cerebrum, sed tantum sanguinem ejus venosum; superiores vero fibræ in homine, recta incedente, inserviunt, ut suspendant processum falciformem, ne dura mater in saltibus aut magnis concussionibus posset deorsum premi, & a cranio divelli, nam tunc statim compressa fuisset moles cerebri; hoc jam impeditur, quia hæ fibræ duram matrem arctissime adnectunt cranio, hinc desinunt, simulac dura mater non amplius cranio tam fortiter adhæret; inserviunt ergo tantum pro ligamentis, duram matrem necentibus; vel pro habent venarum, ubi debilissimæ sunt & facile dilatandæ.

Alia fabrica.

Quarta series fibrarum duræ matris invenitur in diaphragmate inter cerebrum & cerebellum, live in processu transverso duræ matris. Novistis, scilicet, quod cranium divisum sit in tres cameras, quarum duræ superiores, per processum falciformem distinctæ, lobos cerebri in se continent; tertia inferior, per processum transversum distincta, locando cerebello inservit. Hic processus fibras habet lazes fortes, decurrentes fere recta antrosum; hinc quando se contrahunt, proprie nil faciunt ad motum cerebri vel cerebelli, ut PACHIONUS voluit, sed tendunt quodammodo hoc diaphragma, quod ideo factum est, ut homine profliente omnis ictus elideretur in septum hoc elasticum, nec cerebellum a cerebro unquam compri possit.

Credo nunc, merito posse affirmari, quod omnes, qui præter dictum motum muscularem alium adhuc duræ matri adscribunt, & putant, eam spasmice posse contrahi a veritate alieni sint. Scribunt tamen clari Viri, quod dura mater in tota sua cavitate debeat considerari ut alterum

Enam. natur.

cor, & musculus cavus, qui cerebro circumponitur, ut pressione sua spiritus ex cerebro exprimeret, a quo motu, si regularis sit, penderet sanitas; si vero irregularis, morbi fierent. Vos, quæso, considerate, quod nulla debeat statui actio, cujus instrumenta, quæ illi actioni exercendæ idonea perhibentur, non innotescunt. Si ergo dicatur, actionem muscularem hic vel illic exerceri, & non demonstretur, ibi adesse musculum, inepta est affirmatio.

Applicate jam hoc ad duram matrem, certe nullus ibi est musculus. Concedimus quidem, in ea adesse speciem quandam fibrarum; sed illæ, ubi fortissimæ sunt, nihil aliud sunt, nisi ligamenta quædam vel retinacula, quæ duram matrem affigunt osseæ cranio; hinc dura mater harum respectu motum muscularem non potest exercere: nam in omni puncto cranio adhæret; & licet libera foret, forsitan ex figura cava posset fieri rectior: sed dum ubique adfixa est cranio, hanc actionem non potest producere; hinc ergo minime patet, duram matrem posse considerari ut musculum, cavum, qui cerebrum, & cerebellum alterno motu comprimit & laxat, quod primus statuit Majorius, qui cum videret tam mira phenomena in hypochondriacis & hysteris, putavit spasmus fieri in dura matre, cujus vi explosi spiritus tam terribiles insultus epilepticos producere possent. Hunc secutus fuit Baglivius, qui in tractatu de fibra motrice ita loquitur, quasi cerebrum aliquando sic comprimi posset, ut totum corpus inde obrigesceret. Pachtionus utcumque mitigavit hanc sententiam, dixitque, quod dura mater sit verus musculus, qui contractione sua nimia cerebri expansioni resisteret, illudque contra ita reprimeret, ut sanguis & spiritus ex eo evacuari possent. Negat nemo, quod cranio ablato &

dura mater lasa cerebrum statim excreseat; illud vero neutiquam vi musculari debet adscribi, nec in exponendis nervorum morbis ad eam provocare possumus. Patet hoc ex ipsis experimentis; sæpe enim contingit, ut in conflicibus militaribus per vulnera, contusiones, vel trepanum, homini sano pars quædam cranii auferatur, sed Chirurgi tunc semper notant, se nunquam vidisse duram matrem alterne ire vel redire. Pukhrum est Rindley experimentum in actis Britannicis; sumfit ille coram judicibus, in hac causa idoneis, canem vivum, quem ita ligavit, ut caput emineret; abstulit dein magnam partem ossis Bragmati ad illum locum, ubi in homine processus falciformis cranio adcrevit, qui cum in canibus deest, hinc sinus longitudinalis in iis decurrit prope suturam sagittalem, quem ergo quam proxime nudavit: cruore deterito apparuit quædam systole & diastole in hac dura matre, id est, illa alterne attollebatur utcumque & deprimebatur; sed hæc systole & diastole, omnibus videntibus & consentientibus, nil erat nisi pulsus arteriosus, omnibus arteriis rotius corporis, exceptis coronariis, synchronus; atque hunc motum supra agnovimus tam magnum esse, ut inde sulci cranio osseæ imprimantur; nullus autem alius motus aderat; canem sic per quadrantem horæ reliquit, sed toto illo tempore non apparuit alia contractio in dura matre; hoc animadverso partem scidit, punxit, oleo Vitrioli adrigit, eo animo, ut videret, an fieret muscularis spasmus, verum in ipsa dura matre nulla convulsio visa est; animal vero miris contortibus summum sibi infligi dolorem indicabat: hoc viso vulneravit duram matrem, quam largissimo spatio denudaverat, qua delicta, momento post pia mater & ipse cortex cerebri adscenderunt, & eminebant supra

supra vulnus : hinc videtis , quod ille motus non sit muscularis , sed a circuitu humorum dependeat ; proinde quod dura mater non premat in encephalum , nisi quod huic sua tenacitate & communi omnibus fibris contractilitate resistat. Inset hinc PACHIONUS , quod ergo dura mater vocari possit musculus cavi , resistens motui cerebri ; sed eodem jure dolium , quod liquorem fermentantem continet , etiam vocare possem musculum ; ceterum hi auctores minime demonstrant , quod affirmant . Volui hæc omnia vobis clare proponere , ut libere possitis judicare de sententia , quæ tot affectas in Europa invenit . Unum tamen adhuc superest , an nempe illa substantia , quæ facit sinus , non sit musculus ; hinc an ipsi sinus sanguinem suum vi musculari non expriment ?

An sinus
venosi
musculi-
sint ?

In libro Clari PACHIONI inventur figura , quæ sinum longitudinalem & duos laterales exhibet apertos ; in ea videmus ad partem inferiorem fibras , quæ maximæ sunt in sinibus lateralibus ; & in parte superiori ad utrumque latus grumi apparent in media substantia . Cogitate , Auditores , ad hos sinus confluerent omnem sanguinem venosum totius encephali , quem MALPIGHIUS putabat esse tertiam partem sanguinis in toto corpore ; quando autem minimum impedimentum oritur sanguini , qui est in pulmone vel vena jugulari , tunc hi sinus debent maxime impleri & dilatari ; sed simulac causa resistens oritur in corde dextro , uti fit in affectibus animi , statim tument omnes rami venæ jugularis tam internæ quam externæ ; hoc apparet in virginibus verecundis , in quibus tota facies & collum sanguine rubro suffunditur : eo igitur momento , quo hoc fit , arteriæ adferunt sanguinem , venæ non referunt , ergo hi sinus debent impleri . Notavimus jam supra ex observatione RIZELLI , quod in hominibus la-

queo suspensis semper venæ quadam rumpantur , quæ se in sinum longitudinalem evacuant , unde sanguis in iis invenitur effusus : videtis hinc facile , sinus tunc debere esse adeo repletos , ut necessario rumpantur , si fuissent æque tenues quam venæ , nam sanguis tunc in iis stagnaret : imo in summo risu , in quo sanguis etiam impeditur transire per pulmones , magna copia in his sinibus colligi debet , unde tota facies tunc etiam rubet : inveniuntur ergo in sinibus quædam retinacula , sed tantum ad illa loca , ubi sanguis ex encephalo redeunt in eos effunditur , quibus impeditur eorum expansio , & providetur , ut sanguinem continere queant .

DE CRYPTIS SINUS LONGITUDINALIS , EARUMQUE MORBIS.

Antequam hanc materiam relinquam , debeo adhuc notare , quod in sinu longitudinali , & eo quidem solo , in parte ejus anteriori & media , ad latera ponantur corpuscula numerosa , sphaerica fere vel ovalia , sed depressa , naturaliter magnitudinem minimi grani sinapis æquantia : hæc ampullulæ , vel hæc tubercula pressa sudant liquidum paucum , lentum , unctuosum : hæc tubercula , quando cerebrum hac parte male sanum est , majora reperta sunt : orti inde fuerunt quandoque tumores atheromatosi , imo scirrosi , varia materia repleti . V. WILLISIIUM de Pathologia cerebri , & de anima brutorum ; inveniatis ibi numerosa exempla encephalorum incisorum , in quibus apparuit tumor steatomatosus , melicerofus , atheromatofus , fungofus , gypseus , scirrosus , &c. in dura matre , vel prope ipsam , & maxime ad hos sinus . Illa vero corpuscula , quæ PACHIONUS in figura sua exhibet , videntur naturaliter non tam magna esse

esse, sed per macerationem talia facta fuisse.

Quæritur nunc, quis sit harum cryptarum usus? Anatome demonstrat, nullum locum esse in corpore humano, in quo magna frictio sit, quin natura ibi fecerit ampullas, unctuosos humores plenas, quem præparant & retinent, ut tempore attritus ad illum locum effundant. Videmus hoc in œsophago, ventriculo, intestinis; hinc etiam in dura matre, sed ibi nupiam nisi in cavo sinu, in quem sanguis ab opposito loco ruit: ab hoc enim sanguinis in latera sinuum impetu, sinus in decrepita ætate quandoque fit cartilagineus, imo osseus; quod ne facile heret, sollicita natura ampullas posuit, ut sinus hi possent defendi & distensiles retineri: nullum autem alium horum corpusculorum usum esse pato.

Quando nunc hæc corpuscula atheromatosa vel melicerosa sunt; maximum incommodum sinui faciunt, & evacuationem sanguinis venosi ex cerebro impediunt, hinc sunt plurimi morbi, qui cerebro & nervis falso adscribuntur, quos proinde recensere non opus est.

DE MORBIS FIBRARUM IN SINUBUS DURÆ MATRIS.

Observatum est aliquando, quod fibræ, quas in sinubus notavimus, cartilagineæ fiant vel osseæ; illudque visum fuit in longævis, hominibusque arida temperie præditis. Hoc non alia ratione hic loci contingit, quam in aliis ligamentis. Nonne mira illa series ligamentorum, quæ corpora vertebrarum inter se conjungunt, quæ in juventute tam longa & flexilia sunt, nonne hæc in senibus fiat unum os concretum, adeo ut duodecim dorsi vertebrarum tantum columnam antrorsum incurvatam efficiant? Idem quando

fit in sinubus, orientur morbi, qui nervis falso adscribuntur. V. g. in historiis epilepticorum sæpe notatum fuit, eam non aliam habuisse causam, quam quod hæc ligamenta in cadavere inventa fuerint ossæ. Novi virum amplissimum, qui moriebatur paralyticus a dolore colico prægresso; is ante mortem horrendum in modum convellebatur; inspexi cadaver cum Claro RAVIO, & invenimus in sinu longitudinali & processu falciformi ubique loca quædam indurata fuisse. Similes casus occurrunt etiam apud BONETUM, illicque nos docent, morbos hic fieri, qui nervis videntur imputandi esse, qui tamen a morbis nervorum veris sollicite distinguendi sunt.

DE DURA MATRE QUATE- NUS NERVIS INSERVIT, EJUSQUE MORBIS.

Intelleximus nunc, quid sit dura mater, quatenus cranio osseo adponitur, illicque periosseo inserviat & sustentaculum est sinuum: consideremus nunc productiones duræ matris, quæ involvunt nervorum corpora, distributa extra cranium & spinam dorsi.

Revocate in memoriam vestram, quod cranium sit compages ossæ, ex octo ossibus distinctis constata, quæ ossa singula habent propria vasa arteriosa & venosa; proprios fines; olim membranosos, postea duriores, tandem per suturas junctos: hæc futuræ, distinguentes quodlibet os ab alio, in initio fuerunt molles, sed tunc quodlibet horum ossium emittit ex centro radios osseos, quorum fines faciunt suturas: hæc compages ossæ in basi craniæ habet loca, quæ nunquam ossescunt, sed destinata sunt admittendis artibus, emittendisque venis & nervis.

Omnia cranii foramina nunquam coalescunt, sed semper manent, hinc non fuscunguntur dura matre con-

Exitus
durae ma-
tris ex
cranio.

continua; ea vero latera eorum obducit, unde nervi non transeunt per foramen osseum, sed per aperturam duræ matris; quæ ergo adplicata basi cranii, ubi egrediuntur nervi, vaginam præbet nervis; adeoque dura mater producitur in tot vaginas, quot sunt foramina, per quæ nervi egrediuntur.

Et spinæ
dorsæ.

Ubi autem dura mater pervenit ad ipsam spinam dorsæ, ibi obvolvitur omnem ejus superficiem osseam; sed ubi par nervorum exit per descendentem aperturam, producitur in vaginam, intra quam egrediens reconditur.

Nullum autem in corpore est punctum sensibile, ad quod non pervenit nervus; & dura mater nervos nunquam relinquit, nisi ubi ad loca destinata perveniunt, ut functiones suas perficiant; hinc ubi nervus, ibi etiam dura mater est.

Notandum est præterea, quod dura mater exeunt ex cranio per foramen magnum occipitale undique adplicetur lateri illius foraminis, & porrigatur in thecam vertebrarum usque ad finem ossis Coecygis; non manet autem flaccida, sed adplicatur toti superficiæ internæ illius fistulæ usque ad finem; estque una vagina, & ad singula nervorum principia vaginam porrigit.

Propagatio
ejus
per totum
corpus.

Olim in fœtu dura mater & periosteum cranii externum erat unum corpus, nam in fœtu unius vel duorum mensium totum cranium est tantum vesica membranacea; ergo tunc inter duram matrem & pericranium hæret membrana, quæ postea induratur in substantiam osseam. Nunc vero pericranium externum in parte superiori cranii eadem ratione se habet, ut dura mater in parte interna; sed ubi venit ad loca, quæ nervos & venas emittunt, vel arterias admittunt, exterius superscandit, quod CLOPTON HAVERS bene notavit, ad foramen autem ossis occipitalis cranium deserit, &

concurrit cum involucre cranii interno, sive cum dura matre, hinc inter occiput & atlantem, sive vertebra primam, fortior est membrana; dein autem lamella duræ matris secedit introrsum, externum vero pericranium extrorsum, quod tunc superscandens externam vertebrarum superficiem, sic ad omnia ossa procedit. Ergo dura mater est periosteum internum cranii & interioris thecæ vertebrarum: pericranium est periosteum externum cranii, dein vertebrarum, denique omnium ossium in toto corpore; ubi vero ossum commissuræ sunt, ligamenta non enascuntur ex dura matre, eaque etiam superscanduntur a productione pericranii, quæ omnia illa ligamenta comprehendit; & hæc ratio est, cur periosteum in omni articulo ab osse recedat. E. g. sumamus duas vertebra; junguntur illæ inter se per ligamentosam substantiam, corporibus earum interpositam; ligamenta illa autem oriuntur ex osse, non ex dura matre vel periosteo externo; illud vero superscandit ligamenta; eaque involvit, hinc illa non sunt productiones nervorum vel duræ matris. Videtis tamen facile, quam arcte inter se connectantur, nec miramini, quod multi Medici tantum regimen duræ matri adscripserint.

Ego autem sum in hac sententia; quod periosteum cranii & thecæ vertebrarum, tam internum quam externum, simul concurrant & vaginam præbeant nervis per foramina exeuntibus; nam ubi nervus, vagina duræ matris cinctus, exit & perforat periosteum externum, ab eo etiam vaginam accipit; & hæc ratio est, cur omnes nervi tam duri sint; scitis enim, nullam partem in Anatome corporis præter ossa & cartilagine cultro magis resistere, quam nervos. Hæc vero vaginæ nervos deducunt ad loca destinata, scilicet ad viscera, musculos, vel organa sensuum.

Unde
nervi
tam duri
sunt.

Omnes

Nervo.
rum in
gressus in
viscera.

Omnes nervi, qui ad viscera perveniunt, priusquam illa ingrediantur, amittunt illam duritiem, quam habuerunt ante, quia deponunt illud munimentum, quod habent a dura matre. V. g. in capsula hepatis membranosa, quæ a GLISSONIO nomen habet, nervus nondum deposuit suam tunicam, sed ubi in hepar transiit, friabilis est: patet ergo, nervos viscerum retinere munimentum suum, donec actiones suas incipiant; tunc enim omnis firmitas abest.

In mus-
culis.

Nervi tanta copia veniunt ad musculos, ut illi, quatenus musculi sunt, ex iis fere unice consistunt, sed quam friabilis est musculus! hinc nervi eo quidem deferuntur cum suis involucris, sed ubi proprie musculum constituunt, illa deponunt.

In orga-
na sen-
suam.

Denique nervi etiam tendunt ad organa sensuum. V. g. nervus auditorius, antequam pervenit ad foramen sinuosum ossis petrosi, quod intrat, involvitur dura matre; simulac vero functio ejus incipit, deponit sua involucria & fit mollis: idem verum est de nervis opticis, & olfactoriis; gustatorius nervus in lingua fit papilla mollis & friabilis: imo etiam nervi ad tactum destinati, quorum involucrium, rete Malpighianum dictum, constituere crediderunt, ubi funguntur suo munere, sunt pulposi.

Ergo nervus, quatenus nervus est, non est propago duræ matris; illa vero thecam firmam præbet, intra quam recipitur: ergo durities nil facit ad nervum, quatenus functiones suas peragat.

Arteriam
in vagina
nervo.
man.

Notamus jam primo; quod hoc involucrium externum habeat arterias; nam RUYSCHIIUS per injectiones demonstravit, quod tota dura mater, quatenus cranium investit, & periosteum internum thecæ vertebrarum facit, impletur arteriis. Quando hoc periosteum exit cum nervis; retinet illas productiones

arteriolas, quæ etiam impleri possunt; hinc facta injectione nervi superficies externa tota impleta adparet: sed pericranium externum, quatenus nervos concomitatur, etiam habet arterias; hinc omnes nervi, qui hoc munimento teguntur, etiam arterias habent: hæc autem arteriæ accuratum ordinem in suo decursu observant, & quidem alium in superficie exteriori quam interiori, suntque tam numerosæ, ut nervus post injectionem extrinsecus ruber adpareat.

Scripti jam ante aliquot annos ad clarum RUYSCHIIUM, ut nervi naturam vellet inquirere, quantum per artem suam posset. Respondit mihi ipsis his verbis: „inveni, nervos, „arte mea paratos, rubros evadere „a materia ceracea, qua impleta „sunt vasa involucri primi: addi- „dit „, plurima talia vasa imple- „ta inter ipsas nervorum fibras de- „currentia adparent „. Nervus, ut scitis, involvitur membrana exteriori: sed hac separata videmus, quod consistit ex minimis fibrillis, in unum fasciculum collectis, quæ fibrillæ iterum sunt nervi singulares, qui communi hac membrana involvuntur: detexit vero RUYSCHIIUS, quod illa vasa non tantum decurrant in superficie exteriori, sed quod etiam penetrent inter has fibrillas, adeo ut ad minimas usque distribuuntur. In impressis operibus RUYSCHIIUS videmus clarissime, quod nervi arteriis plurimis gaudent. V. ejus *Epist. probl. XII. Tab. XIII. Litt. C. D. & Thes. Anat. .I. pag. 42.* Materia nempe ceracea impellitur in ramum arteriosum majorem rubrum, quo repleto abit in ramos ejus; qui disperguntur supra superficiem externam nervorum, & hinc pergit ad vasa interiorum membranarum, includentium minores fasciculos. Minime autem affirmo, quod hæc arteriæ in statu naturali fuerint rubræ, nam injectiones RUYSCHIANÆ sæpe

sæpe adigunt materiam rubram in vasa secundi generis; dico tantum, quod hi rami ubique dispergantur per membranas nervorum; addere etiam licet, quod, ubicunque est arteria rubra, ibi exeat ramus lateralis serosus; ubicunque est ramus serosus, ibi exeat ramus lateralis lymphaticus; ubi autem hic est, ibi iterum exeat alius, subtilius liquidum vehens; hoc enim in omni alio corporis loco contingere deprehenditur: assumo igitur, omnes nervos habere arterias omnis generis, per membranas suas distributas.

Vena e. Quod cum verum sit, erunt etiam
julicm. tales venæ: nam quodlibet arteriarum genus habet venam sibi respondentem.

Et nervi. Sed erunt hic etiam nervi: scilicet, quemadmodum arteria major in sua substantia habet alias arterias minores, ita etiam membrana, quæ nervum ambit, habet alios nervos sibi proprios: vidimus enim anrea, quod dura mater a ramo nervoso quinti paris accipiat ramulos nervosos, in ea evanescentes; hæc autem dura mater omnibus nervis dat involucria, & cum iis nervos, a cerebro oriundos.

Morbi Ergo in tali nervo potest oriri dolor
vagina ingens, qui sedem tantum habet in involucriis, pulpa nervi intacta: apparuit hoc in experimento RIDLEY, supra memorato, ubi cranium ablato non convellebatur canis, sed vario suo motu dolorem predebatur, sic docens, non læsa esse interiora, sed tantum exteriora, id est, duram matrem.

Ab in. Tunica nervorum porro quum ha-
**summa- beat propriam fabricam, sive con-
tione. sideretur ut vagina totius nervi, sive ut involucrium minorum, poterit pati omnes inflammationum species, quatenus habet omnis generis arterias: hinc ergo possunt in nervis majoribus, quum adhuc sunt in suo itinere, antequam perveniant ad lo-**

ca destinata, omnes morbi oriri arteriis proprii; & quum hæc involucria etiam venas habeant, possunt pariter hic obtinere omnes morbi; venis proprii: ergo in nervis poterit fieri omne genus Phlegmones; Erysipelatis, Aneurismatis, Varietis, Concretionis, adeo ut callescat hæc membrana, & evadat cartilaginea vel ossea; poterit fieri suppuratio, scirrus, gangræna, adeo ut exterior pars separetur ab interiori intacta; poterit denique fieri Iphacelus.

Ut hæc clarius intelligantur, unicuique adducam exemplum. Observant Chirurgi periti, si in manu v. g. oriaur phlegmone ingens, (id est, tumor ruber præternaturalis cum dolore punctorio, renitentia, splendore, facile in suppurationem vel gangrænam abeuns) quod tunc tota cutis cum suppositis partibus ad duos fere digitos elevetur, quæ elevata substantia nihil aliud est, quam humor ibi retentus & incrassatus: vident etiam quandoque, quod tota pars gangrænecat, corio cutis manente integro, & tunc coacti sunt cutem perscindere, ne partes subiecta magis corrumpantur: tali in calu sæpe visus est mucus fuscus exiens, & tendo inde denudatus; huic scitis habere membranam cellulofam sibi circumpositam, quæ suppurata vel in gangrænam versa, tendo nudus est: si talis homo movet illam partem, motus tendinis ad oculum adparet, qui tendo manet quidem integer, sed duplex adest incommodum, nempe, quod si attingatur dolorem intolerabilem faciat, & quod post sanationem concrescat cum partibus vicinis, unde sequitur immobilitas.

Patet hinc, quod omnes morbi, in hoc involucrio nati, lædant tantum nervum, quatenus decurrit extra thecam crânii & medullæ spinalis.

lis, & nondum pervenit ad loca destinata, nam involucrum hoc demum accipit, quum ex cranio vel spina exit, illudque iterum depouit; ubi ad loca destinata pervenit: illæsa igitur manent encephalum, medulla spinalis, & ipsa pulpa nervi; hinc actio nervorum in visceribus, musculis, & organis sensuum manet quoque illæsa: nervus ergo potest pati omne morborum genus, origine & sine illæsis, & morbo solo tantum medio itinere. Ergo systema morborum, nervis propriorum, habet triplex territorium, vel intra cranium, vel in visceribus, vel in itinere. Posteriores hos morbos referam ad duas classes, 1. ad morbos a compressione, & 2. ad morbos ab erosione, nam de vulneribus hic non agam.

Nervus per compressionem potest lædi ab omni tumore nato in membrana externa, qui distensione sua ita mutat mollissimam nervi pulpa, ut nullus amplius ejus usus maneat. Pulcherrimum est experimentum VALSALVÆ, quo vivo cani aperitur pectus, nervus octavi paris, juxta alperam arteriam decurrens, ligatur vinculo; relinquitur ligatura per aliquod tempus, illæso nervo; vinculum dein subtiliter solvitur; animal semper moritur intra paucos dies: alio cani similiter detegitur pectus, sed nervus acutissima novacula abscinditur; oritur statim palpitatio cordis, ejusque paralytis, & animal brevi moritur. Hinc videtur, quod vinculum illud, dum adstringitur, nervum destruit, & hinc tota actio cordis, ad quod pertinet ille nervus, definit eodem modo, si in illis arteriis, quæ per involucrum nervorum decurrunt, oriatur tumor inflammatorius tam magnus, ut pulpa nervi comprima-

tur, ille etiam sit inutilis; imo si nimis diu maneat tumor, licet dein resolvatur, nervus postea inutilis manet, quia collapsorum nervorum latera ab æquabili spirituum fluxu non possunt facile dimoveri & aperiri; in hoc autem casu nil mali est, nec in fuge, nec in origine nervi. Hinc ergo potest fieri stupor, quum sanguis arteriosus influens in arterias involucrum parvum tantum tumorem facit, dein *atrophia*; hinc Paralytis primo simplex, impedito tantum motu musculari, dein exquisita cum motu & sensu abolitis; hinc tremores, si pressio est alterna: hinc etiam potest fieri concretio, & nervi concretio abolitio. Nulla pars facilius potest concrelescere quam vas minimum, liquore suo orbarum; hinc si fistula minima nervosa comprimitur, ita ut nil perfluere possit, tunc facile concrescit, & postea amplius aperiri non potest: hinc nervus aboletur, & fit quasi pars callosa; & si ille nervus functionibus vitalibus inservit, poterit inde mors fieri.

Alterum morborum genus innervis fit ab erosione, quæ longe aliter agit, quam compressio; hæc fieri potest a quacunque causa, quæ corrumpt & acredine inficit humores, contentos in vasis, quæ per involucrum exteriorum nervorum distribuuntur; nihil hætenus refert, qualis illa causa sit. Novissis, quod illa mutatio physica humorum, quæ putredo dicitur, omnes partes nostri corpora, exceptis ossibus, convertat in tale liquamen, ut in cadavere videmus, in quo sola ossa manent: hæc enim est natura putrefactionis, quæ nil aliud est, quam degeneratio omnium fere partium in sal & oleum volatile; si hæc accidat in involucro nervorum, mutatio humorum fiet in pus, ichorem, saniem, & hinc poterit fieri quæ-

A Com-
pressio-
ne.

Ab ero-
sione.

quæcumque species corruptionis; quæ in his locis primo membranam propriam consumet, dein nervum rodet, & summos facit dolores, licet nullum vitium sit in cerebro, vel in ipsa nervi pulpa. Mirantur sæpe Medici, cur nonnulli ægri diu satis summos dolores patiantur, nulla sequente paralyfi, cum tamen dolor sit phytica dispositio, tendens ad disruptionem alicujus nervi: sed in hoc casu debetis tantum distinguere, an malum sit in involucris, nam tunc fiet lenta consumtio, unde dolor summus & valde diuturnus, pulpa nervosa tamen manente salva, hinc motus & sensus, qui ab illo nervo pendent, superesse poterunt: postea vero paralyfis fit, quando malum ad pulpam pervenit.

Similes
morbi in
gangliis.

Notum est præterea, sic conditum esse nostrum corpus, ut nervi, a variis locis oriundi, & ad molles partes distribuendi, aliquando colligantur in unum centrum, & postea dispergantur quaquaversum; talis autem locus Ganglion vel nodus nervosus vocari solet: adsunt hic ergo nervi cum omnibus suis membranis, & præterea aliud quoddam corpus fungosum heterogeneæ naturæ, quod basin firmam dat concurrentibus nervis, & tunc ex hoc loco nervi iterum disperguntur ad loca destinata, & quidem eo tutius, quo firmitus in hoc loco erant colligati. Quoniam hic adsunt arteriæ & venæ, poterit hic etiam oriri tumor, qui si comprimit pulpam nervorum hic colligatorum, omnes partes subtus positæ ad functiones suas reddentur ineptæ. Similia mala sunt si contusiones vel distractiones hic contingunt.

DE MORBIS NERVORUM, A VITIO HUMORUM ORIUNDIS.

Positis fundamentis jam probatis, vidistis, omnem actionem nervorum læsam vocari morbum nervorum. Multi putant, ubicunque talis læsio accidit, causam querendam esse in vitio spirituum animalium, sive in origine prima, live in ipso nervo degenerascentium, cum tamen sæpe nihil minus verum sit.

Degeneratio humorum in inflammatione.

Consideremus simplicem inflammationem; ex illa per suppurationem fit blandissimum pus, quod stagnando tenuius factum evadit ichor flavus, & si adhuc diutius hæreat, fit sanies; si vero inflammatio non potest omnia æquabiliter consumere, tunc una pars evadit putridissima, altera manet integra, & tunc gignitur virus, quod ex se non est foedius quam pus, sed quoniam hæret in locis non æquabiliter consumptis, illud putrescens, evadit acre alkalinum erodens, quod ab auctoribus vocatur virus cancerosum. Omnia hæc mala circa nervos etiam accidere possunt.

In scorbuto.

Agnoscite omnes, credo, acrimoniam scorbuticam consistere in putrefactione quadam totius corporis manifestante se circa vasa minima nervosa & sanguinea, quæ inde eroduntur: hoc patet maxime in gingivis, & in pellicula scorbutica, etiam in ipsis ossibus; hinc sunt erosiones & ecchymoses, sætor urinæ & halitus, hæmorrhagiæ ex gingivis ad levem tantum manducationem ciborum. Hæc acrimonia sedem habens in toto sanguine, dictisque locis se manifestans, nervos etiam mire afficere potest.

In Lue Venerea.

In Lue Venerea sit etiam magna degeneratio in humoribus, non parcens ulli parti corporis, sed omnes consumens: Si malum hoc etiam ad membranas nervorum pertingit, magni morbi inde fient.

Ar-

In Ar-
thritide
& Pod-
agra,

Arthritis & Podagra videntur mihi duplici esse generis, quantum ex consideratione eorum potui discere. Una consistit forte in degeneratione spirituum animalium, eaque est rarior; alia infestat quidem nervos, sed sedem habet in eorum integumentis, eaque cum tumore & inflammatione se manifestat. Truculentissima Podagra partem afficit sine ullo colore aut tumore, sed consumit omnes nervos; altera species nunquam ram vehementer, nec tamdiu affligit.

In Rheu-
matismo.

Rheumatica materia similis est priori, sed videtur crassior. Rheumatici enim veri partem dolore excruciant, tumefaciunt, & immobilem reliquunt per totam vitam, & hoc malum etiam in nervorum integumentis hæret.

In Odo-
ntalgia.

Attendamus etiam ad Odontalgiam, quæ vulgo dicitur artis impotentiam ostendere, quoniam Medici infinita remedia adhibent, pergente interim mali atrocitas, donec dens vel eradicetur, vel sponte decidat. Scitis, quod dens sit os durissimum; crustula ejus exterior non continet ullum vas sanguiferum; totus nervus dentis non est capillum crassus, & tamen dispergitur per totum dentem: hæc crustula exterior si quacunque de causa lædatur, v. g. ab admissio frigore, enormis dolor oritur, qui tamdiu durat donec totus nervus sit destructus, tuncque dens cavernosus factus frustulatim cadit: sæpe hic morbus oritur ex diathesi scorbutica, qui in nostris regionibus humidis generatur ex vapore aquoso, qui aerem fere semper replet, per quem humores nostri facillime ad putredinem disponuntur.

Intelligitis hinc, qua ratione possint oriri morbi nervorum ex vitiosis liquidis, eaque mala videntur magis oriri vitio arteriarum, quam nervorum labe, nam illi ægri cæteris functionibus tam bene constant, quam ullus alius, etiam sanissimus.

Videtur etiam, plurimos & violentos morbos nervos posse afficere, illæsis tamen nervis & medulla, a causis nervo ipsi non propriis, sed illi extrinsecus applicatis.

DE MORBIS NERVORUM A DURA MATRE LÆSA.

Purissimi ergo nervorum morbi possunt curari remediis, quæ in nervos ipsos nihil agunt. Juvat autem hanc rem exemplis quibusdam illustrare.

Invenitur in observationibus **PLA-
TERI Lib. I. pag. 102. (Edit. 1680)** descriptio sequentis morbi. Juvenis viginti quatuor annorum corripitur capitis dolore & febre, qua cessante nihilominus manet Cephalalgia. Miser homo incipit sinistro in oculo laborare Amaurosi perfecta, quæ paulo post etiam transit ad alterum oculum; tandem post perpeffas alias miseras moritur: Capite aperto invenitur tumor strumulosus, qui nervorum opticorum exortus in cerebro incumbabat, eosque comprimebat. Hic ergo tumor oriebatur in dura matre, quatenus circumambit nervos. Quicquid hic molita fuisset medicina, frustra fuisset, nisi tumor hic auferri potuisset. In alio hoc mali genus a vesicula aquosa obortum narrat **Pavius**.

Similis casus habetur in sepulcreto **BONETTI Tomo I. pag. 123. & 435**. Vidit **DRELINCURTIVS** tumorem iteatomatis consistentia, pugnique magnitudine, cerebrum inter & cerebellum, cæcitatem primo, surditatem deinde, omnium denique sensuum & functionum animalium abolitione, & necem ipsam intulisse.

Habemus hic exempla morborum in nervis a tumore, membranz eorum exteriori adjacentie & comprimente, quorum curatio ergo non consistit in corrigendo cerebro. Consideremus nunc,

Exemplum morbo-
rum ce-
næri u-
læsis ner-
vorum in-
volacris.

nunc; quod acres putrefacti humores, hærentes in arteriis membranae exterioris, nervos possint erodere, & dolores diuturnos excitare, nam post erosam membranam primam eroditur secunda. Patet hoc in Odontalgia, in qua dolor sæpe est immanis & diuturnus, ubi causa externa calida, frigida, humida, sicca, vel dulcia nimia copia applicata, dentem erodunt, ut crusta adamantina dissiliens nervus nudetur. Si nunc nervi in aliis locis etiam denudentur, dolor fixissimus, aliaque tristissima mala fieri possunt, quæ tandem ipsum cerebrum afficiunt. Narrabo hic mirabilem casum, olim curæ meæ commissum.

Ingeniosissima matrona incidit ex æmulo, quod sæpe fit, in cancerum mammarum, qui adhuc liber erat; re perpersa suadetur extirpatio, quam sustinuit virili animo, & quæ tam feliciter absoluebatur, ut fortunatio encheiresis nunquam posset sperari. Vidit tamen Chirurgus stigma parvum in superficie musculi pectoralis, unde metuens, ne irrita foret operatio, cultro illud excidit: omnia procedunt felicissime, sed post duas septimanas subito impossibilis facta fuit maxillarum deductio; musculi temporales obrigescebant; malum pergit ad Platysma myodes, & ad reliquos totius corporis musculos; tandem matrona illa moritur tetanodes: videtis, hic nihil mali fuisse, nisi læsionem nervorum topicam quam sustinuit ægra ultra duas septimanas, quæ tunc tamen hunc tetanum potuit producere; sanguis missus fuit ad animi deliquium, diæta emollientissima fuit præscripta, sed frustra; unicus hic scalpelli ictus, lædens nervum, totum cerebrum in consensum trahit.

Vir quidam nobilis ex nimis lauta vita laborabat Phlegmone in inferioribus corporis partibus, quæ transibat in gangrænam; ab ea denu-

gina exterior ita tumebat; ut vigecuplo fere major naturali appareret; suppuratio felix separabat omne hoc tumidum specie sordium: monebam Chirurgum, tendinem hunc involutro suo esse orbatum, ut caveret illum attingere; Ille, nimis temerarius, flocculum quandam vult auferre, &prehendit fibræ tendinis, æger unicum edebat ejulatum, omnesque totius corporis muscoli obrigescebant; sed momento post malum hoc iterum cessit.

Nobilis juvenis Britannus incidit in contusionem testis, quæ dein scirrhum & cancerum contrahebat; re bene deliberata nihil consultius videbatur quam extirpatio; Chirurgus dextrissimus hanc operationem suscipit, sed se utcumque festinans, trahit paulum nudatum testem, hinc nervo etiam tracto, audivimus summum litidorem dentium, & mox æger instar statuæ obrigescebat, quæ symptomata, exsecto teste, paulo post plane cessabant.

Videtis hinc iterum sensorium commune, sive principium nervorum affici posse ab uno nervo, topicetantum læso; intelligitis etiam, his in casibus nihil molendum esse, ad mutandam cerebri vel medullæ diathesin, sed prius inquirendum esse in ipsum nervum, & semper cogitandum, an causa non hæreat in partibus majoribus, priusquam de minimis sumus solliciti.

DE MORBIS NERVORUM A VITIIS LIQUIDORUM INTER MEMBRANAS CEREBRI.

Sequitur nunc alia classis morborum neuroticorum, scilicet qui oriuntur, a causis, quæ inter duram & piam matrem accidere possunt, sive quæ sunt inter superficiem convexam cerebri, & concavam duræ matris, vel tunicæ Arachnoideæ.

Ne

Ne miremini, A. P.; me hic loqui de vacuo quodam intermedio, nam humor quidam in eo hæret, qui sæpius causa morborum existit. Juvat autem hanc rem altius repetere.

Præmit-
tatur con-
sideratio
subrice.

Novistis, quod totum Encephalon, unde omnes nervi derivantur, liberissimum sit: nec ulli corporis parti adhæreat, nisi per quatuor vasa arteriosa, per quæ accipit omnem suum sanguinem; venæ egredientes evacuant se in sinus: nervi quidem egrediuntur, sed proprie non nequeunt cerebrum cum ulla alia parte, nam libere decurrunt sub dura & pia matre. Præcipua ergo communicatio cerebri cum reliquo corpore fit per quatuor illas arterias. Verissime autem dixit SYDENHAMUS, quod intra corpus debeamus considerare aliquid reconditum, ab eo distinctum, illudque esse mere nervosum.

Ut hoc systema liberum maneret, non debuit unquam posse concresecere; hinc in omnibus observationibus vix occurrit exemplum, ubi dura & pia mater inter se concreverant. Hoc vero ut præcaveretur, requirebatur, ne unquam siccum cavum posset oriri inter superficiem concavam involucrium & convexam cerebri; hinc ut in his locis adesset humor intermedius, non concresecens, & nunquam deficiens; & hic est ille humor, qui in omni cadavere semper deprehenditur inter duram & piam matrem; atque ille æque adest in superficie inferiori & superiori, in cranio & in medulla spinali.

Liquor
inter
membra-
nas cere-
bri.

Intelligite hoc bene A. invenitis enim in experimentis pulcherrimis BRUNNERI & WEPFERI, quod liquor hic ad uncias collectus ignique expositus totus exhalaverit & speciem tantum crassamenti salini reliquerit: in sano homine cavitas inter duram & piam matrem omni vitæ momento repletur rore quodam spirituosio, qui densatus apparet spe-

cie sensibili aquæ; totum ergo systema encephali ponitur in balneo vaporis perpetuo, & ambitur mirabili hoc humore. Ille vero quia semper adest, nec unquam ullum foetorem habet, hinc debet hic loci esse circulatio perpetua; debent ergo adesse arteriæ exhalantes, quemadmodum in Epidermide, Pleura, Pericardio, tunica testium vaginali, aliisque corporis partibus etiam locum habet; debent pariter adesse venæ, quæ exhalantem humorem in se recipiunt, hinc naturaliter in sanis hominibus non apparet; si vero quacunque de causa incipit augeri, comprimet partes subiectas, earumque functiones lædet. Inde sunt infiniti & valde miri morbi, qui tamen non fiunt a cerebro.

Collectio
eius mor-
bosa.

Homo quidam plurima symptomata expertus, quæ principium nervorum graviter affectum fuisse significabant, paucis ante obitum septimanis conquestus est de Catharro, mane impetuose ad pectus ruente, & suffocationem intentante: descissa post mortem dura menynge, plurimum seri effluxit, quod inter utramque menyngeam continebatur; tota anfractuum superficies quasi gelatina operta fuit, qua cultello fasciata, aqua exstillavit; hujus seri quoque plurimum in omnibus ventriculis repertum V. BONETI *sepl. chr. Tom. I. pag. 412.*

Matrona quædam per hyemen laborabat Coryza, sive perpetuo liquidi acris exaribus stillicidio, & tussi; manifesta erant pleni capitis & catarrhi indicia; post mortem universum illius cerebrum aqua perfusum reperitur. *Ibid. pag. 411.*

MOENCHIENUS scripsit ad BARTHOLINUM, quod Cardinalis CAMILLUS MELTIUS post perpeffas aliquoties catarrhi levioris molestias aliquam capitis debilitatem advertit, quibus febris sociam se superadens quarto decimo ab invasione die septuagenarius moritur. Aperto cranio plus

plus quam libra feri tenuioris inter duram & piam matrem diffusa est. *ibid.* pag. 409.

In aliis observationibus invenitur historia hominis cujusdam hydropici, incidentis præterea in morbos capitis & generis nervosi varios, tandem catarrho suffocativo mortui; aperto capite superficies cerebri magna aquæ copia inundata reperiatur.

Mulier quædam Germana infantem parit, qui neglectus a matre incipit laborare Hydrocephalo, qui morbus ita increfcebat, ut miser infans præ tumore capitis ex cunis vix eximi potuerit; tandem moritur; aperto capite sub dura matre invenitur magna copia aquæ, quæ compressione sua ingentem encephali molem ad parvam tantum magnitudinem redegerat.

In omnibus his casibus notant Auctores, quod membranae cerebri præternaturaliter crassæ factæ fuerint.

Ex dictis hæcenus evidentissime apparet, quod liquor naturalis membranae cerebri, præter naturam auctus, producere possit hydropem, unde primo sequitur inæqualis spirituum fluxus, dein scotomix, convulsiones, paralyses, hemiplegiæ, paraplegiæ, apoplexiæ, & tandem etiam catarrhus suffocativus, si nempe aqua accumulatur circa medullam oblongatam, nullis actu corporis restituendus.

Eadem mala, quæ ab hac causa nascuntur in cerebro, possunt etiam fieri in medulla spinali, quoniam & ibi inter membranas similis liquor hæret, qui has partes tenet laxas, & a se mutuo aliquantum distantes; quem aliquando præter naturam auctum fuisse, varix observationes docent. Simile quid etiam in nervis, ab hac medulla oriundis, obtinet; ita ut etiam in his morbosæ collectiones hujus humoris fieri queant.

COITRUS dicit in suis observationibus, quod in homine quodam, qui post varia capitis mala tandem moriebatur paralyticus, invenerit totam

Tom. I.

cavitatem spinæ vertebrarum aqua limpidissima plenam.

PLATIRUS notat *Lib. I. Præceps Medicæ cap. 2.*, quod in cadaveribus hominum, qui a morbis capitis diu languidi fuerant, thecam vertebrarum sæpe invenerit aqua plenam, nervos comprimentem. Similes observationes in BONETTI sepulchreto *Tom. I. passim* occurrunt.

LOWERUS in Capite de Catarrhis (*Tract. de Cordæ*) pag. 259. hanc observationem adfert. Juvenis Studiosus, cætera sanus, sine-evidenti causa ulula, somno diuturno & tandem Lethargo correptus, subito & sere intra duas septimanas convulsus obiit; in cerebro ejus, post mortem dissecto, ventriculi aqua tumidi reperi sunt, quin & tota cerebri balis & medulla oblongata sero extravasato, & in fundum calvaria decumbenti, immersæ erant.

Hinc videris, quando morbi nervorum, capite libero manente, adsunt, quod interdum cogitandum sit de hydropi in theca vertebrarum, & quod aqua in ea non tantum copia, sed etiam acrimonia nocere possint, & tunc malum erit tanto pejus; sed plerumque moriuntur ægri, antequam morbus eo usque pervenerit.

Novisti præterea, quod nervi exeant In Nervis vel ex cranio, vel ex foraminibus inter commissuras vertebrarum, & quod plane liberi sint, antequam perveniunt ad locum, ubi egrediuntur, sed quod tunc vaginam a dura matre accipiant, quam retinent usque ad locum, ubi se musculis vel organis sensuum applicant; hæc non adhærebat nervis in medulla, sed in egressu demum adponitur; ergo vagina non nata est cum nervo, sed separabilis est a partibus subjectis. In aliis locis, ubi similis ingressus fit partis in partem, corpus admissum semper manet distinctum ab admittente, uti in vasis femoralibus & pericardio apparet; in omnibus talibus locis colligitur sæpe aqua, quod imprimis circa testes fieri notum est: hinc etiam inter tunicas nervorum effunditur humor, qui si non resorbatur, potest fieri

C

con-

In theca
vertebra-
rum;

congellio laticis aquosi, æque ac in aliis partibus, & ab hac causa integumentum exterius potest secedere, & partes interiores comprimi: hinc ergo potest oriri Paralysis, quæ ergo originem non habet in parte sentiente vel movente morbosa, sed a valis duræ matris, liquidum suum effundentibus.

Narrat WILKINSUS causam hominis, qui ruri ambulans per medios umbres propter refrigerium madidi corporis incidit in paralyfin omnium partium, quæ nervos ex medulla spinali accipiunt. Videtis hic, a prohibita perspiratione & resorbtione potuisse effundi liquidum, quod comprimebat omnes nervos. Hoc potest etiam accidere in aliis hominibus calidis, sed subito refrigeratis. Quando nunc talis colluvies aquosa semel incipit detineri, continuo augetur, quia membranz coercentes dilatatz vim suam resistentem amittunt, & tunc arteriæ effundunt quidem suos liquores, sed venæ compressæ non resorbent: ab hac causa pulpa nervorum perfecte potest destrui, nutriendi illorum facultas aboleri, motus & sensus desinere, & partes sub illo nervo arescere; hinc ergo fieri possunt tremor, stupor, immobilitas; vel a superfluitate quodammodo sensu formicationis partis generabitur, & hinc tales homines sæpe queruntur, unum membrum quasi pungi, dum alterum stupet.

Nonne ex his videtis causam phænomeni cuiusdam in Leucophlegmaticis? vires eorum hæcenus non deficiunt, dum tantum parum se movent; sed quando corpus magis incipiunt movere, vel gradus ascendunt, sentiunt pondus quoddam resistens, quod elevare nequeunt; in hoc casu omnia corporis interstitia, hinc etiam illa, quæ in nervis sunt, aqua videntur plena.

Si talis homo incipiat laborare morbis soporosis, facile possumus concludere, quod aqua in cavitare cranii inter membranas cerebri effusa sit; si vero stupor & immobilitas inprimis

observantur circa partes; quæ magnam quandam nervum accipiunt, functionibus cerebri manentibus integris, non accusabimus spiritus, sed possumus causam hujus morbi referre ad aquam, inter tunicas & pulpam nervorum hærentem.

Malo hoc cognito præscribimus ægro dietam siccam, sive ex cerealibus, sive ex animalibus, sive ex utriusque. Ex cerealibus potest sumi panis biscoctus cum paucis sale, quod simplex remedium multa operosiora superat, nam sitim non excitat, & micrifice exsiccat corpus. Reliqua cerealia vix proficua sunt, quia non ita bibula sunt, nec sponte liquefcentia. Carnes & pisces assatz videntur quidem prodesse; si vero des insulsa, æger statim abominatur; si saltem addas, sitiet; si non bibat, orietur quædam putrescentia; in omni casu nullus effectus erit, hinc cerealia præferri debent.

Maxima hic juvant exercitia, sed ægri vix possunt insinuerere; moveant tamen ægram partem omnibus, quibus pollent, viribus, & plus superabunt languorem, quam ullo alio remedio; suademus etiam, ut hæc exercitia quotidie leniter augeant; vestiones & frictiones pariter valde utiles sunt, quia faciunt, ut omnia tremant, & motum partibus quiescentibus inducunt, quem vis vitæ inducere non poterat. Balneum siccum quoque in hoc casu satis laudari nequit, quod adplicatur ad gradum caloris, sine noxa, homini tolerabilem; hinc non debet excedere nonaginta duos gradus, nam si major foret, humores facile putrescerent. Veteres adhibebant cauteria actualia vel potentialia, v. g. ferrum ignitum vel Ranunculum, vel Euphorbium; his inurit pars usque ad tunicam adiposam, eaque retinetur aperta, & quoniam hæc tunica cum toto corpore communicat, aqua inde exire poterit. Vesicantia etiam vim causticam habent, eaque parantur ex Cantharidibus; hæc exitum non tantum parant liquoribus, sed

Curtio.

Horum
morbo-
rum Dia-
gnosis.

sed nervos etiam irritant, & calorem augment. Huc etiam referuntur fonticuli & fetacea. Peregrinationes in loca calida & sicca olim jam ab HIPPOCRATE in libro de aere, locis & aquis laudatae sunt. Dantur morbi, qui nunquam curantur in hac, sed saepe in alia regione; ad hunc autem morbum, de quo agimus, curandum, regio Neapolitana, & post hanc Lusitania & Hispanica maxime prodest; in Campania balnea calida sulphurata hunc in finem exstructa habentur.

Dubii
cujusdam
solutio.

Dubitare forte quis posset, an quidem ullis constiterit exemplis, colluviem talem aquosam collectam suis se inter membranas nervorum, quoniam haec adeo inter se sunt concretæ; hæc autem res optime ex Analogia illustrari poterit. Inter Chorion & Amnion, quæ membranæ inter se etiam sunt concretissimæ, invenit RUYSCHIIUS, colligi posse medium liquorem, qui unam distinguebat ab altera. In membrana Peritonæi, ibique duplicem lamellam maxime concretam habente, JOHANNES A MEKEREN invenit plures libras aquæ collectas, quæ dissidente una lamella peritonæi extrorsum, altera introrsum pressa fuerat. Memini, aliquando ad me venisse hominem, consulendi gratia de summa visus depravatione, subito oborta; explorans morbum vidi corneam tunicam in fossulam introrsum pressam, sed totum limbum adnatæ elatum, & oculum ubique prominentem, demta cornea: In hoc casu tunica adnata separata erat a parte anteriori Sclerotica, ubi corneam facit, & videbam sub ea puram latentem aquam, quæ, superficie adnatæ aculea, libere effluxit, & morbus hac ratione sublatus fuit. Videmus saepe, quod totus oculus in ophthalmia extuberet. Idemta cornea, quia hæc tam magna vasa non accipit, ut obstructa tumorem faciant; facta autem suppuratione vel resolutione, totus tumor evanesceat. Non opus erit alios morbos recensere, qui oriuntur inter membranas concretas; sufficiet demonstravisse,

quod similes etiam inter membranas nervorum fieri possint.

DE TUNICA ARACHNOIDEA;

Consideravimus huc usque Encephalon, nullo in loco cum corpore cohaerens nisi per quatuor vasa; & dein exporrigenz nervos, per quos dominatur quasi in reliquis partibus; absolvimus horum externam vaginam, id est, duram matrem; hæc ablata sequitur membrana arachnoidea, investiens superficiem exterioriorem utriusque hemisphaerii cerebri, pergens inde ad medullam oblongatam & spinalem in theca vertebrarum, ubi est liberrima; & secundam tunicam faciens nervorum, per foramina cranii & vertebrarum excurrentium.

Anno præteriti seculi sexagesimo quinto quatuor Medici Amstelodamenses, nempe BLASIIUS SÆLIIUS, KINA, & SWAMMERDAMMUS instituere conventum in qualibet hebdomade, in qua unicuique pars quædam corporis dabatur examinanda, & in hoc conventu primo inventa fuit hæc membrana, quam alii postea sibi vindicare voluerunt. RUYSCHIIUS eam dein invenit separabilem, tela aranea longe genuiorem, hinc ab ea nomen suum accepit; constitit etiam postea, hanc occupare omnem superficiem cerebri externam, tam in anfractibus quam eminentiis; eam etiam obvolvere cerebellum, medullam oblongatam, & medullam spinalem: V. RUYSCHII Respons. ad Epist. IX. pag. 7-9. & Thef. VII. Tab. II. Fig. 2.

Quæritur nunc, quomodo hæc membrana possit apparere? dico primo, per artem; scilicet in illo loco superficie cerebri, ubi anfractus sunt, (nam eos non ingreditur, sed tantum superextenditur,) cuspidem acutissimam subtilissimæ lanceolæ, suspensa manu, fiat quasi ratio simplex, locus ille infletur tubo subtilissimo; aer tunc se insinuans non attingit piam matrem; sed separa-

C 3 bij

bit lamellam subtilissimam, pellucidissimam, statu æquabiliter assurgentem, in qua etiam per microscopium nullum vas rubrum demonstrari potest. Secundo, per naturam; nam videte loca, ubi medulla oblongata cum medulla cerebelli abeunt versus posteriora, ibi hæc membrana satis laxè adhæret, & inter hæc & piam matrem sæpe est intercapedo; si quis ergo cranium aperiat a parte posteriori, & statim immittat, hæc quaquaversum assurgit. Tertio, per morbos; nam per hydropem cerebri externum hæc membrana separatur sursum, dum interim pia mater premittitur introrsum.

Etus ne-
mus.

Membrana hæc in toto cerebro externo necitur piæ matri subjuncta; quoniam pia mater est rete vasculosum, hinc ex superficie piæ matris exhibent surculi vasculosi necitantes; Ruysschius vero, qui noluit adfirmare, hic vasa adesse, dicit hanc cohesionem fieri per fibras; quum vero hic nexus sit separabilis, comparari poterit cum epidermide totius corporis: hæc autem membrana non insinuat se cum pia matre, sed tantummodo superficiem externam cerebri obducit; videmus enim clarissime, quando status hanc membranam separat, quod tunc per totam partem gibbolam æquabiliter assurgat. Quando aer inflatus elevavit hanc membranam, & forte per factum vulnusculum egredi potest, statim invisibilis evadit; si vero aer quacumque de causa colligatur & coeat, longe plus separatur, & tunc videmus, quod dum pia mater subjectas partes arctissime coeret, hæc membrana longe laxius adcreseat. Ruysschius dicit, quod in hominibus, qui abundant humoribus, specie tunice cellulose fallat, fateturque, quod in his corporibus post inflationem similes cellulas exhibuerit, quam tunica adiposa. V. Resp. ad Epist. IX. pag. 7. g., inprimis figuram huic additam ad litteram D. & Theaur. VII. Tab. II. Fig. 2.

Fabrica.

Hæc membrana videtur nihil aliud esse, quam lamella piæ matris exterior, conflata vasculis tenuissimis, invisibilibus, pellucidissimis, textura sua rete facientibus, specie fibrarum ex pia matre exeuntibus, & collectis in hanc membranam tenuissimam, a pia matre distinctam; ergo non est habenda pro lamella quadam concreta; sed pro congerie extremitatum innumerabilium arteriarum exhalantium & venarum imbibentium, quæ quia halituosum tantum liquorem emittunt vel recipiunt, concipi possunt minimæ. Hæc ratione se habet ea parte, qua duram matrem spectat; ut vero pateat, quid sit in superficie interiori, considerandum est, quod, quando post injectionem felicissimam in vasa piæ matris factam aufertur Arachnoidea, tota superficies exterior piæ matris non sit plana, sed infinitis vasculis lanuginosis perfusa, quæ nunc disrupta antea immittebantur in Arachnoideam: patebit etiam in historia piæ matris, quod illa tota constet ex vasis, ita ut nullum in ea punctum sit, ubi non sunt vasa; videtis ergo, quod inflatione facta non integre elevetur Arachnoidea, sed per microscopium conspiciuntur milliones fibrarum ita ut aer inflatus quasi intra cellulas contineatur, & speciem bullularum non communicantium exhibeat. An ergo tunica hæc Arachnoidea nulla habet vasa? quæstio est satis subtilis, nam possumus tantum dicere, vasa adesse, quæ videmus; sed vasa non visibilia, per artem vel morbos majora facta, hinc non nova, sæpe visibilia fiunt. Malo autem hic nihil determinare, tranliturus potius ad morbos, qui in hac tunica observantur.

DE MORBIS TUNICÆ ARACHNOIDÆ.

Ad hos primo refero siccitatem, quæ dicitur adesse, quando hæc membrana nulla humiditate perfusa, adeoque contracta, & minus mobilis est. Siccitas.

est. Causa hujus potest hære in ipsa hac tunica, scilicet, quando vasa exhalantia, quæ in ejus superficie sunt, quacunque de causa desinunt exhalare sua liquida; & dura mater tunc etiam non exhalat: hoc vero vitium semper in inflammationibus, quod bonus SANCTORIUS jam observavit, dicens, omnis pars inflammata non perspirat; in febribus ardentissimis etiam ægri summopere æquant, sed cutis est arida, & talis manet, quæcunque medicamenta dederis, quando vero crisis fit, tunc totum corpus humore perfunditur.

Concre-
tio.

Simili in casu hæc membrana fere semper adcrevit ad duram matrem contiguam, cum qua olim nunquam concreverat. Si quis pervenit ad summam senectutem, sanusque manet, pleura ejus non concrevit cum pulmone; laboret autem semel modo Pleuritide vel Peripneumonia, pulmo post mortem fere semper concretus invenitur. Idem hic poterit fieri, & patebit ex observationibus, mox recitandis, quod in hominibus, post summos capitis dolores mortuis, hæc concretio inventa fuerit.

Morbi
effectus.

Sequitur inde, quod omnes illi pulsus arteriosi, qui sunt in magnis arteriis duræ matris, & qui olim retondebantur in rorem, inter duram matrem & arachnoideam tunicam exhalantem, postquam hæc membrana inter se concreverunt, immediate agent in tunicam arachnoideam, hinc eo propius in piam matrem, & in ipsum cerebrum. Præterea, quo minus perspirat tunica arachnoidea, eo sanguis, per arterias minimas piæ matris fluens, plus cogitur agere in pulpam corticis; nam quo sanguis majori velocitate & copia eodem tempore urgetur per canales numero minores, eo major erit impetus, hinc in hoc casu omnis impetus dirigitur ad piam matrem, non ad interstitium membranaceum. Videtis facile, quod hinc poterit oriri Cephalalgia, Cephalæa, id est, inveteratus capitis dolor; cephalalgia vero

Tom. 1.

viam pandit ad phrenitidem, & post eam aliquando manet Cephalæa incurabilis, & tunc novimus adcretionem esse factam.

Quæ hæcenus dicta sunt, per observationes confirmantur. Adolescens quidam laborabat dolore capitis, indies ingravescente, post quadraginta dies moritur; aperto cadavere membranae cerebri siccissimæ reperiæ sunt. V. BONET *sepulchr. Anat. Tom. 1. pag. 10.*

Per ob-
servatio-
nes con-
firmati.

WEPFERUS in Libro de Apoplexia narrat casum hominis, qui post dirissimos capitis morbos tandem moriebatur apoplecticus, aperto cadavere, membranae cerebri inter se concretæ observantur.

WILLISIUS dicit in libro de *Anatome Cerebri, Cap. IX.* Defunctorum capita, qui, dum in vivis agerent, cephalalgia miserrime erant obnoxii, aliquoties aperui, in quibus juxta sinum longitudinale, ubi dolorum sedes erat, pia ac interior meninx duræ ac exteriori per aliquod spatium, sæpe duos digitos latum, accrescebat.

Idem dicit in Tractatu de Scorbuto *Cap. IV.* quod Cephalalgia huic morbo raro desit; ejusque causam humoribus, in meninges suffusis, ascribit; additque, hæc comprobari per autopsiam, nam in quorundam defunctorum capitibus apertis, utrasque meninges coalitas vidit.

BALLONIUS etiam refert, quod dum lustraret cadavera mortuorum post diras Cephalæas, meninges cerebri semper invenerit siccas & concretas.

Dicta sufficient, nam narrantur a scriptoribus in re anatomica versatissimis, & quidem ante inventam tunicam arachnoideam, cujus intervallu dura & pia mater tantum inter se concrescere possunt.

Hi autem morbi sæpe per annos durant, nec ulli remedio cedunt, sed levantur utcumque, si homines illi in locis frigidis & tenebrosis quieti decumbant,

C 3

Alte-

Nimia
humidi-
tas.

Altera classis morborum, qui hic contingunt, est nimia Humiditas: hæc jam descripta est, quatenus sedem habet inter duram & piam matrem; nunc vero eam considero respectu solius Arachnoideæ. RUYSCHIUS dicit in *responsione ad Epist. IX. pag. 8.*, quod hæc membrana, flata a subiecta pia matre; innumeris in locis; distincta, membranam cellulosem mentiatur, cum tamen cellulosa nequam sit: sed in explicatione Figuræ, huic epistolæ adjectæ, repræsentat ad litteram D. minutissimas quasdam vesiculas, a statu in conspectum prodeuntes, oriumque ducentes non solum a statu, verum etiam a latice aquoso, inter dictam membranam arachnoideam & piam matrem hospitante: & in *Theatro Anat. VII. Tab. II. Fig. 2.* cerebri humani portionem demonstrat, per cuius superficiem, supra piam matrem, vesiculæ disseminantur diversæ formæ, vasa lymphatica repræsentantes, dicitque, eas nil esse, nisi tunice Arachnoideæ elevationes artificiosas, a statu per tubulum adactas. Nonne magnus vir in his locis sibi ipsi repugnare videtur? idem ille, qui negabat, adesse hic aliquid cellulosi, invenit aquam, inter superficiem piæ & arachnoideæ tunice intercurrentem, quæ facit, ut tunica illa cellulosa adpareat, id est, aquam bullatim recondens inter cryptulas?

Habentur in operibus WILLISII, WEPFERI, & BONETI observationes hominum, post diu perpassos capitis dolores mortuorum, in quibus tota superficies cerebri humida inventa est, & superficies piæ matris visa fuit elevata specie membranæ tenuis; imo tota pia mater gelatinosa quadam superfusa reperta est, & quando hæc superficies gelatinosa levissime vulnerabatur, aqua pellucida exibat; patet ergo, quod sub Arachnoideæ & supra piam matrem hydropis species esse possit.

Si nunc consideremus, quod sub

his locis decurrant vasa sanguifera & spiritus fecerentia, concipimus facile, quod tota hæc textura per collectionem aquæ possit comprimi, & quod inde fieri possint varii morbi cerebri, quia increfcens hydrops omni suo impetu agit in piam matrem & cerebrum, nam dura mater cedere non potest, hinc circuitus per vasa minima piæ matris impediri, adeoque omnia turbari debent. Consideremus porro, quod tunica arachnoidea nulpiam laxior sit supra piam, quam ad basin cerebri, ubi magna vasa sunt; & in medulla spinali, ubi secedit fere a pia matre & vaginam quasi liberam præbet. Si hic oritur hydrops, tota medulla spinalis immergitur aquæ, hinc suffocata faciet Paralylin omnium inferiorum partium. Forte fortuna oriatur ulcus, quod inter aperturas vertebrae se aperiens stillicidium aquæ ibidem excitat, & tunc miseri hi homines liberantur pro tempore, sed dein putrefacta medulla tamen moriuntur. Hi morbi nunc non aliter cognosci possunt, quam ex generali doctrina, superius tradita, de morbis ab intercepta aqua inter duram meningem & Arachnoideam; neque alia in hoc casu est instituenda curatio, nam hi morbi non nisi solo loco discurrunt.

Alius morbus, qui hic occurrit, est pinguedo hujus membranæ vel cellularum ejus. Multi Anatomici, & quidem inter accuratissimos, dixerunt, quod deprehendatur in pia matre, vel exteriori parte corticis, collectio parvarum glandularum albicantium, quæ similes sunt illis, quas putabant succum pericardii conficere. RUYSCHIUS, qui per suas injectiones multa vasa demonstravit, sanguinem rubrum in statu naturali non continentia, ostendit hic corpuscula plurima sphaerica vel lenticularis figuræ, magnitudine minimi grani sinapi, quorum unum distinctum est ab altero, in quæ nulla vasa; etiam post felicissimam injectionem, videbantur ingredi, sed quæ exhibebant pelluci-

Pinguedo.

Ruy-
schius.

di quid, quod proplius consideratum apparebat pinguedo vera, quæ fundi poterat; eam vero non semper, sed tantum in cadaveribus obsecorum invenit. V. ejus *Thef. Anat. V. p. 6. & 36. & Thef. X. N. 42.*

Ejus effectus.

Quod si ergo illa nimis accumulatur, idem fiet impedimentum sanguini, per arterias piæ matris fluenti, quam in priori morbo, sed tamen in eo erit differentia, quod hoc impedimentum non sit æqualiter diffusum, hinc circulatio humorum magis turbabitur, quam plane impeditur, ergo in diversis nervis poterit oriri variata distributio spirituum, quæ aliquando Epilepsias incurabiles producit. Aperta sunt capita Epileptico- rum, in quibus nulla sensibilis causa nec in partibus solidis nec in fluidis inveniebatur; ægri tamen convulsiones horrendas in toto systemate musculoso passi fuerant. Cogitavi sæpe, an non unaquæque pars nervos acciperet a singulari parte cerebri, an ergo a variata secretionem quibusdam partibus non plus daretur, quam aliis, & an inde non fierent convulsiones; videtur certe non improbabile. Dicat nunc RUYSEHIUS, talem pinguedinem non hære in tunica arachnoidea, concedemus hoc magno viro, quatenus hæc membrana non constet, nisi ex extremitatibus vasorum; si vero consideremus ejus superficiem, piæ matri contiguam, in ea certe pinguedo hære poterit. Consultite nunc omnes auctores, qui de morbis capitis scripserunt, sed traditas distinctiones in animo retinete; nec credite, facile haberi bonam mirabilium harum partium ideam; sed consultite imprimis RUYSEHIUM, qui omnium optime hoc argumentum pertractavit, hinc ex eo etiam colligam, quæ nunc porro dicturus sum.

DE PIA MATRE;

Ejus descriptio.

Pia mater dicitur, quæ sub Arachnoidea latet, obvolviturque totum

cerebri corticem, medullam oblongatam, cerebellum, crura ejus medullaria, medullam spinalem ad os sacrum usque, omnesque nervos. Tegit autem hæc superficie sua interiori corticem cerebri, quatenus est externus, nam in corporibus striatis & medulla spinali, ubi cortex est internus, regulariter se habet; ubicunque vero cortex externus desinit, ibi incipit medulla; hoc autem sit in omnibus illis partibus, quibus duo hemisphæria cerebri incumbunt, id est, in toto corpore calloso; ex medulla porro oriuntur thalami nervorum opticorum, tuber annulare WILLISII, medulla oblongata & spinalis, & ad omnia hæc loca pia mater extenditur.

Verum etiam ingreditur ventriculos cerebri, quod unus tantum observavit RUYSEHIUS, estque ibi continuata cum plexibus choroides, qui tantquam pulvinaria jacent intra Ventriculos, & extra cavum cerebri, & quidem ibi loci; ubi finis est cerebelli ad cerebrum; hinc hæc membrana; ex ventriculis posterioribus exiens, libere fluctuat. V. RUYSEHII *respons. ad Epist. problemat. XII. Tab. XIII.* Nullum omnino vas pertingit ad cerebrum, quod ab hac membrana non suppeditatur; nullum ex eo reddit vas venosum, lymphaticum vel sanguiferum, nisi per hanc membranam, hæc enim sinus implet per suas venas; per hanc omnis medulla, omnesque nervi in toto corpore exeunt; sed excutiamus hæc omnia singulatim.

Hæc membrana non accipit ullum vas nisi per tunicam Arachnoideam; nam omnes arteriæ, a corde datæ, ubi ituræ sunt ad piam matrem, hærent in hac tunica; hinc etiam omnes venæ, omnes sinus per hanc tunicam humores suos accipiunt; scilicet, arteria Carotis, veniens ad basin cerebri, antrorsum flexa per canalem LOWERIANUM, dat ramos laterales duræ matri, eamque perforat, postea ascendit intra cranium, & penetrata arachnoidea per piam materem

Singula-
ria ejus
conditio-
rio.

trem distribuitur; hinc dicit Ruysschius, quod ubi tunica arachnoidea perforatur, ibi non accipiat ullum visibile vas: omnis hæc perforatio est ibi loci, ubi falciformis processus continet sinus recensitos: hi sinus nullum sanguinem accipiunt nisi ex pia matre per perforatam arachnoideam; hinc ubique fere libera est corticis & medullæ superficies, nisi hic; sed in interioribus pia mater etiam dat vasa venosa ad illos sinus, nam sinus posterior non accipit ab ea arterias, sed tantum venas; hinc ad piam matrem non veniunt arteriæ nisi ex carotidibus & vertebralibus, ex ascendente trunco Aortæ oriundis.

Nexus.

Pia mater nectitur etiam cum sinibus, & quidem cum omnibus quatuor veterum & tot adjectis recentiorum; sed ille nexus nullus omnino est, nisi per solas venas piæ matris; nulla enim arteriola nectens deprehensa fuit; sed ad plurima loca pia mater quædam quasi filamenta dat, quæ impleta apparent esse venæ: ergo videtis mirabilem proprietatem hujus receptaculi, quæ homo quali ponitur intra hominem; nervi quidem exeunt, sed ita investiti pia matre, ut ab ea quasi procedant: non erit parvus labor dare hujus piæ matris idem, nam ubique tum diversa est, ut plus quam una considerari mereatur.

Arteriæ.

Hæc pia mater non habet commercium cum corde, nisi per quatuor arterias, duas nempe carotides in parte anteriori, & duas vertebrales in parte posteriori. Hæ arteriæ, priusquam ingrediantur piam matrem, amittunt omnem fabricam arteriosam, quoniam omne, quod musculosum habebant, deponunt. Considerate arteriam Carotidem, dum hæret in canali osseo LOWERIANO, ibi est valida; ubi vero se applicat piæ matri, videtur membrana flaccida, tenuis, & simplex, quam vix auderes venam vocare, ergo hic facta est plane alia structura. Hoc etiam verum est de arteriis vertebralibus, quæ, simulac intra cranium veniunt, sunt

æque tennes. Quando ergo dicitur, quod structura piæ matris sit arteriosa, hæc consideratio debet præmitti. Porro, simulac hæ arteriæ perveniunt ad superficiem piæ matris, respectu figuræ quoque amittunt suam indolem. Hoc patet in arteria cervicali VIEUSSENSII, & in arteriis ad basin cerebri, quæ apparent quasi tubi inæquales, contorti, inflexo, incurvo, isto, angusto decursu euntes, quos potius receptacula diceretis, quam arterias. Deinde, priusquam hæ arteriæ ullum ramum dant ulli parti corticis, omnes earum quatuor rami inter se communicant, & faciunt circulum WILLISIANUM dictum. Inspicite RUYSCHII *Epist.* XII. *Tab.* XIII., videbitis ibi, quod arteriæ carotides, ascendentes juxta sellam equinam, communicant cum vertebralibus in parte postica, cum cervicali in medio, & antè inter se mutuo; hinc non est verum, quod arteria Carotis per se tendat ad corticem, sed prius sit commercium cum aliis arteriis, & hoc factò, tum demum rami emittuntur: ergo rursus hic discrepant ab aliis arteriis, nam arteriæ magnæ nunquam in corpore, nisi hic loci, ita communicant, ut statim ad omnes partes possit fieri motus. Observavi ergo triplex discrimen harum artèriarum cum aliis respectu fabricæ; considerabo nunc, quæ lege omnes earum rami propagentur.

Earum
propagatio.

Arteriæ Carotides dant ramum, euntem retrorsum ad arteriam Cervicalem, ambaque vertebrales, simulac caput intrant, coeunt in cervicalem, sub medulla oblongata decurrentem spatio fere duorum pollicum, ubi iterum finditur in duos ramos: facta hac communicatione, omnes rami se ita adplicant, ut ubique superficiem externam cerebri amplectantur; ea tamen lege, ut rami carotidum fere omnes eant ad corticem cerebri, reliqui inprimis ad cerebellum. Ex hoc ergo circulo, quem vocaverunt WILLISIANUM, arteriæ perveniunt ad omnia puncta totius Encephali;

phali; & arteria spinalis, quæ exit ad locum, ubi vertebrales coeunt, applicat se medullæ spinali, adeo ut nulla gutta sanguinis arteriosi huc feratur, nisi ex hoc systemate. Omnia hæc vasa servant hanc legem, quod omnis parvus ramus emissus iterum cum aliis minoribus ramis communicet; & hoc fit per totum encephalum, quod jam observavit WILLISIVS. Ergo mirabilis hic est circulatio sanguinis, quæ si turbatur in una parte, statim etiam patitur alia, quia intra datum tempus majorem copiam humorum debet transmittere.

Supra
medul-
lam.

Summopere etiam animadvertendum est, quod hæc vasa non sunt maxima ad cerebrum vel cerebellum, sed ad medullam; nam circulus WILLISIANUS situs est sub annulari medulloso tubere; in aliis locis medullæ videmus etiam, quod magna vasa sanguinea huic applicentur, cum nullo vas arteriosum notabile videtur in superficie corticali cerebri & cerebelli: ergo hæc magna vasa sunt in illis locis, ubi secretio jam est facta; medullam autem tantum ambiunt, non penetrant: nec latet ratio, quare hoc factum sit, nam medulla est frigidissima pars totius corporis; vasa arteriosa autem sunt calidissima, hinc medulla potest ab iis calefieri, & laxa teneri, cum tamen nihil pati possit ab earum elasticitate; per canales hujus medullæ debet motus esse lentissimus, nam maxime distant a corde, suntque simul tenerissimi & fere dissolutes, hinc comprimerentur, si in his locis motus fuisset diastolicus; nunc vero sanguis calidus ubique circumfunditur sine metu compressionis; & hæc ratio est, cur arteriæ cerebri in cranio vim suam elasticam amittant. An inde non poterit fieri Lethargus, quum moles medullosa caret illis humoribus, qui eam calore suo sovent, ejusque canales tenent apertos?

Præterea, ex circulo WILLISIANO rami sursum tendunt ad omnes sex partes, nullum vero vas arterio-

sum deducitur a superioribus ad inferiora cranii; ubi hæc vasa emergunt, primo fiunt quidam plexus ad lobos quatuor anteriores cerebri, qui forte constant ex solis carotidibus: hæc vasa sunt tam numerosa, ut in parvo spatio millena possint demonstrari; sed quando magnæ illæ arteriæ applicantur medullæ, nullum faciunt reticulum, sed tantum recta quasi porriguntur, suntque vasa rubra, quale nullum in cortice invenitur: ergo omnis hic apparatus vasorum, quæ sine ramis fere deferuntur ad medullam, non perveniunt eo ad secretionem, sed tantum ad solum. In tabula EUSTACHIANA XVII. Fig. 3. & 4. depicta videmus rari quidem, sed satis magna vasa, recta tantum per Ventriculos decurrentia: hinc arteriæ, hic deprehensæ, faciunt intrinsecus idem, quod arteriæ memoratæ faciebant extrinsecus, id est, inserviunt pro hypocaustis, medullam calefacientibus, ut calor non tantum externis, sed etiam internis his partibus frigidissimis æquabiliter communicaretur. Videmus evidentissime, quod vasa illa sint maxima; ubi medulla est densissima; minima, ubi est tenuissima, hinc statim sub cortice vix vasa inveniuntur, sed in media medulla adsunt. Vetres jam viderunt, nervum opticum in medio porosum esse, quod etiam demonstrat EUSTACHIUS Tab. XL. Fig. 3., & RUYSCHIVS Thef. I. pag. 28. N^o. 7. Porus ille est arteria, quæ dispergitur dein per totam tunicam retinam; videmus etiam tunicam choroideam, totum cavum internum bulbi oculi invellentem, omnesque ejus partes per suas arterias calefacientem: in omnibus aliis locis, ubi magna copia medullæ est, etiam arteriæ calefacientes adsunt.

Arteriæ Encephali, sic supergressæ medullæ superficiem, insinuant se in omni puncto corticis cerebri, & porriguntur ubique inter commissuras, ea quidem lege, ut hic adfines sex rami, quorum duo distribuuntur

Et continetur.

jores rami, supra sulcos decurrentes; hinc facilis fit trajectio ex arteriis in venas; nulla enim hic est valvula, nisi ubi litus obliquus venæ, in sinum se exonerantis, speciem valvulæ format; deinde, finis arteriæ & initium venæ sunt ejusdem capacitatis; hinc si arteriæ implentur, facillimus est transitus in venas, & ex iis iterum in arterias: sunt porro hæc vasa omnium in toto corpore debilissima, nam vix radi possunt cuspicis aciculæ, quin jam læsa sint; sunt maxime distensibilia, quia habent tam tenues membranas. Respiciite Hydrocephalos, quo in morbo arteriæ lymphaticæ, cranio nondum firmato, ita expanduntur, ut caput in monstrosam magnitudinem excrescat. Hinc tam dura ossa hic requirerantur, nam si calvaria læsa, & rupta dura matre, diu idem maneat impetus, tunc propter ablatum obstaculum cerebrum intra viginti quatuor horas instar fungi ita potest excrescere, ut ad magnitudinem ovi gallinacis extra cranium emineat, cujus aliquot uncie possunt abscindi. V. HILDANI *observat. Centur. I. obs. 15.* Videtis hinc facile, quantus metus foret, nisi æqualis offesa coarctatio tenerissima illa vasa tutaretur.

An tota pia mater vasculosa?

Quando nunc injectio felicissime successit, omnia vascula in pia matre apparent, demta, ut RUYSCHIIUS dicit, propria ejus substantia, quæ pel lucida est; magnus enim vir distinguit hanc membranam in piam matrem proprie dictam, & in vasa per illam decurrentia; & tunc pia mater proprie est membrana tam subtilis, quam ulla alia, & tantum vinculum commune & basis, ordinandis vasibus destinata. Quum vero hanc rem attente consideramus, videmus infinita vasa esse, quæ felicissima injectio non replet; nullum enim vas in reti Malpighiano unquam demonstrari potuit; idem verum est de Amnio fœtus humani; hinc quod RUYSCHIIUS stricte vocat piam matrem, erit tantum stru-

ctura illorum vasorum, quæ propter tenuitatem cera repleri non possunt, hinc etiam pars subtilissima hujus membranae est perspicua. Credibile porro est, plexus reticulares æque esse in vasibus minimis quam in majoribus, & proinde pia mater est textura vasorum, in qua vasa magna cum majoribus, minora cum minoribus, & minima cum minimis communicant; quod idem verum est de venis, ut postea videbimus.

Jam vero hæc arteriæ in utraque superficie piæ matris considerandæ sunt. Vidimus, quod pia mater externe undique tegatur tunica arachnoidea, quæ est superficies exhalans, & imbibens subtilissimum vaporem, & in superficie sua interiori est textura vasorum minimorum piæ matris, faciens superficiem piæ matris æquabilem, sine ullo apparente jugo, quamdiu integra est; pia mater vero in superficie interna separat se ab arachnoidea, & secedit in anfractus cerebri, sed qua parte Arachnoidea contigua est, superficiem habet politissimam. Superior illa superficies, ablato cranio & dura matre, apparet perfecte sphaerica, quantum concava cranii figura permittit. V. EUSTACHII *Tab. IX.* ubi ablato cranio ejusque integumentis demonstratur olla cranii repletissima, & superficies encephali perfecte sphaerica; & RUYSCHII *Epist. IX. Tab. X.* Sed illi anfractus hærent æque in superficie inferiori, quam in superiori: pia mater autem & arachnoidea non sequuntur illos gyros, sed æqualiter superextenduntur. V. EUSTACHII *Tab. XVIII. Fig. 2.*, in qua basis cerebri depicta est, & RUYSCHII *Epist. XII. Tab. XIII.* Porro, si hemisphaeria cerebri a se invicem dimoveantur, videmus, quod tota superficies etiam adpareat anfractuosa; sed pia mater & arachnoidea sic extensæ sunt, ut gyros non intrent. Ergo pia mater, super totam anteriorem corticis superficiem æqualiter obducta, est textura vasorum, quæ cerebro

Superficies piæ matris exterior

bro adplicantur in partibus superioribus, inferioribus, anterioribus, posterioribus, lateralibus, interioribus, semper eadem ratione; ubicunque ergo cortex est, semper ibidem est pia mater, & ejusque plexus reticulares: imo pia mater, obducens corticem, manifeste intrat in ipsos ventriculos cerebri anteriores: scilicet, cortex cerebri circumponitur medullæ, an ergo illa, formata sub cortice, excludit piam matrem? videtur EUSTACHIUS de veritate hujus rei dubitasse: Inspicite *Tab. XVII. Fig. 3. & 4.* ubi ventriculos cerebri apertos & plexus choroideos depinxit; & compareate cum RUYSSCHII *Epist. XII. Tab. XIII. Litt. O*, ubi plexus choroidei portio extra superficiem cerebri propullulat. Anatomici fere omnes deferunt hic loci membranam arachnoideam, exitum præstantem vasis; res autem proprie sic se habet: ubi arteriæ corticis cerebri, in superficie superiori distributæ, pervenerunt ad partem posticam, arachnoidea secedit a pia matre, quatenus illa majoribus vasis constet, & medullam invellens eam obducit, pia mater vero intrat cavitates cerebri. Moniti sitis, A., me hæcenus tantum agere de pia matre, quatenus sub tunica arachnoidea texturam æquabilem facit; consideremus autem nunc superficiem eius anteriorem.

Hæc proprie non applicatur nisi eminenteribus jugis corticis cerebri, & inde difficillime potest avelli: ibi ex omni puncto superficiei suæ internæ demittit ad superficiem externam corticis cerebri innumerabiles fibrillas albas, statu frangendas & fere pellucidas: pia mater coronans hæc ratione gibbam illam superficiem, venit ad interfluitia, ubi vasa magna decurrunt, & ibi super anfractus expanditur; hæc autem fibrillæ appa- rent nudo oculo, sed præcipue per microscopium, nec exhibent ullam speciem vasorum absque injectione prægressa. Si vulnuscum infligitur in matris in jugo quodam eminenti,

sed non penetrans in corticem; & tunc per tubulum, lenissime admodum, fiat inflatio, levissime fragmentum pie matris, & si hoc feliciter fiat, apparebit, quod pia mater trans æquabiliter supra anfractus, & hoc flatu continato franguntur omnia illa vasa, quibus pia mater cohereret cum cortice in superficie gibba; & tunc pia mater nullibi coheret nisi in anfractibus; & hæc est sola communicatio inter vasa corticis & pie matris: quando nunc pergitur inflando, aer inffuat se quoque inter anfractuosos corticis sulcos; & quando ulterius pergitur, rota pia mater in superficie superiori & processibus usque ad medullam solvitur a cohesionem cum cortice contiguo; videtur ergo, quod omne, quod hic communicat, coheret per vasa innumerabilia, tam tenuia, ut solo flatu separentur: hoc experimentum ubi pulchre succedit, potest tota æqualiter superficies pie matris sursum attolli, & tunc apparent etiam infiniti processus inde pendentes.

Hinc nunc constabit cuique, quod pia mater sit nil nisi vasa; quod nexus cum cortice fiat per illas fibrillas emissas; quod ergo totus cortex nullum sanguinem rubrum accipiat; appare porro, quod omnis fibrilla, emissæ ex superficie piæ matris, perpendiculariter deorsum demittatur. V. RUYSCII Thes. VIII. p. 20. N°. 26. Hæc emissio fit æque inter sulcos, quam extrinsecus, & omnes illæ fibrillæ piæ matris sunt tantum vasa, emissæ ex pia matre in corticem. V. RUYSCII Thes. Anat. VI. N°. 79. Thes. X. N°. 33. Thes. VII. p. 16. N°. 18. Thes. Maxim. N°. XCI-XCIII. Hæc etiam fibrillæ non repunt supra corticem; sed perpendiculariter se illi insinuant, & quidem brevissima via; nec cortex aliquid accipit, nisi ex his arteriis piæ matris, unde & ipse plane est vasculosus. V. RUYSCII Thes. Anat. X. N°. 25. & tunc vasa mutantur in corticem, nam si plexus reticulares piæ matris maximo cum

Nectitur
per vasa
tam arto-
riosa.

Superficies pinnarum interior

cum successu impleri sunt, omne, quod inter illam & corticem est, apparet esse dissilabile tomentum. V. RUYSCHII *Respons. ad Epist. VII. & IX. & XII. Tab. XIV. Fig. 1.* Ita nunc apparent omnia, quæ possunt impleri; quæ vero non possunt impleri, apparent membranacea, sed ex analogia possumus concludere, ibi esse eosdem, sed tantum tenuiores plexus.

Quam
venosa.

His positis dicimus, quod in pia matre æque sunt venæ quam arteriæ, & quidem omnium serierum: demonstrari hoc potest, si nudo oculo, aperto sinu in falciformi processu, respicitur versus foramina ibidem inventa, quæ valvulam quasi semilunarem sibi adpositam habent, & tubo immisso sub illa valvula ære inflatur, tota pia mater successive ære turget; si vero inflas in totum sinum, tunc pressio ab interioribus claudens illas valvulas facit, ut aer se non possit infundere in venas, & hinc nonnulli putant, eas non adesse. Si etiam sanguis in pia matre premitur ab inferioribus sursum, sanguis fertur ad sinum; & si vena quædam major pertunditur caute, & inflatur aer, ille mox venit in sinum. Clarius hoc patet ex RUYSCHIO; repletis enim ab eo piæ matris arteriis, venæ æque implebantur, & ceracea materies non videbatur gracilescere, sed in venis latefcere. V. *Thef. Anat. VIII. p. 2. N° 2.* Imo quando per arteriam quamcunque ex quatuor, quæ vadunt ad cerebrum & cerebellum, injicitur materies ceracea, hæc non tantum implet arterias & venas piæ matris, sed & extravasata intra cavitatem sinus longitudinalis inæqualis & interrupta cernitur, quia materies ex vase angusto venit in latitudinem non resistentem; ergo non fictis, sed certis argumentis constat, quod hic est transitus crassioris partis ex arteriis in venas, sed quia arteriæ hic non habent tunicas musculares, hiæ humores sine pressione quasi transfun-

duntur: facile etiam concipimus, quod ex arteriis serosis via erit in venas serosas, verbo, ex arteriis cujuscumque generis in venas similes. Omnes hæ venæ exonerant se in sinus, vel terminantur in venulas inbibentes in superficie, vel in plexus choroideos.

Hæc est idea piæ matris, quatenus cerebro undique circumponitur illo etiam in loco, ubi utraque celeberrima hæmisphæria sibi invicem accumbunt; consideremus eam nunc ratione processuum, quibus respondet anfractibus corticis cerebri: anfractus illi non tantum sunt in cortice, sed etiam in medulla, quatenus intra corticem oritur; hi vero describi non possunt, nisi pia matre ubique ablata. Unicus RUYSCHII ideam quandam hujus rei dedit; inspiciat *Epist. XII. Tab. XV. Fig. 2.*, in qua exhibetur medulla, ablato cortice, & videbitis ibi tam mirabiles gyros, ut describi non possint: hi anfractus adparent obscure, præsentia pia matre, in superficie externa, quam gibbam voco, & inter illos hærent sulci profundi: anfractus illi sunt in superficie superiori, inferiori, anteriori, posteriori, laterali, & interiori, ubi processus falciformis se interponit inter utraque hæmisphæria; sunt etiam ubique æquales, æque profundi. V. EUSTACHII *Tab. XVII.* magni æque si vulnusculum inflictum per membranam arachnoideam & piam penetrat in interstitium inter duo juxta eminentia, & aer ita inflatur, ut sursum redire impediatur, tunc distribuitur per omnes sulcos, & non modo elevat piam matrem sursum a subiecto cortice, sed transit etiam per omnia utriusque hæmisphærii interstitia, removet omnes anfractus a se invicem, & separat sulcorum latera: patebit ex hoc experimento, quod anfractus illi sunt multiplicationes superficierum inter corticem cerebri, & vicinam piam matrem; ergo erunt tot processus piæ matris, quot sunt anfractus, & tot quoque sulci in quos omnes pia mater se insinuat.

Pia mater in anfractibus corticis.

Neque
per
vires
paula.

finuant. V. RUYSCII *Respons. ad Epist. VII. Tab. VIII. Fig. 3. & 4.*

Sed elegantem hanc fabricam nunc contemplabimur distinctius. Si juxta orbem, ubi ferra cranium divisit, cultro acutissimo sectio fiat, tantummodo undique membranam piam lædens, & tunc fiat inflatio, pia mater potest undique auferri, sed omnes ejus appendices manent in interstitiis, hinc pia mater tunc apparebit capsula hemisphærica, encephalon tegens. Verum quando nunc acceditur ad sulcos, pia mater deferitur ab arachnoidea, ejusque appendices insinuant se ad tantam profunditatem, quanta est profunditas sulcorum; harum descensus est tam profundus, ut attingat superficiem externam ipsius medullæ; & quoniam perpendiculariter descendunt ab omni latere capsulæ, hinc sunt quasi radii concurrentes ad centrum totius sphæræ; in cerebro porro non porriguntur recta, sed eunt more serpentino, & sulcis se accommodant; sunt etiam quasi ramosæ, id est, in parte inferiori versus medullam oblongatam faciunt processus quosdam laterales; ergo pia mater exterius apparet quasi sphaera, sed ex concava ejus superficie oriuntur hæ appendices. Hæc omnia demonstrantur ex RUYSCII; vidit magnus ille vir, quod omnis fere sanguis statim a morte recedat ex cerebro, nisi homo per strangulationem aut vehementem & inflammatorium quendam capitis morbum fuerit mortuus: vivente homine, nulum est vacuum in cranio, sed quando omnia fere liquida recedunt, vasa apparent tam collapsa, ut aliquod vacuum facere videantur: hinc cogitavit, an non posset demonstrare caput ita impletum, quemadmodum naturaliter se habet. Injecta itaque per carotidem cera, abstulit cranium, & vidit piam matrem cum omnibus suis appendicibus impletam; infixit tunc vultusculum per arachnoideam usque ad interstitium anfractuum, & successive inflavit; vidit tunc, quod

separaretur omnis pia mater superior, sed quod non separaretur ab appendicibus diaphragmaticis; hæ autem omnes separabantur a cortice, & tunc elevata pia matre, omnes appendices simul quoque elevabantur, & apparebat pia mater ab omni parte illis prædita. V. RUYSCII *Epist. VII. Tab. VIII. Fig. 3. & 4.* sed impossibile erat intimam partem simul auferre, verum illa, exempto & inverso prius cerebro, etiam educta, exhibuit similem apparatus, quam prior pars, & tunc demum formari poterat vera piæ matris idea.

Exinde patet, quomodo formentur processus piæ matris: scilicet, hæc membrana ambiens gibbum duorum anfractuum vicinorum concurrit & procedit sub arachnoidea, quæ libere transit super illos anfractus; pia mater vero unius lateris concurrit cum pia matre alterius lateris, hinc ergo processus diaphragmaticus est duplex pia mater, & proinde duplo crassior; hæc pars piæ matris descendens manet unita & utrimque applicata suo cortici, hinc cortex intermedius unius lateris non habet plus piæ matris, quam cortex alterius lateris. Quando pia mater inter hos sulcos in utraque superficie contigua pervenit ad profunditatem summam, occurrit cortici, vel medullæ, veluti circa corpus callosum. Quam occurrit cortici, ibi fit tanto tenuior, quanto cortex est tenuior; sed quando venit ad loca medullosa, ibi est tenuis membrana vasculosa, & ultima ejus pars est tam tenuis, ut vasa sanguinolenta vix adsint; hinc ubi pervenit ad corpus callosum, ibi fit membrana, quæ simplici vasorum contextu tegit illam superficiem. Denique, pia mater in tota illa superficie integerrima, quæ tegit laterales superficies anfractuum, habet exquisitè eundem apparatus, qui ubique est in toto cortice; & quando concurrit cum vicina pia matre, habet plexus reticulares eodem modo ut in jugis, sed omnia sunt geminata. Omnis autem ille appa-

apparatus plexuum ad ultima tomen-
ta usque idem est, quam in parte
superiori jugorum.

Pia ma-
ter me-
dullæ.

Hactenus consideravimus piam ma-
trem, quatenus cortici inservit; vi-
deamus nunc eam, quatenus corticem
deferens medullæ se applicat. Medul-
la, ubi oritur, habet corticem in su-
periori parte; sed ubi collecta est,
non habet superiorem superficiem cor-
tice rectam, uti in medulla oblonga-
ta patet: sed eadem hæc medulla ha-
bet superficiem internam in tribus
ventriculis cerebri, & pia mater et-
iam inseritur intra eorum cava: hinc
dico, pia mater, arachnoidea sua re-
cta, laxiusque coherens, ibi sem-
per tegit superficiem medullæ exte-
riorem, quæ extra corticem se expli-
cat, & diversam a cortice superfi-
ciem format: sed hæc pia mater
oritur ibidem tantummodo ab arte-
riis; nam arteriæ vertebrales, postquam
exiverunt ex lateralibus vertebrarum
cavitatibus, & ingressæ sunt per fo-
ramen magnum ossis occipitis, hæ-
rent ad partem anteriorem medullæ
oblongatæ, & huic se lateraliter ap-
plicant; & hoc factis descendunt, &
utrinque dant ramos laterales inge-
ntes, sed tunicas tenuissimas habentes;
hi medullam oblongatam ubi-
que ita amplectuntur, ut tota quasi
hæreat intra has arterias; nullos au-
tem hic videmus plexus reticulares,
nec ulla ingrediuntur vasa sangui-
nea, sed exterius tantum apponun-
tur; arteriæ vero vertebrales, hoc
facto, concurrunt in unum trun-
cum, sub protuberantia annulari de-
currentem. Nuppiam autem plus
medullæ, simul collectæ, adest, quam
hic; sed ibi succumbit hæc arteria,
quæ ad latera dat ramos maximos,
decurrentes circa totum tuber annu-
lare, & hanc partem sic regentes:
videtis ergo iterum, quo plus medul-
læ colligitur, & cortex abest, eo
majora vasa arteriosa sanguifera ad-
sunt. Inspicite EUSTACHI Tab.
XVII. Fig. 4., & RUYCHII Epist.
XII. Tab. XIII. Litt. O, & Tab.

XV. Fig. 1. & 3. videtis ibi, ra-
mos illos adscendentes transire usque
in ipsos plexus choroideos, & sic va-
sa sanguinea dare medullæ internæ si-
ve ventriculis: apparet hinc, piam
matrem, quæ investit corticem cere-
bri, arterias præcipue accipere a Ca-
rotidibus; illam vero, quæ medul-
lam obducit, a vertebralibus, qua-
rum tamen rami quodammodo inter
se communicant.

Omnes hi rami decurrunt magis
supra superficiem medullæ, quam quod
eam intrant, hinc per injectionem
pauca tantum & dispersa vasa, per
medullam intercurrentia, deprehendun-
tur; hæc autem arteriæ calore &
motu sanguinis arteriosi continuo te-
pore naturali fovant medullam: id
est, pia mater, quatenus investit illam
medullæ superficiem, sanguinem æ-
que calidum, quam a corde acceperat,
circumapplicat medullæ; adjuvant et-
iam motum æquabilem, nam perpetuo
motu adfertur sanguis, qui proprie
quidem transit per vasa arteriosa,
sed non per arterias, quia hæc
vasa tunicas musculares non habent,
hinc ubique æqualis est resistentia,
& liquores hæc vasa, semper plena,
nunquam dilatant plus vel minus;
quod necesse erat, quia aliter
hæc tenera vasa facile rumperentur:
quia jam calor ipsi medullæ adponitur,
hinc laxantur particule medullo-
sæ, fibræ earum redduntur molles,
& fluiditas conservatur in liquore,
qui per se non poterat incallescere,
nam omnem motum jam
se amittit in cortice: quoniam omnis
calor in corpore oritur a sanguine
rubro, & partes eo minus calent,
quo minorem sanguinis copiam acci-
piunt, hinc medulla ex sua natura
debet esse frigidissima; sed omne
corpus frigidum est simul rigidum,
calidum est flexile, hinc ergo necessario
pars illa, quæ maxime destituitur
sanguine rubro, & hinc orto calore,
debet considerari rigidissima & strictis-
sima; & talis foret medulla, nisi appo-
neretur tanto plus sanguinis, quan-
to mi-

to minus causæ calefacientis habet in se, nam in toto cerebro non invenitur tam magna arteria, quam est minima ad medullam distributa; adeoque pia mater, respectu medullæ, est tepidarium, quod facit, ut partes illæ incalificent; omnis enim sanguis arteriosus, quo magis diffunditur, eo magis frigescit, sed hic directe circumponitur medullæ, hinc facit, ut liquida possint permeare vasa illa minima, in quibus cæterum præ frigore magnus foret stagnationis metus.

Transco nunc ad considerationem piæ matris, respectu plexuum choroideorum; incepti jam dicere, quod illi plexus sunt ipsius piæ matris appendices, sed sunt quasi projectiles, ita ut vasa hic non adhæreant ulli puncto fixo; nam plexus illi non adærescunt ulli puncto ventriculorum cerebri, sed hærent ibi liberi, nempe per continuationem piæ matris, per quam hi plexus hic projiciuntur, & locantur. Tales jam plexus sunt tres; distincti inter se, connexi in origine; hanc originem habent ad tertium ventriculum, & duos fines duorum ventriculorum lateraliû, ubi glandula pinealis, nates, & testes sunt; & dividuntur ibi in tres partes, dextram, sinistram, & mediam, quæ pertingit usque ad succumbens cerebellum. Notavit hoc EUSTACHIUS *Tab. XVII. Fig. 3. & 4.* in illis figuris, imprimis tertia, depingitur dissectus fornix sive diaphragma medullosum, quod ab utroque hæmisphærio fit, quæ fornix descissa elevari potest, & sic patent tres ventriculi simul; in medio vero loco conspicitur arteria magna, quæ ibi trifida fit, dum unus ramus it ad ventriculum sinistrum, alter ad dextrum, tertius ad medium; ille, qui vadit ad sinistrum, facit ibi totum plexum choroideum; ide metiam fit de cæteris.

RUYSCIUS autem eo tempore, quando EUSTACHIUM nondum viderat vel legerat, jam dixit, se deprehendere semper, quod plexus choroideus sinister promineat extrorsum inter cere-

brum, & cerebellum tota sua fabrica reticulari, & dum exit per angustias; non tegatur membrana, sed quod membrana Arachnoidea ibi secedat a cerebro, & cerebello, eumque plexum superficandæ; hinc ille plexus non venit nude ad Encephalon, sed superadscendente arachnoidea tegitur, & ventriculi illum emittunt; plexus ille ergo est tantum unus, qui ortum ducit ex arteriis piæ matris eo loci, ubi cerebrum momento post concresecet cum medulla oblongata, & ibi pia mater projicit ex uno trunco tres illas arterias, quod RUYSCIUS non quidem notavit verbis, sed tamen æque depinxit, quam EUSTACHIUS; quoniam ergo arteriæ piæ matris ad locum, ubi omnis medulla coit, faciunt tres ramos, hac ratione distributos, & patentes in ventriculos, hinc patet, quod plexus choroideus oriatur a parte postica ventriculorum. Quando RUYSCIUS feliciter successu repleverat arterias encephalicas, materia ceracea diffundebatur per omnes illos plexus, & demonstrabat, quod hi plexus non sint membranae, sed fabrica penitus diversa ab omni alia in toto corpore, & quod hærent liberrime in ventriculis, nec ullum nexum habeant cum parte quadam medullæ, sed tantum cum arteriis piæ matris; unde oriuntur; quod ergo sint veræ appendices piæ matris. Conferre cum memorata tabula EUSTACHIANA RUYSCII *Thef. III. pag. 43. N°. XLV. Not. 3. & pag. 45. N°. LI. & Thef. V. pag. 1. N°. 1. Not. 2.*

Plexus ergo hic triplex est textura arteriarum, sed quæ amiserunt naturam arteriæ, & tantam habent tunicarum tenuitatem, ut RUYSCIUS non amplius audeat vocare arterias; sed dicit mutatas esse in genus quoddam palposum; faciunt etiam illæ insolitos gyros, in quos intortæ ubique faciunt nodulos. V. RUYSCII *Thef. V. N°. 68. pag. 33. & Epist. XII. Tab. XV. Fig. 3.* Fecerunt hi nodus.

Fabrica
horum
Plexuum.

Pia ma-
ter ple-
xuum cho-
roideor-
um.

noduli, ut multi putaverint, quod plexus choroideus nil esset nisi glandula; sed RUYSCHIUS invenit, quod hi noduli sint ampullulæ homogeneæ cavæ, sanguinem simplicem continentes. V. *Thef. VII. pag. 37. Tab. I. Fig. 2.* Plexus igitur illi, positi in tribus ventriculis, & extra duos laterales propenduli, sola ibidem arachnoidea tecti, debent hic eundem usum habere, quem præstant toti medullæ. V. RUYSCHII *Thef. III. pag. 44. Not. 4.* quæ nunc ejus pars propendit intra ventriculorum tertium, pervenit usque ad quartum. V. EUSTACH. *Tab. XVII. Fig. 4.* Ex his ergo patet evidentissime, plexus hos, ab arteriis piæ matris ortos, projectos, & distributos applicari tantum mero contactu, sine ulla concretionem, ad omnem medullæ cerebri superficiem, quæ facit superficies fornicatas ventriculorum quatuor; adfert ergo ad hæc loca sanguinem arteriosum, in quibus nullæ aliæ arteriæ cernuntur, nam in ventriculis nihil videmus nisi humorem lubricum evaporantem; ergo sanguis ruber, qui huc venit, externa tantum applicatione contingit omnem medullæ superficiem in omnibus ventriculis.

Ufus ha-
rum ple-
xuum.

Interveniunt autem hi plexus, ut calore suo, hic loci valde necessario, medullam foveant; nam cava & fornicata superficies medullæ, ventriculos constitutis, remotissima est a sanguine arterioso: hinc nullus est locus, ubi plures morbi nervorum oriuntur, quam si calor hic deficit, nam tunc ventriculi reperiuntur aqua pleni; vel e contrario, si fiat inflammatio lethalis, omnia hic exsiccata sunt. Plexus illi quoque halitu suo laxam tenent hanc superficiem, quæ est aggregatum filamentorum medullarium. Hoc jam ibidem fit ab arteriis, sed tam parvis, ut humorem aquosum tantum vehant. RUYSCHIUS negavit semper, vasa lymphatica esse in cerebro, talia nem-

Tom. I,

pe, quæ characterem lymphaticorum habent, id est, prædita sunt valvulis; hinc non negabat, adesse hic vasa lympham ferentia, sed proprie dicta vasa lymphatica; ergo arteriæ hic sunt quasi perspirantes, & in statu sano nullos alios liquores vehentes, quam qui cochleari impostiti exhalant sine ulla face relicta. Ergo illi plexus sunt quasi spongiæ, per quas liquida fere transudant. Hi plexus porro liquidum exhalans iterum reducant in venas, eodem modo uti fit in camera prima oculi; ergo non manet hic illud liquidum, nec plus adfertur, quam potest resorberi, alioquin statim adessent Hydrops ventriculorum cerebri, alique morbi inde oriundi; si e contrario minus exhalat, aliæ actiones etiam non sient æquabiles. Hoc patet, quia hi plexus in corporibus lentis & frigidis sæpe comperti fuerunt hydatidibus repleti. V. RUYSCHII *Epist. XII. Tab. XV. Fig. 1.* Ostendit illud in cadavere Viri, nobili pro sapia oriundi, qui licet omni bonorum varietate abunde frueretur, falsa paupertatis imaginatione delusus, indefinenter nihilominus se Iro nudiores conquirebatur. Ergo plexus choroidei sunt vera tepidaria interioris medullæ tam cerebri quam cerebelli, & venæ in iis sunt respectu arteriarum veræ spongiæ rebibentes, unde hic fit omni momento calefactio, exhalatio, resorptio.

DE PIA MATRE CEREBELLI.

Postquam hæcenus vidimus mirabilem apparatus vasorum arteriosorum, corticis & medullæ cerebri superficiei adpositum, sequitur, ut inquiramus, quomodo pia mater se habeat respectu cerebelli.

Cerebellum, uti novistis, dicitur illa pars Encephali, quæ posteriorem & intimam cavitatis cranii partem

Deser-
ptio cere-
belli.

D occu-

fabria
verum
plexum

occupat, constans ex duobus lobis, qui in parte superiori conjunguntur inter se in figuram minoris globi, quam in laterali & inferiori, & hac ratione ex illis sit unicum apparens corpus, in superiori parte utcumque acuminatum: hi duo globi recipiuntur intra duos sinus osses, ossi occipitis profunde insculptos, & in iis deponuntur ea ratione, quasi ad partem posticam infra basin cerebri essent depressi: hinc cerebellum ab omni parte in toto nostro corpore est liberrimum; contiguum autem est superficie sua soli piæ matri, connexum tantummodo cum medulla oblongata, cum duabus arteriis vertebralibus, & cum venis, ad sinus venosos tendentibus; nullus autem nervus directe ex eo emittitur; nihil recipit nisi ab arteriis vertebralibus & cervicali; venas remittit in piam matrem, quæ commercium habent cum venis cerebri, & cum iis se in sinus evacuant.

Medulla oblongata, descendens per foramen occipitale, vocatur Medulla spinalis. V. RUYSCII *Epist. XII. Tab. 13.*, & EUSTACHII *Tab. XVII. Fig. 2.*, ubi depingitur cerebellum dissectum usque in ventriculum quartum, ut appareat, quomodo ejus medulla cum medulla oblongata communicet; ergo nobile hoc viscus est tam liberum, ac si in aere vel balneo vaporis suspendetur, cum nullis nisi memoratis partibus communicans: superficiem habet in parte utraque globosa diversissimam a superficie cerebri, nam est longe æquabilior. V. RUYSCII *Epist. VII.* Sed in parte infima occurrit etiam longe alia superficies, quam in cerebro, nam ubi globi discernuntur, occurrit processus vermicularis, & ad latera duo tubera apparent. V. EUSTACHII *Tab. XVII. Fig. 7.*

Tota hæc mirabilis superficies habet piam matrem & Arachnoideam sibi superextensam, & processus his æque involvuntur quam bini globi,

& si secantur, æque habent corticem & medullam quam globi, & omnes hæc partes inter se communicant. Hujus rei vix bona potest haberi idea, nisi cranium amoveatur a parte inferiori, & hæc pars ita examinetur, quod EUSTACHII fecisse videtur.

Arteriæ, quæ huc pertinent, sunt solæ vertebrales, quantum videre potui, nam rami carotidum distribuuntur inprimis ad quatuor lobos cerebri, licet tamen inter se communicent, ut jam ante notavimus. Hæc arteriæ, utrinque ortæ, sub tubere annulari connexæ, abeunt in truncum cervicalem, ex quo omnes rami ad cerebellum distribuuntur; omnes etiam, simulac deseruerunt medullam, & adplicuerunt se cerebello, illico mutant fabricam, & distribuuntur eodem cum apparatu, ut in cortice. V. RUYSCII *Epist. XII. Tab. XIII.*, & *Tab. XV. Fig. 4.* sed superficies cerebri non est anfractuosa, ut cerebri, nam sulci in cerebello decursu regulari procedunt, qui in cerebro continuo gyros faciunt; sulci in cerebello sunt circulares, ita tamen ut globo ejus dissecto appareant tanto majores, quanto magis ponantur in medio; hinc in superiori parte sunt minimi, in media parte maximi. V. RUYSCII *Epist. XII. Tab. 13. ad litt. a a*: circuli hi superiori parte sunt tam propinqui, ut crassitie florenti a se invicem non distent; itaque cerebellum dissectum exhibet partes corticales longe tenuiores quam cerebrum, in quæ ubique fatis crassæ apparent: quando jam cerebellum pertunditur prope gyros illos circulares, & inflatur aer, tunc pia mater secedit a superficie cerebelli, & aer insinuans se inter plana circularia, demonstrat piam matrem, inter hæc plana insertam. Quam RUYSCIIUS demonstrabat hoc modo præparatum cerebellum, nemo sciebat, quid videret, nam tota pia mater erat ablata, & circelli erant

Arteriæ
epia.

erant profundi usque ad centrum cerebelli, ita ut ejus globus sectus sit in tot plana, quot sunt sulci, hinc educis illis diaphragmatibus figura ejus appareat, quasi in tot plana distingueretur: unaquæque harum insertionum piæ matris non habet sinuosam superficiem, sed tantum falcatam, hinceducta pia mater semilunam quasi repræsentat. V. RUYSCHII *Epist. VII. Tab. VIII.* Hæc pia mater habet arterias maximas ad ambitum gyrorum, & diaphragmatis medii tota structura est arteriosa & venosa; ex utraque superficie lamellarum perpendiculares fibræ oriuntur, ut in cerebro, sed distantia inter piam matrem & medullam in cerebello forte non est vigesima pars distantia, quæ est inter piam matrem & medullam in cerebro, hinc illæ fibræ etiam sunt longe breviores: si spectetur superficies cerebelli, ablata pia matre, apparet granulosa, sed unumquodque granulum est tam parvum, quam semen papaveris minimum; pia mater autem hæc ubique involvit, & dat vasa sanguinea, quæ mirabiliter cum omni illa superficie coherent. V. RUYSCHII *Epist. XII. Tab. XV. Fig. 5.*

Pia mater procerum vermiformium.

Si cerebellum aperitur, videmus, quod ex granulis concretis ubique demittatur medulla, quæ tandem, ubi omnes lamellæ concreverunt, colligitur in medullam oblongatam & spinalem: hinc medulla oblongata est crassissima, ubi directe accrescit cerebello, quod sit in tubere annulari; sed in loco infimo relinquitur spatium, quod occupant processus vermiformes, qui necuntur cerebello, & medullam etiam emittunt, & sic replentur spatia, quæ cæterum inania relinquerentur; ergo hi processus inserviunt tantum ad augendam superficiem piæ matris pro generatione corticis & medullæ. V. EUSTACHII *Tab. XVII. Fig. 7.* & RUYSCHII *Epist. XII. Tab. XV. Fig. 2.*

Hæc est idea piæ matris, quatenus cerebellum & medullam oblongam involvit; sequitur nunc, ut agamus

DE PIA MATRE MEDULLÆ SPINALIS.

Medulla vocatur spinalis; simul ac foramen occipitale egressa ingreditur thecam vertebrarum, & hoc fit, simulac cerebellum dedit infimas appendices medullas medullæ oblongatæ; hinc tuber annulare apparet multo crassius, quam medulla spinalis in sua origine, & falsum est, quod hæc medulla sit productio tuberis annularis; illud enim prius emittit novem nervorum paria, & reliqua pars tuberis tenuiori maxime oritur a cerebello: hoc factò medulla bifida fit, quod in tubere annulari vix apparebat, ejusque cortex internus forte tertia pars est totius medullæ, quo ablato, apparebunt tantummodo duæ tenues columnæ.

Descriptio medullæ spinalis.

Medulla hæc spinalis liberrime hæret intra thecam vertebrarum, nam dura mater cingit ossæam superficiem, & humor medius continuo exhalans illam in balneo tepido vaporis tenet: hæc, quando egreditur, tota est medulla; paulo post interius corticem accipit, & in ossæ sacro abit in nervos, tunc jam duos, omnibusque suis integumentis præditos; ergo pia mater hic triplici diverso modo se habet, nam in ortu involvit medullam solam, paulo inferius corticem internum facit, & in fine nec medulla nec cortex est: scilicet pia mater & Arachnoidea amplectuntur extrinsecus medullam, sed pia mater ex cavo quarti ventriculi procedens inter crura medullaria inserit se in partes bifidas medullæ spinalis, & format in medio corticem, qui cortex descendit usque ad os sacrum, & ibi tota medulla explicatur in nervos. Pia mater exterior habet arterias magnas, calefacientes medullam, ut in medulla cerebri, sed

D 2 media

media pars facit corticem ; & ab hoc iterum nova medulla generatur ; pia mater exterior vaginam etiam singulis nervis præbet.

Misiss nunc , quæ porro de cortice & medulla dici possent , transeamus ad Pathologiam hujus partis , dicturi

DE MORBIS NERVORUM A VITIIS IN PIA MATRE HÆRENTIBUS.

Ut intelligantur hi morbi , considerandum est , quod pia mater sit proprie apparatus arteriarum , & quod nervi , qui huc veniunt , arteriarum nutritioni tantum inserviunt . Morbi autem , qui hic nasci possunt , vel hærent in ipsa fabrica peccante harum arteriarum ; vel in humoribus , in arteriis contentis , degenerantibus . Diximus jam aliquoties , quod hæ arteriæ orbatae sint membranis suis muscularibus , hinc nulla talis arteria posset coercere sanguinem , nisi circumambirentur fulcro stabili , pleno , & æqualiter premente duri cranii , quæ dos nupiam in toto corpore invenitur , nisi in arteriis osium : ergo videretur ex tenuitate harum arteriarum , quod eo facilius possent contingere morbi in earum fabrica ; & quoniam sanguis , qui a corde fertur versus has partes , diversus est a sanguine in aliis partibus , possunt in eo etiam singularia vitia hære.

Morbi , qui oriuntur in fabrica , erunt vel congeniti , vel postea acquisiti . Vidi morbos nonnullos , nervis adscriptos originem habuisse a causa tam subtili , ut optimi Medici per annos cum illis luctati sint absque ullo felici successu ; & tunc hi morbi semper videntur ortum habuisse a vitio congenito in partibus piæ matris foetidis . Sæpe autem hi morbi acquiruntur ex aliis morbis , vel vitæ regimine .

Morbi , in humoribus contingen-

tes , possunt fieri , quatenus illi vel copia vel qualitate peccant ; copia potest esse nimis magna vel nimis parva ; qualitate possunt nocere , sive crassi sua sive motu peccent .

Quando arteriæ capitis , & pia mater ex his nata , a forma naturali recedunt ,prehendimus in iis quatuor vitia , 1. nimiam amplitudinem , 2. angustiam , 3. rigiditatem , 4. flexilitatem .

Novistis , naturam in formandis corporis humani partibus fere semper eandem observare legem , quæ quando plane non adest , monstrum dicitur ; sed de eo hic non ago .

Quando ergo arteriæ , quæ feruntur ad Encephalon vel Enrachitidem , longe ampliores sunt , quam naturalis corporis symmetria requirebat , vitium hoc erit vel commune toti corpori , vel proprium tantum his vasibus capitis , subitamque apoplexiam producere poterit .

Magnus LAURENTIUS notabile hujus rei habet exemplum : narrat nempe , nobilem Legatum incidisse in dolorem capitis subitaneum & intolerabilem , unde paulo post uno momento apoplecticus factus brevi diem suum obibat : Medici aperiunt cadaver , inveniunt cor tam capax , ut contineret libras tres sanguinis ; Aortam latitudinem habere fere instar brachii , arterias ad caput euntes æquali proportionem latas , & totum caput impletum sanguine : videmus hinc fieri posse , ut capacitas totius syllematis arteriosi fiat tam enormis , extrinsecus vix apparentibus vitiis , & tale vitium vasorum majorum potest vocari amelia arteriosa universalis .

Sed idem vitium potest quoque fieri in aliqua parte , ut in hepate , liene , rene , simulac oritur distributio arteriarum non proportionata , & tunc inde mirabilia symptomata fiunt . Quod si arteriæ capitis hac ratione se habeant , nonne hinc orietur Hydrocephalus ? in hoc morbo multæ aliquando libræ æquæ in capite infantum continentur , Certe tanta distensio potest originem

Diffinitio huius morborum.

Ampl. tudo arteriarum pia matris.

Communis cum toto corpore.

Vel huius parti propria.

ginem ducere ab arteriis capitis amplioribus, quam naturaliter oportebat. Hoc morbo nato fit Anæsthesia, nam simulac soliditas capitis externi non amplius permittat extensionem, comprimetur primo sensorium commune, & paulo post fiet stupor, apoplexia & mors. Si hoc vitium fiat in partibus inferioribus, si ve in theca vertebrarum, fiet spina bifida, quæ non fit nisi a distensione harum arteriarum; hæc enim facit, ut corpora vertebrarum maneant quidem eadem, sed ut spinæ a se invicem secedant, & ut ab ampulla hic formata recta sit via ad cavitatem, in qua continetur medulla spinalis: oritur primo sacculus quidam, qui sensim plus excrescit, cujus pelliculam si pertundas, statim moritur infans, ea vero clausa relicta, vivit adhuc utcumque; in hoc casu medulla in uno tantum loco est morbofa, sed supra & infra illum locum bona. Omnes nunc, quibus hac ratione increvit caput, sunt primo obliviosi, dein soporosi, tandem quoque perit partium motus. Nonne stupidi a natura arteriascapitis latiores habent? saltem caput his omnibus majus est. Si contingat, infantem recens natum habere quædam signa nimis incrementis capitis, forte adhuc poterit juvari, modo statim de ligatura capiti prudenter applicanda cogites. Si enim cranium hominis sani læsum est, dura & pia mater conantur extrorsum excrescere, sed periti Chirurghi hoc impediunt per lenem compressionem; si vero tunc dura mater corruptipitur, cerebrum brevi forma fungi ita erumpit, ut aliquot uncie possint abscindi. Simulac ergo videmus, arterias plus distendi, quanto debent, conabimur iis prospicere per capitella ex corio molli leniter firmata. Si vero expectaveris tamdiu, ut jam dilatatae sint arteriæ, tunc præternaturalis dispositio vasorum, & distributio humorum jam adest, & si tunc nimis premas, facis Apoplexiam: sed tunc, ut in

Tom. I.

priori casu, sæpius leniter purgandi sunt infantes, antequam imponantur capitella.

DE NIMIA ANGUSTIA ARTERIARUM PIÆ MATRIS.

Potest etiam fieri in quadam arteria angustia major, quam requiritur ad symmetriam; hæc ne fieret nimia, prospexit Deus, nam causas contrahentes abstulit his arteriis, quæ ideo extensiles sunt, omnibus fere contractis: hoc vitium ergo proprie non invenitur in pia matre, sed potest fieri in arteriis adferentibus, si ve adhuc in jugulo, si ve intra cranium; dantur enim exempla, arterias carotides vel vertebrales in ipso ingressu in caput occalluisse, & cartilagineas, osseas, imo lapideas factas fuisse, & adeo angustas, ut nullum fere cavum fuerit relictum, & tunc alii canales in latere opposito tanto majores fiebant.

In Miscellaneis Naturæ Curiosorum Anni 1670. habetur ad Numerum CXXVII. sequens GRAÆFII Observatio. Mulier per viginti quinque annos dolore capitis intolerabili excruciabatur, præsertim in latere dextro; tandem imploratis frustra multorum Medicorum auxiliis moritur; aperto capite, arteriæ carotides offendentur ita induratae, ut externa facie calculosæ, si ve in lapideam substantiam mutatae judicarentur, sed illis apertis observabatur materia callosa-lapidea lateribus earum accrevisse, idque non aliis in locis, quam ubi ad latera fellæ equinæ ascendunt. Per harum arteriarum medium sanguini adhuc quodammodo concedebatur via.

Notabilis etiam casus est, quem narrat WILLISIIUS in *Libro de Anatome Cerebri, Cap. VII.* In defuncto quodam, dum cranium aperto, quæ ad Encephalon pertinebant, lustrabat, Carotidem dextram, intra cranium emergentem, plane osseam,

D 3

scu

Exemplum hujus morbi.

seu potius lapideam, cavitae ejus fere in totum occlusa, invenit, adeo ut sanguinis influxu hac via denegato, mirum videatur, quare aeger non prius interfisset apoplecticus, quod equidem in tantum absuit, ut mentis suae & functionis animalis libero usu usque ad extremum vitae momentum potiretur. Eminvero natura contra illud apoplexiae periculum remedium satis idoneum substituerat: nimirum ex eodem latere, quo Carotis defecerat, arteria vertebralis pari suo alterius lateris triplo major evaserat. Sanguis enim Carotide exclusus, solito vertebralis vetriculi se insuper addens, & duplicato fluvio in eundem alveum conflens, arteriae istius canalem ita supra modum dilataverat. Defunctus circa initium sui morbi atroci capitis dolore juxta latus sinistrum torquebatur, cujus causa forte fuit, quod sanguis carotide dextra exclusus, cum primo impetuosis in sinistram irrueret, membranam distenderat; ideoque idem affectus postea sponte evanuit, nimirum sanguine superfluo per arteriam vertebralem derivato.

DE NIMIA RIGIDITATE ARTERIARUM PIÆ MATRIS.

Vasa nostri corporis aliquando rigescunt a causis tam subtilibus, ut detegi non possint, nisi postquam effectus suos jam praestiterint; potest autem accidere, ut resistentia, quae requiritur proportionalis distributioni, sit major, hinc impletio minor, & proinde quidam defectus; ergo ab hac causa, potest oriri species quaedam Marasmi sive Atrophiae cerebri, quod ergo sensim fiet tenuius, & minus repletum quam totum corpus. An hic morbus aliquando accidat, non tam facile determinatur, nam, si liquida paulo plus expelluntur uno loco, eo magis iterum impelluntur in alium locum; si ergo angustia sit in arteriis, fiet dilatatio in venis, aliis-

ve locis, & tunc Encephalo manente aequae magno, systema arteriosum fiet tantum minus. An hoc non accidit, quando liquores quidam colliguntur in nonnullis locis? certe intra cranium fornicatum non potest colligi uncia liquoris aequali, nisi locus pro eo pareatur: dantur observationes, ex quibus haec res demonstrari posse videtur.

V. TULPII Observationem 24. Libri I. & imprimis WILLISII in Anatomie cerebri Cap. III. Fig. 4. quae effigiem exhibet cerebri humani, quod fuerat cujusdam adolescentis, ab ipsa nativitate fatui, cujus cerebri moles tenuior, & solito minor fuit; in hoc casu non potest fieri libera functionum animalium exercitatio.

Huc referri potest, quando futurae, quae in tenellis sunt flexiles & membranaceae, nimis cito ossescunt: talis enim est harum partium fabrica, ut qua proportionem vires cordis augentur, encephalon quoque explicetur; hinc caput debet quaquaverum posse extendi & excrescere; si vero futurae nimis cito solidescunt, cerebro tunc renuente satis explicari, debet fieri ejus ametria. Notaverunt jam veteres, quod futurae inservirent vaporibus ex capite emittendis, & dixit Columbus se observasse in hominibus, qui se pessime habebant respectu functionum animalium, quod haberent cranium concretum sine ulla sutura residua: scitis, quod futurae valis emittendis inserviant, quibus ergo concretis terribiles capitis morbi oriuntur; illi ergo sano sensu ex ametria cerebri explicari possunt.

DE NIMIA FLEXILITATE ARTERIARUM PIÆ MATRIS.

Revocemus hic iterum in memoriam, quod arteriae Encephali tunica musculosa orbentur; hinc cerebrum expandatur, simulac resistentia

Constitu-
tio syste-
matis ar-
teriosi in
pia ma-
tre.

cranii aufertur; in systemate arterioso totius corporis non debebat esse laxitas, quæ tamen requirebatur in cranio, quia systole & diastole pressionem variat; ergo Creator, hic circumponens galeam ossæam, nimia arteriarum dilatationi satis prospexit; hæc galea tertio post conceptum mense satis mollis, sexto vel septimo vix potest frangi nisi ad futuras; nam cranium constat ex fragmentis ossæis, per futuras flexiles inter se adnatis, ut totum systema encephali æquabiliter extendi posset: ponamus jam, quod in his arteriis oriatur nimia debilitas, hinc minor resistentia, non poterunt quidem cedere, sed propulsio humorum fiet tamen minor; hinc plus dilatabuntur, arteriæ vicinæ comprimentur, & sic disponentur ad integram quietem. Credo, hoc vitium obtinere in teneris virginibus & delicatis mulieribus, quibus tota facies a minima causa ita rubescit, ut earum habitus sæpe uno momento mutetur; accedet autem huc vasculorum vicinorum parvorum quædam compressio, & hinc tanto facilius poterit oriri illa quies.

Curatio
morbo-
rum a ni-
mia flexi-
litate.

Dolens sæpe vidi, pessimum huic malo applicari remedium; mulierculæ enim, imo nonnulli Medici, adhibent in hoc casu sales volatiles anglicanos, qui spiritus subito movent; hæc pro momento quidem juvare videntur, sed paulo post subsident illi motus & longe pejor se habent; æque malo cum successu Cephalica ex Lavendula, Rosmarino, Ruta hic exhibentur; optimum vero remedium est, ut sensim humores deriventur a cerebro, quod fit per pediluvia, vesperi ante somnum, & post illa frictiones, ut pedum vasa paulo plus dilatentur, & sic cerebrum liberetur a præpondio; juvat etiam summo pere fudorem perpetuum pedibus conciliare, quod fit per Galbanum cum pauca Camphora, duplici copia Emplastri de Meliloto admistum, super alutam extensum & nocte dieque pe-

disbus adpositum. His non juvenibus oportet adhibere setacea, cujus remedii felicem successum relatum videmus apud RUYSCHIIUM, *Observatione* XXIV. Virgo quædam octidecim annorum diu laboraverat capitis dolore assiduo & intolerabili. Varia incassum adhibita sunt remedia. Tandem animus erat Medicis cranium terebra perforare. Antequam vero hæc institueretur operatio, RUYSCHIIUS setaceum in nucha proposuit. Remedio hoc celebrato statim evanuerunt dolores; sed post aliquod tempus ægra hujus remedii pertaxa extraxit setaceum, quo factò ilico ræcidit malum, ita ut coacta fuerit ad novum setacei usum confugere, quo instituto exemplo rursus cessarunt dolores ægram vexantes. Tertia vice setaceo expulso recidivam patiebatur; eadem vero encheiresi repetita, iterum liberata fuit ab hoc malo. In hoc casu tam parva resistentia erat in his partibus, ut omne suprapondium huc derivaretur; sed ubi hæc partes vires elasticas iterum acquirunt, ægri sanantur.

Accedimus nunc ad explicandos morbos in genere nervoso, quatenus oriuntur a sanguine degenerascente in vasis arteriosis piæ matris cerebri ab illa conditione, quæ commodissima est functionibus efficiendis; quod fieri potest respectu quantitatis vel qualitatis; hæc vero copia nimis magna consideratur vel in toto corpore, vel tantum in systemate vasorum Encephali.

DE PLETHORA VASORUM PIÆ MATRIS.

Quando plethora fit in toto corpore, tunc præpotio vasorum, sanguinem rubrum vehementius, respectu minorum modum excedit; hinc æquilibrium tollitur, & multa vasa per compressionem clauduntur; hoc ergo etiam fiet in pia matre. Credo, quod

Plethoræ
effectus
in corti-
cem.

sæpe videritis, homines fanos a motu paulo citatiori, a vini potu, a calore aeris aucto, incidisse in rigiditatis cuiusdam speciem, ita ut membra facile movere nequeant; imo vidi homines, qui tunc digitos vix claudere possunt. Intelligitur facile, quid ab hac causa evenire possit capiti, nam cranium sanum semper ita plenum est, ut nullum spatium sub eo subsidat, hinc simulac aufertur olla cranii, encephalum semper protuberat. Crederis forte, ventriculos cerebri naturaliter cavos esse & patulos, sed tantum vidi-ssis dissectos, nam si hic fuisset cavitas non resistens, pars cerebri tempore vitæ turgens statim illam occupasset. Quum ergo cranium semper plenum sit, & sanguis ruber extra corticem hæreat, (nam cortex cerebri naturaliter non habet vasa rubra) hinc quo plus sanguinis rubri in capite est, eo minus spatii remanet pro humoribus reliquis; cranium autem in statu sano omnia contenta sic coercet, & tantopere resistit, ut pulsus arteriarum duræ matris diastolicus faciat in ipso osse sinus, arteriis accommodatos; hinc nituntur hæc arteriæ cranium magna vi retropellere, sed illud etiam magna vi resistit; si ergo paucis tantum excessus sit in systemate arterioso, statim fiet arctatio, & tanto minus reliquorum humorum locari poterit; hinc ergo cortex, interceptus inter obductam sibi & insinuatam piam matrem, comprimetur, eritque hæc compressio proportionalis copię sanguinis hic applicati; sed cum cortex, quantum novimus, sit vasorum lateraliū textura, hinc dilatio vasorum piæ marris erit compressio vel angustatio vasorum lateraliū, corticem constituentium. Quod si hoc fiat assiduo, sensim magis titubabit totum systema nervosum, eoque magis, quo corpora mobiliora fuerint.

Porro quum cortex proxime adhæreat piæ matri, hinc, si distensio va-

forum paulisper duret; vasa ex rubris orta, & insinuata in corticem, dilatabuntur, & hic est alius morbi status, in quo pars intima corticis comprimitur, dum dilatur extima, & in hoc casu sanguis ruber translit in vasa aliena, id est, territorium piæ matris producitur. Clare vobis constitit, quod nunquam sit circulatorio sanguinis rubri per corticem, sed tantum circumaffusio; si ergo dilatatio vasorum hic contingat, statim omnia turbantur, & æger forte nunquam ad sanitatem reducetur: hic autem morbus raro de- tegitur, nam simulac aperitur cranium, sinus exhauriuntur, & multum sanguinis perditur; vidi tamen semel in puella, vera phrenitide in nosocomio publico mortua, ablatis post mortem dura matre & cranio, quod cortex adeo perfusus esset sanguine, ut nunquam simile in præparatis per injectionem viderim: ergo plethora hic nata facit primo mutationes subitaneas; dein infarctus, postea sopores lethales; compressis vero corticis partibus interioribus, quæ vasis tenuissimis constant, omnis abolebitur transitus, & functio corticis non tantum, sed etiam medullæ & nervorum desinet, nam medulla oritur ex cortice, eademque protenditur in nervos. Ergo ex hac causa oriri potest omne genus morborum in nervis, id est, eorum functiones erunt ablata, vel turbata, vel nimis aucta, unde sequentur affectus animi vehementiores, sensus vividiores, summi furiores, convulsiones, paralytes, anæsthesia, carus, apoplexia, mors.

Præterea pia mater ambit medullam ^{in medullam.} omnem, accipit autem arterias directe ex carotidibus & vertebralibus, quæ circa eam maximæ sunt, & sanguine rubro distent; hinc cum nullum spatium vacuum sit intra cranium, & arteriæ non ita directe applicantur cortici, primus impetus debet fieri ad ipsam medullæ superficiem, hinc ^{ibi}

ibi quoque fiet primus effectus, & origo nervorum impediatur. Hoc autem factum est summo nostro bono, nam aliter sanguis fureret in corticem: simulac cortex incipit comprimi, non compressa medulla, impetus maximus fit per nervos; sed si medulla, atque ideo origo nervorum comprimitur, orietur quidem impedimentum aliquid, sed non fiet vehemens impetus, & sanguis potest tamdiu distribui per circulum WILLISIANUM; hinc missio sanguinis in tali casu uno momento hominem restituit. Vidi hominem, ex abusu vini Burgundici tam ebrium, ut federet instar statuae: missæ fuerunt duæ sanguinis libræ, & statim ipsi rediit omnis motus. Si vero hæc compressio diutius duret, tunc, quia in his canalibus medullofis nulla fere est resistentia, & locus remotissimus est a principio movente, exprimitur inde tenuissimum, quod continebant, liquidum, sic ut parietes vasorum per merum contactum ad se mutuo maneat compressi, & tunc nulla fere est restitutionis spes, nam omnes partes, quæ inde nervos suos accipiunt, erunt paralyticae.

Unica adhuc restat consideratio, nempe quod hæc plethora longe prius afficiat cerebrum quam cerebellum, nam cerebrum est longe mollius, & flexibilius, hinc facilius mutabile quam cerebellum; vasa cerebri etiam sunt plura, & tenuiora, nam pia mater vasa sua arteriosa inter lamellas cerebelli porrigit tantum ad exiguum spatium; sed in cerebro hæc lamellæ sunt longe majores, & profundius inferuntur; cerebellum etiam divisum est in tenues, & plurimos circellos, nec ullos plexus choroideos, & unicuique tantum ventriculolum habet, sed in cerebro sunt magni recessus, unde habet duplicem quasi superficiem, unam, quam tegit pia mater; alteram, quæ includit fornicatas superficies medullofas, quas quia cerebellum non habet, non opus est illi plexibus cho-

roideis; ergo motus, & compressio agent magis in cerebrum, quam in cerebellum.

Transco nunc ad examen illorum casuum, in quibus est Plethora folius capitis, quæ tamen non est in reliquo corpore, & hæc inprimis potest fieri in obesis. Scilicet Adorandus Creator sic fecit nostrum corpus, ut conservetur ubique per humorem, omnium difficillime putrescentem, omnium minime diffabilem, juncturæ solidarum partium amicissimum. Talis humor est nostrum oleum, quod omnia facit esse mollia, ultimum facit terrestris elementi solidamen: hoc oleum fit ex assumptis intra corpus, sed non nisi in iis prius existat, & tunc ex illis fit primo chylus, sive naturalis quædam emulsio, dein lac, quod omne non convertitur in sanguinem, sed partim effunditur in vasa laterialia minus resistentia, & hac ratione fit obesitas, in qua corpus crescit ratione olei, decrescit ratione aliarum partium. Ampullæ hoc oleum recondentes, possunt repleri, & depleri; reliquo corpore non mutato. Quamdiu hoc oleum in corpore sufficit ad præcavendam putredinem, & ad debitam molliem flexilitatemque continuandam, recte valemus; si deficit, laboramus morbis, a macilentia, & humorum acrimonia oriundis; si vero nimis abundat in suis ampullis, tunc, quia cutis coriacea coercet expansionem corporis, vasa sub hac decurrentia nimis comprimuntur, & angustantur.

Positur autem hoc oleum vel supra musculos, vel intra ossa, & vasa tunc semper sunt minor, ita ut totum animal tandem possit fieri quasi capsula medullaris, oleo plena. Confirmatur hoc ex animalibus saginatis, v. g. porcis, & narrat ARI-STOTELIS, quod Apri pinguescentes, ubi abundat ipsis pabulum, ita incrementum, ut mures, exesa illorum cute, in crassissima pinguedine nidios

Plethora
particularis.

Dagna
nimis o-
besitatis.

nidos faciant. Quando tale præpon-
dum pinguedinis nascitur, non inve-
nitur tamen major ejus copia in cra-
nio, paucissimis casibus exceptis, nam
Ruyschius observavit sub tunica A-
rachnoidea inter texturam arteriarum
ampullarum minimarum speciem, quæ
pinguedinem quandam videntur conti-
nere, quam alii habuerunt pro mate-
ria fungosa, sed hæc nunquam unguis
humani crassitiem habebat. Ergo quan-
do hoc oleum sic increscit in corpore,
fit defectus sanguinis rubri in ejus vas-
is; sed cum in solo capite pinguedo
non increseat, hinc debet fieri pletho-
ra vasorum piæ matris, & hanc voco
ipsi propriam. In theca autem verte-
brarum invenitur sæpe pinguedo satis
copiosa. Scitis, quod caput naturali-
ter sit tam plenum, quam potest, sed
cavitas hujus thecæ non adeo plena
est, sed ibi revera intercapedo est,
non vacua, sed rore plena. Triginta
hinc exeunt nervorum paria, singula
ad minimum in duodecim fasciculos
distributa; sed ut siccitas illorum fun-
ctionem nunquam impediret, hinc ca-
vitas sacra fistulæ est quasi vaporarium,
in quo omnes hæc mirabiles partes hæ-
rent liberrimæ. Dura mater investit
interne omnem osseam superficiem hu-
jus fistulæ, & obducit omnes nervos
egredientes; inter hanc, & piæ ma-
trem hæret tunica Arachnoidea, in
qua hic loci sæpe multum pinguedinis
invenitur: ergo ille excessus videtur
hic melius posse admitti quam in ca-
vo cranii, unde hic non tam subito
oritur compressio a plethora in hac
parte, & hinc forte nervi, ad partes
inferiores distributi, omnium ultimo
afficiuntur. Posita nunc integritate o-
mnium functionum, si oritur parvus
tantum plethoræ excessus, portio san-
guinis, quæ distribuebatur per vasa
corporis nunc compressa, fluet ad va-
sa piæ matris non compressa, hinc
major erit compressio in parte corti-
cali, minor distributio in parte me-
dulloso, hinc statim ex primo levique
initio omnes series morborum nervo-

rum oriri poterunt; Primum horum
esse vertiginem, quæ in initio nihil
est nisi lenissima undulatio circumgy-
rantium corporum, & quædam cor-
poris concussio; huc requiritur tantum
minima vis comprimens corticem; si
vero hæc compressio incipit fieri ad
nervos, motui musculationum interveni-
tes, oritur quædam vacillatio: ulti-
mus autem morborum, qui hinc oriun-
tur, est Apoplexia, quoniam tunc ar-
teriæ corticem, & medullam compri-
munt, dum interim omnis vita adhuc
manet in cerebello, imo major est,
quam in statu naturali.

Sequitur nunc consideratio Plethoræ
vasorum piæ matris, ab arteriis in a-
liis corporis partibus impeditis, licet
non adsit copiosa pinguedo. Scilicet
totum corpus habet in omnibus parti-
bus definitam copiam sanguinis, quam-
diu distributio ubique est æquabilis,
& tunc est sanitas. Si vero impediatur
quædam arteria, statim tanto major
portio intra datum tempus transibit
per arterias liberas, quæ inde sensim
fiunt latiores. Tales causæ, a quibus
comprimuntur arteriæ quædam extra
cranium, sunt quidem in multis cali-
bus transitoriæ, tamen arteriæ intra
cranium statim inde dilatantur, &
hæc compressione ablata evanescit ite-
rum Plethora intra cranium. Hæc
inter causas nulla frequentior est
quam plenitudo ventriculi, & uteri,
quæ amabili sexui propter corporis mo-
bilitatem inprimis est propria. Audietis
puellas teneras sæpe conquærentes,
quod a ventriculo impleto statim ipsis
turbetur totum caput cum rubedine
faciei, vertigine, & vacillatione. Si
ab his assumantur alimenta fermentes-
cibilia, & rarefcentia, fructus ho-
ræi, & cibi facile putrescentes, illa-
que ingerantur tanta copia, ut pylorus
spasmodice contrahatur; materia
illa magis tumescens in ventriculo pre-
mit diaphragma sursum, & aortam
quodammodo comprimit, & tunc ma-
jor copia sanguinis debet deferri ad
caput, & plethoram facere vasorum
piæ

Impedi-
menta va-
sorum in
corpora.

pizæ matris, & ab hac causa etiam omnes morbi nervorum possunt oriri. Quod si huc quoque accedat vomitum, summum adest periculum, quia tunc fit contractio simultanea diaphragmatis deorsum, & musculorum abdominis introrsum; inter hoc prælum hæret ventriculus plenus, præmens arteriam Aortam, & tunc labia his hominibus tremula sunt, & oculi lacrymantes: videtis, quod respiratio ab hac causa impediatur, unde sanguis, per venas jugulares, redeuns non potest fluere per pulmones, & in valis capitis oritur summa distensio: quod si his feliciter larga hæmorrhagia narium superveniat, servantur; si vero ab hac causa rumpatur arteria in pia matre vel plexibus choroideis, videtis facile, quam lethalia symptomata inde sequi debeant.

Quod si arteriæ in partibus corporis inferioribus minus capaces sunt, vel penitus abolentur, & corpus cæteroquin sit bene sanum, adeo ut vires Chylopoeticæ, galactopoeticæ, & hæmato-poeticæ valeant, ut ante, tunc quoque orietur plethora vasorum pizæ matris. Exemplum supeditat Chirurgia in hominibus, quibus detruncatum est crus vel femur, quo factò nascitur plethora, ex qua post perpeffas vertigines, & vacillationes tandem incidunt in Apoplexiâ.

Huc quoque refertur motus Hypochondriacæ cum materia. Arteriæ enim Cœliacæ, & Mesentericæ ita constitutæ sunt, ut in harum propaginis facies sanguinis amurcosæ facile retineantur. Quum autem hi humores ibi sæpe diutissime hæreant, duritiæ scirrôla per tumorem, & tactum ipsi oculo se manifestante, hinc raro inveniuntur hypochondriaci cum materia, in quibus non simul læduntur functiones cerebri, & nervorum, hinc illi plerumque patiuntur vertigines, Cephalæas, imaginationes depravatas, donec tandem moriantur Apoplectici, illæso tamen cerebro.

Inter causas Plethoræ vasorum pizæ matris recentio quoque impedimentum sinuum. Novitis, quod systema arteriosum in Encephalo longe aliter se habeat quam in alia quacumque plaga corporis; scilicet quod singulæ arteriæ se hic exonerent in singulas venas, & illæ in alveos latos, liberos, vix resistentes: vidimus, fibras musculosas adesse in his sinubus, ne nimis dilatentur, easque fibras eo esse fortiores, quo plus sanguinis continetur intra illos sinus, hinc ad Torcular Herophili induere fere naturam musculi cavi. ubi hæ fibræ sunt, notavimus etiam ampullas mucilaginosas, grano Sinapi non majores, quæ tamen aliquando in satis magnam molem increverunt: observavimus tandem, quod venæ sint angustissimæ in locis a sinubus remotis, sed latissimæ, ubi in sinus intrant, quum arteriæ contra in parte inferiori sint latissimæ, in superiori angustissimæ. Si ergo in sinu quodam oriatur impedimentum, per quod sanguis difficulter tranlit ex venis in sinus, illud faciet plethoram vasorum pizæ matris. Hoc autem maxime est timerdum ad Torcular Herophili, ubi omnes sinus ex toto cranio colliguntur in unum alveum; hæ vero partes ex variis causis possunt angari per thlipin; si enim casu quocumque oritur tumor circa foramen magnum, per quod sinus exeunt, tunc æger post multa alia symptomata tandem potest mori apoplecticus. Idem produceretur per stenochoriam, nam fibræ illæ in nonnullis duræ, imo osses factæ observatæ sunt: ampullæ porro mucilaginosæ intumescences instar Atheromatis vel steatomatis hic etiam impedimentum creare possunt. Idem fieri potest per Emphraxin; nam licet iter sanguinis naturaliter hic sit valde expeditum, & maxime cautum est, ne hic fieret polypus, tamen aliquando observatum fuit, quod venosus sanguis hic coarctaret in vermium speciem. Eadem mala possunt fieri ab omnibus tumoribus inflammatoriis, Aneurismaticis, varicosis, ampullosis.

Ametria
in parti-
bus infe-
rioribus.

Obstru-
ctio hypo-
chondri-
cum.

pullosi. Inter has autem causas omnium dirissima est Exostosis, quæ si oriatur quacumque de causa ad loca sinuum, tunc illi comprimuntur, & venosum sanguinem transmittere prohibentur: minimum tale tuberculum potest producere maximam cerebri læsionem, uti in Lue Venerea sæpe observatum fuit; intelligitur enim facile, quod venis compressis arteriæ piæ matris statim debeant tumere, id est, plethora in illis fiet.

Venarum
jugularium.

Porro, si jugulares venæ, sanguinem a cerebro reducem revehentes, impeditæ sunt, nascetur etiam plethora vasorum piæ matris. Nullum enim vas harum venarum vicem supplere potest: ducuntur hæc per mollem pinguedinem, liberæ ab omni musculo, ne spasmodica contractio, quæ aliquando a minimo animi affectu fieri potest, inprimis in foeminis, eas impediat, ut non possent se evacuare in venas subclavias: non sunt tamen liberæ a tumoribus glandulosis & strumosis, hic sæpe natis, vel ab ita vocato morbo regio; quando autem hi tumores, per colli latera se expandentes, has venas comprimendo impediunt, tunc ex plethora piæ matris, hinc genitæ, omnia mala capitis ad Apoplexiam, & mortem usque sequuntur. Quando ergo in his locis intumescunt glandulæ, nec possunt ad suppurationem duci, summum periculum est, ne scirrescant, hinc statim, antequam venas comprimant, optima resolutiva sunt adhibenda, quæ sumuntur ex salibus alcalinis fixis, cum aromate penetrante junctis. Laudo hic radicem Contrajervæ & Serpentariæ Virginianæ, quæ cum sale Absinthii infundantur in Vino Rhenano, ejusque vini medicati sumat æger unciam dimidiam ter quaterve de die: hoc remedium mirum certe in modum coagula solvit in glandulis. Præterea omni mane, & vespere, sine in-

termissione, hi loci pannis laneis asperis blande debent perfricari; noctu etiam applicetur fomentum ex sale Ammoniaco, in urina humana vel aceto scillitico soluto, cui superimponatur vesica olei inuncta, qui apparatus mane tollitur, & tunc de die post frictionem imponitur Emplastrum de Galbano.

Pergo ad considerationem Respirationis, quæ si retineatur, uno momento repletur totum systema arteriosum & venosum, in hoc enim casu glottis clauditur, hinc aer in pulmone contentus rarefcit, unde vasa ejus sanguinea magis compressa minuuntur in sua capacitate, ergo etiam comprimuntur pulmonales venæ, & sic omnis sanguis pulmonis abit ad cor sinistrum, ex eo propellitur in Aortam, adeoque etiam in carotides & piam matrem; sed quoniam cor dextrum simul impeditur sanguinem suum propellere in arteriam pulmonalem, hinc sinus ejus venosus & auricula debent necessario magis turgere, adeoque etiam vena cava; hinc venæ jugulares se non possunt exonerare in venam subclaviam, unde illæ etiam turgebunt, adeoque tunc plus sanguinis continebitur in toto systemate vasorum capitis, nempe magna pars illius præpondii, quod antea fuerat in pulmone. SWAMMERDAMNUS in *Traçtatu de Respiratione* pag. 9. narrat, quod in Nosocomio Leidensi, ope retenti Spiritus, per patulum aliquod in pede vulnus, magnam aliquando sanguinis copiam, pro voluntate a puerulo excretam viderit; unde patet, quod sanguis, retenta respiratione, eo majori copia ad alia loca distribuatur. Potestis ipsi experimentum capere, quod hanc rem magis probat: hauriat quis tantum aeris, quantum possit, eumque retineat, omnes faciei, colli, oculorum partes sanguine rubro erunt quasi perfusæ; patet ergo iterum, si causa quæ-

Respiratio.

quædam faciat plus aeris in pulmone esse, quam requiritur ad æquilibrium, quod superpondium sanguinis pulmonalis derivabitur in totum systema arteriosum & venosum, & quod venæ jugulares se etiam evacuare non poterunt, hinc arteriæ piæ matris debito plus habebunt sanguinis, id est, erit in iis plethora.

Animal-
forus.

Respiratio autem partim est vitalis, partim pendet ab imperio mentis, sed quia animi affectus mentem valide movent, & sensorium commune mirifice turbant, hinc respiratio ab illis valde mutabitur; imo aliquando plane cohibebitur. Videte hominem iratum, quantum inflat nares & pectus; meticulous vix efflat, omnemque fere ærem retinet; amans frequenter suspirat;

Audite HORATII Lib. I. Ode 13.

*Cum tu Lydia Telephi
Cervicem roseam, & cerea Telephi
Laudas brachia; vae meum
Fervens difficili bile tumet jecur;
Tunc nec mens mihi, nec color
Certa sede manent &c.*

Ultimus finis tunc plerumque est in flatum liberrimum resolutio, vel in animi affectum summum post suppressam respirationem; hinc dicebat rerum peritissimus; qui comprimunt labia, & tacent, hos metuo; gnathones & loquaces sperno. Ergo clare apparet, quod in iis, quibus ab indole nativa mobiles hæ partes sunt, hic effectus debeat esse valde notabilis, dum in magis exercitatis illud non est tantæ efficaciz; hinc mutatur illico color: Videte pueros verecundos, quibus factæ minæ faciunt, ut demissis oculis stent fere quieti, & impediatur respiratio, tunc enim statim color ruber effunditur supra faciem, & mens ita turbatur, ut confuse tantum respondeant, imo lacrymæ excutiantur oculis (Hoc non tantum in pueris, sed & in amatoribus,

qui tam frequenter affectibus suis indulgent, verum est) paulo post tremunt labia, balbutit lingua, tremunt manus, & motus animales fiunt impediti: si noverunt subito respirare vel seratum edere, vel simile quid, in principio superatur, aliter jam mutatum est cerebrum, & subito fiunt maximi animi affectus, ira, tristitia &c., vel plerumque profusus status?

Videtur horum omnium origo esse in parte animæ vel cerebri, quæ agit in respirationem: in valde mobilibus hoc ducere posset ad Apoplexiam, nec aliud est remedium, nisi ut subito mutetur respiratio; in risu & tussi, ad summum gradum perductis, tota fere actio cerebri suspenditur. Videmus hoc sæpe in infantibus, qui a violenta tussi fere suffocantur, quibus nutrices tunc dorsum verberant, ut clamantes iterum respirare cogantur. Hinc poetæ naturam imitantes, dum describunt iratum respicientem, exprimunt, ac si diceret *Hem*. Videtis hoc apud VIRGILIUM de NEPTUNO, qui ventos increpans subito flexa respiratione dicit, motos præstat componere fluctus.

Impedi-
ta e-
vacuationes

Mala hæc frequentius eveniunt plethoricis, in quibus ab impedita evacuatione omnes sæpe actiones turbantur; hinc inprimis propria sunt scæminis, licet hæ natura sua plenitudinem longe melius ferant quam viri, quorum corpora ad labores magis sunt disposita, quos si non exerceant, sæpe incidunt in plethoram; his autem stas quandoque temporibus, eodem modo ut in scæminis naturaliter fit mensuralis evacuatio, supervenit quædam hæmorrhagia, inprimis hæmorrhoidum, per quas superpondium illud evacuat; ab hac autem causa oriri possunt omnia generatium morborum, qui vulgo nervis ascribuntur. Scæminæ & viri etiam plethorici, circa tempus solitæ cujusdam evacuationis, de nulla re magis conqueruntur, quam de vertiginibus, mentisque functiones sæpe quasi

quasi interceptiuntur, memoria vacillat, vagæ oriuntur cogitationes & idææ perversæ; si tunc non superveniat evacuatio, incidunt in Leipothymiam, in qua actiones incipiunt labascere, quod nostrates vocant *Kwa-like*; dein Leipopsychiam, in quo statu nec ratio, nec memoria, nec aliæ cerebri actiones constant; imo Alphyxiam, quæ est tantus languor, ut cor vix amplius pulset; tandem syncopen & mortem ipsam.

Curatio
morborum
ab
hac causa.

Summum remedium in his casibus est missio sanguinis, sive plethora sit universalis, sive particularis. Illa etiam, quæ arterias & venas in aliis partibus laxant, easque perspirabiles reddunt, summopere juvant, hinc ipsam insaniam sæpe feliciter curamus, si hæmorrhoides per suppositoria provocentur; hinc in cura horum morborum cogitandum est, an evacuatio quædam naturalis vel consueta intercepta fuerit, & tunc tota curatio dirigenda est ad aperienda illa vasa, quæ sanguinem antea transmittabant. Pessima autem est illorum methodus, quæ agit per medicamenta stimulantia, acri odore & sapore prædita, qualia sunt Ruta, Asa sætida, & similia. Merito hic damnamus omnia calefacientia, qualia sunt Thymus, Majorana, Salvia, licet titulo specificorum exhibeantur; quoniam enim fluida nostra citius incallescunt quam solida, hinc ab horum usu rarefcunt, & mala, de quibus agimus, augent. Probatior hoc per Anatomen. Si enim v. g. oriatur apoplexia post nimiam comestationem, unde homo moritur, sanguis in cadavere invenitur ubique ad piam matrem effusus. In hoc ergo casu aromatica, volatilia, pulveres aurei, antiepileptici, aliæque decantatissima remedia debent evadere summa venena.

Dolendum est in his casibus, quod morbi, nervorum dicti, licet a contrariis causis oriuntur, idem tamen nomen retineant: si ergo sine discrimine exhibeantur remedia, sive plethora, sive inanitis peccet, videtis

facile, quod optima medicamenta sæpe possint fieri perniciosissima.

Forte hic cogitatis, quare hi morbi generentur ab obesitate, & non ab Hydrope, nam vidistis nunc, quod, quicquid vasa premit sub cranio, illud humores magis urget versus cranium, quod non potest extendi: sed in hydrope est defectus sanguinis rubri, hinc licet humores premantur versus cerebrum, erunt tamen in hoc casu valde fluidi: atqui arteriæ cerebri possunt transmittere humores non concrefccentes; quia ergo liquores in hoc casu facillime possunt in venas transfundi, hinc non oritur apoplexia: sed quando major copia sanguinis rubri venit ad piam matrem, hinc non tam facile transmittitur, unde arteriæ necessario debent tumere pro ratione copię sanguinis huc adpulsi.

An vero hæc plethora adsit, cognoscitur ex rubore in toto corpore, maxime in locis, ubi cutis abest, qualia sunt tunica adnata, genæ, nares, labia, gingivæ, os, fauces; erit tunc etiam magnus calor in corpore, quoniam hic ab attritu humorum pendet; vasa etiam apparent impleta, quod cognoscitur ex pulsu forti, & cæruleo colore venarum inflatarum in artubus.

Sequitur nunc altera classis morborum, ab humoribus in vasis piæ matris pendientium.

DE DEFECTU SANGUINIS RUBRI IN VASIS PIÆ MATRIS.

Hæc minuta plenitudo est vel sana & naturalis, vel consueta. Si homo definitam quantitatem sanguinis habeat in hoc vasorum systemate, & hæc copia minuitur, statim omne, quod ab illa plenitudine pendet, vel non fiet, vel aliter fiet, quam consueverat. Homo sanus patiatur v. g. hæmorrhagiam narium ingentem, & vix sistentam, nonne inde periculosissima capitis mala oriuntur?

tur? Ponamus adesse plenitudinem quandam consuetam, consuetudo illa facit, ut homo sanus sit, sed omnis subita mutatio, teste jam HIPPOCRATE, est pessima; si ergo plenitudo illa minor fiat, cætera contenta cranii debent tumere pro ratione minutæ hujus plenitudinis in hoc systemate, nam encephalon non potest esse collapsum vel inane, sed manet æque capax, adeoque erit excessus in quibusdam partibus: ex hac vero consideratione ducimur jam ad alia pulcherri-
ma indaganda.

Notavit nempe BELLINI, quod in nonnullis sit tam exquisita proportio rubri sanguinis, ad originem medullæ applicati, ut ex minima mutatione statim deficiat vis cordis, quod demonstrat exemplo hominis, qui ab educta per venæ sectionem dimidia sanguinis uncia incidit in animi deliquium; nullum enim hic potest esse vacuum; hinc alter liquor succedit; sed non ruber. Scitis, quod arteriæ rubræ pateant in venas rubras sine ulla resistantia; simulac ergo sanguis ruber deficit in arteriis, in eas veniet liquor non ruber, quo venæ æque facile, imo facilius, poterunt reple-ri; sed quia hæc se non facilius pos-
sunt evacuare quam ante, ergo magis turgere debent; hinc statim sinus replebuntur materia non rubra sed ut-
cumque pellucidiori; eaque etiam replebit omnia cava inter duram & arachnoideam, inter hanc & piam matrem, omnesque ventriculi, & vasa venosa medullæ spinalis quoque turge-
bunt; hinc aqua, naturaliter in hæc cava exhalans, nunc non poterit resorberi; & cum omnis calor tantummodo per partem rubram humo-
rum communicatur; hinc debet fieri majus frigus: erit quoque hu-
mor, qui ex arteriis exhalat, tenuior, & magis aquosus, qui naturaliter quidem utcumque concrevit ad ig-
nem, sed cujus maxima pars tamen avolat; ergo nunc sit collectio hu-
moris aquosi in systemate capitis. Præterea, arteriæ piæ matris, desti-

tutæ consuetæ vel naturali sanguine arterioso rubro, & ad medullam ob-
longatam applicatæ, nunc non faci-
ciunt, ut hæc partes adeo a corde
distantes retineantur calidæ, quæ
pressione & calefactione harum ar-
teriarum antea vivificabantur; hinc
solito plus frigescent, & se magis
contrahere incipient; & quoniam
causa calefaciens, fovens, propellens;
deest, hinc in his locis orietur
quies, & omnes functiones, ab his
canalibus pendentes, incipient desine-
re, & a prima incipiente labe om-
nes morbi intermedii possunt oc-
currere a vertigine usque ad Apople-
xiam, qui tamen morbi sæpe nul-
lam habent originem quam ab hac
causa, nec curari possunt nisi per
regenerationem illius rubri.

Sed quoniam plurimi doctissimi
viri diversa ab his docuerunt, di-
centes, quod, quo sanguis, cerebro
& cerebello applicatus, sit fluidior,
functiones eo facilius, expeditius, &
felicitius fient; debemus argumenta
eorum modeste examinare, quod nul-
lus doctus vir ægre feret.

Videte mulieres Leucophlegmati-
cas, sanguine rubro destitutas, ser-
vidum insusum Caste vel Theæ bi-
bentes, quam animosæ & alacres e-
vadunt per aliquod tempus! sed hoc
vigore post semihoram evanescente,
recurrant ad idem illud, ipsis tanto-
pere amatum, & ut putant, ami-
cum remedium, tandem hydropicæ
evadunt, & plane incurabiles. Si
clari viri jam dicunt, quod si im-
pletum sit systema arteriosum piæ
matris, circuitus humorum debet fie-
ri eo felicitior, quo illi sunt tenuio-
res, considerent, quæso, quod rubra
sanguinis portio tantum contineatur
in vasis, primi generis, id est, in
corde, arteriis & venis rubris. Hæc
pars rubra accipit motum directissi-
mum a corde, hinc in eo est princi-
pium impetus totius motus omnium
humorum, per reliqua vasorum gene-
ra circulantium, hinc omnis motus
a corde datus agit tantum in partem
rubram,

Examen
sententiarum
aliorum.

rubram; & sustinetur ab elasticitate vaforum tum in arteriis tum in venis primi generis, & tandem iterum defertur ad cor. Nulla hic adest fermentatio, sed imperus, liquida projiciens, causa est omnis motus sensusque in toto corpore. Novistis, arterias, huic virtuti cordis cedentes, distendi, easque reagentes premere liquorem contentum eodem fere impetu, quo a corde erant dilatatae: hæc reactio pendet a constructione musculari arteriarum, & per illam projicitur illud rubrum in venas, nulla intercedente parte media, nisi forte in splene & genitalibus; redit ergo illud rubrum per venas tam cito fere quam ex corde exivit; sed reliqua liquida in vasis minoribus necessario multum de suo metu perdiderunt, quia omnem suum impetum accipiunt a parte rubra; elasticitas enim eo major invenitur in arteriis, quo propiores sunt cordi; eo minor, quo magis ab eo distant & decrescunt, ita ut hæc vis fere desinat ad initium venarum; ergo etiam omnia vasa lateralía arteriosa eo minus habent elasticitatis, quo exoriuntur serie magis elongata ab arteriis primis: Videtis ergo, quod unus tantum sit liquor, qui se non potest subducere imperio cordis & arteriarum, nempe sanguis ruber, sed omnes alii liquores, intra sua vasa contenti, vim illam directam sugiunt. Ergo jam dico, quod liquores tenuiores res semper eant in vasa minorá, illudque hac ratione demonstró.

Officium arteriarum secundi generis, quæ oritur ex arteria primi generis, naturaliter est tam capax, ut admittat liquidum secundæ seriei, sive serosum, flavum, concrefcens; ergo potest admittere omnes liquores, qui non sunt rubri, eosque transmittere in suas venas. Sed arteriarum primi generis, quomodocumque debilitetur corpus, sunt angustiores respectu aliorum vaforum, quia liquores continent, quoad substantiam crassiore, &

vi majori implentur, dum integrim magis resistunt, quam reliqua vasa: Ergo duplex causa est, cur humores liquidiore semper deriventur in vasa lateralía, quia nempe vasa primi generis magis arctantur, quam secundi, & quia liquidum eo facilius subducitur, quo sit subtilius. Si nunc liquores tenuiores ex vasis majoribus eant in minora, amittunt omnem vim, a corde impressam; sed vasa, in quibus continentur, etiam minorem elasticitatem habent, ergo illi humores minus propellantur, magis replebunt sua vasa, nec tantum reddetur cordi, quantum ab eo datum fuerat; hinc quo plus sanguinis rubri continetur in vasis, eo magis expedita circulatio, quo minus, eo magis impedita. Si hoc considerassent clari viri, vidissent, quod nullus sanguis ineptior sit circulationi vegetæ, quam tenuis, licet nulla in eo peccet acrimonia. Ergo incipiet deficere circulatio, quum tanta copia sanguinis intra certum tempus non redit ad cor, quam ante; quod si sensim fiat, sensim etiam fit languor; sed subito, si cito fiat.

Languor ille v. g. lente subrepat in corpore disposito ad leucophlegmatiam, & procedit ad tantam debilitatem, ut nulla fere functio amplius exerceri queat: sed si fortissimus miles subito ingentem jacturam patiatur sanguinis rubri, & corpus suum post deligationem replet sero lactis vel jure carniæ, poterit quidem supplere dispendium humorum, sed languet statim adeo, ut alter, qui lente leucophlegmaticus factus est, spatio sex mensium non adeo langueat. Hinc ergo sequitur, quod vasa, quæ extra territorium rubrorum posita sunt, magis quidem repleantur, sed in homine, qui sanguine rubro plenus est, liquida citius distillantur, quam in languentibus: bibat sanus homo aliquot libras Acidularum, sequenti die æque levis est; bibat easdem debilis, omnes fere retinebit: tale corpus undique inflatur tumore pellucido, frigidè, inertè. Leucophlegmaticus homo pellucet fere

A sanguine nimis tenui fit languor.

fere instar bombycis, mox fila sericea texturi; frigidus est, & vix sentit se comburi; tam parvus in eo est calor & vigor, ut calor ejus fere non differat a calore atmosphære, omnesque ejus partes sunt molles, quia vasa vix sunt elastica; imo sunt illi homines adeo inertes, ut dicant quandoque, si tibias vel femora moveant, quod sentiant quasi machinas plumbo impletas; corpus eorum vix potest dici ipsis proprium, sed alienum: hic languor sedem suam habet in panniculo adiposo & manifestat se primo in pedibus, dein etiam in cruribus & femoribus, quia hæ partes remotissimæ sunt a virtute movente cordis: si vero hydrops nascatur a scirro hepatis, vel alia simili causa, tunc primo repletur abdomen. Sic ergo explicui, quod, quo sanguis sit tenuior, eo major sit dispositio ad functiones læsas cerebri & cerebelli produendas, nam hic affectus primario obtinet in partibus tenuissimis, & tales sunt nervi. Et hinc cum stupore intelligitis, quare Adorandus Creator in nervis posuerit arterias.

Videamus nunc propius, quidnam morbi ex tali dispositione sequi debeant. Facile intelligitis, quod hinc debeat fieri collectio liquoris in vasis minimis, quæ inde debent distendi; & quod etiam fiet collectio liquoris exhalantis in cava & interstitia corporis: calor enim est causa, propter quam fit resorptio, sed in hoc casu est frigus, ergo major repletio quam resorptio: ergo orietur hydrops inter membranam cerebri duram & inter arachnoideam, inter eam & pia mater, & intra pia matris duplicaturam, imo in ipsis cerebri ventriculis; hinc plexus choroidæ aliquando meræ hydatides sunt, & ventriculus perruptis hydrops fiet thecæ medullaris; sed quia omnes nervi vaginas habent, hinc etiam in illis potest fieri hydrops. Con-

Tom. I.

firmantur hæc omnia ex cadaverum inspectione, multisque exemplis, quæ in operibus BALLO-
NII, BONETI & RUYSCHII occurrunt.

Primum quod in illis hominibus languentibus animadvertitur est amor quietis & otii; vivacissima ingenia videtis hebescere; succedunt Leipothymia, ita ut virgo leucophlegmatica in templis aliisque locis publicis frequenter hoc malo corripiatur: Intelligitis facile, quod hæ fiant, quia non redit tanta copia sanguinis ad cor, quanta inde expulsa fuerat, quia venæ primi generis tantum non accipiunt ex arteriis, quantum hæ acceperant a corde. Cogitatis forte, quare inde non moriantur, sed simulac Leipothymia adeft, vasa paulo plus contrahuntur; hinc cordi redditur plus humoris, unde illud tunc iterum impletum melius se contrahere potest; illæ tamen fere semper habent pulsum intermittentem, & succedere quoque debent subitæ cordis palpitaciones, nam simulac redit vita, cor obruitur humoribus, prius in venis quiescentibus; sed quia non potest omnem hanc molem uno ictu expellere, hinc palpitatur, & plerumque fit aneurismaticum. Statim etiam his hominibus fit molestus calor, nam quia humores quiescunt in venis & vasis lateralibus, & sola pars rubra tantum fluit ad cor, si nunc venæ majori vi evacuantur, corculum nimis impletum non potest se evacuari, inde sunt anhelaciones diræ, anxietates, & ex aucta respiratione & motu sanguinis calor. Statim etiam vehementius pulsant arteriæ in jugulo, nam cor accipit plus sanguinis, & arteriæ in partibus inferioribus sunt magis compressæ, hinc illæ, quæ prospectiunt capiti, & nullam habent intra caput resistentiam, statim magis implentur, & hinc dolor capitis oritur.

Quando hi morbi occurrunt in cor-

Subiecta
horum
morbo-
rum.

E

san-

sanguinis rubri illis incipit deesse, vis vitæ propellit reliquos humores per vasa corporis, hinc primis momentis nullum sentiunt incommodum; observamus autem, quod illa corpora, in quibus non est tanta copia materiæ præexistens, & quæ non plus habent, quam requiratur, sentiant maxime & subito dispendium rubri sanguinis: hoc ergo in corporibus tenellis obtinet, quam licet sæpe procera, tamen longe mobiliora sunt, quam fortia & compacta. Quo jam tenerior est ætas, eodifficilius restituuntur, uti patet in infantibus, hæmorrhagiam ingentem passis. In sexu fœmineo hæc vitia longe alia sunt, quam in virili; mulier enim potest plus sanguinis perdere quam vir sine periculo vitæ, sed ubi nimiam amittit copiam, incidit in illud malum, quod vulgo vocant vapores, quia nunc in hanc, nunc in illam partem videtur ruere, & sensorium commune inprimis afficit: hoc non ita observatur in viris, quippe illi ex hæmorrhagiis animi deliqua patiuntur. Huc tamen multum facit vitæ genus in omni ætate & sexu. Omnes, qui per labores roborant corpus, ferunt facile mutationes; sed molliores & otiosi ad minima detrimenta mirifice mutantur, ac si essent fœminæ.

Quotiescumque viscera chylopoietica & hæmatopoietica ex assumtis non valent conficere sanguinem rubrum calidum, sed tantum liquorem aquosum, tunc inprimis hi morbi generis nervosi a defectu sanguinis rubri oriuntur. Consideremus hanc rem propius, & multi morbi clare intelliguntur. Novissis, viscera chylopoietica esse os, totamque ejus structuram. Creator mira sagacitate hominibus, quibus vis chylopoietica in visceribus debiliior est, dedit facultatem cibosita manducandi, ut chylum jam fere conficiant in ore: hinc quando quis, debili officina chylopoietica instructus, ore non utitur, bonum sanguinem non conficit: ventriculus

in sanis ingesta, quæ recepit, mutat; hoc vero debili, sequuntur illa suam naturam, eodem modo ut facerent in loco ita constituto ut ventriculus, & in quem similes confluant humores; qui omnes cum in debilibus etiam a sanitate sunt alieni, debet fieri cacochymia; sed eodem modo tunc se habet bilis, succus pancreaticus & entericus; & quia intestina etiam debilia sunt, hinc bonus chylus non potest deferri ad sanguinem.

Hæmatopoiesis fit per illam vim compingentem, quam chylus patitur ab arteriis. Omnis vis arteriarum applicata in chylum album producet tandem sanguinem rubrum; si illa vis non satis magna est, color sanguinis manet albescens. Tales homines replentur quidem, sed succo albescens, quemadmodum videmus in virginibus teneris, quibus per venæ sectionem imprudenter factam educitur liquor quidem albicans, paucotantum rubro intermixto; hinc illi homines non apparent macilentis, imo potius repleti, sed pallent, & videntur quasi lacte dilenti; in hoc ergo casu proportio inter rubrum & omnes reliquos humores deficit, & tales liquores deferuntur ad piæ matrem, hinc oritur aquosus toto corpore languor, quemadmodum in chlorosi virginum apparet, qui morbus quoniam princeps est inter eos, qui ab hac causa oriuntur, hinc de eo singulatim agemus.

DE CHLOROSI.

Corpus virginis, quamdiu ossa patiantur se vi cordis extendi, crescit in omnem dimensionem; sed simul ac vis cordis in æquilibrio est cum resistantia ossium, non amplius crescit quoad longitudinem. Virgo hæc fecit hæctenus vi sui corporis omne id, quod requiritur, ut omnia vasa repleantur & distendantur, sed nunc hæc vasa sunt in suo statu, viscera chylopoietica manent eadem,

dem, hinc paratur paulo plus supra-
pondii quam ante, quod auget mo-
lem replentem; hinc fluidum incipit
habere excessum quemdam præ soli-
dis; ergo fit stagnatio & motus tar-
dior, nam moles movendorum accu-
mulatur, & vis movens manet ead-
em, hinc illud corpus fit brevi in-
ers, & virgo fit tumidior & palli-
dior, nam proprie non perdit rubrum,
sed accipit plus albescentis, quam re-
spectu rubri requiritur.

Hinc ergo debet fieri Leucophleg-
maria & cacochymia, uti clarius pa-
tet ex mirabili exemplo, quod re-
fert RUTSCHIIUS de mercatore,
qui pallidus fiebat & melancholicus,
& tandem imaginabatur, se non satis
habere, quo viveret: in cadavere,
post mortem aperto, hydrops capitis
inieciabatur.

Hoc autem a nulla causa fit frequen-
tius, quam post jacturam ingentem
sanguinis rubri, & si hæc jactura in
principio hujus diathesis fiat, malum
hoc eo magis augetur. Putant mu-
lieres, hos morbos originem habere
ab utero, & pendere a menstruis de-
ficientibus; hinc putant, si menstrua
possent provocari, curatas fore illas
virgines; sed nihil minus verum est,
nam menses summo naturæ beneficio
his non erumpunt, quæ si adessent,
causam horum morborum majori san-
guinis rubri dispendio magis auge-
rent; si vero contigerit, ut in his
puellis imprudenti consilio vena sece-
tur, vel provocentur menstrua, tunc
fere nunquam desinunt, sed pallidus
liquor continuo exit, & catarrhus
quidam uteri adest, quod in debili-
ssimis foeminis sæpissime videbitis.
Mulieres, quibus lochia copiosissime
fluunt, huc quoque referuntur; ha-
bent nempe uterum post partum sæpe
tam laxum, ut post separationem pla-
centæ non modo fiat hæmorrhagia,
sed ut uterus quoque materiam aquo-
sam per plures septimanas dimittat,
& eo magis quidem, si hæc mulieres
potus aquolos avidissime assumant.
Contingit etiam aliquando, ut para-

placente, quando eam conantur avel-
lere, maneat applicata utero, & tunc
hæc foeminæ maximum patiuntur san-
guinis dispendium, & ab uno partu
miserrimæ fiunt. Idem etiam a ma-
gnis vulneribus posse fieri per se pa-
tet.

Ergo causa morborum, quæ hinc
fiunt, nulla alia est, quam quod in
vasis piæ matris alia materies adfit
quam rubra, nec hi morbi cum aliis
confundendi sunt. Nonita diu con-
sultus fui super illustris personæ va-
letudine; videbant, quod desuissent
vires, & nihil proficeret; scripti, re
perpenfa, vellent uti chalybe; appa-
ruit hoc paradoxum; tamen factum
fuit, & fluxus subsistebat de die in
diem, nam robur magis magisque
conciliabatur; & quum simul victus
siccissimus jubebatur, natura videba-
tur corroborari: nam in his mulieri-
bus vasa sunt tam laxa, ut se con-
trahere nequeant; sed si vinculum va-
sis circumjiciis, augeat utrunque eorum
contractilitatem; & si præterea chaly-
bem exhibeas, natura magis roborat-
ur, & definit fluxus.

Observatur hoc etiam contingere,
si mulieres abortum passæ fuerint.
Abortus fit plerumque tertio gravid-
tatis mense, in nonnullis septimo;
quando ille fit, solvitur placenta a
cohesionem cum utero, hinc nullum
amplius manet commercium inter ute-
rum & membranam chorii placentam
ambientem, hinc sanguis effusus di-
vellit chorion ab utero, & ad ejus
os pellit. Foetus hic manet idem,
quia vero via facta est, sanguis con-
tinuo effluit, & fluxus ille est pejor,
quo uterus magis est distensus, hinc
si pergat, mulieres sæpe subito mori-
untur.

Ex hac radice oriuntur varii, imo
oppositi generis nervosi morbi, qui ta-
men omnes eadem methodo curantur.
nam simulac humores non possunt pro-
pelli per nervos, fiet inde mera para-
lysis; si vero propter ictus cordis ad-
huc repetitos utrunque secernantur
spiritus, statim muscoli spasmodice

Vera caus-
sa ateri-
tur.

Falsa de
hoc mor-
bo Opi-
niones.

Efflu-
nimis
hemor-
rhagie.

contrahentur, adeoque fient tam convulsiones quam Paralysis. Sanguis amissus suppletur quidem alio novo, sed ille non statim habet debitam densitatem & soliditatem, hinc homines, antea audaces & intrepidi, sponte prolabantur in fletus fere pueriles. Nullæ vero inter fœminas ab hac causa magis patiuntur quam pulcherrimæ, candidissimæ, genis & labiis roseis præditæ.

Hi vero morbi nullo modo debent confundi : si enim consideremus omnes modos, quibus minuitur proportio rubri, intelligimus diversas admodum esse causas ; quæ quoniam pendunt ab abolita functione chylopoiesios, hæmatopoiesios & pneumatopoiesios, & hæc iterum ex diversis causis originem habet, videtis, quod causæ remotæ, quæ faciunt causam proximam, sint quam distinctissimæ. Sit v. g. mulier, quæ amittit sanguinem ; sit vir robustus, qui per vulnus patitur jacturam sanguinis, ambo videntur esse in eodem statu ; sed fœminæ habent mobilissimum sanguinem, repletiones subitaneas, plethoras assiduo regenitas, hinc melius jacturam sanguinis ferre possunt quam viri. Huc etiam refertur regio, nam tanta diversitas est morborum in una & alia regione, ut plane incredibile sit. Hoc etiam de anni tempestate, ætate, temperamento, & idiosyncrasi verum erit. Quando vocati eritis ad tales mulieres, debetis sedulo notare, quomodo fluxus earum menstruus se habeat ; quinam orientur effectus, ubi corpus ad evacuationem disponitur ; quinam, dum fit evacuatio ; & quinam, postquam jam facta est.

Sæpe contingit felicissimis. Practicis, ut causam proximam horum morborum vix intelligant ; sed si attenderent ad præcedentia, hæc illis clare pateret. Sunt etiam corpora masculina, quæ obnoxia cito generandæ iterumque amittendæ parti sanguinis rubræ, hac parte multum vergunt ad corpus fœmininum ; hinc

etiam in viris notamus similes morbos. Differunt autem hi morbi, prout ab hac causa, vel ab animi affectibus fiant ; sed attendite ad modum invadendi, nec unquam fallet diagnosi.

Symptomata, quæ hunc morbum comitantur, sunt, quod morbi nervorum, ab hac causa pendentes, nunquam improvisò fiant ; adest debilitas pulsus ; talis autem necessario debet adesse, nisi forte motus corporis præcesserit, nam tunc, quia sanguis subito desertur ad cor dextrum, pro tempore pulsus fit major ; sed semper simul mollis est, id est, tangens digitus sentit quidem copiam sanguinis propelli, sed non observat magnam resistentiam ; pulsus præterea plerumque inæqualis est vel intermittens : in respiratione ad minimum motum fit metus suffocationis, nam maxima copia humorum hæret extra primum vaporum genus, hinc quia per motum muscularem plus desertur ad cor, quam illud eodem tempore trajicere potest per pulmones, fiet illa suffocatio ; si homines illi attendant ad rem aliquam, & sclopetum inopinato exploditur, statim cor per aliquot momenta palpitabit ; illa autem palpitatio fit a tam parva causa, ut incredibile sit ; nam quia in his hominibus inæqualissima fit distributio, hinc simulac affluxus augetur eoque, ut cor se una vice evacuare non possit, statim illa palpitatio oritur : omnes hi homines sunt etiam frigidi & pallidi, quod ad canthum oculi majorem, ad labia, nares internas, & gingivas maxime patet ; denique semper adest totius corporis mollities.

Sanatur hic morbus, si pars a-
quosa sanguinis minuatur, & augeatur rubra. Vidimus jam ante respectu capitis, quod quo minus sit rubri in hoc systemate, tanto plus adsit aquosi. Serum semper sequitur proportionem rubri ; nam feri natura est, ut ad ignem vel alcohol concresecat ; sed serum tale vix invenitur, nisi in corporibus valde exercitatis, quibus etiam adest maxima sanguinis rubri

Diagnosi morbi.

Cursus.

rubri copia; hinc etiam tanto major aut minor erit feri copia, quo plus aut minus adest sanguinis rubri; hinc deficiente rubro, tota reliqua molles erit aquosa; & contra, simulac augetur rubrum, statim etiam augetur serum, adeoque aquosa minuentur. Ut vero minuantur aquosa, nunquam debetis incipere a sudoriferis vel purgantibus acerbis hydragogis, sed sequimini methodum illam exsiccandi, de qua jam dictum est in curatione hydropis, intra caput hærentis.

In quo consistat. Rubrum autem est creatura singularis, soli corpori animalium propria, & quidem majorum, motum validissimum exercentium, & inprimis respirantium. Hoc rubrum non potest fieri in tota rerum natura, nisi intra animalia, nam in vegetantibus & fossilibus non adest unquam, & in omnibus fere animalibus sibi simile est. Hoc rubrum in corpore humano non fit nisi per chylopoiesin & hæmatopoiesin. Chylopoiesis facit liquidum solidius, quam quod acceperat, globulis quidem constans, sed magis coactis, quam ex quibus consciebatur, demonstrante LÆUWENHOEKIO; verum sanguis habet globulos multo densiores, quam chylus, unde apparet, quid efficiat hæmatopoiesis. Omnes hi homines, de quibus loquimur, laborant ex defectu chylopoiesis & hæmatopoiesis, nam homo debilis, amisso sanguine, non facit bonum chylum aut sanguinem, quia horum causa, ab abundantia sanguinis rubri pendentes, defunt. Omnis ergo medela consistit in eo, ut illud rubrum, quod deficit in sanguine, restituatur; hoc vero nulla arte potest fieri, nisi per bonum chylum; nec ille huic rei potest aptus fieri, nisi per vires vitæ tantas, quantæ requiruntur; ergo hujus confectio pendet a sola virtute corporis facti, tam in solidis quam in fluidis requisita; nec possunt curari hi morbi, ubi natura in solidis & fluidis tantum deficit, ut non supersit tantillum, quo hæc confectio fieri potest.

Tom. I.

Duplici autem modo restituitur Chylopoiesis, offerendo materiam convenientem, & excitando vires in illam agentes. Primum fit victu sicco, qui humiditatem dominantem absorbet, illiusque incrementum obstat; talis est panis bis coctus, inprimis anisatus, & in taleolas oblongas dissectus, quem hic loci vocant *Ayns-beshuit*. Ille victus debet esse *laxissimus*, id est, quem ventriculus debilis sine magno molimine bene subigit, & in laudabilem chylum convertit; talis est ex animalibus caro tenella; hæc vero requirit usum aeris, in quo debet tamdiu suspendi, donec fere perveniat ad primum gradum incipientis putredinis; dein assationem idoneam, per quam coquitur quasi in proprio liquore sub eschara, ab igne accepta, qui primo lenis, dein fortior adhibetur: sed acquirunt hæc carnes facile vim quandam luxuriantem, id est, ad spermatopoiesin & venerem excitantem, quæ in hoc casu minime convenit; hinc omne initium alcali volatilis: ex illis est delendum, quod fit per lenia acida, & succos fructuum horæorum, limoniorum, granatorum, citreorum, aurantium; addatur etiam pauculum salis marini: talis caro assumitur a debilissimis, omnia fere respuentibus; nec stomacho fastidioso displicet. Huc etiam referuntur pisces fluviatiles assati, modo crusta externa rejiciatur, quia nimis nidosum oleum continet; inter illos cancri fluviatiles palmam præcipiunt omnibus, hi enim carnem habent succulentissimam & candidissimam, & ex iis per coctionem in aqua fit jus, ex quo per admisionem panis bis cocti paratur cibus, qui facile digeritur, & maxime confortat, quod HIPPOCRATES jam novit, qui ipsis tabidis hoc decoctum exhibuit. Notate hic, quantum hic cibus differat a consummatis illis glutinosis, quæ per diuturnam coctionem parantur, nam ex illis avolat omne illud subtile, in quo nutriens jusculi vis est, & relinquuntur

E 3

ca-

caput fere mortuum, & gluten, quod a visceribus debilibus non potest subigi, & in illis facile inclinatur in putredinem fastidiosam.

Potus
conveni-
ens.

Pro potu laudatur cerevisia generosa recens, nam quo vetustior sit, eo evadit mordacior, & magis inebrians, modo sit perfecte fermentata & subsidens. CORNARIUS in Commentariis suæ vitæ, ubi agit de laude sobrietatis, dicit, quod in multo bene fermentato hæreat spiritus, qui nulla re culinaria vel officinali potest suppleri: hic semel sit per annum, quando vindemiæ sunt, & fatetur, se languidam egisse vitam, quamdiu hoc multo bene fermentato egebat; simulac vero hoc aderat, & potaret illud parva copia, se sensit, quod vires subito redintegratæ fuerint. Cerevisiæ vero vino meliores sunt, easque possumus parare, quando volumus: inter eas inprimis laudatur Mumma Brunsvicensis, quæ omnium diutissime manet incorrupta, & Aquatoris ardores sine sensibili mutatione ferre potest. Hæc est oleosa, pinguis, roborans, & quasi syrupus Cereris; sed non debet esse nimis vetusta, nec mordax, sed papillas gustatorias blande afficiens. Qui animalia ex locis borealibus ducunt in has regiones, ut primo vere possint in præda duci, quum per summa frigora debeant armenta illa agere, restantur, se nullo potu melius sibi posse conciliare calorem naturalem, quam hac cerevisia, unde magnam ejus copiam plerumque secum ducunt.

Vina austera rubra, naturalia, non arte confecta, hic quoque sunt optima, qualia sunt Pisana, Florentina, Gallica, Græca, modo pauca copia simul, sed sæpe repetita assumantur. Quoniam Oinopolæ vina rubra faciunt, additis Sumach & similibus, hinc ut certi simus, illam rubedinem esse naturalem, petimus annosiora.

Condi-
menta.

Huc quoque spectant Condimenta, nam quoniam hi homines omnes fere cibos fastidiunt, ventriculum he-

betem blande vellicare oportet. Talia sunt subpinguia quedam, cum muria salis diu condita, v. g. Caviaro, quod conficitur ex ovulis piscium, ad putredinem incipientem deductis, & tunc sale conditis; hinc haleces saliti, sive recentes, sive fumo indurati, sæpe adeo placent: hæc autem parva tantum copia debent assumi, nam non intervium pro nutrimento, sed ad instaurandam Chylopoiesin. Audietis sæpe debiles illos utriusque sexus homines dicentes; a lacte abhorreo, panem non possum videre, nec carnes; si haleces haberem, forte comederem: offer illas infantibus rachiticis diffluentibus, appetent & convalescent; sed cavete abusum, nam ab eo pejora mala consequentur.

Medica-
menta
externa.

Adhibentur etiam in hunc scopum medicamenta externa, & inprimis Theriaca Andromachi, cui additur sufficiens Mastichis copia, ut debitam consistentiam emplastri acquirat; sed quia odor ejus laxis his & mobilibus hominibus sæpe admodum obest, hinc adduntur olea stillatitia Cinnamomi, Caryophyllorum & Corticum Aurantiorum, sed ad paucas tantum guttas, ne exciteur inflammatio. Tale emplastrum extenditur super alutam, & corpori applicatur a sterno usque ad umbilicum; sustinetur autem vinculis, & per duas septimanas retinetur. Huc refero frictionem cum pannis lanceis calidis, imbutis vapore Mastiches, Olibani, Myrrhæ, Caryophyllorum; hæc est summum remedium in his morbis, nam est quasi artificialis systole & diastole, quæ deficientem vasorum contractionem supplet, fibrarum vires firmat, & humiditatem dissipat, nec tamen ægrum fatigat. Fortus ex animalibus visis & sanis est quoque summum remedium, de quo veteres jam locuti sunt, & SYDENHAMUS scripsit, quod in ventriculo languente, omnia fere per vomitum rejiciente, imprimis proficit.

Interna.

Accedimus ad medicamenta interna, succurrendæ Chylopoiesi prostra-

ta idonea; hæc omnia bili debent esse simillima, quia bilis hic deficit. Ergo primarium remedium est ipsa bilis animalium, inprimis piscium voracissimorum, quorum omnium Lucius est princeps, & dein anguilla; sumatur talis bilis recens, & cum mica panis redigatur in formam pilularem, quæ obducatur lamella auri; hac ratione facillime potest deglutiri, & summum chylopoiesios instrumentum suppleri. Si nunc consideremus, quænam medicamenta ab auctoribus in his casibus laudata, & per experientiam probata sint, videbimus, quod hæc omnia agant tamquam verum supplementum bilis. Talia sunt Absinthium, Acorus, Cardus Benedictus, Centaurium minus, & inprimis Aloe, quæ si in aqua diluatur, humorem exhibet ejusdem fere coloris, saporis, & efficacæ, quam bilis ipsa. Miramini forte, me huc etiam referre Colocynthidem, nam hæc est virulentum purgans, quod nimia copia datum subvertit totum corpus; si vero parca tantum copia detur, virtutem stimulantem habet incredibilem; si guttæ aliquot infusi ejus, cum vino parati, exhibeantur, primum quasi initium nauseæ quidem sentitur, sed simul leniter irritatur tunica ventriculi & intestinorum nervosa, & sopita actio horum viscerum refuscitatur. Eupatorium Cannabinum, Fumaria, Gentiana, Helenium, Lignum Colubrinum, & Turiones Lupuli, qui bilem amarore superant, & a Zythopeptis adhibentur, ad cerevisias suas ab aciditate præservandas. Myrrha in albumine ovi soluta, liquorem exhibet, bili quoad odorem, saporem, colorem & virtutem similem, & inter præcipua remedia, quæ bilem suppleant, merito recensetur. Huc etiam refero Rhabarbarum, quod colore suo, quo urinam tingit, magnam cum bile habet convenientiam; si hoc cum paucillo Colocynthidis misceatur, summum evadit remedium. Tandem hic prodest Tri-

folium aquaticum, nam succus ejus recens refert amarorem bilis, & notum est, quod in morbis, ubi vis sanguinem propellens deficit, & maculæ scorbuticæ oriuntur, palam præripiat omnibus, etiam metallicis remediis. His adhuc addo Scillam, cujus bulbus hic fere omnia facit, quæ per alia similia remedia fiunt; hic, si magna copia detur, vomitum satis violentum excitat, & alvum movet; si minori, operatur per diuresin. Ex his simplicibus fiunt composita, inprimis Trochisci de Myrrha, Galeno jam cogniti; Trochisci de Rhabarbaro, & similes alii; & si Sapo Venetus, quo remedio vix aliud propius ad bilem hepaticam accedit, misceatur cum remediis jam memoratis, nobilissimas compositiones exhibet. Si Aloe, Myrrha, & Crocus, æquali copia sumantur, & cum hoc sapone inde formentur pilulæ, habetur optimum remedium.

Notabile est de his omnibus, quod ^{Si simpli-} agunt plus, si per se exhibeantur, ^{gia.} quam præparata ex iis per artem Chemicam; sic enim diutius manent in ventriculo, & vires suas sensim per eum dispergunt. Videmus autem, in eo valde peccari, quod una vice nimia copia ingerantur. Medici quidam putant, morbos eadem fere ratione esse profligandos, qua hostes ab urbe obsessa sunt arcendi, per magnam scilicet pulveris pyrii copiam, in cavernis, sub terra reconditis, simul accensam; sed falluntur, nam videmus, quod illa, quæ sensim vires suas exercent, summopere juvent, quia a propriis liquoribus, intra corpus natis, solvuntur; hinc si quis integros corymbos Absinthii devoret, affluentes humores ventriculi statim se admiscant, & humorem biliosum faciunt. Nihil autem hic magis vitandum est, quam remedia volatilia. Resipisco & recanto primæ ætatis errores, quando cum Helmontio & Sylvio putabam, quod omnia, quæ in corpus humanum agent, debeant prius nubere alcoholi vini. Non nego,

hæc remedia aliquando magnas vires habere, sed in his casibus per illa idem fiet, ac si hominem frigidum, ut calefieret, in flammam proliceret apertas, cui loco lenis caloris eschara in cute excitaretur, interioribus frigidis manentibus: scilicet hæc volatilia turbant omnia, nam subtilissimæ eorum partes in ventriculo statim avolant, phlegmate tantum relicto. Laudabilis autem est Theriaca, inprimis Diatesaron, nam in his compositionibus omnia hæc amara colliguntur in unam massam spissam, quæ in ventriculo hæere potest.

Purgantia.

Novistis, quod bilis propter virtutem suam detergentem etiam sit purgans naturale; hinc quia alvus in his casibus fere semper est tarda, eligenda etiam sunt talia remedia, quæ defectum bilis hac parte supplere possunt, id est, purgantia. Dividuntur hæc in Eccoprotica, sive fæces naturales tantum educuntia, & fortiora, quæ corporis humores mutatos & solutos educunt, de quibus Paracelsus scite dixit, quod sterces faciunt, quod ante non erat, hinc Medicos, illis utentes; vocavit stercoreaceos. Vera dixit respectu horum morborum, nam in iis sunt pessima, licet in aliis casibus summos usus habeant. Si ergo hic exhibeatur Aloe, cum tantilla quantitate Rhei, Myrrhæ, & Fellis ipsius, mucus iners, qui in debilitatis abdominis visceribus hæret, sufficienti & simul blanda vi expellitur. Si autem sumas Hydragogum quoddam, v. g. Jalappam, febrem excitabis, & humores adhuc magis solutos educas. Optime de his dixit SYDENHAMUS: si in curandis morbis Hypochondriacis omnia viscera jam robustasti per chalybem, & forte aliquid purgans exhibes, una vice ita dirues omnia, ut pejora erint, quam antea: sæpe autem hic possumus falli, nam agræ illæ conquiescunt, se sentire pondus aliquod in officina chylopoietica, cujus ratio plerumque est exiguus spasmus, comprimens aliquam portiunculam aeris vel

ingestorum, in parte quadam intestinorum hærentem: quando tunc consistantur cum molestissimis flatibus, urgent medicos, ut exhibeant purgantia, quodsi illi commiseratione commoti illa exhibeant, sero vident, pessimos inde sequi effectus.

Nunc opinor, me dedisse certam methodum curandi infinitos nervorum morbos, qui omnes oriuntur ex hac radice, debilitata nempe chylopoiesi, nulla attentione habita ad varia illorum nomina, utpote quæ huc revera nihil faciunt. Sequitur nunc secunda pars indicationis medicæ, ad curandos hos morbos, scilicet restitutio Hæmatopoiesios.

Restitutio Hæmatopoiesios.

Sanguinis nomine hic intelligo illum liquorem, qui in homine perfecte sano invenitur in arteriis & venis. Hoc liquidum, Græcis *αἷμα* vocatum, oculis apparet homogeneum, rubrum; hoc continet omnia in se, quæ ad diversa corporis loca delata, & per variam organorum structuram mutua, sunt liquores secreti, cuique parti proprii: hic sanguis est creatura singularis admodum naturæ, in omnibus animalibus determinatæ, & in singulis diversæ, adeoque in homine est humanus, in nullo alio animali reperiendus: hic sanguis, aliunde infusus, non est sanguis illius hominis, cui infunditur, quemadmodum infusiones, præterito seculo in Anglia aliisque regionibus celebratæ, docuerunt, quibus Medici nonnulli putabant, sanguinem novum, Medææ more, posse derivari in decrepitem corpus humanum, adeo ut putarent, se panaceam invenisse contra mortem; sed audax omnia tentare gens humana sæpe excidit ausus, & ubi naturam ad suum lubitum vult regere, sæpe sero sapiens suo cum damno fallitur. Institutæ fuerunt illæ injectiones multis in locis, & humores infusi potuerunt aliquandiu sustinere corpora, in quæ infundebantur, sed naturam illius corporis mutare non poterant, hinc sponte brevique tempore illa methodus evanuit, ita ut

jam

jam in nullo omnino sit usu . Ergo sanguis est unicuique homini proprius, omnisque proportio omnium in eo contentorum est æqualis viribus naturalibus hominis conscientis . Hinc patet, quid sit sanguinem conficere intra hominem ; nempe sumere corpus humanum datum, illudque sic dirigere, ut operetur secundum naturæ suæ institutum, id est, ex non sanguine faciat sanguinem, quo semel lacto omnia restituantur, quæ ab ejus defectu in illo corpore læsa erant . Difficulus autem determinatur, quid proprie mutetur in humoribus, dum sanguis inde conficitur ; sufficit, ut sciamus per experientiam, quod debeat superfluis esse tantum vitæ, ut corpus ab omni impedimento levatum, & requisitis instrumentis instructum, valeat ex non sanguine facere sanguinem : nam talia corpora, quæ v. g. per eadem jam sunt consumpta, nihil consciunt sanguinis rubri ; faciet Medicus quodcumque velit, aget incassum, nam pulmo, qui hæmatopoiesin maxime promovet, non amplius laborat. Ergo hic est limes, & non possumus sanare, nisi talia corpora, in quibus tantum adhuc superest de natura, ut eo quod obest demto, & eo quod deficit addito, possint ipsa conficere sanguinem.

Per Gal-
Ectopoiesin.

Nunquam vero natura parat sanguinem, nisi ex lacte, quod in viro æque verum est quam in foemina ; & hoc lac est idem, live retineatur intra corpus, live detur infanti extra corpus : ergo debemus prius instaurare Galactopoiesin, antequam possumus restituere hæmatopoiesin ; sed Galactopoiesis differt tantum paucissimis horis a Chylopoiesi ; nam vacca mulgeatur mane, evacuentur penitus ejus ubera ; hoc lacto statim ventriculum implet gramine, ruminat, & post duodecim horas eadem adest lactis copia, quæ erat ante duodecim horas ; ficitur hoc animal, ut non præbeat lac, brevi pinguescet & suffocabitur, nisi iterum concipiat utero : itaque Galactopoiesis est effectus chylopoiesios,

adeoque si deficiens portio rubra in sanguine sit restituenda, prius debet instaurari Chylopoiesis, & Galactopoiesis . Pulchrum experimentum habemus circa Galactopoiesin in foeminis, quod sub prætextu lactis examinandi in usum infantum facillime potestis instituere . Nutrix sanissima tota nocte aluit infansem, matutino tempore siticulosa prohibeatur ab omni cibo & potu, erit inquieta incipietque fibrilitare, & languescere ; infans admoveatur mammis, accipiet lac, sed detestabitur cum ejulatu : Medicus gustans deprehendit esse salum ; detur huic mulieri potus Castæ cum lacte, aut panis cum lacte vel recenti cerevisia ; infans post horam applicetur uberibus, ducet lac, quod jam erit candidum, pingue, blandum, dum prius erat flavescens, tenue, & utcumque acre : ergo Chylopoiesis restituit intra horam lac verum, quod non amplius est chylus, nam ex eo poterit formari caseus, qui ex chylo fieri nequit ; & promovetur illa facile, si instrumenta chylopoietica omnia sunt integra : requiritur tantum, ut chylus ope respirationis permisceatur sanguini, & subactus transmittatur per pulmonem, & ex eo in cor sinistrum & totum corpus, & post duodecim horas jam erit mutatus in materiam sanguinis.

Chylus est liquor turbidus, cito aescens, si ex cerealibus sit confectus ; hoc ad ipsum patet gustum, nam si homo debilis ventriculum suum nil nisi aescensibus repleverit, sæpe ructus edet acidos : lac vero, ex illo chylo confectum, amisit partem de indole illius chyli, & induit partem de natura corporis humani, nam dum chylus intra trihorium aescit, lac per duodecim horas dulce manet : Chylus optimus nunquam abit in caseum, sed tantum in cremorem, & in aliquid, quod per calorem potest inspissari in speciem topi concreti ; a lacte vero per solam stagnationem separatur butyrum, & tunc vocatur deffloratum ; excusso sic omni

Chyli
cum lacte
comparatio.

omni oleo potest illud lac coagulari in massam scissilem, cui nihil in tota rerum natura simile est; hæc massa ita coheret, ut olla, qua continetur, subverti possit, illa non elabente; preparatur hæc iterum in serum tenue limpidum, & crassum durumque colostrum, quod si fortiter prematur, dat veram speciem cornu, quod ad ignem: ad magnam ductilitatem potest trahij. Totum interim hoc lac in bobus, spatio duodecim horarum, ex fabrica illorum naturali factum fuit. Non loquor nunc de illa lactis generatione, per quam tam copiosum est in nutricibus, in quibus semper major est ad mammas determinatio: hinc dixit HIPPOCRATES: si velis, ut lac generetur in mammis, vel si in parturientibus nimius fluxus fiat ex utero, applica magnas cucurbitas mammis, tunc fluxus ille cessabit, & lac generabitur.

Omnibus jam factis, quæ ad chylopoiesin & galactopoiesin pertinent, hæmatopoiesin imprimis perficitur per exercitationem corporis necessariam. Virgines volunt nutriti ex suis assumptis, ergo debent inde prius conficere sanguinem, verum sæpe se nolunt movere, & tunc generant saburram, qua totum abdomen infarcitur. Si vero exerceant suum corpus per unctiones in equo, rheda, carpeno, & per frictiones, habebunt brevi hæmatopoiesin restitutam: imprimis autem hoc debet fieri vacuo corpore, nisi magna fames adsit, quod HIPPOCRATES jam monuit. Hic vero motus eo magis necessarius est, quia residuum ingestorum, unde chylus confectus est, debet expelli, aliter corpus gravabitur. Huc autem requiritur bilis, quæ hic deficit; hæc autem etiam restituitur, restituta parte rubra; hoc iterum pendet ab elasticitate arteriarum, sed illa non habet efficaciam in humores, nisi auctis respiratione & motu sanguinis; nec illa auctio fiet, nisi motu animali aucto. Hæc exercitia semper pulcherrima sunt ante praandium, vel sub finem digestionis, in-

primis si illis jungatur somnus paulo plenior; & quando hæc vicissitudo laborum & somni bene observatur, omnia procedunt ex voto; plus enim laboranti debet concedi quies plenior.

Trans eo nunc ad Chemicos, qui dixerunt, vires deficientes solo auro posse instaurari; hoc autem non affirmant de auro crudo, sed magico, & PARACELSUS dicit cum SUCHTEMIO & VALENTINO, illud hæere in ferro, & ex connubio venenis & martis elici illud solare remedium, corpori humano adeo amicum, nuspiam alibi reperiendum. Mitto multa magnifica, quæ Chemicus de ferro dixerunt; sufficit consulere experientiam, & videre, an per remedium metallicum possimus efficere, quod per omnia alia medicamenta est impossibile. Sit mulier, cui viscera sunt debilia, fere paralytica, hydroptica, in specie chlorosi laborans; hic nulla adest inflammatio, nulla puris collectio, sed debilitas, frigus universale, pallor, & tumor; cibi potusque assumpti mutantur quidem, sed secundum suam naturam, id est, in succum acidum, si aescencia sumant, & in putridum, si alcalescentibus utuntur: exhibeas tali corpori omnes de vegetantibus confectas medelas, (provoco ad omnium Medicorum experientiam) non potes efficere, ut dissipato tumore, & redeunte rubro colore grato, restituantur Hæmatopoiesis: des autem tali mulieri decem grana ferri bis vel ter de die, & intra octo dies jam videbis ortum esse calorem majorem, redire colorem roseum, omnem tumorem evanescere, sæces nigras excerni, lotium continuo magis magisque flavum prodire, omnesque functiones evadere alacres. Ergo hæret in hoc metallo aliquid, quod potest se insinuare in corpus humanum, & valet efficere, ut calor natus, & copia sanguinis rubri generetur: hoc postquam Medici per multa experimenta probatum viderant, omnes confluxere ad Chalybem. Requirit argumenti

Per exercitationem.

Per remedia ex metallis.

menti dignitas, ut de hujus usu & abusu paucis differamus.

HELMONTIUS filius edidit tractatum quendam de contemplatione hominis, ubi dicit, si id sulphurei, quod metalla facit esse sui generis, eo possit reduci, ut possit inferi in sanguinem humanum, quemadmodum ramus Piri inferitur in aliud Pirum, atque ita subigi, ut simul agar cum inquinis humoribus, orietur instauratio illius corporis; si vero nimia detur copia, destruetur illud corpus. SENDIVOGIUS dicit in historia Sulphuris, quod veteres Chemicis, invenientes in auro constantissimam naturam, cogitaverint, quod hoc reductum in liquorem, & permistum corpori humano, illud ita posset instaurare, ut vires naturales augerentur; sed si copia majori daretur, quod illud corpus destrueret.

Ex Ferro In usus medicos debet eligi ferrum maxime molle, penitus nativum, ignem non vel saltem parum passum, id est, verum & simplex crudum. Neutiquam debet sumi ferrum, jam mutatum in chalybem, quæ compactior, durior, & magis splendens est, quam ferrum; hæc enim fit, quando ferrum crudum, semel fustum, cum ossibus vel ungulis animalium calcinatur, & tunc illud sulphur metallicum, in ferro prædominans, cui effectus ejus in his morbis debetur, per alcali volatile redditur, & pars mercurialis si ve metallica manet tanto compactior; adeoque Chalybs est pars ferri metallica densata, & sulphure suo privata: discimus hinc, quare illi, qui Chalybem in his morbis adhibent, non obtineant illud, quod querunt; & quare nonnullæ ferri fodiinæ habent hoc remedium in se supra alias, quia nempe exhibent ferrum molle, malleabile, & facile ductile.

Et Acidu. Tale ferrum, ita constitutum, ut
lis ferri. in corpus nostrum intrare possit, invenitur in Acidulis ferratis, in quibus deprehenditur a Natura solutum, quod PARACELSIUS sua phrasi vocavit Ferrum Embryonatum. Tale est in

fontibus spadanis, in quibus Vulcanus semper ardens jam per aliquot secula quatuor venas exhibuit, Geronssterinum, Pouhontium, Sauvenirium, & Tonnelet, in quibus omnibus est ferrum, nam cum gallarum infuso misti nigrum acquirunt colorem, & si evaporentur, Ochreæ quandam speciem in fundo vasis relinquunt, & salem quandam non imitabilem exhibent, qui utcumque est alcalinus. Si hæ Acidulæ corporibus debilissimis dentur, manu quasi divina instaurantur; sumant illas cum lætæ recens multo, quod inde non coagulatur, sed contra diluitur. Certe hic subsistit ars, & cedit naturæ, nam nunquam simile quid ulla ratione formare potui. Feci ex sulphure, cum ferro trito, & aqua affusa, mirabile illud corpus, quod in pastam reductum, & sub terra reconditum, sponte flammam concipit; paravi inde vitriolum martis, quod in aqua solutum, & per coctionem paululum inspissatum, fontes illos refert, sed lacti admistum illud coagulat, quod aquæ spadaneæ non faciunt: neque hæc aquas ferratas ad minus spatium possumus redigere; nam si spadanas vapores ad dimidium, perit omnis virtus, & scoria cadit in fundum. Magnis encomiis semper celebratæ sunt hæc aquæ, & de iis merito dicit SYDENHAMUS, quod, si aliæ ferri præparationes morbo vincendo sint inopæres, ægri ad aquas Spadanas ablegari debeant.

His vero deficientibus, optimum est ferrum recens limatum, & quo pollen tenuius est, eo melius, sed hæc cum cautela, ut nunquam adhibeatis, ubi Alkali prædominatur, nam tunc aquæ Spadanæ etiam nocent. Sed quando ferriamenta occurrunt acido, statim ab eo solvantur, & fit species vitrioli in ventriculo, sed subtilis & volatilis, & ex hac actione oritur calor, ad minimum per horam durans, reliquas actiones excitans, & quasi vivificans. Si vero pituita iners hæreat in ventriculo, ferrum cum illo glutine inviscatum fit pasta indomabilis;

Cautela
in usu
ferri.

bilis; sed in hoc casu nihil melius est, quam exhibere ferrum cum cerevisia generosissima, vel vino Rheno acescente, nam tunc fossile principium unitur cum sulphure acido vegetabili; debet etiam dari ventriculo ab omni cibo, quantum fieri potest, vacuo; aliter enim facile inviscatur & retinetur, quod in primis metuendum est, ubi alcalescentia in ventriculo hærent. Si vero in ventriculo abundat materia mucosa, catarrhus, phlegmatica, quod in frigidis his hominibus familiare est, semper debet præmitti emeticum aliquod, quod illam materiam expellit. Si hac non feceris, pulvis ferri inviscatus hæret in materia inerti; & si majori copia detur, miscet se priori ferro, & tunc incipit in ventriculo rubiginosum fieri; hinc summopere nocet, nam illi homines redduntur anxii, ructibus pleni, & strictum alvum habent. Summat ergo tales homines grana quindecim pulveris Speceuanæ; vel infundatur drachma huius radicis cum sesqui uncia aquæ, vel pulvis ille potest cum succo Glycyrrhizæ formari in pilulas. Pro meticulous habemus aliud vomitorium lenè, nec ingratum: sumant nempe Theam Chinensium, quam nostrates vocant *Tee-bœ*; si huius drachmæ duæ vel tres infundantur cum duabus vel tribus uncis aquæ, spissus & amarus sit haustus, qui ventriculum subvertit, & pituitam expellit: hæc autem repurgatio primarum viarum non debet esse fortis, sed eum tantum in finem instituitur, ut ferrum non possit retineri, inviscari, & in noxium corpus mutari.

Utatur interim agra diæta ex vegetabilibus, quia hæc magis in acidum vergunt, quam in alcali; nam quia ferrum natura sua acido contrarium est, hinc ab alcalinis intra corpus mutatur in adstringentem & insolubilem crocum. Laudabile igitur est lac, serum lactis, lac butyrum, licet omnes fere scriptores diæ-

tetici illud prohibeant, sed immerito: nam lac a ferro nunquam coagulatur vel præcipitatur, sed contra propter suam acescentiam juvat solutionem ferri. Hinc Hofmannus observat, quod, si homines illi languentes lacte cum aquis ferratis misto utantur, dum adhuc in lecto jacent, nullum unquam coagulum inde oboriat. Idem etiam de limatura ferri cum lacte verum est. In hac diæta etiam admittuntur tam pisces quam carnes assatæ, modo cum condimentis acidis assumantur; debet etiam esse sicca, ne aqua diluens debilitet iterum, quod ferrum instauraverat.

In exhibendo ferro incipiendum est a dosi minima, quæ sensim augeri debet ad grana quindecim, quæ est summa dosis; hæc repeti potest bis vel ter de die, ventriculo maxime vacuo sive hora ante pastum, ut solutio jam facta sit, priusquam cibibus occupet ventriculum: continuandum est in ejus usu, quandiu rubrum in sanguine deficit; sed simul ac signa apparent restitutæ virtutis hæmatopoieticæ, abstinendum est; si nempe color roseus redeat, & expulsus sit aquosus languor, nam tunc etiam redibit calor naturalis, qui nimis foret, si pergeret in usu ferri: illud etiam non nocet, quamdiu excrementa manent nigra, nam tunc adhuc mutantur in vitriolum; postea vero magis flava fiunt, & dein in argillam quasi compinguntur, & tunc eo non amplius utendum est; neque tunc Acidulæ magis conveniunt.

Monui jam, quod plane prohibeatur usus ferri in omni morbo, ubi prædominatur alkali in primis viis; addo nunc, quod etiam noceat, ubi fomes putridus adest in quacunque parte corporis; nam omne putridum præcipitat ferrum ex suo solvente, & pulvis præcipitatus est adstringentissimus, hinc oriuntur oppressiones & anxietates. Nec convenit plethoricis, nam tunc augetur malum, quoniam morbi non minus periculosi oriuntur ab excessu, quam a defectu sanguinis rubri.

Quandiu
contine-
nnum.
dum.

Quando
omittere
dum.

niata sub
usu ferri.

rubri; Vetatur etiam, ubi tumores scirrosi adsunt, nam quia corporis robur augeat, hinc facit, ut sanguis magis magisque arietet in illum scirrum, & producat cancerum: utantur illi acri potius melle in aqua soluto, & succo expresso graminis; certe vis solvens, quæ in ferro est, non pendet a materia ferri, sed quia fibræ, nimis debiles ad propellendos humores, accipiunt majorem vim elasticam: ubi exulceratio quædam adest, pessima mala facit, nam idem ulcus, quod antea adhuc fundebat bonum pus, nunc ita mutatur, ut ichor, imo virus tenuissimum & erodens inde extillet. Omnibus tandem melancholicis & atrabiliaris, sanguinem amarosum habentibus, summo pere officit.

Vos etiam monitos volo, quod effectus ferri statim desinant, simulac ab ejus usu abstinence, hinc acri, licet curati; facile iterum recidivam patiuntur, nam ferrum per se non facit bonum sanguinem, sed quia vita deficiens per illud excitatur, hinc si deficit illud excitamentum, corpus facile ad pristinum statum redit; hoc autem præcavetur per solum exercitium; cujus ope fibræ per ferrum inhaerent, & humores densiores facti in hoc statu manent; ducit enim sanguinem venosum ex venis, in quibus quasi stagnabat, ad cor dextrum, & ex eo ad pulmones, in quibus magis compactus & densatus redditur cordi sinistro; hoc vero requirebatur, nam aliter concrevisset, nec homogeneus compactus, vel ruber redditus fuisset, quæ omnia, uti novistis, ab actione vasorum pulmonis pendunt. Hujus locum supplet frictio, quæ vasa reciprocè premendo iterumque laxando systolen & diastolen imitatur. Confere hic etiam victus siccus, & absoluta a potibus calidis aquosis abstinence, nam illæ in morbis oppositis laudantur. Quod si aegræ his præscriptis nolunt obedire, nunquam curationem promittite: contra semper bonus sequetur effectus, si diætam

siccam & motum animale diu continent.

Hactenus vidimus; quæ requiruntur ad restituendam Hæmatopoiesin: dico nunc, quod hæc bene succedente restituatur etiam Pneumatopoiesis, id est, confectio spirituum. Voco Spiritus ultimum illud opus nostræ naturæ, quod in nobis perficitur ope omnium instrumentorum, per vires nostri corporis applicatorum ad humores crudos. Hæc vero applicatio pendet a capacitate vasorum, quæ nullibi in toto corpore angustiora & magis intorta sunt, quam ubi spirituum officina est, quorum vi tenuissimi humores præparantur, & ducuntur ad nervos. Prout nunc augetur rubrum in sanguine, augentur etiam spiritus; his deficientibus omnes motus languent, omnisque generis morbi nervorum oriuntur. Ergo non opus est, ut anxie solliciti sitis de defectu spirituum supplendo; restituite rubrum in sanguine, & morbus sanatus erit; statim omnes functiones corporis, quæ a præsentia spirituum pendunt, restitutæ erunt. Hoc non potest fieri per aquosa, nam spiritus deficiunt, si aqua in sanguine abundat. Chemici putabant, quod spiritus possent gignere, si spiritus rectores v. g. Cinnamomi vel Rosarum in corpus infunderent; sed hi spiritus faciunt calorem in corpore, quamdiu applicantur; sed postea corpus iterum frigescit, & eo magis, quo calor præteritus major erat. Neque vinum huc facit, nam quo majori copia hauritur, eo corpus facit debilius, ita ut illi, qui magna vini copia corpus impleverunt, sequenti die spiritibus quasi destituti sunt.

Chalybs ergo est etiam illud remedium, quod restituit Pneumatopoiesin, quatenus excitat vim solidarum partium, quæ coctionem humorum promovet. Quæritur, cur ferrum curet hos morbos? vidimus, quod chalybs facile rodatur ab acidis, unde vapores sulphureos emittit, & partes metalicæ mobilissimæ redduntur per rodens acidum;

Restituit
Pneuma-
topoiesin.

Quid
a-
gendum
post usum
ferri.

Debetur
actum ferro
20.

acidum; fit porro inde species vitrioli, quod cum acidis, quæ sunt in ventriculo, agit ut vitriolum, sed in Colo est sæx putrescens, ergo ibi nigrescit, & deponit naturam vitrioli. Componite hos binos effectus, & intelligetis virtutem, qua Chalybs morbos nervorum corrigit, solida roborat, & vires augeat. Minc curat hypochondriacos & hystericas, si languor sit ex absentia sanguinis rubri, vel præsentia humoris acidi, visceribus interim integris; nam ubi viscus quoddam exesum est, propinando ferrum, acceleratur ultimum satum, & dum putamus restaurare vires, ægri suffocantur; hinc in phthisi pulmonali nocet, partim quia febrem hectica per sulphur suum volatile augeat, partim quia motum pauci sanguinis, qui adhuc superest, vi sua adstringente accelerat: sed in ista tabis specie, ubi viscera sunt integra, nec ulla adest inflammatio, suppuratio, vel scirrhus, quæ in Virginiibus & infantibus aliquando obtinet, & ex mera inertia oritur, ferrum est optimum remedium, inprimis si aquæ martiales comuni ægrorum potui admisceantur. Magna quæstio est, an ferrum etiam in hydropo conveniat: nonnulli habent pro unico remedio; alii contrarium affirmant; utrique vera dicunt: si nempe hydrops oriatur ex solo languore frigido, & solidarum partium inertia, ita ut vis vitæ non valeat aquam diffundere de corpore, certissime prodest, nam calorem augeat, & febrem excitat, sine qua hoc malum, teste HIPPOCRATE, curari non potest; si vero aquæ jam incipient putrescere, & febris hectica, scirrhus, vel cancer adsit, ferrum nocet.

Hæc opinor sufficere, ut exponam, quid proprie sentiendum sit de mirabili virtute ferri, quatenus exercet veram virtutem medicatam, & qua ratione lites, inter medicos natæ, componi possint: & sic absolvi aliud genus morborum, qui in nervis obtinent, quatenus laborant ab ea cau-

sa, quod in sanguine arterioso; per vim arteriarum ad piam matrem applicato, deficient partes rubræ. Explicui ergo morbos nervorum, quorum origo non in nervis, sed in sanguine hæret, cujus vitio correcto, præsto erit materies, quæ requiritur, ut, si viscera fuerint bona, ulterior naturæ coctio perficiat spiritus.

DE ACRIMONIA SANGUINIS IN VASIS PIÆ MATRIS.

Quæritur nunc, si in sanguine, qui ope piæ matris applicatur ad corticem, hæreat aliquid acre, quales morbi inde oriuntur. Considero acrimoniam respectu nervorum in locis nostri corporis, ubi nudissimi sunt; nempe in tunica oculi, narium, & trachæ, & in lingua; & voco omne illud acre, quod in oculo immisum vel lingua exploratum sensum doloris excitat; quod naribus attractum sternutationem movet; quod pulmonibus receptum tussim producit: nullo in loco acrimonia magis deprehenditur, quam in organis respirationis, ubi nervi propter acutissimum sensum fidelissimi nuncii sunt, ne quid peregrini in pulmones illabatur: admittuntur multa intra corpus, quæ non admitterentur intra oculum vel pulmonem: cerevisia v. g. placide transit in ventriculum; hæc tamen trachæ inmissa tussim facit; oculo instillata dolorem excitat. Si vinum, quod linguam demulcet, calefactum trahatur in pulmones, tussim creat; oculo instillatum dolorem intolerabilem facit; & hæc est idea acris, quod nervis custodibus applicatum eos afficit specie molestiæ vel doloris. Si acrimonia talis in hoc sanguine sit crassa, nunquam admittitur intra corticem, quia cortex accurate a suis membranis solutus plane insipidus est sine ulla faldedine vel acrimonia, quum interim in sanguine, quæ huc adferret, quædam faldedo sit, uti docent lacrymæ;

An acria possint pervenire ad corticem cerebri.

erymæ; sed omne illud acre debet detineri ad fines piæ matris, & si nimis peccet, potest ibi malos effectus producere.

Videntur autem paucissima acria, & parva valde copia sanguini permixta, huc unquam posse pervenire, quæ si vasis corticis insinuatæ sint, forte ulterius pelli poterunt, actionemque nervorum mire turbabunt; nec ullum apud auctores invenio exemplum, quod cerebrum fuerit læsum ab acri quodam, in sanguine corticis hærente, nam quando cortex deprehenditur exesus, hoc factum fuit a sanguine extra vasa effuso & corrupto, vel a carie ossis: neque latet hujus rei ratio, nam corpus humanum sic constitutum est, ut per motus automaticos omne acre expellat; veniat fumus acris alii ad oculum, statim se claudit; intret minimum Hellebori in nasum, oritur motus non sistendus, & totum corpus concurrat, ad acre illud expellendum: nec hoc tantum fit, sed etiam omnes humores ab omnibus corporis partibus advocantur, ut acre illud diluant: quantæ lacrymæ confluant ad oculos, si ab acri quodam attinguntur! eodem modo ab acribus, ventriculum & intestina ingressis, fit diarrhœa ob copiam liquorum, qui antea tanta copia non affluebant: ergo Auctor naturæ non solum corpus instruxit machinis, quibus acre expellit; sed talibus etiam, quibus acre mitigat & iners reddit. Quum ergo hæc contingunt in majoribus organis, eadem etiam fient in minimis & interioribus corporis partibus, quæ in majoribus & visibilibus observamus; ubi materia critica solvitur, quam miri oriuntur motus! simulac venenum pestilens corpus valentissimum aggreditur, oritur horror, quasi corpus gelida aqua esset supersum, & se constringeret, ut ingressui illius veneni resisteret; dein sequitur febris, ut illud malum expellatur. Inanis ergo metus est, quod ubique in corpore acria adsint, nam in

tota corporis circumferentia adsunt meatus, per quos sudoris forma exeunt; certe in sudore manifesta acrimonia percipitur, & si ille per motum in corpore excitatum augeatur, odor ejus & sapor docent, acria genita per hanc viam expelli: emunctoria bilis & urinæ expellunt etiam quicquid acris in sanguine hæret, & si humores per febrem velocius agitantur, urina statim fit coloratior, adeo ut vix aliquid retineatur, nam reliqui humores blandi sunt: ergo nullum acre poterit pervenire ad corticem cerebri, nam ibi sunt functiones principes, quæ ab eo statim turbarentur.

Unicum tamen acre quod corticem Et quoniam intrare posse videtur, est spiritus stillatitius, fermentatus, vegetabilis; hic autem nunquam elaboratur a natura, sed solius artis inventum est. Nunquam ulla arbor in servidissima Africa spiritus exhibuit: est ibi Palmæ quoddam genus viniferum, quæ per vulnus, æstivo tempore insitum, tenue liquidum fundit, quod recens haultum refocillat corpus, & si per aliquod tempus servetur, & tunc sumatur, temulentum facit hominem; ex quo per distillationem spiritus ardentes prodeunt; sed si liquor ille non bene tegatur, & spiritus rector dissipetur, intra viginti quatuor horas fit acetum. In omni vino hi spiritus insunt, non tantum ex eo, quod ex bacis uvarum paratur, sed etiam in cerevisia, si ve Cereris vino; neque differunt effectum, nisi quod ex uno diutius in corpore maneat, quam ex alio. Quo vinum est generosius, eo diutius in corpore manet ejus effectus, hinc ebrietas ex vino Hispanico vel cerevisia generosa sequenti die adhuc sentitur; sed illi spiritus, qui ad summam subtilitatem deducti sunt, citissime quidem temulentiam excitant, sed quæ cito etiam desinit. Hic effectus volatili cuidam principio debet ascribi, nam optimum vinum, igni impositum, abit in vaporem, quæ potius inducit tormina ven-

ventris quam temulentiam. Exhalet ex vino fragrantia, admissio aere calidiori; destilla dein; dabit adhuc spiritus, sed non tam odoratos, nec illi facient tantam temulentiam, quam vinum generosum, vase clauso servatum. Si vinum modice potetur, inprimis ab homine non assueto, eo plus calefacit, quo plus de hoc volatili habeat; porro exhilarat usque adeo, ut homo se promptiorem sentiat ad exercendos sensus & motus, & fiat affabilis, comis, liberalis. Si quis exhaustum se sentiat per meditationes, assumpto vino, mox erit alacrior, calor augetur, pulsus assurgit, hinc vis major accedit cordi & arteriis, ut sic etiam cerebrum & cerebellum afficiatur; nec ulla est functio, quæ cerebro, cerebello, vel nervis adscribitur, quæ hinc non excitatur. Nemo est adeo melancholicus, quin paulo meracior potus pro tempore exuet ejus tristitiam; sed dari debet moderata copia, nec spiritus illi solitarii propinandi sunt. Habemus ergo remedium, illico efficax, nunquam destituens, excitans omnes actiones nervis adscriptas, hinc utile in omnibus generis nervosi morbis, quatenus a solo defectu spirituum pendet: sed quod cito fit, cito perit, nam omnia organa, quæ ad actiones suas exercendas aptata erant, postea tanto ineptiora relinquuntur, quo magis excitata erant; hinc oritur fatalis necessitas hoc medicamentum repetendi, & quidem eo major, quo vivacitas, & alacritas majores erant; & si homines huic necessitati nimis obediant, incipit tandem totum systema omnium functionum languere, omnesque actiones pendebunt a potu illo repetito.

Si spiritus illi, uberiori adhuc copia assumti, incipiunt acquirere calorem corporis humani, majorem adhuc mobilitatem accipiunt, & longe alios effectus pariunt. Novistis, quod calor hominis sani in Thermometro Fahrenheitiano sit nonaginta duorum vel trium graduum. Si cerevisia, vel vinum meracum, spiritibus turgens,

puris vasis vitreis exceptum; tanto calori exponatur, alcohol solum separabitur; si ad hunc calorem accedit motus conquassans, tunc spiritus longe citius separantur; residuum factum est & iners, nec amplius inebrians. Si ergo hi spiritus, qui in vino & cerevisia sunt, calori corporis humani committantur, & in eo agitentur, debent summa agilitate moveri; & si magna copia sumantur, deducunt corpus humanum ad eum caloris gradum, ad quem plethoricos quandoque per febre ardentem deduci videmus: humores tunc debent necessario rarefcere pro incremento illius caloris, hinc longe amplius spatium occupabunt, & vasa expandentur; & si majori copia poterent, quam ut vinum assumptum calefcere & moveri possint, homines illi aliquando cadunt suffocari.

Si Alcohol assumitur solum, omne liquidum coagulatur, omne solidum comburitur; saliva enim, sanguis, bilis, serum, lymphæ, mista alcoholi, ad octoginta gradus calido, coagulantur in materiam scissilem, & tunc sequuntur morbi a coagulatione humorum: hæc omnia autem fiunt a potu, injectione, inspiratione, applicatione horum spirituum. Olfactus æque facit hoc, quam potus; hinc Oinopolæ sæpe ebriosi apparent, licet vivant sobrii; inprimis halitus fermentantis liquidi terribile est venenum. Difficiles inde & sæpe desperati oriuntur morbi, curabiles adhuc, quam diu pulpa cerebri nondum est corrupta, nec nervi exliccati. Si hos potus fermentatos simul & semel ebriosos eripias, in summam incidunt ægritudinem & melancholiam, ita ut sibi ipsis manus inferant, vel consumpti pereant.

Vix datur morbus, nervis proprius, qui a potu horum spirituum nimio non oritur. Primus horum est levis vertigo, & simplex titubatio in omnibus musculis, ita ut homo vacillet, & lingua ejus balbutiat. Ubi quis hunc gradum ebrietatis edormivit, tunc ad se redeuns totum suum corpus depre-

Effectus inde procedentes.

Morbi Nervorum ab ebrietate.

prehendit debile, frigidum, minus mobile, sitiens, oriturque febris, quam crapularem vocant. Si vero maxima copia potus assumpta sit, oriuntur vertigines summæ, vacillationes musculorum, dementia, phrenitis, & omne deliriorum genus; ratio eos destituit, memoria est labilis; non ratiocinantur, sed incondita loquuntur, & easdem res millies repetunt; fiunt tremores in toto corpore; paralysis in palpebris, genis, labiis, capite, brachiis, ecstasis, catalepsis; imaginationes omnis generis, tam furibundæ, quam jocosæ; convulsiones in omnibus fere partibus, amentię pueriles, tetani, epilepsia; & si diu duret talis ebrietas, sequitur vera Apoplexia & mors. Veteres ergo non immerito finxerunt, quod Bacchus possit mutare homines in omne brutorum genus. Si hæc tantum semel fiunt, & homo ad rationem rediens postea abstineat ab immodico potu, omnia symptomata post paucos dies iterum cessant.

Si nunc spiritus illi a reliquis suis elementis separantur, remanet aqua cum paucis oleo & acido, & spiritus separatus vocatur eliquatus, qui tam volatilis est, ut in calore æstivo, qui vix unquam octoginta gradus superat, avolet, si vase aperto aeri exponitur. Quo ergo plus sumitur vini, his spiritibus divitis, eo citius morbi ab ejus usu fiunt; sed qui eo citius cessant, si non necant. Si ille spiritus purus sive alcohol sumitur, tunc oriuntur affectus, sed qui non pendent a nervis, nam omnes humores coagulantur, & folida comburuntur in siccam friabilem massam. Quando homo se his spiritibus semel dedit, semper ab his pendebit, & nil minus ferre poterit, quam momentum sobrietatis, nec unquam contentus erit, nisi ebrius, & si non indulgeat, miri nervosi generis morbi orientur. Vidi hominem, qui per spirituum horum abusum, incidebat in palpitantes cordis, tremores, anxietates; si vero tantum uncia spiritus vini illi dare-

tur, statim hæc mala tollebantur. Vidi juvenem, ex nobilissima stirpe genitum, ad omnia fere aptum, qui debacchationibus se dederat; tantos ille patiebatur dolores, ut nec ipsum lectum ferre posset; sentiebat probe, quo delapsus esset, & dicebat etiam, quod non posset redire ad sanitatem, quia non poterat abstinere ab his spiritibus, & sic brevi tempore extinctus est, viginti tantum & duos annos natus. Vidi studiosum, qui spiritibus deditum, in quo, aliquot menses ante mortem, nulla pars manebat libera a convulsione, & qui tandem ita contrahebatur, ut genua ad mentum ejus accederent, & hic suffocatus est ante primum & vigesimum ætatis annum.

Omnia hæc mala possunt etiam oriri, si spiritus illi externe per forum vel injectionem corpori applicantur. Novi, quod Podagricus quidam suffocatus sit per spiritum vini calidum, in quem se immittebat.

Infans recens natus balneo vini immittebatur, ut depuraretur; convulsus inde fuit, & brevi moriebatur.

Mos fuit in castris & Nofocomiis gallicis ulcera lavare cum spiritu vini, sed hac methodo non potuerunt sanari. Postea laudaverunt aquam reginæ Hungariæ, vel aquam vulnerariam, quæ vulgo vocatur *Eau d'arquebusade*, sed partes inde redditæ sunt rigidæ & immobiles.

Morbi, qui ab hac causa oriuntur, sunt adhuc curabiles, quamdiu pulpa cerebri nondum corrupta est, nec nervi exsiccati sunt; sed tunc opus est abstinencia a spiritibus fermentatis, quæ tamen lento gradu & æquabiliter procedente debet fieri: hinc improbavi semper methodum illorum Medicorum, qui ægros, sero sapientes, a vinis meracis statim damnant ad aquam, a cibis lautis ad juscula tenuia; & sæpe deprehendi, quod ægri hac ratione in melancholiam delapsi ad horrenda remedia confugerint: consuetudo enim est altera natura, ita ut ipsum malum per consuetudinem fiat bonum,

Cum morbo-
rum ab
hac cau-
sa.

& omnis subita mutatio pessima sit, licet a malis ad bona fiat. Confer etiam victus siccus ex rite fermentatis, & diu ad crustularem duritiem coctis, hinc nil melius est pane bis cocto; simul debet augeri labor, sed per gradus.

Cave autem a vomitu, repleto adhuc ventriculo; sæpe enim pressa aorta descendente, impetueque ad caput delato, arteriæ encephali rumpuntur.

Quæritur nunc, an alia quædam sine non fermentata, quæ tamen eandem vim habent in corpus humanum, quam hi spiritus, qui mordaces & simul grati, fallaci sub blanditiæ acrimoniæ tegunt? Certe vix videtur aliud esse, quod tam alte se potest insinuare, & simul ita linguæ placeat, quam hi spiritus. Lolium dicitur temulentiam facere, & verum est, sed non eodem modo ut vinum, quod a levissimo incitamento ducit ad summos morbos. His proxime accedunt flores fabarum, quorum odor primo facit plenitudinem capitis, cui si quis nimis indulget, ebrius inde reddit, imo adeo potest affici, ut in Apoplexiam incidat. Hæc videntur agere propter errorem loci vel rarefactionem sanguinis arteriosi, qui per carotides ad piam matrem fertur, unde ejus motus perturbatur. Similem effectum sentiunt illi, qui crocum sarcinis includunt, vel tales sarcinas aperiunt: quando Asa foetida recens admovetur naribus, etiam temulentiam facit. Hæc in Persia colligitur ex Pastinacæ cujusdam specie, & quum huc deportatur, suspenditur in sacculis in cacumine navium, ut vapor se quaquaversum diffundat.

Tales effectus ab his spirituosissimis non sunt, quia alcohol cavitatem nervorum ingreditur, nam si eo usque pervenire posset, uno momento flammæ medullasum ita contraheretur, ut fieret nullum; apparet hoc ex chirurgicis, nam quando spiritus vini applicatur ad dolentem locum nervosum, uno momento omni sensu caret: dicetis forte, an non parva por-

tio alcoholis ex ingenti copia spirituum se extricans propter volatilitatem suam eo usque perveniet? Sed A nunquam in cadaveribus vel minima copia alcoholis in cerebro inventa est, licet ebriosi pessimum suum vivendi modum per annos continuaverint. Quid vero dicemus de Podagra, quæ potatoribus spirituosorum toties accidit? in hoc casu certe videtur fieri spirituum commistio, & nervorum exsiccatio & destructio; sciat autem, quod, quando pars nervosa in podagricis abit in caleem, hoc non fiat a parte spirituosâ, sed terrestri, nam calx illa nunquam dedit signum talis volatilitatis, quæ hic requiritur.

Observamus autem, quod ebrietas cum omnibus suis sequelis æque fiat ab olfactu spirituosorum, quam a potu, imo citius: quum versabar in operationibus chemicis, sæpe quasi ebrius fui, & hoc accidit etiam Oenopolis, qui vina generosa tractant; hoc etiam fit per applicata sementa spirituosâ, quæ sæpe, sed inepte, podagricis prescripta fuerunt, nam vasa bibula partem horum absorbent. Si accendatur alcohol, omnium pessimi effectus sunt, nam tunc fit halitus quasi fermentantis liquoris, quo nullum hæcenus venenum perniciosius inventum est; si enim succus uvarum perfecte maturarum fermentans per parvum foramen exhalat, facit morbos nervorum omnis generis, temulentiam, vertiginem, anæsthesiam, apoplexiam, imo ipsam mortem, ut sæpe factum fuit in cellis, in quibus adeo tumultuans vapor est. Homo quidam, subito aperiens cellam, in qua reservabatur cerevisia generosa, per vaporem cecidit apoplecticus; & tales effectus sunt peiores, quo fermentatio major est, & vinum meracius; nec ulla est differentia, quoad vaporem, sive fiat ex cerevisia, sive ex vino.

Illustrari hæc poterunt, si per exempla constet, quidnam inventum sit in cadaveribus hominum, qui ex solis his spiritibus, nulla alia concurrente causa, extincti sunt. Talia exempla sunt rara, nam quæ apud

Ab al.
sumptis
vapores
flis.

Inquiri-
tur cau-
sa horum
effe-
ctuum,

Quod il-
lustratur
ex Anato-
mia pra-
ctica.

apud WEPFERUM inveniuntur, agunt de hominibus, qui Venere æquequam Baccho mortui sunt. Legitur tamen exemplum hujus rei horrendum in Miscellaneis naturæ curiosorum de milite quodam, qui se replebat tanta copia potus fermentati, ut dissentius se vix posset movere, sed in seipsum se ponens, paulo post ab eo delapsus expiravit. In cadavere reperitur notabile nihil; ventriculus erat fere vacuus, flaccidus, paucum tantum acrem & nidulosum liquorem continens; intestina liquore vinoso erant distenta, cæterum omnia sana; nil vitii erat in capite, nec in pectore, sed sanguis circa cor erat coagulatus, quod an ex potu, vel stagnatione post mortem factum sit, dubium est: ergo videtur, quod spiritus tanta copia ingesti in corpus, & tanto motu agitati per calorem corporis, eosdem præstiterint effectus, ac si revera adhuc fermentarent, hinc effectus inde orti irradiationi cuidam spiritali adscribendi sint, eodem modo, uti dixi de vapore per nares hausto. Infans recens natus abluitur vino, convellitur, & brevi moritur; in hoc casu fit insinuatio horum spirituum, qui applicantur corpori exteriori, adeo patulo per balneum liquoris amnii. Ex vino Rhenano, copia majori hausto, homines incidunt in dolorem intestinorum, deinde in Paresin humeri, brachii, metacarpi ad ungues usque, tandem omnes hæ partes gracilescent, & si diu duret morbus, pedes, tibiæ, & femora pariter afficiuntur. Frequens est hic morbus Amstelodami, & vix curabilis nisi per succos mitiores antiscorbuticos. In hoc casu vinum applicatur ventriculo & intestinis; an forte per calorem novam hic subit fermentationem, ita ut fiat irradiatio in nervos, eodem modo ut ab olfactu vinorum fermentantium? difficile dictu, nec facile percipitur, cur hic morbus nervis axillaribus & femoralibus imprimis infestus sit.

Dicepdu nunc est de aliis corporibus, quæ applicata animalibus viventibus similem viro habent; non affirmo, quousque hæc corpora penetrent,

inquiro tantum, quemnam effectum in nervos præstent. Præcedentium morborum curatio non imponebat necessitatem mutandi corticem vel medullam, sed requirebat tantum, ut hæc cacochymia exstingeretur; queritur ergo, an dentur alia corpora, quæ caros nervos ita possunt ingredi, ut inde oriantur morbi nervorum? Quando sani sumus, sentimus æquabilem aptitudinem ad cogitandum, movendum, sentiendum; sed post usum spirituosorum hæ actiones incipiunt turbari. Queritur porro, an illa vitia possint curari correcto sanguine, nec adhibitis remediis, quæ proprie agunt in spiritus? & hic debemus multa corpora indagare, quæ sive intrens in nervorum cava, sive maneat in arteriis corticis, tamen mira operantur in nervos. His corpusculis ab omni ævo nomen datum fuit *Spiritus*, respectu habito ad acrimoniam & subtilitatem, nam liquores blandi non vocantur spiritus, sed illi, qui stimulum, & efficaciam habent. Hæc corpuscula jam definienda sunt, & dividenda in classes.

Sumat aliquis pauca grana pulv. Colocythidis; brevi post totum corpus turbatur, & fiet vomitus, secus torminosus per alvum, imo sequentur convulsiones & animi deliquia; educatur per tritum vel lenem calorem ex his granis halitus volatilis, ponderentur; manet eadem molestia, sed quæ nihil amplius efficit. Illud nunc, quod in his granis actuosum est, spiritus dicitur: hic spiritus in cadavere non venit in actum, sed si agitur per calorem vitalem, ita diffunditur, ut tantos effectus præstare queat. Sed quia hæc vox spiritus diversas habet significationes, hinc magna obscuritas in arte nostra nata est. Videbant, quod in homine fiat mutatio tam in cogitationibus, quam in principio motus arbitrarii; hanc dicebant fieri per spiritus: observabant corpora vasta & visibilia fieri posse quasi nulla: horum minutias vix observabiles vocabant spiritus. Hippocrates dicit, totum corpus humum

Agitur de
alio spi-
ritu.

spiritus unius hominis non est similis spiritui reliquorum hominum, sed quot sunt homines, tot sunt species spirituum; estque admodum probabile, quod hic spiritus sit ultimum elaboratum, & quod omnium facillime possit venire in ultimos canales nervos. Imo Physiologia docet, quod aliquod peculiare fiat in qualibet officina corporis; ex ore exhalat Spiritus, ab omnibus aliis humoribus distinctus; ex stomacho assurgunt ructus nidorosi, inprimis post copiosam vini ingurgitationem, adeo ut mirum sit, quantopere ingesta in ventriculo nostro mutari queant. Alius halitus est in intestinis tenuibus, alius in crassis, nam nunquam in tenuibus sanorum hominum est ille sœtor, sive inclinatio ad putredinem, quæ observatur in crassis. HELMONTIUS observat, quod dentur halitus vel boeborygmi in infimo ventre, qui æque possunt accendi quam alcohol; neque videbitur hoc vobis mirum, nam si fœnum madens congeratur in acervum, primo odorem emittit, postea inflammatur. In sanguine de vena misso sumantem percipimus odorem, singularem ab omni alio. In liquoribus a sanguine secretis iterum sunt odores alii, ita ut diversi saporis forte inde nascantur. In bile, urina, saliva, semine, res est manifesta.

Wine vari
effectus.

Ergo illud subtile in qualibet corporis parte est aliquid aliud: hinc forte patet ratio, quare venena, humoribus mista, illa in hanc, alia in aliam partem magis agant; vulpes marina solum pulmonem inficit; si cantharides mala fortuna assumentur, sola vasa urinaria læduntur; colocynthis vexat intestina, & tormina in iis excitat; nam cum quælibet pars corporis talia singularia habet effluvia, concursus cum his singulis habebit alios effectus. In quibusdam locis corporis perspirabilis materia, inviscata illi liquido, quod ibi in promptuariis hæret, facit ibi singulare quid; quod nullibi habetur. Animal, Calor dictum, nulla in

corporis parte illum odorem edit, qui percipitur in duobus marsupiiis, circa nates ejus sitis, in quibus liquor quidam oleosus est, qui prorsus inimitabile quid in se habet, uti videmus in hysteriis, in quibus huius ope unico adflatu miri effectus producuntur, & hoc tamen tam leve est, ut non possit ponderari. Hæ exhalationes in quolibet corporis loco inviscant se humoribus tenacioribus, in quibus detinentur; hinc in peste hæret in pingui illo cutaneo, quod vestes vel linreamina ægrotum inficit, quæ nisi comburantur, horum ope magis propagatur. Selectissimi vespillones in Austria inventi sunt, qui peste morientium naribus applicabant lardum, ceri tunc, se posse pestem communicare illis, quibus vellent, vendentes pro amuleto. In morbis acutis, in quibus tumores inflammatorii, Parotides dicti, prope aures oriuntur, videtur adesse pestilentialis quædam dispositio; in nonnullis intolerabilis sœtor est sub axillis, ubi materia pestilens etiam exhalat; in inguinibus omnium maxime bubones pestilenciales sunt, ita ut spiritus maligni inprimis circa has partes effundantur.

Tale quid spirituosum reconditur in animalibus in nonnullis folliculis, ut patet in castore & hyæna odorifera, sive feli sylvestri tigriformi, moschum præbente, qui tantam vim habet in nervosum genus, ut totum corpus inde muetur. Fœmina recte valens, sed passioni hysterica obnoxia, si ingredietur in cameram, in qua odor Moschi est, statim anhelat, cor ejus palpitabit, & liqueat animo: si huic exhibeatur Castoreum, omnia symptomata uno momento desinunt. Quantos ergo effectus in corpus humanum præstabant illi spiritus, qui in subtilissimis nostri corporis partibus parantur! an non omnia nostra desideria, & ex his sequentes actiones, inde pendentes? Certe videntur hic latere actiones, quarum ratione nemo dicere potest: sic CAROLUS

Et in variis corporis partibus.

MAGNUS; visa quadam muliere, in amores insolitos rapiebatur, nec a mortua poterat desistere: an non, si forte congruerent illi spiritus, ultimo elaborati, fierent mirabiles actiones? Ultimi illi spiritus forte habent naturam olei, per actiones, animalis singulari proprias, parati, quod pro causa sua efficiente totum corporis systema habet. Hoc oleo ablato nulla distinctio apparet. Dicitur de ALEXANDRO MAGNO, quod cum laboribus exercitatus sudaret, fragrantiam suavissimam diffunderet. Contra refert GALENUS, Medicum quendam adeo hortidum fuisse, ut non nisi repurgatus & unctus apud ægros admitteretur.

Tamen
se latius
diffun-
dentes.

In his spiritibus est vis maxime mirabilis, assimilandi sibi quicquid alienum est, & dein propagandi suas virtutes in infinitum; quæ vis tamen tantum obtinet in nonnullis, & non in aliis; nec nocet animalibus, quibus propria est, quum tamen in aliis mirabilia symptomata producat; & hoc fit per illud pauculum, quo evanido reliquum nihil nocet. Omne illud, quod in vipera adeo venenatum est, inodorum est, saporem habet dulcem instar olei amygdalini, & colorem subflavescentem; si magna copia deglutiatur, non nocet; si per viginti dies aeri aperto exponatur, vim venenosam perdit, manente eodem pondere; si vero paucillum hujus veneni in venam apertam instilletur, certa mors sequitur; si per morsum communicetur, etiam necat; si morsus quatuor vel quinque fiant successivi, tunc sequentes non amplius nocent; redit vero vis deleteria post quatuor dies; ergo hoc subtile potest perdi, iterumque regenerari. Pestis tempore omnia animalia sanissima sunt, soli homines afficiuntur, sed non nisi per alium hominem, nam si quis abstinere ab omni consortio, intactus manet; sic etiam in peste bovina vel aliorum animantium, unum genus tantum afficitur, dum reliqua manent immunia. Vim horum

spiritum multiplicativam probat iterum pestis; comitetur hæc navem, mercibus Asiaticis oneratam, nil mali fit in itinere; postquam vero appulit, & aperiuntur sarcinæ, mox omnes afficiuntur, quibus mortuis, mercibusque combustis, hoc malum iterum cessat.

Constat itaque, quod illud subtilissimum, nisi in hominem venerit, illam vim malignam non habet; si vero hominem afficiat, ex uno in alium transit, non vero in aliud animalium genus; & si in nostro corpore educatur in actum, non augetur quidem ejus copia, sed crescit acrimonia, ita ut pejor fiat. Manifeste hoc patet in Variolis, quibus nullus afficitur, qui non haurit aerem infectum, nec conversatur cum aliis, qui illis laborant: simulac vero adeat locum, in quo grassantur, & habet consortium cum affectis, eodem modo inficitur. Merito ergo de hoc veneno dicit SYDENHAMUS, quod tale non sit, nisi suscipiatur ab homine, & quod tunc aliquid fiat, quod antea non erat, & hæc extensio finem non habet: canis accipit a quacunque causa rabiem, mordet aliud animal, quod non modo statim rabiem accipit, sed & facultatem propagandi. Vis ergo illa propagaretur in infinitum, nisi sæpe obstaret idiosyncrasia, nam observatum fuit, quod in sævissima peste, omnes, qui morbis chronicis afficiebantur, melius se haberent. Putavit hinc HARTSOEKERIUS, quod propagatio veneni fieret per infecta; illa enim multiplicantur in immensum, nec ulli corpori parcunt; hinc credidit, quod venena differrent pro singulari structura & malignitate horum animalculorum, sed assumit clarus vir, quod non potest demonstrari; neque inde explicatur, cur varia animalium genera ab eodem veneno intacta manent.

Porro in his est subtilitas prorsus incredibilis. Tela consciuntur in Bantam ex politissimo chalybe, quæ con-

Sed in
uno ani-
malium
genere.

Incredi-
bilis sub-
tilitas.

conservata per decem annos necabant adhuc animalia, quæ ab iis vulnerabantur; hæc vero tela inficiuntur veneno, ex serpentibus desumpto. Habetur hic exemplum tenuitatis, malignitatis, durabilitatis, & virtutis multiplicativæ plane mirabile.

Videte observationes Chirurgicas SAVIARDI, anno hujus seculi secundo impressas, ubi narratur ad paginam 175. singularis historia. Famulus pharmacopœi in Galliis præparaverat tres viperas, quarum capita abscissa integra in mensa reliquerat. Pharmacopœus domum redeuns volebat eas filo trajicere; ut siccarentur, non cogitans, quod ab iis adhuc posset lædi; dum tertium apprehendit, pollex ejus vulneratur circa medium; ille læsum se sentiens retraherebat illud caput, & statim cogitabat de applicandis remediis tam internis quam externis, ut progressum hujus veneni præcaveret; in eum finem multum sanguinem ex plaga vacuari curabat, emplastrum theiacaie apposuit, & magnam dosin theriacæ cum vino ipso momento hausit; digitum quoque admovit igni, ut venenum attraheretur ab igne; paulo post sentit tantam anxietatem, ut in aerem apertum exire cogeretur; pedes illi deficiebant, & in lectum repositus summa cum molestia respirabat; bis deinde vomuit materiam flavescentem, postea perdidit usum sensuum, iisque redeuntibus sensit ingens frigus per totum corpus, & in eo statu manebat ab hora decima matutina usque ad undecimam vespertinam; suavis medicorum sumpsit sales volatiles & pulverem viperarum, quorum usu pulsus incepit redire, & calor sentiri ad extremitates; sequebatur deinde sudor universalis, inflatio enormis totius brachii, manus, laterisque demorsi usque ad umbilicum, una cum nigra ecchymosi; applicatis fomentis, factis ex spiritu volatili viperarum, urina, theriaca, & spiritu vini rectificato, iisque simul cum medicamentis internis per trium septi-

manarum spatium continuatis, tandem convaluit. Videtis ex hoc exemplo, quod illud venenum adeo subtile fuerit, ut merito pro spirituoso haberi queat. Addite his, quod Basiliscus oculis suis necare dicitur; quod feles nostrates domesticæ halitu suo noceant: quod bûfo, spuma sua herbas conspurcans, homini hanc herbamimenti damnum inferat; quod Tarantula genus nervosum mirifico mutet, ejusque effectus per annos duret, & videbitis, quid subtilissimum illud efficere valeat.

Cantharides etiam in se gerunt venenum aliquod spirituosissimum, quod corpus humanum adeo mutat, ut nil maneat intactum, & tamen animal placide vivit cum hoc suo veneno. BARTHOLINUS laudat arcanum contra Gonorrhœam, quod paratur ex scrupulo Cantheridum, infusurum cum quatuor uncis vini Rhenani. Homo, qui liquoris hujus filtrati unum cochlear, septem alius vini vel cerevisiæ admixtum, assumit, halitum foetidum, febrem, ardorem urinae, imo mictum cruentum patitur.

Non ubique tamen eadem est horum spirituum indoles, nam nonnulli post mortem animalium non amplius agunt, alii æque perniciosi manent: rabiosus canis diu post mortem pessimam suam vim retinet; fartris rabie affecta fuit ex filo demorso, quod trajectory fuerat per tunicam, a cane rabido laceratam; solus sætor talis animalis mortui in regionibus calidis hoc venenum communicavit. Hinc concludimus, talia venena esse volatilia; si tamen sic posse, ut per annos maneant: videmus etiam, quod præparatio horum spirituum fiat ad volatilitatem usque; & quod vis venenata retineatur in tenaci & viscidulo corpore. Quando jam inquirimus naturam horum spirituum, tunc non adeo solliciti sumus de ultimo elemento, sed de eo, quod huic proximum est, & hoc est oleum, nam quamdiu hoc oleum manet, tamdiu sit spiritus; causa

Que volatilis quidem tamen retinetur.

quæ facit illum, est tota virtus animalis, id est, materies oleosa, mutata per vim viperæ; non fit spiritus in una parte, sed ubi per omnes partes ivit, tunc abit in vesiculas duas, sub lingua sitas; ergo illa materia non est venenum, nisi elaborata transfudaverit in has vesiculas, sed præparatur tamen in toto corpore animali, eodem modo, ut in plantis fit; totum enim Fœniculum facit oleum, quod hæret in ejus femine. Quantum novimus, pleaque venena hærent in liquore quodam viscido: rabiosus canis halitu quidem inficere dicitur, sed spuma ejus glutinosa applicata rabiem certius creat. Basiliscus dicitur oculis necare, quod an verum sit ignoramus; scimus autem, quod homines descendentes in puteum, ubi ad certam profunditatem pervenerunt, mortui sint.

Venena tamen fere semper per salivam & morsum communicantur, & tunc videntur insinuari venis absorbentibus, ex quibus deducuntur ad interiora corporis; sed tantum operantur per solam vim vitalem corporis, cui insinuata sunt; nam non novi, nullum venenum esse, quod cadaver mutat. Fateor, quod corpus, postquam venena in illud egerunt, disponatur ad citiorem putredinem, sed cadaver demorsum ideo non citius putrescit; sed quando humores magis attenuantur, corpora citius ad putredinem disponuntur; Hinc non ita deridendus HELMONTIUS, qui scripsit, venena radicem suam actuosam habere in ipso vitæ meditullio; & antidota vocat spiritus sapientia; nec immerito, nam opium omnia fere venena facit inertia; ergo hoc spirituosum, occurrens causæ formali vitæ, acquirit qualitatem nocivam; potest centupla copia innoxie per os sumi, sed per mortuum acquirit suas vires.

CATO ducens exercitum per aridissima Lybiæ deserta, cum omnibus militibus siti fere exstinguebatur; veniebat ad fontem, accurrunt milites,

sed vident aquam serpentibus plenam; quum non auderent bibere, dixit sapiens dux, quod impune possent potare, primulque bibit dubium liquorem, quem innoxium esse noverat, nam serpentes morsu tantum virus habent.

Homo quidam in aula Hetrusca stabat in angulo, quando coram Duce ratio dabatur actionis veneni viperini; ridens dicebat, non novistis viperas, & statim uncias aliquot veneni viperarum hausit; quum viderent, nil mali inde fieri, dicebant, quod concurreret bilis; assumpsit ergo bilem viperæ, sed inde etiam nihil fiebat mali; sed quando per aciculam, huic veneno intinctam, pungebat aliquid animal, illud moriebatur; videtis igitur, quod venenum tantilla copia, & quasi halitu tantum, corporis vas immisum occidat; solus tactus vulnerans telorum Bantamensium hoc etiam facit.

Sed quid statuendum, quod hæc venena per os assumpta nihil mali faciant? an licet concludere, quod data sit corpori humano illa virtus, ut valeat per coctionem inertia reddere corpora, quæ aliter perniciosissima forent? sed tunc debent certo tantum loco & modo applicari; nam si læsæ essent gingivæ, homo ab his assumtis etiam moreretur. An forte venenum per vulnus lædit nervum, eumque ingreditur, quia nullum vulnus fit sine læsione nervi? An actio officinæ primæ hæc venena enervat? Vel an nervi in illa tantum tanguntur integri, non disseci, uti in vulnere? dubius hic hæreo, quia nullam regulam generalem invenio; nam quocumque modo venenum pestilens vel variolosum corpus ingreditur, statim præsentiam suam circa scrobiculum cordis manifestat; nec minus mirabile est, quod animalia, per venenum viperarum necata, impune comeduntur; constitit hoc in aula Hetrusca, in qua columbæ, lepores, gallinæ, vituli per morsum viperarum occidebantur, & dabantur aliis animalibus, hominibusque damnatis.

fin

Modus
commu-
nicandi

sine ulla omnino mali sequela. Ubi-
nam ergo manet hæc vis lethifera ?
an per mortem amittitur ? difficilis
iterum est responsio, nec generalis
lex ; nam canis rabidi caro si com-
datur, rabiem infert, & morbus il-
le, in hoc animali natus, vim suam
communicat omnibus ejus humoribus ;
ergo venenum pestilens, variolosum,
rabiosum alio modo communicatur,
quam viperinum.

Quomodo
agant hi
spiritus.

Hæc positis, videtur valde pro-
babile, quod illi spiritus, qui hoc
subtile irradians venenum in se ge-
runt, ingrediantur in nervos ipsos
inprimis dissectos, & misceantur li-
quido, exstanti in cavitatibus co-
ruin. Sed dicetis, nervi sunt canales
cavi, pleni suis liquidis ; sunt ergo
vel venosi, vel arteriosi : sed in ve-
nis hæc venena non nocent ; uti do-
cet assumptio innoxia per os : arteriæ
sua liquida expellent vel in cava, vel
versus superficiem corporis ; quid er-
go inculamus liquidum nervosum ?
Quamnam etiam in illo mutationem
faciant, siue coagulationis, siue irri-
tationis, nescio ; illud vero constat,
quod illud subtilissimum, cui occur-
rit venenum, faciat communicatio-
nem cum toto systemate nervoso ;
corpus nostrum enim regitur, & mul-
tum pati potest ab iis, quæ insensibi-
lia sunt ; Pests in primo gradu ne-
cat sine mutatione sensibili ; legite
DIEMERBROEKIUM, conferte SYDENHA-
MUM, videbitis factum esse, quod ho-
mo loquatur cum homine ; uterque
sanus erat ; cadunt ambo mortui, &
in cadaveribus omnia sana inventa sunt.

Vis eorum
discreta.

Illud insensibile potestatem habet
in nonnulla, minime vero in alia ani-
malia ; nam similes pestes observatæ
sunt in omni animalium genere ; uni-
co vento sæpe pereunt erucæ, quæ
tamea sequenti anno iterum apparent.
Cicadæ sæpe integris nubibus ocea-
num tegunt, omnemque, quam at-
tingunt, regionem devastant, quæ ta-
men uno vento etiam necantur. In
peste bovina a comess eorum carne
nil sentitur noxæ : ergo pestes ta-

les spirituosæ propriæ sunt unicui-
que animalium generi ; neque in ca-
daveribus mortuorum invenitur causa
mortis.

Ergo spiritus, morborum contagio-
forum auctores, videntur ingredi ca-
va nervorum ; hoc vocant Græci ma-
lignam astrorum irradiationem, HÆL.
MONTIUS tumultum Archei. Obser-
vatum fuit quidem, quod pylorus in
bobus, peste mortuis, esset clausus,
& ventriculus scæno plenus, quod pu-
trifcens vicinas partes etiam insec-
rat ; sed illud scænum tunc eodem
modo egit, quam acervus scæni, non
penitus exsiccatus ; est tamen aliquid
singulare in his partibus, nam pri-
mum signum hujus pestis est, quod
boves non ruminant ; hæremus hic,
sed quoniam pestis optime extingui-
tur, si cadavera mortuorum combu-
rantur, vel ventus lustrat regionem
infectam, hinc causa ejus debet esse
tam subtilis, ut spiritibus accenseri
possit.

Patet ergo, hos spiritus anima. ^{Nervi ab}
lium, tam venenosos, quam pestife- ^{his primo}
ros, primo agere in solos spiritus, ^{afficiun-}
unde nihil in corpore mutatum ap- ^{tur.}
paret ; sed quando systema mobile ce-
rebri semel affectum est, tunc totum
corpus omni ratione mutari potest,
ut hoc contagium propagare valeat.
Si unum granum veneni variololi in-
feritur homini, qui variolas jam pas-
sus est, nil mali faciet ; si vero il-
lud communico cum alio, qui eas
nondum expertus est, accipiet vario-
las, & disseminabit per totam re-
gionem ; in homine sanissimo, hoc
morbo laborante, duodecimo morbi
die omnes humores jam mutati sunt
in pus ; illud vero factum fuit ab
hoc granulo, quod præterea vomitum,
sudorem, convulsionem, &
multa alia symptomata effecit. O-
mnes effectus animi inde excitari
possunt, omne deliriorum & imagi-
nationum genus. Quamnam vero ra-
tione agant, forte ex analogia utun-
que patere potest ; nam ex iis, quæ
sensibus patent, possumus perci-
pere

pere talia, quæ illis non sunt obvia, quoniam relatio datur inter utraque. Si ergo dicam, quod illi spiritus venenati uno oculi ictu adimere possint spiritibus animalibus vim agendi propriam, & dare possim exemplum, quod humores animalium crassiores ita mutari queant, ut animalitas & vita uno momento listantur, tunc nihil affirmo, quod repugnat Analogiæ.

Revocate ergo in vestram memoriam, quod omnes humores humani pellantur ex corde, iterumque redeant ad cor. Ponamus jam, omni hora ter mille & sexcentos pulsus fieri, singulisque vicibus uncias duas sanguinis ex corde expelli; illæ ergo toties eadem copia redeunt ad cor, excepta parte, quæ exhalavit. Si vero vivo animali in venam satis amplam, a corde remotam, injiciatur spiritus sulphuris per campanam, vel aluminis, vel vitrioli, tunc non majori temporis spatio opus est, ut destruantur omnes actiones vitales, quam ut sanguis ab illo loco, ubi injectio facta est, ad pulmonem veniat, sed hoc intra pauca minuta secunda fit: idem effectus habetur, si lac recens injiciatur, ita ut ab humore sano animalis, misto cum humoribus sanis alterius animalis, sine ulla suspitione veneni, oriatur abolitio omnium actionum, & tandem mors. Si alcohol defæcatissimum, qui humor est spirituosissimus ex omnibus vegetabilibus in rerum natura, misceatur humoribus, ictu quasi fulmineo moritur animal; nihil hic aufertur, sed fit tantum coagulatio. Si illud alcohol affundatur spiritibus volatilibus, ex animalibus productis, uno momento nascitur coagulum, uti videmus in ossa HELMONTIANA. Illud alcohol adeo volatile est, ut si cuti admoveatur, cutis statim sicca sit; si æstivo tempore effundatur, statim diffusetur in auras, antequam humum attingat. Videmus ergo hic ex analogia, quod coagulatio fieri possit tam ab humoribus crassioribus, quam a spirituosissimis;

cum vero nostri spiritus nec sensuum adminiculo, nec microscopiis observari possint, sola conjectura hic locum habet, nam non audeo hic aliquid affirmare; quia sæpe deprehendi, me deceptum fuisse, quando ratiocinatus sum ex analogia.

Idem verum est de modis, quibus animalia venenum suum cum aliis communicant. Novimus jam, quod liquor quidam subtilissimus contineatur in vesiculis prope dentes viperarum, & quod liquor ille, compressis per morsum maxillis, exprimitur, & sic venenum communicatur; sed si abscessum viperæ caput, decem post mortem dies, ita applicetur parti cuidam nostri corporis, ut mordere possit, eadem efficit, ac si vivum animal integrum applicatum fuisset. Scorpio ad aculeum caudæ testem habet vesiculam flavescente liquore plenam; si caudam suam premit in corpus, comprimitur hæc vesicula, & venenum in vulnus effunditur. Notavit SWAMMERDAMNIUS, quod apes habeant aculeum, quem cuti nostræ insigunt, unde tantus fit dolor, ut si v. g. centum apes simul pungerent, horrendus morbus, imo febris ardentissima ad mortem usque inde oriretur. Pleraque animalia venenata tuto comeduntur; norum tamen est de ovis illius piscis, qui vocatur Barbulus, quod hominem, qui ea comedit, titubantem & vacillantem reddant; tamen raro inde moritur; partes, quæ in his piscibus tales spiritus in se gerunt, videntur inprimis esse organa bilem & semen conficienda, nam hæc citissime in putredinem abeunt. Si homo sanissimus pinguetudinem piscis cujusdam v. g. fulmonis magna copia comedat, eructat oleum rancidissimum, & post aliquot horas omnia expellit ex ventriculo. Dedit nempe Deus his animalibus illud oleum indomabile, omnem a quam respuens, ut ab aqua nunquam laderentur. Pinguetudo illa est tam acris, ut fauces inflammeret, & quasi præfoecet. In jecore piscium tanta copia

Uti patet
ex modo
commu-
nicandi.

pia hujus olei invenitur, ut per solam pressionem inde extillet; & si hepar aselli minoris magna nimis copia comedatur, febrem excitat.

Diagnos
& Pro-
gnosis af-
sumpti
veneni.

Paucis tantum absolvam, quæ spectant ad diagnosin veneni assumpti, & prædicendum ejus exitum, nam in his regionibus non opus est de omnibus venenis singulatim differere, quia vix alia animalia venenata habemus præter busones, & pauca insecta adhuc minus noxia, qualia sunt apes & formicæ: verbo tamen dicam de veneno canis vel felis rabidi; illud enim, proh dolor! hisce in terris satius frequens est, ita ut omni cum cura examinari mereatur. Primis diebus, quando homo a cane rabido demorsus est, sentit nil omnino mali; incipit tamen paulo post perturbari ejus somnus; dein malum inprimis se figit in musculis, deglutitioni inferviensibus, & hoc facto, mutari incipiunt humores, accenditur febris, per quam saliva, omnesque alii humores adhuc magis degenerascunt, sed hoc a morbo, & non immediate a veneno producit. Videantur de his MERCURIALIS & ARDOYNS in libris de venenis.

Curatio.

Duplici modo tolluntur effectus; qui venena assumpta sequuntur, vel enim directe iners redditur, vel mutatur corpus totum, ut simul venenum iners fiat. Quæsitum fuit ab omni ævo, quodnam esset peculiare unicuique veneno antidotum, nam sudorifera tantum agunt mutando totum corpus. GALENUS narrat, quod Pergamenorum rex Attalus fecit parari antidota, & quod hominibus damnatis exhibuit venena, & dein illa antidota, ut videret, quænam pro singulis venenis esset therapeia. Hoc institutum sequens Mithridates inquisivit remedia, quæ corpus munirent contra venena; tandem invenit Mithridatium. Alii reges, pontifices, imperatores hoc imitati sunt, sed invenerunt tantum remedia, quæ totum corpus mutant; illa vero, quæ in solos spiritus agunt, sunt tantum

specificæ Antidota. Cosmus, Hetrurix dux, voluit hanc rem decidi, hinc invitavit omnes ad capienda experimenta. Statim accedebant Patres, quorum societas a Jesu nomen habet, qui ex Indiis Orientalibus redeuntes, varios lapides pretiosos secum attulerant, quos venenum attrahere posse dicebant, sed semper subsistit fraus. Verum est, lapidem, Cobra del Cabello dictum, inpositum vulneri, a serpente infuso, illi adherere, & dein sponte cadere; sed falsum est, illum tunc saturatum esse veneno; dixerunt Patres, quod lac ex tali lapide possit exfugere venenum, & quod ille hac ratione iterum purus reddi posset; sed omnia animalia, in quibus illi Patres experimenta sua instituebant, moriebantur. Jactatur vulgo de carnibus eotundem animalium, quasi illa venenum traherent; justit ergo Princeps, ut cum his experimentum institueretur, sed nihil fecerunt boni. Certe in Physicis nil magis nos fallit, quam vana rei desiderata spes; nec fungimur officio boni Medici, si fœculneis remediis contenti esse volumus; possunt applicari, sed illis non licet confidere, & simul meliora exhiberi debent. Mitto ergo Bolum Armenam, terras sigillatas, & reliqua alia, quæ per experimenta potius exploranda, quam hæcenus firmata sunt.

Nil ergo certo juvat, quam veneni evitatio; non ergo debent imprudenter tractari bestię venenatæ, licet mortuæ; buso mortuus potest tractari, sed non attingi ejus saliva; instrumenta, quibus canis rabiosus occisus erat, noxia deprehensa sunt. Alterum est expulsio; hæc est opus naturæ, & in eo consistit, ut arteriæ exhalantes agant, & venæ mutantur in arterias, id est, ut fiat major motus. In eum finem acetum magna aquæ copia diluitur, ut fiat meabilis, & in eo dissolvitur sal gemmæ vel ammoniacus, & tunc calide vel per se, vel simul cum vino forti potatur; hoc enim augeat vim cordis &

& arteriarum, ut materiam noxiam pellant extrorsum. Si velitis adhibere Theriacam, & Mithridaticam, inuenietis, quod hæc remedia, si Opium seponatis, per expulsionem tantum agant; sed hæc omnia nil proficiunt, nisi simul venæ mutentur in arterias, nam hæc expellentia æque augent motum in venis, quam in arteriis, hinc attractiones per suctionem & partis affectæ debilitationem sunt summa remedia, inprimis si statim loco affecto apponantur, quod cum optime fieri possit per cucurbitas, hinc illæ minime omitrendæ. Si tunc simul, dum sit attractio, hæ partes pertundantur, ut sanguis magna vi extrorsum profiliat, eo maior erit successus. Inustio partis affectæ, per ferrum candens satis cito facta, omnium optimum est prophylacticum. Altera methodus est correctio. Philosophi, qui acidum & alcali crepant, putant, se statim posse inuenire oppositum; sed blandum viperarum venenum ad hanc classem non potest referri: idem obtinet in aliis; hinc quum talia specifica nondum sunt cognita, omnia quæ pro talibus venditantur, tantum applicari possunt, ut satisfaciamus ægris. Aggredior jam agere

DE SPIRITIBUS, QUI PRODUCUNTUR PER PUTREFACTIONEM.

Omnia animalia, paucissimis siccis & exsuccis fere exceptis, solent in calore, qui in thermometro Fahrenheitiano subsistit, intra triginta duos & nonaginta duos gradus sponte putrescere, & quidem eo citius, quo calor magis ad hunc gradum appropinquat; eo minus, quo magis acceditur ad frigus glaciale: si calor major est, non fit putrefactio, sed distillatio illius, de quo hic agimus; si calor ita minuitur, ut aqua congelascit, tunc etiam per congelationem induunt posse statum, ut lenissimo calore dissoluant & putref-

cant. Caro congelata in calore viginti graduum, convertitur in tabum calore triginta trium graduum; & si ille calor adhuc augetur, violentissime putrescit. Hinc PARACELSUS & HELMONTIUS dixerunt, quod corpus æque dissolvi possit per summum frigus, quam per calorem, ut illi vocant, in Gas, de quo non potest dici, quod ad hanc vel illam naturam pertinet; & hæc mutatio singularis est ab omnibus aliis. Hæc putrefactio obtinet in omni animalium genere, sed citius procedit in piscibus, lentius in carnosis; exiuit per eam omnis seminalis proprietas, nam quicumque fuerit humor, quæcumque pars solida, amittit illud, quod distinguit unum ab altero, & acquirit illud, quod commune est omnibus. Notum est per experimenta, quod, si dolium unum repleatur alio, & alterum aceto, & per compressionem fiat putrefactio, tunc hæc duo diversa eundem tamen odorem & saporem habeant.

Sed præter calorem requiritur ad putrefactionem humiditas aquosa, ut patet in cadaveribus, quæ ad ignem exsiccantur, incorrupta manent.

In putrefactione omnia, excepta pauca terra, redduntur volatilia, quod patuit in balæna, ad litus nostrum appulsa, ex cujus vasto corpore nihil fuit relictum, nisi ossa & pauca terra. Ergo per hanc omnia redduntur spirituosæ, nam si id vocari possit spirituosum, quod in aëre avolat, omnia certe per putrefactionem mutantur in spiritus. Hæc dum fit, oritur sætor vel mephitis admodum molesta, quam Belgæ exprimeunt proprio vocabulo *Vermust*. Si caro suspenditur in aere calido & humido, sed ubi ventus perpetuo perstat, nascitur putredo; si vero suspendatur in camera clausa, tunc oritur sætor suffocatus, qui est valde abominabilis, & refert odorem cadaveris, in sepulchro clausi; & hoc est, quod Græci vocant Mephitin. Oleosa autem acquirunt corruptionem rancidam, nam in eodem loco in quo caro

Maxime humidum.

Effluus ejus.

Putrefactio promouetur per calorem.

caro putrescit, pars ejus pinguedinosa longe adhuc tetriorem odorem & saporem habebit, quam carnosa. Sal, qui in corporibus putrefactis antea erat semifixus, nunc sit foetidus & volatilis. Si sumas hunc salem, & lenissimo calori exponas, oritur sctor molestissimus, sed residuum manet inodorum. Aqua & spiritus, ex putrefactis producta, eundem sctorem habent; si vero exponantur aeri libero, ille odor evanescit; ergo illud, quod hunc producebat, est aliquid distinctum ab aliis principiis, & hoc voco spiritum, per putrefactionem productum, qui nervos plus mutat quam omne aliud, quod cognoscimus.

Morbi ab hac causa nati.

Si homo jejunos bovi mortuo improviso occurrat, dum crepat abdomen, sentit quasi Leiptothymiam & vires collapsas, & si diu maneat in illo loco, cadit in syncopen. Si omnia, quæ sunt in hoc animali, seorsim essent collecta, sed orbarentur hoc halituoso, agerent nihil. RHEODI sumpsit viperas, quas bene elotas servabat in vitro mundo & clauso; post paucos dies videbat, spinis exceptis, nil nisi aquam turbidam, & lagena aperta sequebatur horridus sctor. Non explico nunc, quid putrefacta faciant in nostros humores, sed tantum quid agant in nervos, nam si putredo quædam feriat nares, oritur tam subito effectus, ut humores mutari non possint. Talis potest fieri intra corpus humanum, uti stercus biliosorum docet, inprimis qui comedunt pisces & carnes, nec tamen multo sale vel acido utuntur: humores sani, certo in loco corporis humani stagnantes, etiam putridi evadunt; & quia tunc simul volatiles sunt & per corpus disperguntur, hinc applicati nervis eadem mala faciunt, quam spiritus putridi externi. Percipitis hinc, quare hominibus, semper siticulosus, omnia horrorem inducant, exceptis acidis & salis, nam putredo est in illorum corpore; Quando hæ putrefactiones vasis clausis ad summum fuerunt erectæ, &

spiritus illi subito in æra demittuntur, sunt præsens venenæ: hinc animalia putrefacta toties sctorem pestilentialem exhalaverunt, qui applicatus membranæ narium, vel infusus in pulmonem, virus suum communicat cum toto corpore.

Cognoscitur hoc malum horrore carniæ, siti, appetitu acidorum; hæc enim designant semper, hic fomitem quandam putridum hærere.

Morbi, qui ab hac causa sunt, curantur per illa, quæ putrefactionem impediunt; hoc facit omne acidum, sive fuerit animale, ut serum lactis, & lac ebulliatum; sive vegetabile, ut cerevisia, vinum, & acetum; sive minérale, ut oleum vitrioli: si integer bos undique perfricetur cremore vel crystallis tartari, non putrescit; nec etiam si adhibeatur oleum vitrioli; hinc suasi illis, qui trans mare currunt, ut in navi secum sumant pleum vitrioli, illoque bene in aqua diluto inspergant carnes. Hoc etiam facit omnis sal cognitus, inter quos nullus penetrabilior, quam ammoniacus, modo dilutus sit; porro sal gemmæ, marinus, fontium, dein nitrum, borax, alumen, vitriolum. Huc etiam refero spirituosæ, ut est alcohol vini, omniaque incrustantia & exsiccantia, Myrrha, aloë, & similes gummi resinæ, quæ in balsamatione cadaverum adhibentur.

Si quis in peste maiutino tempore velles suspendat in fumo sulphuris, lavat corpus aceto, & haurit acetum ex spongiis aceto plenis, liber manet a putredine. Dantur exempla, quæ docent, quod hoc venenatum uno momento per acida dissolvatur. Homines quidam descendunt in profundum puteum; primus cadit mortuus; alter veniens ad eundem locum, cadit etiam; tertius demittitur cum fune, qui, simulac vertiginosus fiebat, trahebat funem, & ducebatur sursum; lustrabatur puteus sulphure & nitro accensis, & tunc impune descendere poterunt.

DE SPIRITIBUS, QUI EX ANIMALIBUS EX- HALANT.

Spiritus
anima-
lium na-
turales.

Pergo ad considerationem spirituum, qui in animalibus sunt, & pro naturalibus habentur, quos unusquisque ideo innoxios putat. Hi spiritus facile exhalantes & facile recipiendi in corpore gignuntur, & ad ultimam subtilitatem perficiuntur; omnes actiones omnium vasorum & viscerum aliquid ad illos conficiendos contribunt, & mirifica horum differentia est in variis hominibus, & in diverso sexu & genere animalium; si tales spiritus per calorem agitantur, sunt actuosissimi, ita ut potestates antea silentes per motum in iis excitentur; hinc debent applicari corpori viventi, nam in cadavere nihil agunt, nisi velitis credere narrationibus creberrimis, quod in cadaveribus nonnullis, accedente quodam homine, causæ mobiles jam silentes excitatae fuerint, ita ut sanguis inciperet profuere, & quod hac ratione homicidæ detecti sint. Hoc uno casu, si obtinet, excepto, non novi, quod spiritus illi unquam agant in cadavere, quum tamen homini viventi, & imprimis anhelanti, applicati, illum mirifice mutant; hinc caveant Medici, si malignos morbos tractant, præ nimis accelerato motu, ne anhelantes accedentes idem veneni genus inbalent; constat enim, quod per venas bibulas pulmonum facillime possit recipi, & sanguini, qui mox arteriosus fiet, communicari.

Quando hi spiritus applicantur corpori sudanti, valde etiam inficiunt, hinc si scabiosus calefscens attingit manum alterius hominis calentis, statim venenum in eo se manifestat; sed si frigidus scabiosus frigidum sanum attingat, nihil inde fit mali. Frictiones & balnea corpus etiam aptius reddunt ad spiritus illos recipiendos, & quando corpus sic apertum cum alio homine dormit sub iisdem stragulis, malum ex uno corpore facile transit

in alterum; nunquam autem morbi facilius & pejus communicantur, quam recens natis infantibus, si forte cum aliis obdormiscant: Observatum est, quod homines, qui diu cum aliis decumbunt, penitus mutantur, cujus rei notabile valde exemplum vidi. Mulier sanissima lactat puerum optime valentem, nullo in utroque apparente vitio, sed exacerbata præ vehementia affectus fere convellitur; tamen nil mali inguens puerum ejulantem uberibus applicat, qui vix hauserat parum lactis quin totus convelleretur, omnesque actiones ita perturbarentur, ut per totam deinde vitam stultus remaneret: ergo tantum malum per lac communicari potest, nec dubito, quin summi generis nervosi morbi quotidie fiant, qui a lactatione originem habent.

Veteres dixerunt, unumquemque hominem pro se ipso facere sanguinem, sibi sanum, alteri noxium: constitit hoc elapso seculo in arte transfusoria, quæ nil boni, sed heterogeneas actiones efficit: ergo spiritus, de sanguine nati, habebunt etiam aliquid, sibi proprium, & licet in diversis hominibus proxime ad se invicem accedant, tamen non eunt iidem. Nemo nunc dubitat, quod causæ morbificæ maxime communicari possint, ubi animi affectus incitantur, videmus quotidie, quod nonnulli homines alios ad sui amorem alliciant, quum alii, vix conspecti, statim displicent: simile quid forte obtinet in omni pathematum genere; & hinc multa, quæ dicuntur de præstigiis & incantamentis, forte possent explicari de mirabili efficacia exhalationum, ab uno in alium transcurrentium. Si caro, caseus, panis diu gestentur, ad locum corporis, ubi effluvia maxime exhalant, & hæc alimenta dentur cani, disponunt eum, ut deferat herum, & sequatur eum, cujus effluvia ipsi communicata sunt: hæc data homini simile vinculum excitare posse dicuntur. Ergo homines parte sua sentiente, imaginante, memore, & animi affecti.

Singula-
ris eo-
rum in
dolis.

Quomo-
do red-
dantur
magis a-
ctivos.

fectibus adeo sunt obnoxii morbis, ut pendeamus ab infinitis. Ergo non debemus putare, quod morbi terribiles requirant crassam materiam, vel magnam deformationem viscerum, nam subtilissimum quid illos potest producere; neque possumus dicere de curatione, nam hoc impetum faciens magnam crucem facit Medicis; qui licet tales ægros muniant omni remedium genere, demant vires, præparent animum, nihil tamen efficiunt: sola opiata faciunt, ut quis inefficax sit, ad percipiendam injuriam.

DE SPIRITIBUS EX VEGETANTIBUS.

Spiritus
ex vegetantibus.

Vocatur nunc ad Vegetantia, in quibus etiam corpuscula sunt, quibus data definitio Spirituum potest applicari. Qui Roserum transmatutino tempore, statim sentiet expiramentum Rosarum, quod nemo ambigit vocare spiritum. Tales nunc in Vegetabilibus producuntur per eorum Idiosyncrasiam, Fermentationem & Putrefactionem. In solis autem spiritibus naturalibus immensam invenimus efficaciam, & in singulis plantis differentiam, sed in fermentatis & putrefactis non est magna differentia. Dixit HELMONTIUS, spiritus naturales per Archeum esse factos, eosque in quolibet genere semini adhærere, & semen habere facultatem multiplicandi suam speciem. Per omnia, quæ institui, experimenta inveni, quod illa pars eorum, quæ vere efficax est, sit simplicissima & vix corporea. In Statica Vegetabili Clari HALESI res illa planius explicata habetur. Scilicet omnis planta cognita oritur ex alia præexistente; ortus cujusque debetur semini, vel alii cuidam corpori, quod semen absconditum in se gerit; nam potest etiam propagari per surculum, infusionem, ablationem, & radicem, sed in quolibet horum

modorum semen latet. Hoc semen habet facultatem succos, qui primo applicati ad succos fossiles accedunt, ita mutandi, ut in planta fiant aliquid, & ex ea, æstuante celo, iterum exhalent, Ultimo conficitur flos & semen, & fit novus Embryo. In hoc ultimo est idiosyncrasia plantæ, illud nempe, quod distinguit unam plantam ab alia, a quo tota vis singularis plantæ pendet, illudque est infinite parvum, ita ut hoc expulso omnia reliqua sint communia; hoc conservato, omnis vis actiuosa habeatur in compendio: novimus autem, quod omnia per calorem ex planta exhalent, excepto oleo, sale, & terra; & quod in oleo tenaci, durabili, & inspissabili in corpus resinofum solidum, illud singulare hæreat; hinc omnes plantæ aquosæ, quæ vix oleum habent, vim suam non diu retinent. Omnes vero plantæ non habent succos redeuntes in venas, nam non habent cor neque arterias, sed omnes humores distribuuntur per vasa, hæcenus non satis cognita, & deponuntur in variis locis, in quibus per calorem varias vires acquirunt.

Contemplemur nunc varias earum classes, quarum prima est, de quibus LUCRETIVS dicit, quod arboribus certis gravis umbra addicta sit, & VIRGILIUS: surgamus, solet esse gravis cantantibus umbra; Juniperi gravis umbra; & nocent frugibus umbræ; nam atmosphæra quarundam arborum in regionibus earum nativis, maxime calidis, turbat hominem, præcipue si mane diu sub ea manet. Juniperus saluberrima arbor est, sed si homo diu versatur aut dormit sub ejus umbra, per hanc atmosphæram mutatur quasi a nimio vino. Juglandis nostræ umbra valde grata est, sed ubi adest æstuosus dies, homines sub ea morantes dolore capitis afficiuntur. Taxis venenatus effectus satis notus est, nam ejus umbra in Græcia, & Italia potest fieri lethalis, hinc a PLINIO & DIOSCORIDE inter venena recensetur.

Per exhalationem.

In India Occidentali frutex est, quæ vocatur Mancinella, cujus duas species in horto Academico alui, quæ lac fundebant. Scribit de his BOYLEUS in libro de natura *Effluviarum* pag. 38. quod volucres non modo ab esu fructuum hujus plantæ abstineant, sed & huic nequidem insidere velint, probabiliter quia noxium habent odorem, advolantes aves offendentem. Scio, lac ejus, etiam in regionibus nostris frigidis, tam horrendæ esse efficaciz, ut, si attingat cutim, multa mala producat, & homo, postquam alvum exoneraverat, podicem detergens folio hujus fruticis, contraxit inde phlogosin, & dein gangrænam in intestinis, qua progrediente ad partes superiores mortuus est. Observatum est a nostratibus, quum Coloniam Surinamensem primum nacti essemus, quod nonnulli homines morerentur circa ætatis finem, illique inprimis, qui noctu per sylvas ibant. Postquam questum est, quæ hujus rei subesset ratio, innotuit, quod hoc malum, æfluente cælo, prodiret ex vaporibus fruticis Mancinellæ, hinc omnes illæ sunt extirpatæ, & sylvæ incensæ, & tunc aer saluberrimus factus est. Videtis ergo primum genus spirituum, in vegetabilibus nascentium, & vaporem spargentium, qui omne genus morborum efficiunt, ad pulmones peripneumoniæ, ad oculos ophthalmiam, ad nares Coryzam, ad fauces erosiones & anginas, in ventriculo & intestinis multa alia mala, & post hæc omnia mortem, quum tamen in hac classe non observatur notabilis odor vel sapor.

Sequitur alia classis, in qua spontaneus halitus & odoratus est, in odore vis mirabilis hæret, qui ipsos spiritus videtur afficere, uti docent canes odorifera. Odor florum fabarum amoenissimus, & utrique sexui placeas, in nulla alia plantæ parte invenitur, & si quis diu in eo versatur, in somnolentiam, delirium, & tandem in Leipothymiam incidit; hinc jam dixit PYTHAGORAS, abstineto

a fabis. Rosæ omnes, inprimis Dac mæscenæ, suavissimum odorem habent; sed si loco clauso servantur, nervos etiam afficiunt. Hæ Rosæ Pharmacopœo, qui magnam copiam syrupi & aquæ Rosarum paraverat, solutionem omnium humorum effecerunt; sanatus est exeundo; sed tanta vita retinuit, ut quoties Rosas tractaret, membrana Schneideriana ita solveretur, quasi magnam refrigerationem passus esset.

BOYLEUS in libro de efficacia effluviarum pag. 53. narrat casum scæminæ, cui non ingratus erat Rosarum odor, adeo tamen noxius, ut mox adeo male se habere inciperet, ut deliquium pateretur animi, nisi mature obviam iretur: versabatur aliquando in aula quadam, ubi subito se adeo male habuit, ut tantum non collaberetur; interim sermonem habens cum illustris dignitatis persona, in grave periculum incidisset, nisi illa observans, vultum ejus expallescere, gelidoque sudore cooperiri, & causam conjectans, sciscitaretur, esset ne aliquis rosas gestans, quippe quæ ista tempestate florebat: confestim matrona quædam rosas proferebat, quæ a virgine non visæ deliquium quidem non pepererunt, illam tamen aliquandiu valde conturbaverunt: ibidem p. 54. habetur casus alterius Pharmacopœi, crassi & proceri hominis, qui a Rosarum odore ita afficiebatur, ut magnopere conturbaretur, si inter Roseta ambularet. Is autem odor eam in illius capite humorum colliquationem pariebat, ut rheuma, tussim, raucedinem, oculorumque dolorem provocaret, cogereturque abesse, quo tempore vernabant Rosæ, si magna quantitate in ejus domum deferrentur. Vir fortis, quoties ingrederetur conclave, in quo poma servabantur, incidit in animi deliquium. Odor florum Oleandri valde etiam noxius est, nisi in camera ampla & a vento perflata servantur: Apocynum habet suavissimum odorem, sed qui semper minatur syncopem; quæcumque apis mel inde

Quæ olfactus organa afficiat.

inde hauserit, cadit mortua. Si unica planta, Tuberosa dicta, in conclave est, valde placet; sed ubi multi homines talem locum calefaciunt, omnes fere læduntur. Non omnia effluvia, quæ per aera volitant, ab eo factu deprehenduntur, & tamen effectus suos præstant. SENNERIUS narrat, quod in officina quadam in Germania, in qua opium magna copia dispensabatur, famuli in profundissimum somnum lapsi fuerint. In Italia patet sunt, in quibus frumenta impare possunt conservari sub crusta; si vero moveantur ab hominibus ignatis, odor, qui primo exit, omnes necat. PANIS recens coctus habet odorem, quo vix alius spiritus magis excitat; sed observatum est, quod homines, qui talem panem deposuerant in loco humili, nullo aere persilato, ægri inde evaserint. Ergo spiritus vegetabiles spontanei odore suo produciunt omnes generis nervosi morbos ad mortem usque.

Per destillationem.

Tertia classis harum exhalationum est, quæ exeunt ex destillatis: respicio tantum illos spiritus, qui ex vegetabilibus, vase clauso contentis, eo gradu exaltantur, quo alias non adscenderent; non autem illos, qui per fermentationem producuntur, & ab his etiam sunt mirabilia, quæ nemo ratione potest persequi. SCALIGER refert in libro de subtilitate contra Cardanum, quod radix Adad, in Africa cognita, exhibeat aquam stillatitiam, quæ pota intra horæ spatium mortem infert, & quod unicuique hujus antidotum sit alia radix Africana. Possem ex Chemia multa adferre de effectibus quorundam spirituum, sed huic rei non inhærebo; scitis, quod aqua Melissæ uno momento spiritus nostros exhilarare queat.

Per contusionem.

Quarta classis est vaporum, qui non sua sponte, sed tritu vel contusione exeunt. Cicuta aquatica major GESNERI; quæ ingenti copia in his locis crescit, aliæque Cicuta, Tragoselinum dicta, huc referantur. Scribit MATTHIOLUS

Tom. I.

in Commentariis ad Dioscoridem Lib. IV. Cap. 74., quod si asini Cicutam in Hetruria depascantur, profundissimo somno & torpore capiuntur, ita ut non tantum stupidi sed plangere mortui videantur. Id quod aliquando rusticos hujus rei ignaros fecerit, nam dum asinis, quos mortuos credebant, pellem ad usum detraherent, contigit, quod in medio fere operis asini experrecti sunt. In æstate Cicutam contusam parum subolsce, sed non possum exprimere, quantam mutationem in capite statim inde senserim; titubabam, & nil nisi confusa quædam cogitatio supererat. Si vero integram herbam subolsacerem, vix multos effectus inde deprehendi. Folia herbæ Clematidis, Flammulæ dictæ, æstivo tempore contritæ, suppositi naribus, & sensi quæ calidissimam flammam, ferientem nares. Volebam præparare Hyoscyamum, ut propria manu conficerem Emplastrum, quod LUDOVICI laudavit contra Podagram, constans ex succo Hyoscyami recentis, inspissati cum oleo, & cera; contrem herbam, sensi periculum amittendi quasi omnes meos sensus. Legimus apud HELMONTIUM in tractatu, quem inscribit Jus Dnumviratus §. 22., quod Causidicus quidam acceperat binas drachmas seminis Hyoscyami contusas loco Anethi, quod in Colica ipsi præscriptum erat. Confestim inde sic insanivit, ut ne verbum intelligibile proferret; sedebat quidem juxta focum erectus, sed totus insanus, demens & stolidus, sed dato vomitorio convulsi intra semihoram. Volebam experiri, quid execrabilis Datura faceret; contritam naribus admovi, & menti incutiebatur horror; ab Euphorbio contuso eadem expertus sum. BOYLEUS narrat in tractatu de natura effluviomm pag. 38., quod cum Medicus quidam magnam radicis Hellebori ægri copiam duxerasset tundi in mortario, plerique

G

rique eorum, qui in illo conclavi erant, inprimis vero ipse tunfor, eo ipso fuere purgati, eorumque nonnulli satis vehementer. BELLONIUS dicit, se in Turcia reperisse Chamæleontem, & cum focis occupatum fuisse, ut illam colligerent; interim adveniunt Turcæ, qui omnes admonitione sua a morbis faucium liberaverunt, nam intra quadrantem horæ jam illis, qui hanc herbam tractaverant, & manus naribus admovebant, nares inflammatae erant; radix enim nigra Chamæleontis ea virtute pollet, ut curi applicata ipsam adeo inflammet, ut squilla vel urtica longe minus adurant. Ergo forsân concludere licet, quod natura in vegetabilibus sponte talia effluvia secerit, ut quadruplici modo, scilicet exhalando, subolfaciendo, destillando & conterendo, sine ulla alia mutatione, non tantum mirificos morbos, & ipsam mortem, sed & omnes operationes medicatas producere possint.

An ergo vis medicata & venenata omnium vegetabilium referri potest ad hos spiritus solos? En problema! vis vegetabilium medicata vocatur, quæ corpus humanum sic movet, ut fiant tales mutationes, quæ requiruntur ad morbum tollendum, & sanitatem restituendam. Scitis, talia corpora esse; eaque dicuntur agere corpus vel mutando vel evacuando, hinc dividuntur in alterantia & in evacuantia. Rogo nunc, an omnis illa vis non statim desinat, ablato spiritu? an ergo omne illud, quod mutatur ab his vegetabilibus, his spiritibus non debeatur adscribi? Hi spiritus ad miraculum usque subiles sunt. BOYLEUS dicit in tractatu de *Natura Effluviarum*, pag. 35., se comperisse, quod una gutta Chemice parati, & ut artis filii loquuntur, essentialis olei Cinnamomi, vino ope sacchari, ut par erat, commisti, determinatum Cinnamomi saporem retinuerit, etiamsi in duas fere vini libras esset diffusa. Quid ergo est in illa gutta olei Cinnamomi, per spatium tam amplum diffusa, quod ef-

fectus suos præstat? Guttam unam hujus olei aeri aperto exposui in conclavi, quod totum subtilissimo & suavissimo ejus odore inde replebatur; gutta illa, per aliquot dies relicta, idem quidem retinuit pondus, sed penitus erat inodora. Forte ergo non est pars milleesima guttæ, quæ odorem suum dispergebat, saltem ad lancem doctrinasticam non determinanda; minimum hoc tamen si abest, oleum illud non agit ut oleum Cinnamomi; hinc ducimur, ut cogitemus, quod in hoc spiritu hæreat vis medicata.

Sed dantur etiam spiritus, qui nullo odore vel sapore dignosci possunt, sed suis tantum effectibus se manifestant: sic in Taxo nullus est odor, quum tamen dormiens sub Taxo male se habet. HELMONTIUS in Tractatu, quem inscribit *De mens Idea* §. 12. scribit de Napello, quod, cum ejus radicem ruditer præparasset, semel degustaverit in apice linguae; & licet nil deglutiret, multumque salivæ expueret, sensit tamen mox, cranium quasi zona forissecus stringi; tunc precipitanter aliquot negotia peregit, perædes oberravit, sensitque, se nil intelligere, concipere, sapere, vel imaginari in capite, pro more alias solito, sed totum illud munus obiri in præcordiis. Tandem post duas horas vertigo bis repetita eum invasit, & rediit consuetus cogitandi modus in capite; omnia illa autem fiebant solo levi tactu linguae. MATTHIOLUS in *Commentariis ad Dioscoridem Lib. IV. Cap. 73.* dicit de Napello, quod vis ejus in necandis hominibus tam immanis & sava existat, ut nullis fere antidotis occurrî possit, & exempla adfert latronum, quibus drachma hujus radicis fuerat exhibita, & qui post omnia nervosi generis symptomata tandem tamen mortui sunt. Omnia hæc mala oriuntur a sola applicatione Napelli ad membranam nervosam ventriculi, nam vegetantia venenosa agunt, simulac in ventriculo hærent, hinc si vomitorium prompte detur, cito fit sanatio. Puella, quæ tubera fungosa comederat, convulsionibus corripi-

Solo effectus cognoscendis.

An vis medicata ab his spiritibus?

batur; datur ipsi a patre infusum Tabaci, hinc excitato vomitu omnia frustra reddidit, & totum malum cessavit.

Legitur in libro JORDANI de peste mirabilis huc spectans historia: Præge homini ad mortem damnato nullum alimētum dabatur, nisi solus panis & aqua, quod jubebant Medici, ne in corpore esset aliquid, quod vim veneni exhibendi minuere vel augere posset; dabatur tunc vesperi homini non cœnato drachma Napelli, quæ vacuo ventriculo citissime operabatur; statim enim sentiebat angustiam pectoris, dolorem stomachi intolerabilem; tenebrosam oculorum vertiginem; pulsus vacillabat, & mors videbatur instare: dabant tunc lapidem Besoardicum cum vino; incipit vomere, & utcumque videbatur levare, sed oritur mox sensus repleti & quasi erepantis ventriculi, cervix convellitur, sequitur delirium; in quo cœnat quam hilarissime; delirium illud sedatur; iterumque redit ad sensus; sentit dein dolorem intolerabilem ad stomachum, juncturas, caput, pectus, omnesque nervi affliciebantur; post septem horas dolor oritur omnium juncturarum, quasi a carnifice torqueretur; fit tumor ventris, uti in hydropse, ardor renū, retentio urinae, paralysis brachiorum & crurum; vomit materiam scædissimam, simulque subducitur alvus: dum omnes adstantes mortem expectant, oritur ophthalmia, quæ cum sedaretur, omnia mala abierunt; cœnatus dormit per totam noctem, & intra sex menses nil mali apparet. Videtis ergo, quod corpus humanum ita factum sit, ut in illo sit aliquid mobile, inprimis circa ventriculum, quod a re nulla alia ratione percipiendi, affici potest, unde varii oriuntur morbi, qui omnes abeunt, postquam causa eorum per vomitum vel alvum excernitur.

Constat etiam, quod in vegetabilibus hæreat aliquid singulare, a natura eorum seminali paratum; nam non reperitur eadem vis in Aconito, & in alia planta, quæ crescit in eodem lo-

co, & vires saluberrimas habet; ergo hæc potestas a Deo data est; nam utraque illa planta eodem pabulo nutritur. Vidistis quoque, quod solus spiritus plantarum in se habeat virtutem omnem singularem, tam medicatam quam venenatam, qui spiritus tamen insensibilis est, & non ponderandus; ablato hoc tenui spiritu per calorem vel vetustatem, omnis illa vis auferatur. Vegetabilia venenata, in taleolas scissas, soli exposita & exsiccata nil mali faciunt; hinc non mirentur Medici, quod radix Hellebori exhibita sæpe non operetur, nam in multis Pharmacopoliis vetustate exela servatur. Si horrendissimum venenum vegetabile v. g. Napellus coquatur in aceto, oleo vitrioli, vel spiritu sulphuris per campanam, omnem suam vim amittit. Hellebori radix, quæ tam violente agit, si in aceto coquitur, aut oleo vitrioli vel spiritu sulphuris irroratur, vel si cum acidis miscetur, nil mali facit; hinc patet, quod vis venenata destrui possit per aliud quoddam corpus additum. HELMONTIUS Chemista dixerunt, quod venena omnem suam vim perdant in Oleo tartari per deliquium; sed idem fit, si cum spiritu nitri vel salis marini digeruntur, dixerunt, quod hac ratione miscescitur; sed revera perit illorum vis. Sceleratissima factio hominum invenit, quod si scammonium parva dosi sæpius daretur, homines moriantur per diarrhœam, & quod nullum remedium sit contra hoc malum, nam omnis sanguis convertitur in humorem putridum; ergo scammonium pertinet ad venena, quia semper aliquid mali facit: sed Medicus prudens utitur hoc stimulo noxio, & ab eodem scammonio, moderata dosi exhibitio, optimos effectus habet: grana ejus duodecim, cum paucis saccharo trita, purgant satia fortiter, nisi acidum sit in corpore vel superbibatur; si vero addas succum limoniorum, vel spiritum sulphuris per campanam, nil efficit, nisi majori copia exhibitum: apparet hinc, quare sic dictum Diagridium, majori copia datum, idem tantum

præstet, quod purum scammonium minori dosi, nam illa sic dicta correctio per acidum sulphuris est tantum enervatio virtutis peculiaris scammoniei: estque etiam verum, quod venenatum aliquid possit fieri medicamentum, si exhibeatur minori dosi. An ergo illi spiritus non agunt directe in nervos? Purgans venis vivi animalis injectum, vel quadrupla dosi per clystema exhibitum, facit idem, quam per os simplici dosi ingestum. Homines sunt, qui per halitus vel solo odore purgantur.

DE SPIRITIBUS EX FOSSILIBUS.

Fossilia vel sponte in fodinis, vel arte in officinis, sive sola vel cum additis aliis, abeunt in partes tam volatiles & subtiles, ut secundum ante datam definitionem nomen spirituum mereantur: hi spiritus ex salinis & sulphureis, solis vel cum aliis permixtis, creberrime solent oriri. Chalcantum nativum, per octo dies extremam ignis tormentum passum, semper adhuc spiritus volantes & exhalantes præbet; si spiritus sic parati commutantur colcothari suo, prius cum sulphure combusto in aere aperto, insinuant semagno cum sonitu in suam matricem; & hoc fit, donec saturata sit illa colcotharis calx; quæ si iterum efficcetur & destilletur simili ignis violentia, nascuntur spiritus flavi, odoris melliti suffocantissimi, quorum vix unica libra transfunditur de lagenâ in lagenam; quin unicæ saltem uncæ fiat amissio. HELMONT de Lithiâli Cap. VIII. §. 19. 20. En! ad quantam subtilitatem & volatilitatem ignis potest perducere corpus, quod cæterum per secula quiesceret! An non etiam ignis in fodinis est, per quem illi spiritus abeunt in auras? Nonne percipitis hinc, quid efficere possit Chalcantum, cujus tanta copia in nonnullis montibus est, ut in Vesuvio & Aetna? Scripserunt nonnulli de Arsenico, quod lapis Phi-

losophorum in illo lateat; hinc jumentum sublimari, & florem adscendentem rursus sublimari, donec Arsenicum fixum maneat. Sublimaverat jam aliquot vicibus TACHENIUS, quum vas aperiebat; oritur odor suavis, sed ab hoc odore sano homini fiebat dolor circa os Ventriculi, syncope, sudoralgidus, nausea, vomitus, micus cruentus, & contractura totius corporis; nec potuit nisi post aliquod tempus restitui, lacte & oleribus mollissimis toto hoc tempore utens; ergo corpus perfecte inodorum, quod per mille annos in eodem statu potest retineri, sola vi ignis tam volatile reddi potest, ut suavi suo odore fallat, & totum quantum corpus uno momento prosterneat. PISCOR quidam servabat Realgar in pyxide, quam aliquamdiu clausam aperit; ipsi momento olfactus halitus aliquem deprehendit, mox incidit in syncopen, & non nisi magna cura est restitutus: in hoc casu Realgar reclusum per moram & teporem utcumque halituosum erat redditum. BOYLUS invenit, quod in Fodinis Anglicis, in quibus flammum hæret, pulvis subtilissimus venenatus lacunarum parietibus adhæreat post fusionem flammæ, qui abrasus & fusus flammum iterum exhibet; ergo ipsa metalla possunt adscendere, quod alia experimenta etiam probant.

Est in Campania specus quidam, *Grotta del Cane* dicta, in qua si candela ad certam altitudinem teneatur, flamma fit orbicularis, eoque magis, quo descenditur inferius, & tandem extinguitur: si canis, in hunc puteum demissus, pervenerit ad locum, ubi flamma orbicularis est, incipit anhelare, eoque magis, quo descendat inferius, & in eodem loco, ubi flamma extinguebatur, moritur; in cane tali aperto nil invenitur, quod pro causa mortis haberi potest. Prope Romam plures tales speluncæ sunt, in quibus animal ad certam distantiam demissum moritur. V. MERCURIUS de venenis Lib. I. Cap. 13. VIRGILIUS Lib. VI. *Æneid.* similem speluncam descripsit. In Britannia septen-

Spiritus
spontanei.

Naturæ
res.

trio-

trionali sunt fodinæ carbonariae, in quibus aer deprehenditur certis locis flammam minuens, & tandem extinguens, & illo in loco omnia animalia suffocantur, nullo casu excepto. In fodinam Plumbi ingressus Centurio tantum sensit dolorem capitis, quasi torum ejus cerebrum dilaceraretur, eoque per quatuor dies ad mortem usque affligebatur. Ergo videtur probabile, quod antra in certis terræ locis repleta sint spiritu fossili, volatili & valde penetrabili, qui omnia interiora movet, & in fodinis illud efficit, quod ars jam a multis seculis conata fuit imitari, & forte nunquam poterit, nisi cum pernicie opificum, nam videmus omnes, qui his occupantur, tremulos & paralyticos. Hinc si invenimus fodinam, in qua ignis extinguitur, scimus, quod in ea sit vapor noxius, qui adveniens monet, ibi non esse aquam; sed si effici possit, ut aqua ad illa loca veniat, statim venenum abest; vel debent construere caminum altum, & sub foramine in ejus lacunaria facto ignem ponere, qui aerem suppositum rarefacit, & sic etiam venenum exit; vel dispendunt pulverem pyrium; vel fodinas tales exhaustas replent sæpe materia, ex aliis fodinis extracta.

Quatuor classes talium vaporum inveniuntur, qui omnes lethales sunt: prima est odor suffocans candellæ, qui si feriat locorum subterraneorum per scrutatorem, facit primo dispnoeam, dein syncopen; unicum remedium est, ut aerem recentem hauriat, aut vinum vel cerevisiam generosam bibat; si tunc ex illo periculo emergat, tamen dolores & spasmos terribiles per totam vitam patitur: altera est odor florum, imprimis Perficorum; in hac candela tam cito non extinguitur, & videtur similis esse vapori ex Arsenico, de quo statim in historia TACHE-
NII diximus: in tertia classe formatur ad lacunaria tectorum in fodinis sphaera quædam levis, mobilis & pensilis, similis illi sphaerulæ, quam pueri faciunt ex aqua & sapone permixtis; illæ sphaerulæ dispersæ omnes

Tom. I.

neant fossiores: quarta est vapor, qui accedente candellæ flamma ignem concipit, & mox instar fulminis omnes cavernas comburit, & flammam facit flavo viridem, & odorem sulphureum suffocantem. Nascentur ergo nobis ratio magna credendi, quod in illis cryptis semper mobilis vapor præfens sit, qui forte in cavitates nervorum admixtus, cum spiritibus nostris misceri, & sic damnum inferre potest.

Si nunc inquiramus, quanam sit natura horum halituum, videmus, quod multi vapores fiant ab oleo, ad summam tenuitatem redacto, qui manifestant se odore sulphureo vel chalcanthæo; alii arsenicales; alii inflammabiles, qui agunt eodem modo, ut in periculoso illo experimento, cujus historia habetur in *Elementis Chæmiæ*, Tom. I. pag. 325. & seq.; in fodinis enim oleum vi ignis potest reduci ad tenuitatem Alcoholis, uti in Naphta videmus. V. *Elem. Chæmiæ* Tom. I. pag. 355. 356. In aliis istis vaporibus oritur speculatio amœnissima, quid hic intercedat inter vitam flammæ & vitam humanam, nam utraque parâ passu minuitur & extinguitur.

DE EXHALATIONIBUS FOETIDIS.

Quando humores in animali vivente corrumpuntur per pestem, febres inflammatorias, sphacelos, abscessus, câncros, scorbutum, luera veneream, tunc semper fetidum volatile singularis naturæ oritur. Pestis ita murat corpora, ut mortua intra sex horas nigrescant & foeteant. In Oriente spirat ventus, certo ex mundi angulo veniens, & ad certam tantum altitudinem assurgens, adeo periculosus, ut omnia animalia uno momento occidat, eaque nigerrima faciat. Si homo ibi loci in certa altitudine humi procumbat, moritur, dum alter, qui in eodem loco erectus stat, sanus manet. Carcinoma exulceratum virus fundit tam horridi foetoris, ut æger ante mortem olfactum perdat,

Spiritus ex putredine nasci.

Sanus & robustus homo subolfaciat faeces ægri dysenterici, cadet statim in animi deliquium. Est ergo in his aliquid, quod vires uno momento perfundat, adeoque nervos afficit. Integra Balæna in littus nostrum ejecta & mortua, activo calidissimoque tempore, brevi pestifera fracedine aerem longe lateque inficiebat. V. *Elem. Chem. Tom. I. pag. 488.* Frumentarius senex in hac urbe calculum magnum gerebat in vesica, unde urina sæpe ipsi intercipiebatur; unicum remedium superaret, ut cathetere repelleretur calculus; contigit vero semel, ut per negotia absente Chirurgo, æger plures per horas sustineret urgens lotum: quando tandem reversus auxiliator consuetam operam præstitit, urina exiliit, tam acris, alcalino, putrefactæ urinæ proprii foetore, ut pulmo incauti Chirurgi, attrahentis vaporem terribissimum, per aliquot dies male affectus fuerit. V. *Elem. Chem. Tom. II. pag. 396.* Vir, fide dignus, mihi narravit, se adluisse homini, qui dysentericus & moribundus faeces exercebat tam fetidas, ut ab illis infectus viginti quatuor horarum spatio coqueretur plus quam centies alvum deponere, nec sitim sistere potuerit. Animalis, sub aqua suffocati, crepat abdomen, oritur agilissima volatilitas, oculis, pulmonibus & ventriculo statim molesta, uno momento appetitum delens; nauseam, vomitum, imo dysenteriam faciens. EUGALENUS monuit, quod in scorbuticis talis graveolentia sæpe ore exhalet, vel ex facibus alvinis exspiret, ut sanctissimi homines uno quasi momento gangræna afficiantur. Omnia hæc mala, quæ sunt ab exhalationibus, non debentur soli, nam salta fetidissima possunt ab illo halitu liberari; nec oleo, quod etiam depurari potest; hinc omne contagium unice pendet ab his spiritibus. Idem etiam verum est de putrefactis vegetabilibus, & huc spectat casus, quem narrat VIDUS VAPIUS de puteo quodam, in quem omnes sordes conjiciebantur, & qui a longo tempore non

movebatur; incidit forte in eum gladius, quem puer, in eum demissus; volens reducere mortuus est; homo, cujus gladius lapsus erat in puteum, vitam in illo etiam perdidit; denique canis immisus quoque exstinguebatur. Sequeretur nunc putrefactio fossilium, de qua multa dixerunt Chémici, sed nil aliud tunc significant, nisi digestionem eorum in illo ignis gradu, in quo vegetabilia putrescunt; verum hæc ad scopum nostrum non pertinet. Sequitur ergo nunc, ut agamus

DE SPIRITIBUS VI IGNIS PARATIS.

Corpora, quæ in aere aperto igne sic agitantur, ut in flammis crepitantes, fumum, fuliginem & cineres abeant, ex massa solida corpuscula emittunt, quæ juxta datam definitionem spiritus dici debent; tria hic occurrunt, fumus, aliquando mire coloratus, ut in corporibus sulphureis apparet; fuligo, & flamma restans; oritur hinc foetor, a fumo separabilis, qui consistit ex sale volatili plantæ, in auras raptus, & spiritibus, ignis actione exeuntibus; & fumus colligitur in atram & flocculentam materiam, quæ Fuligo dicitur. Hi fumi, dum sic agitantur, mira patrant in corpore nostro, nam erodunt oculos, pulmones faciunt trachycos, & voces asperas; & hypochondriaci, hysterici, vel asthma convulsivo laborantes, a paucis fumis, qui in conclavi est, quasi enecantur; in Epilepticis solus nidor rei vegetabilis convulsionem excitat: a solo candela vel lampadis extinctæ fumo in loco clauso abortus, cordis palpitatio, & omnes fere alii affectus originem habuerunt. Quando corpora quædam igni injiciuntur, ut fumus inde exeat, tunc ille venenosus fieri potest; hoc patet, si virgulta vel folia hodierni Toxicodendri ardenti foculo injiciuntur, inde enim homines pallefcunt mortuorum instar, & si locus sit clausus, in omne fere morborum genus incidunt; hæc tamen folia, dum in arbore barent, licet solt

Spiritus
per ignem
excitantur.

exposita, nil mali faciunt. MERCURIALIS narrat, quod suo tempore Centurio militaris necaverit adstantes, corpore quodam igni injecto, quod corpus gestatum tamen nil mali faciebat, sed tantum actuosum fiebat, dum vivo igni committebatur. Discimus hinc, & hoc nobis sufficit, quod vi valida ignis, in aere aperto, possint extricari particulae, quae valent ita afficere nervos, ut omne genus morborum, imo ipsam mortem producant: ab altera parte videmus, quod ex aliis plantis exeant vapores saluberrimi, ut in ligno Guajaco & Juniperino patet: Pasta panis nullum sensibilem odorem spargit, sed cocta in clibano si recens scindatur magna copia in loco clauso, mortem inferre potest. Baccæ Jasmīni Asiatici, Caffee dicti, dum ustulantur in loco, aere non perfato, homini euidam, qui haurum odorem nimis avide hauriebat, Cardialgiam & vomitum contraxerunt.

Spiritus
ab igne
suffocato.

Sed aliud quid nunc excutiendum est. Flamma viva, urgens vegetabile maximo impetu, mox suffocata & extincta; ita mutat hoc corpus, ut indolem acquirat, quæ corpus nostrum ad ipsam mortem ducit. Si frustum ligni cujuscunque, vel cespitis vulgaris, qui nostratibus Turf dicitur, vasi chemico committatur, & igne supposito, a levissimo ad summum aucto urgeatur, aqua, spiritus, oleum, successive producuntur; si hæc omnia exiverunt, & residuum summo igne vase clauso urgetur, in æternum spirabit aliquid, nunquam deficiens. Hinc vocatur ab HELMONTIO carbo æternus, quia simplex illud oleum, quod terræ adhæret, vase clauso nunquam separatur; si contemnitur in pollinem, est pulvis insipidus, iners; si carbonem hunc committis aeri aperto, accenditur ab imposito igne; sola autem superficies, aeri contigua, fit alba; si frangitur carbo, intus ubique splendet; si pergis comburere, tandem incipit sepeliri sub cineribus; impossibile est hunc carbonem aliter consumere, quam in superficie externa; aeri contigua, quæ

consumpta, superficies sequens etiam consumitur, & post talem superficierum consumptionem ex sexaginta libris lignorum una tantum ciderum libra remanet; nec omnes illæ libræ, quæ consumuntur, ulla arte capi possunt, nam in vasis clausis carbo nullo igne consumitur.

Si scribat quis in charta, quæ auripigmento soluto imprægnata est, & chartam exsiccat, nullus color apparet; si tunc teneat supra carbonem accensum, statim literæ sunt nigræ, hinc illud, quod sursum avolat, hæc ratione se manifestat. Si carbonem accensum ponis inter solem & oculum, videmus corpuscula sursum ferri tremulo motu; an vero producantur a carbone, vel a sole, merito dubitatur. HELMONTIUS hunc modum mutandi hoc corpus vocavit permutationem in Gas, & putat, quod hæc corpuscula hæc ratione commigantur in summam tenuitatem, & abeant in speciem aquæ, quæ ad extremitatem Atmosphæræ potest assurgere. Si talis carbo fumatur, & in loco amplo clauso accendatur, omnia animalia in illo loco moriuntur; non a calore, nam contrarium per experimenta constat, & ex combustionem ligni in conclavi ventis perfato nunquam fit morbus vel mors. Quis credidisset, quod simplex vis ignis maxime innocuum corpus ita mutare possit, si aere aperto in illud agat, cum summus ignis ex eodem corpore vase clauso nil simile separare queat? Ineptum est bonum HELMONTIUM excipere scommatibus propter verbum Gas, nam satis illud explicat, & putavit, novum & singulare nomen dandum esse huic mutationi, cui similem non novimus.

HELMONTIUS jam senex dum scribit frigida hyeme, videt atramentum congelascere; jubet adferri sartaginem cum prunis non sumantibus; nil inde sentit mali, sed ingressa filia statim dicit, se animadvertere ferorem carbonum; pater volens egredi ex hoc loco eadē tæro, offendit occiput, & effertur pro mortuo. Videtis in hoc raro exemplo, quod

Non est
rum
flus.

in loco spatioso, foribus apertis, frigida tempestate, sine ulla nota percepti mali, omnes actionis hominis a solis his fumis uno momento aboleantur. Contigit mihi ipsi, ut essem in conclavi, in quo bibebatur insulum Theæ; & aderat focus alinum sustinens, & non erat caminus in illo loco; sentio fumum carbonum; video omnes domicellas pallidas, & nistiores apertæ essent, forte statim concidissent. Aliquot domicellæ in hac urbe sedebant in conclavi, quod luminibus suis platam spectabaz; veniebat avia heræ, quæ in illa dōmo habitabat, & vitris digito percussis adventum suum nunciat; videbat per fenestras omnes domicellas sedentes illamque adspicientes, nullam vero se moventem; repetebat ictus, ita ut essent fortiores, nulla tamen respondebat; putabat, illas jocari, hinc irata pulsabat fores, dicitque, tempestatem esse nimis frigidam, quam ut tandiu ante ades relinqueretur; ingrediens conclave, sentiebat fumum carbonum, & videbat omnes domicellas pallidas & sensu orbatas; jubebat statim, ut aperiantur fenestraz, & aqua frigida adspargatur faciebus omnium; inde omnes mox resuscitantur, sed vomebat una, alteri dolebat caput, nulla tamen ulterius quicquid mali passa est. Nobilis Anglus in scapha nocturno tempore Ultrajecto Leidam petit; sumit in cubiculo illo, quod vocant *de Roef*, furnulum, *Stoof* dictum; jubet claudi janus; cum advenisset ad destitutum locum, nauta aperiens fores invenit mortuum, nullo alio signo apparente, nisi quod spuma ori ejus incumbere. Memini quatuor rusticos ignem excitasse in parte postrema navis, & omnes fuisse mortuos. Integra familia in illo soburbano loco, quem vocant *de Hooge Morsch*, ab hac causa inventa fuit mortuus, dum hyemali tempore prunas posuerant in medio conclavi, in quo nullus aderat caminus, & fores clausæ. Fui expertus in me ipso, quod malo hoc incipiente, inclinatio oriatur in somnum, dolor capitis tenivus, nau-

sea, vomitus spumæ crassæ, & caput per multos dies quasi plenum manet; si vero densus sit vapor, nihil horum percipitur, sed ægri sine ullo sensu moriuntur. Ille vapor tamen nil mali facit, si sal marinus copia satis magna igni inspergiatur, vel si pulvis pyrius in conclavi clauso accenditur. Ubi vero malum jam adest, optimum remedium est corporibus laesis aquam frigidam adspargere, eamque nudato pectori & vultui injicere. Si animalia, in cavernis venenosis mortua, injiciantur aquæ frigidæ, statim resuscitantur; hinc si homines, a vapore carbonum mortui, eodem modo tractarentur quam citissime, forte etiam resuscitari possent; utique in tali casu hoc remedium nunquam negligendum est; hic enim est nulla corruptio, sed mera quies omnium partium motricium, caterum nihil mutatum est; si ergo injicerentur in aquam frigidam, aucta per frigus vasorum elasticitate, sanguis movetur versus interiora per venas, atque motus sanguinis per venas ad cor. actionem ejus, id est, ipsam vitam resuscitat.

Non minus noxii sunt affectus a calore recens illita, quæ vaporem spargit subadstringentem & sordidum, imprimis igne introducto. Vidi Hagæ Comitum, quod nitida domus, nimis cito inhabitata, fecerit uni mortem, aliis pessimas Paralyfes, quæ nec somentis nec balneis curari poterant. Hæc mala etiam fieri possunt a combustionem partium animalium. Si locus infectis turpissimis v. g. cimicibus vel pulicibus infectus undique claudatur, & ossa animalium vel cornua cervi aperto igni imponuntur, & fumus impeditur exire, omnia hæc animalia necantur, hinc majora animalia a simili fumo etiam occiderentur. Perdicum alæ, quæ sale volatili scatent, combustæ excitabant sæpe passiones hytericas & insultus epilepticos, ubi non erant, & dissipabant, ubi præsentem erant, Poicilis in *Elementis Chymia Tom. I. pag. 275* legere terribile experimentum de cane necato in calore 146;

Spiritus
ex calore
recenti &
fumo.

gra-

graduum Thermometri Fahrenheitiani, & videbitis ibi, quod vis ignis faciat, ut subito nascatur in animali terribilis & tam infestus scetor, ut qui nimis prope accederet, uno momento animi deliquio corripere. In Fossilibus per vim ignis horrenda etiam symptomata excitantur. A. R. E. T. A. U. S. notat in capite de Epilepticis, quod Gagatis lapidis odorati graveolentia prostraverit Epilepticos. Ignis, agens in Cobaltum, quod videtur prius iners, vaporem densum album elevat, qui omne animal necat: hic vapor affligens se lacunari, concrevit in materiam albam flocculentam, Arsenicum dictam, quod est venenum potentissimum. Si hoc Cobaltum aliis fossilibus permittum, papyro obductum servetur in arculis ligneis, erodit æque lignum & papyrus; si hoc fiat in tam parvo calore, quid continget, si hoc corpus igne agitur? Si Nitrum exploretur omni modo, quem est fixum? si fluat in igne, manet fixum & mite? si inciderit terra non calcinabilis, exhibet spiritum, instar alcoholis volatilem, qui omnia rodit, exceptis auro & vitro, pulmonibusque valde noxius est. Eodem modo ex sale marino ascendit spiritus, qui rodit omnia. Si Sulphur sublimetur decies, manet blandum, ut ante; si vero accendatur, ejus fumus occidit animalia, omniaque corrodit & constringit.

DE SPIRITIBUS PER MISCELAM PARATIS.

Hæc classis continet productionem spirituum physicam per solam miscelam eorum, quæ aërea nullo modo spirituum forma apparebant, quæ miscela tam intra quam extra corpus nostrum fieri potest, & quæ peracta, talia corpuscula parantur, quæ in genus nervosum agunt, & mirificas mutationes in eo faciunt. Docuerunt Chémici, quod in nobis sit materia, quæ vocatur sal; illud vero non subsistit illo sensu, quo Chémici non satis philosophi putant, nempe uti

per ignem elicitur, sed forma invisibili dissolutum hæret in humoribus; si illud sal concreverit in glebas sensibiles, quas crystallos vocant, videtur satis crassum & fixum, nam per calorem aquæ ebullientis nondum ascendit, hinc per plures annos potest manere idem: sed quando miscetur cuicumque corpori, quod acidum absorbet, v. g. lapidi calaminari, hæmatidi, scobi ferri, lapidibus cancrorum, cretæ &c., tunc ille sal, qui prius inodorus erat, ferit nates odore alcalino: quod quiescebat ante, nunc nullum gradum ignis fert, quin statim avolet: si sales fixi alcalini nostris salibus adduntur, omnia hæc etiam fiunt: si exustus est sal alcalinus, & liberatus a sale illo amaro, quem sel vitri vocant, illa mutatio in naturam volatilem semper celerius procedit: si sales hi corporibus saxeis vel ostracodermatis, in calcem vivam adultis misceantur, illico totus locus odore alieno perfunditur, & sunt spiritus, quibus similes non invenimus, & qui omni suo effectu ignei sunt, nam cui applicati uno momento gangrenam faciunt. Videtis ergo, quod in nostro corpore sit materies, quæ, prout naturaliter existit, iners est, sed quæ sola millione evadit spiritus singularis naturæ; & quemadmodum hoc contingit in corpore humano, sic etiam fieri potest extra illud, nam ubi fodinæ sunt, ibi oriuntur longe aliz exhalationes, aliique effectus.

GLAUERUS invenit modum uno momento faciendi spiritum per liquamen Chalcanti sive oleum Vitrioli. In erosis embryone Cupri & ferri latet corpus, quod Cuprum & ferrum mutat in salinam naturam; hoc sola vi ignis expellitur, & tunc fit liquor, omnium acidorum acidissimum. In sulphure nullum acre invenimus, nam ita latet, ut in calore 300. graduum cum suo oleo ascendat, sed debet urgeri calore 600. graduum, eodem modo ut oleum vitrioli. Chalcantum effoditur insipidum, accumulatur in aceruos, quibus interponunt lignum Pini, quod

Exemplum
horum
spirituum.

quod accedunt, & tunc lapis ille Pyrites calcinatur, finditur, & qui antea nihil sulphuris ostendebat, jam sulphur liquatum in medio acervi exhibet. Videtur facile, quod in fossili materia pyritidis acidum Vitrioli cum hæreat, & quod oleum vegetabile, per ignem excussum, se uniat cum acido glebæ fossilis, & sic faciat sulphur. Cinnabaris nativa, quæ solvi potest in sulphur & in verum argentum vivum, docet, quod sulphur fiat in fodinis, ubi oleum petrae & naphtha loco ligni sunt. Hoc acidum sulphuris & vitrioli valde fixum est, & tamen omnes sales acidi cogniti per oleum vitrioli redduntur volatiles; si enim illud admisceas nitro, tartaro, sali marino, ammoniaco, accipies spiritus horrendos; si oleum vitrioli superaffundas sali ammoniaco, excutitur inde spiritus, qui hominem fere suffocat; si idem oleum affundas sali marino, prius decrepitato, hiccissimo, omnes per vaporem exhalantem suffocantur; si hoc feceris in retorta, & applices excipulum, nidores illi lethales perpetuo ascendent.

Videtur ergo, quod hi vapores per respirationem agere possint in genus nervosum, nam mox inde oritur tanta constrictione in musculis mesenchondriacis tracheæ, ut nulla arte leniri queat.

Quando spiritus acidi ponderosiores affunduntur aliis levioribus, similem effectum faciunt; nam si spiritus nitri vel salis marini affunditur metallicis, acido vegetabili solutis, illud iterum expellatur. Si mercurio sublimato affunditur oleum vitrioli, statim acidum fixatum salis marini liberatur & avolat; & si quis incautius hoc experimentum capiat, uno momento pulmonem affici sentiet: vel si oleum vitrioli affunditur mercurio præcipitato rubro, uno momento fixissimum nitri acidum expellitur. Idem fit in omnibus aliis metallis per acida solutis, nam si oleum vitrioli affunditur lapidi infernali, in quo spiritus nitri latet, ille etiam volatilis fit.

Est ergo in rerum natura artificum

ita combinandi corpora, ut generentur ex iis sine igne spiritus acerrimi, unde sunt subitanæ mutationes sanantes, occurrentes, morbos quoscumque producentes. Vestra nunc sagacitati determinandum relinquo, an omnes hi spiritus per venas absorbentes possint venire intra corpus nostrum, misceri humoribus vitalibus, cum his pervenire ad originem nervorum, & hinc agere in omnes illas partes? an vero hi spiritus, dum applicantur nervis, statim faciant vasa se contrahere, ut resistent huic ingressui, & sic tantum tota eorum actio consistat in applicatione ad superficiem?

Exposui morbos nervorum, quatenus oriuntur a corporibus alienis, quæ si admittantur intra cavitatem interiorem, totam actionem turbare possunt. Deductus jam eo est sermo, ut agam

DE MORBIS, QUI NERVORUM SUBSTANTIÆ ACCIDUNT.

Novistis, Anatomicos Nervum vocare illam partem solidam corporis humani, quæ, exceptis ossibus & cartilaginibus, apparet solidissima, tenacissima, digito atrectanti resistens, eentrum Anatomicum retundens: & sub hac meditatione etiam consideratur nervorum exitum finis, & tendo musculi, cum hic nil videatur esse nisi complicatus nervus, & in ipsis tendinibus numerosi admodum nervi sunt. Omnes tales nervi intra cranium & thecam vertebrarum sunt valde molles, & ad rodiorem attenuati muci instar diffuantes, exceptis opticis, qui rudiori modo tractari possunt. Durescunt extra cranium, ita tamen ut uno loco longe duriores sint quam alio, & in quibusdam locis absolute amittunt suam naturam, in iis mollescentes, & ex iis progressi iterum durescentes; tales loci vocantur Ganglia. Quando nervi ad loca destinata perveniunt, sorte molliores sunt, quam in prima origine fuerant.

Omnia

Exom
rictus

Condi-
ratio ner-
vorum.

Omnes inserviunt motui, vel famulantur sensui; sed in illis, qui cordi, pulmone, hepati, aliisque partibus vitalibus destinati sunt, sensus non deprehenditur. Qui motui inserviunt, abeunt ad musculos, & in his ita mollescent, ut in verum quasi cerebrum degenerent. Ramuli, qui sensibus famulantur, in ipsis organis mollitie fere diffiunt, uti patet in expansione nervi optici, olfactorii, ubi se applicat ad os etmoides, & acoustici in labyrintho.

Rogabam olim RUYSCHIIUM, vellet omnem nervo præparando adhibere industriam, fecit hoc, & rem totam ita descripsit. Quando nervus in corporibus infantum, (nam in his optime demonstrari possunt,) per injectionem coloratur, tunc penitus ruber evadit sine ulla distinctione, & omnia interstitia inter primum & secundum involucrium etiam inveniuntur plena; his ablatis, invenitur materia intra fibrillas secundo involucri contentas, adeo ut detegantur vasa, injectam materiam accipientia, quæ pertingunt ad fibrillas ultimas; hoc vero experimentum non procedit in hominibus adultis, nam involucri illa per ætatem coalescent & indurascunt. Præterea in omnibus his locis invenitur semper membranula, quæ quam proxime accedit ad cellulosa; hæc quum appareat in axillaribus aliisque majoribus nervis, in minimis etiam per analogiam statui potest: usus ejus est, ut pingui suo & concretionem prohibente humore has partes humectet & emolliat, ne fibrillæ minimæ exarescant, & nervi actionem impediunt. Quamdiu hæc omnia ita se habent, sunt omnes nervorum actiones expeditissimæ, nisi vitium sit in origine nervorum; sed de hac re jam superius dictum est.

RUYSCHIIUS etiam demonstravit, quid sit tendo, nempe quod ille per injectionem totus possit repleti, ita ut extrinsecus appareat ruberrimus; & si transversim descindatur, appareat, quod materia ceracea æque pe-

netraverit in substantiam tendinis, quam in nervos infantum, & in infantibus tendo potest distingui in tot minores tendines, quot erant distinctæ fibrillæ in musculo, & hinc fit flexibilitas & mobilitas in toto tendine; sed temporis decursu fit tanta siccitas, ut tendines in valde senibus fere ossescant; præterea accedit ad plerisque nervos & tendines vagina externa, quæ in omnibus fere nervis membranosa est, sed in quibusdam locis fere cartilaginea, ut in nervis cranialibus, axillaribus, & in gangliis apparet: hæc membrana certis in locis secedit a nervis, in aliis accedit ad nervos, a tendinibus recedit nunquam, habetque in se materiam unctuosam, quæ totam superficiem tendinis & nervi oblinis, ut partes illæ possent ire & redire sine æritu, corruptione vel calefactione. Si quis funem subito per manum trahit, sentit manum fixi calidissimam, imo excitatur vesica; si vero funis oleo inuncta sit, nil sentitur caloris. Vertibulum rotæ, si stridet, a siccitate potest inflammar; culter, sicco limini affricus, emittit scintillas; addatur pauxillum olei, nullus calor sentitur. Homines macilentum vulgo dicuntur acres humores habere, quia sæpe ardores intolerabiles sentiunt. Si quis longius aliquod iter pedibus fecerit, ardor sentitur in musculis a consumpto illo pingui, quod efficit, ne tendines concreverint inter se, vel cum vicinis partibus. Hæc omnia clarius appareant, ubi de Paronychia agam. Hæc theca in nonnullis locis membranosa est, in aliis ligamentosa, ut in palmis manuum, & plantis pedum, ubi tendines flexorum & extensorum sub amilla decurrunt.

Si consideremus, quam multa hic concurrant, ad opus illud efficiendum, cui nervi & tendines destinati sunt, videmus, horum actionem posse debilitari, corrumpi, imo per ætatem aboleri. In juventute omnes illæ partes lubricæ, agiles & mobiles sunt inter se, sed per ætatem omnis concreverint; cum vero expedita nervorum actio

In statu morbofo.

Et tendo-
num.

actio pendet ab exquisita separatione & expedita actione cuiusque canalis, videtis, quod vasculis coalitis actiones sensim debilitari & tandem corrumpi debeant: hinc prima indicia morborum in ætate crescente non in cerebro, sed in nervis apparent, qui videntur quasi exsiccari. Omnium maxime hoc fit per exercitia, ut apparet in manibus remigum, rusticorum, gladiatorum, & fabrorum ferrariorum, qui ultimo non amplius explicari possunt. Morbi, imprimis inflammatorii, possunt etiam obstructions in vasis harum partium relinquere. Macies summa fere semper immobilitatem adfert, hinc si alia causa ariditatis accedat, tandem hic etiam concretio fieri potest. In sene quodam retrotracti digiti ne minimum quidem motum admittabant; poterant quidem frangi, non flecti; in hoc casu sensu tendines digitorum in unum solidum corpus fuisse concretos; hoc factum erat sine ullo morbo; sed homo fuit macilentissimus.

Si manus senum conspiciantur, videntur quasi funes. Morbi, qui pinguetudinem tendinum consumunt, videntur originem habere ex bilis excessu & acrimonia; nam quo quis pinguior est, eo bilis est inertior: hinc Absinthium, Genturium minus, Carduus Benedictus, Aloe, Myrrha, diu assumpta, dissolvant obesitatem: & si nimia usurpantur copia, tandem siccitatem inducunt: pingui plane consumpto fit coalitio, ex coalitione immobilitas, & fragilitas.

Ex his miræ quædam contracturæ intelligi possunt; invenimus, tendines quandoque ita exsiccari, ut amplius agere non possint, hinc musculus cum suo tendine sensim fit brevior, & quo ille fortior est, eo maior contractura; & cum musculo flexores semper extensoribus fortiores sunt, hinc abbreviatio fit versus illum terminum, cui antea applicabatur major potestas.

Nihil autem crebrius afficit has partes quam inflammatio, quæ in toto corpore fieri potest a triplici causa concurrente, ab arteriæ succo inspif-

sato & immesibili, ab arteria contracta, & a vi vitæ, id est febre urgente in locum obstructum. Talis inflammatio cognoscitur ex tumore magno, ingentis renixu, colore rubro, summo, facili transitu in suppurationem; hæc fere unice obtinet in membrana adiposa; nam quia arteriæ hic valde dilatabiles sunt, hinc facile aggestio in iis fieri potest. Nemo forte unquam vidit inflammationem in nervo; hæc vero si contingat, in sola tunica vaginali hæret, in qua etiam in tendine obtinet, & hoc de suppuratione quoque verum est. Dixerunt, quod sanguis effusus vertatur in pus, sed hoc non est absolute verum, nisi per pus intelligamus omnem sanguinis degenerationem, nam puris generatio non sit nisi in membrana cellulosa, & pus hæret sub cute supra musculos; ergo suppurationes nervorum nobis notæ non sunt nisi in solis illis vaginibus; quoniam vero nervi & tendines per membranas interpositas dividuntur in minores, distinguuntur etiam per suppurationem in tot minores, quos fuerunt insertiones membranae cellulosa. Observatæ jam sunt a veteribus dissolutiones nervorum & tendinum, nam cum partes intermedie consumptæ sunt, nervi & tendines apparent explicati, quasi per artem Anatomicam essent divisi.

Ex inflammatione vehementiori oriuntur gangræna, quæ etiam non obtinet nisi in hac membrana, nam quando hæc membrana penitus est putrefacta, tunc nervi & tendines apparent plane nudi, & divisi, licet epidermis intacta maneat & deglubatur; ergo gangræna ex sua natura nunquam venit in nervis, nam animal prius moreretur. Si contingeret inflammatio vel suppuratio circa nervos, tunc pinguedo hujus membranae convertitur in pus, ichorem, saniem, vel virus; & fibra nervæ unum sensibilem nervum facientes, antea per innervationem membranarum distinctæ, jam se mutuo contingentes, simul concrevunt, & moles nervi ita minuitur, ut videatur quasi nullus sensim

sim tunc omnem functionem amittit, sed manet interim idem qui olim fuerat: simulac concretio facta est, oritur exsiccatio & rigiditas; nam exsiccatio est tantum contractio expulso humido; hinc fit atrophia nervorum, simulac perdidit hanc vaginam; & si hoc fit in tendinibus, sequitur immobilitas, nec tendo ille potest amplius sursum & deorsum ire, quia partibus est affixus.

Homini cuidam oriebatur in ossibus metacarpi manus dextrae pessimum illud morbi genus; Spina Ventosa dictum: assurgebat manus ad quadruplo majorem dimensionem, subsequabatur dein inflammatio & suppuratio; fiebant ulcera, pus, ichorem & saniem fundentia, & tandem omnes tendines in dorso & palma manus cum ipsis ossibus fiebant unum corpus immobile sine sensu, nec tendines poterant magis moveri quam ipsa ossa, cum quorum periosseo concreta erant, licet musculi essent boni: ergo hic fit duplex morbus, nam nervus, partibus vicinis accretus, non potest amplius moveri sursum vel deorsum, & motus etiam fieri non potest, quia spiritus propter contracturam non admittuntur.

Nullo modo hæc mala curari possunt; ægri ablegati sunt ad thermas Aquigranenses, ad sulphureas Neapolitanas, adhibita fuerunt omnia unguenta, fots, balnea, incassum tamen, quia omnia sunt concreta: si vero aliquid tentandum foret, locus deberet incidi, tendo liberari, & dein effici, ut nova membrana cellulosa fiat, sed quis huic operi aptus erit? Quoties ergo Chirurgus videt inflammationem in tendine, caveat suppurationem, nam hac facta non amplius est in ejus potestate accretionem prohibere.

Pergo ad alium morbum, consideraturus quid fiat, si nervus vel tendo per suppurationem nudetur suo involucro, nec tamen adhuc accreverit. Mira: hæc de re dici possunt, nam quando Chirurghi induxerunt confutionem tendinum, nil inde factum fuit mali: si vero tendo tantum punga-

tur, horrenda sequuntur symptomata. Si inflammator tendo ejusdam musculi, tunc inflammatio in membrana descripta obtinet; si Inflammatio transeat in suppurationem, membrana illa separatur & consumitur, & nervus vel tendo denudatur; si vero suppuratio tam violenta sit, ut membranam, funiculos nervosos distinguentem, etiam consumpserit, tunc illi funiculi dissiliunt; si gradus morbi sit pejor, tunc fit sanies; si pessimus, tunc fit virus, ut in cancro, & nervus vel tendo mutat usque adeo suam naturam, ut audiverim RUYSCHIUM dicentem, quod hic non adsit mutatio, sed vera conversio in aliud ens: certe! qui videt, quomodo partes cancröse, consumpta pinguedine, mutantur, mirabitur; quod nil veteris formæ remaneat. Quod vero argumentum nostrum propius spectat, illud est, quod, dum nervus vel tendo ita affectus leviter attingitur, universum nervosum genus in toto corpore turbetur. Homini cuidam, qui ulcus habebat in brachio, nudatus tendo attingitur, statim toto corpore concutitur & riget: Aliud exemplum est nobilis ejusdam viri, cui in crure nascebatur tumor inflammatorius tam magnus, ut nulla spes resolutionis superesset; consumpta hic erant per suppurationem involucra circa nexum inferiorem ossis tibiae cum astragalo, & nudi apparebant tendines, perfecte referentes illud flocculentum, quod a suppurato adiposo panniculo ex ulceribus eximitur; monbam Chirurgum, ne albos hos flocculos eximeret vel attingeret; ille vero audax nimis abstergendo pus pro panniculo putrefacto illos flocculos tenacula sua produxit; factum est inde, ut miser homo, antequam prohibere possem, a capite ad calcem totus convelleretur cum summo stridore dentium; paulo post tamen rediit ad se, fomentis mollissimis & Balsamo Peruviano calefacto applicatis. Hoc nunc valde mirabile est, quod tendo in confusione sul-

Demonstratio tendinis.

suli.

sufficiant puncturam, elongationem; educationem, cum tamen per inflammationem nudatus solo attractu totum corpus facit convelli; vel punctus horrenda etiam mala faciat.

Consilio
tendinis
describi-
tur.

Veteres Medici jam dixerunt, quod tendines discissi possint coalescere, & in hunc usque diem consuetudo exercetur; tunc tendo apprehenditur, ejusque duæ partes uniuntur; tunc tendo intra decem dies concrevit, & iterum agit: hodie hæc sutura tantum instituitur in tendinibus nudis, in dorso manus positis, qui ex musculis digitos erigentibus oriuntur, nec fit, nisi descissio recens facta sit, ad summum intra duodecim dies; hi tendines prius necuntur inter se, post divergunt ad digitos; raro omnes quatuor abscinduntur, sed si unus vel alter dissectus sit, reliqui suam longitudinem retinent: quando sutura fiet, manum vel digitos sursum erigunt; supponunt machinam, quæ impedit, ne carpus flectatur deorsum; hinc musculus erector tunc est laxatus, & tendo superior pendulus est; sed tendo inferior, ossi affixus, sub cute se contrahit: descendant tunc cutem, sumunt totum tendinem, tenacula trahunt sursum, & ubi adduxerunt, sumunt aliam tendinem, & illos ambos sic elongant, ut supra se invicem eant, trajiciunt tunc acum per medios tendines; sumunt tunc sericum, faciunt inde compressulam, quæ sustinet ligaturam, tunc tendo retrocedere non potest; applicant tunc splenium, & manum tenent immotam; inungunt locum Balsamo Peruviano vel Copaybæ; tota curatio in eo consistit, ut hæc pars non concrevit cum cute; hinc locus debet teneri bene humectatus. In tendine Achillis hæc operatio etiam felici cum successu instituta fuit; musculus hujus tendinis est mirabilis, nam per tres juncturas transit; oritur enim a processibus condyloidibus ossis femoris, & inseritur parti posticæ ossis calcanei; hinc quando homo firmus stat, facit, ut ejus genu antrosum flecti non possit, ita ut ex illis ossibus fiat una

columna; hinc magni usus est, ubi homines gravia pondera ferunt. Apparet ergo, quod in nervo & tendine nudato sunt horrendi effectus, qui in eodem involucri suis recto non apparent. Videmus hinc intelligere, si puncto nervo vel tendini Balsamus Copaybæ calidus affundi possit, cur homo nullum fere malum sentiat, sed omnia symptomata avertantur? nam tunc illud succedaneum videtur supplere illud deficient.

Progredior nunc ad morbos speciales, in quibus nervus nudatus est, dicturus primo

DE ODONTALGIA.

Novistis, sic vocari dolorem quendam, qui fit in loco dentium valde abditto, & sæpe tam magnus est, ut omnem non solum humanam patientiam, sed omnia etiam remedia eludat: hinc PARACELSUS & HELMONTIUS invehantur in scholas, quod Odontalgiam curare nequeant, sed illi ipsi hoc facere non potuerunt, licet multa arcana jacerent. Dens fere nunquam integer est, quando hoc malum oritur, sed semper aliquid deficit vel in radice, vel superne in superficie lata & scabra, vel in crusta adamantina. Demonstravit DU VERNEY, quod nervi maxillares radici ejusque dentis, in infima ejus parte, per foramen, quod vix capillum recipit, unum nervosum ramulum immittant, ita ut dens, qui duas, tres quatuorve radices habet, etiam totidem nervos accipiat. Talis nervulus, per totam cavernosam substantiam dentis pergens, distribuit ubique suos ramos. Quando jam a quacumque causa contingit; vitream & politam crustam dentis exesam esse, statim nuditas nervi adest; dens tunc quidem integer apparet, sed si homo saccharum comedat, imo tantum aerem frigidum hauriat, ilico dolor intolerabilis oritur. Hic est primus Odontalgie gradus, qui tamdiu durat, quandiu caries ad novum nervum pertingit, hinc homo a levissima causa continuo hoc

hoc dolore per annos laborare potest; sed dente plane exeso semper levatur; quia nervi tunc mortui sunt; ergo odontalgia in initio est semper favissima; & qui in pueritia dolorem hunc acerrimum patitur, in provectiori ætate ab hoc malo sæpe prorsus est liber; dum tamen fibrillæ nervosæ infinitæ successive eroduntur, semper novus dolor oritur.

Quæritur nunc, quibus remediis hoc malum curari possit? acusatur hic semper destillatio, sed fallissime; nec aliud remedium in hoc casu est, nisi ut denudatus nervus occalescat; sive hoc fiat per radicem Pyrethri, quam nunquam fallere jactat PARACELSUS, vel per ferramentum candens, caute in exesum dentem insinuat, vel per Camphoram, nil refert; nam causa doloris proxima semper est in nervo; hinc omne illud, quod facultatem sentiendi in nervo destruit, dolorem tollit. Recipe Radicem Tormentillæ, Pyrethri, Hyoscyami, coque in aceto acerrimo, colaturæ admisce certam portionem Camphoræ & Opii; retineatur hæc decoctio servida tamdiu in ore, donec dolor cessaverit, & tunc eluatur os aqua pura frigida vel calida: in hoc medicamento rediguntur in unam formulam, quæ laudata sunt contra odontalgiam; nam si Tormentillæ succus potest attingere nervum, illico tollit sensum vi sua adstringente. Pyrethri radix tam servida est, ut copiosum salivæ fluxum excitet; hujus vis, addita vi radicis prioris, nervum eo magis destruit. Hyoscyamus apponitur, ut dolorem sedans remedium; Camphora nervis est amicissima; Opium narcoticum & acetum acerrimum est penetrantissimum, quod nervos reddit inhabiles, & sic facultatem sentiendi compescit. Si non adsint signa magnæ inflammationis, possunt sumi spiritus Cochleariæ drachmæ quatuor, Tincturæ Myrrhæ drachmæ duæ, Laudani liquidi SYDENHAMI drachma una; si vero inflammatio adsit, sumitur spiritus nitri dulcis loco spiritus Cochleariæ. Reliqua, quæ hic laudan-

tur, remedia non sunt magni momenti.

Intelligitis nunc etiam, cur evulsio dentis cum sua radice hoc malum sanet, nam tunc abrupit nervus, qui per radicem denti committebatur. Dicunt vulgo, quod uno dente evulso malum transeat in alium; hoc ideo fit, quia sæpe in alio dente etiam caries est, sive ex se ipso, sive ex vicino communicata; sed nunquam fit, si malum in solo dente evulso hæserit. In hac evulsione sæpe est multum periculi, si dentes molares radices divergentes habeant, nam tunc vel radix sola, vel quandoque etiam maxilla frangi debet. Sæpe tuberculum est versus genas ad partem exterioriorem maxillæ, & tunc radix dentis perforat maxillam; in eo casu sæpe immedicabilia mala sunt, nisi evulsio recta fiat. Ultio dentium profunda hoc malum quoque curat, & sæpe uno momento, sed si eschara abscedat, dolor redit. Alii laudant emplastra valide moventia, ut piccum vel oxycroceum, quæ temporibus applicantur, sæpe cum levamine; nam nervus, qui vergit ad dentes sexdecim superiores, ramos suos distribuit ad tempora & latera sincipitis. V. EUSTACHIUS *Tabulam XXI.*, estque idem, qui sub titulo *pedis asserini* a Dr. VERNEJO descriptus est. Vidi, camphoram, exceptam emplastro Oxycrocei, acerrimos dolores dentium sustulisse; prodest etiam velicatorium ex cantharidibus, post aures appositum; si ferro candenti circa processum mastoideum profunda inuratur eschara, dolor sanatur, sed dentes cariosi fiunt. V. EUSTACHIUM de *dentibus*, Capite ultimo, & *Pyrotechnam Chirurgicam* SEVERINI Lib. II. Cap. 20. Empyricus Amstelodamensis digitum circa aures appositis comprimebat fere omnes nervos, & sic reddebat inutiles. Rudis ille homo sine ullo respectu personarum, tam in delicatis pueris quam in viris, eandem servabat methodum; in quibusdam casibus bonum effectum inde vidi, sed sæpe faciebat contusiones, vel nervis dentium

Cursio
per de-
stru-
tionem ner-
vorum.

tium destructis caries sequebatur. Quando nunc ad curandam odontalgiam in maxilla inferiori comburitur locus, ubi nervus ad dentes intrat, idem fit quam a remedio illius Empyrici.

Rogo jam, an non eadem & similia mala nervorum, & tendinum in aliis corporis partibus oriri possint? an non ad omnia ossa nervi distriuantur? an ibi non tuti & quieti hæreant inter lamellas osseas? si vero separatis his lamellis similis erodio fiat, ut in dente, an non ibi quoque terribiles morbi producantur? Credo ergo, quod chronici morbi profundi in ossibus similes sint odontalgie; quod ibi non adsit acrimonia, sed nervus denudatus; hinc illi dolores in vertebis, in osse sacro & Coxæ, qui ibi sæpe per annos hærent, nec tolli possunt, nisi totus locus inuratur.

De aliis
odontal-
giis.

Hactenus egi de odontalgia, quatenus a solis nervis affectus pendet; hanc vero horulam etiam destinavi, ut hunc morbum propius considerem, licet proprie in nervis non hæreat. Re autem omni considerata, quadruplex sub hoc nomine occurrit morbus.

Ab in-
flamma-
tione gin-
givarum.

Prima est ab inflammatione gingivarum, sive vasorum sanguiferorum, quæ ad gingivas, & ex iis ad dentium interiora propagantur. Novistis, quod gingivæ sint tales partes, quibus nulla fere pars in toto corpore similis est, quæ cute carent, & tenuissimam tantum membranam, Epidermidem similem, sibi impolitam habent; nil hic musculosi, tendinosi, vel ligamentosi, sed tractu temporis callosam penitus acquirunt duritiem, uti patet in senibus edentulis, quibus maxillares dentes excussi sunt; in iis pressæ nullum sanguinem fundunt, cum tamen in junioribus ad minimam pressionem sanguis effluat. Vasa hic inextricabili ratione crescunt: nec tamen multum accrescunt dentibus, nam rudiori digito possunt separari, hinc non videntur verum periossteum dentibus dare; nusquam autem sanguis aeri externo magis exponitur, quam in his locis, unde hic

certi possumus reddi de indole totius sanguinis.

Ex his gingivis rami emittuntur ad dentes, unde morbi horum vasorum dentibus communicantur. Dentes in alveolis hærent eo laxiores, quo animal origini propius; quicquid intra alveolos dentium se demergit, & implantatæ dentium radici immititur, prolapsum habet a gingiva: in sætu recens nato maxillæ in superiore parte sunt crassæ, & alveoli latissimi; ergo lamellæ maxillarum in parte ossea solida recedunt a se invicem, relinquentes spatium fungosum & celulosum, in quo alveoli hærent; gingiva obvelans unam lamellam, veniens ad marginem, claudit hoc spatium, & manet, ubi dentes erumpunt; in edentulis penitus concreti sunt alveoli, dentibusque excussis lamellæ, quæ antea distabant, abeunt in marginem acutum, & tam durum, ut panis bis coctus inter maxillas frangi queat. Si in his partibus oriatur inflammatio, tumor debet esse in parte exteriori, nam dentes cedere non possunt; hic vero tumor separat gingivas a superficie dentium, ergo existissima illa vasa, quæ ex gingivis ad dentes transeunt, rumpuntur; & gingivæ, quæ in sanis cuspidatim sursum assurgunt, nunc instar cavi arcus premuntur deorsum; curato morbo iterum elewantur sed quando inflammatio semel eo usque processit, ut magna dentis pars a vasibus suis maneat separata, adeoque nutrimento suo orbata, tunc dens fit pallidus, fuscus, nigrescens, exfoliatur, & denudatur in illis locis, ubi nervi hærent.

Altera odontalgie species est, quando gingivæ, quæ per inflammationem recesserunt a dentibus, quia continuo humectatæ, aerique expositæ sunt, in tabum vertuntur, & in liquamen mucilaginosum & foetidissimum abeunt: quia undique huc adfluit magna copia liquoris tam salivosi, quam aquosi exhalantis, crescit magis & magis illa gingivarum corruptio, quam no-

Ab in-
flamma-
tione gin-
givarum.

stra-

frates vocent Cancrum aquaticum, *Waterkan*: vidi hunc in puella pulcherrima, in qua omnia in cavitare oris ita erant exesa, ut misera circa mortem deglutire non potuerit. Quando hoc vitium procedit, denudatur maxilla, & non modo dentes, sed magnæ lamellæ ex maxilla decidunt, nam maxilla statim fit cariola, simulac gingivæ ab illa solvuntur. Hæc Odontalgia species nunquam magis occurrit, quam in prima ætate, antequam dentes secundi prodierunt, excullis primis, qui vix radicem habent, hinc omnia tunc adhuc sunt valde laxa; sed post septimum vel octavum annum raro hic morbus apparet. Nil pejus est, quam si ad curandum hoc malum sumatur spiritus vini camphoratus, vel spiritus theriacalis, vel alius similis exsicicans & calefaciens; nam hi spiritus tollunt quidem dolorem, sed vasa inde moriuntur, & crusta vel elichara, quæ inde facta est, debet iterum separari; sed unicum remedium est condire has partes contra corrodentem acrimoniam & aeris corruptionem, nam tunc natura sufficit ad reliqua, quæ dein solet separare illud putridum, quod interim impeditur prosperare. Non adhibendum hic est alcohol, nam illud tantum nocet, quantum conservat. Sumpsi ergo salem marinum vel ammoniacum, & si rubedo aderat & calor, nitrum; diluebam in tanta copia aquæ, ut liquor nullo modo haberet acrimoniam; huic myrræ addebam pauxillum vini & succi Citri, & continuabam hoc remedium per aliquot dies, & sola hac methodo multos sanavi. Cavete autem a crudeli quorundam Chirurgorum methodo, qui gingivas infantum tam ruditer fricant, ut sanguis ex iis prodeat, unde infantes adeo expavescunt, simulac hos carnifices videant; sed leniter hic debemus procedere. Potest hæc mixtura æque applicari ad genas externas, quam interne ad buccas, si videatur opportunum. Ubi magnus ardor adest, summo succum Sempervivi majoris, &

Tom. I.

in eo dissolve tantillum nitri vel salis Ammoniaci; si hoc remedium applicas, ilico solamen adest: vel sumo folia Plantaginis latifoliae recenter carpata, humecto in aqua pluviali, epidermidem aufero, & sic applico; hoc est summum remedium, quod dum tollit inflammationem, simul roborat vi sua adstringente.

Tertia species odontalgia: fit a radice dentium, per lamellam perforatæ aut cariosæ maxillæ superioris vel inferioris transeunte. Hæc species non fieri potest nisi in dentibus caninis vel molaribus. Horum radix per infinitos morsus, imprimis in illis, qui dentes fortissime ad se invicem apprimunt, intropremitur, & lamellam tenuissimam atterit & consumit, & tunc dens gingivam attingit, unde fit inflammatio, quæ totam faciem in tumorem attollit; oritur tunc ad illum locum, ubi vitium hæret, tuberculum, quod ad suppurationem pervenit, exeunte tunc pure ablatus est morbus; sed post unum alterumve mensem, in aliis citius, in aliis tardius, stillicidium illud puris redit. Quando morbus ille pergit, radix dentis apicem suum extrorsum extendit, vel eodem modo retrorsum, flectitur versus palatum: hoc malum a quibusdam Chirurgia habetur pro exostosi, ægroque suspectos facit luis veneræ; in hoc casu ergo magni errores committi possunt; hoc verone fiat, materiam hanc paulo accuratius excutere constitui.

Vidimus, marginem limbi in ambitu maxillarum divisum esse in duas lamellas, a se invicem distinctas, ex quibus fiunt alveoli, in quos dentes immittuntur: ergo alveoli constant binis lamellis, a se invicem remotis, & dein medio concremento, quod ex una lamella transeunt in alteram utraque connectit, & facit inter singulos dentes osseum diaphragma; hæc lamellæ & diaphragmata communicant cum immissa dentis radice per vasa mollia, quæ ergo obnoxia sunt inflammationi, aliisque vasorum morbis; sed & cavitates ipsæ ope

A perforatione alveolarum.

Uterius confide ratio dentium.

H

eorum.

eorundem vasorum communicant inter se invicem, & diaphragmata sunt tam tenera, ut corruptiones, quæ hic sunt, facilius per illa penetrent, quam per lamellas maxillarum. Distantia hæc inter lamellas in homine tanto est major, quanto est origini propior; & in fortu, ubi dentes molares nascituri sunt, cavum est instar calami scriptorii, quod repletur vesica mucosa, vasis plena, quæ postea excrescit in dentem: excullis dein primis dentibus, & secundis jam prodeuntibus, minuitur hæc distantia inter lamellas, quæ tunc se contrahunt, & claudunt circa dentem, ita ut dentes, in prima ætate vacillantes, postea firmentur, & vasa etiam minuantur: in hominibus vero ætatis valde provectæ dentes excidunt, quia lamellis ad se invicem adductis vasa plane abolentur, & dens penitus siccus fit.

Hinc clari-
or O.
dental-
gim, ides.

Duo jam sunt modi, quibus dentium alveoli lædi possunt: primus est rudior dentium inter se collisorum actio; nam quando vis musculorum, maxillas ad se invicem ducentium, valde magna est, & superat resistantiam in diaphragmate & lamella, dentes complectente, dentes coguntur cedere, & diploe facile contunditur: hinc ergo fit odontalgia, quæ omnium frequentissima est in prima ætate, quando infantes duriora commolere incipiunt. Alter modus est, si vitrea dentis crusta consumpta, & lamella exteriori ablata, ossæ dentis substantia vitium capiat, quod propagatur ad partem dentis, alveolo immisam, & ad alveolum ipsum, & in his locis inflammatio, omnesque alii morbi vasorum fiant: hinc ergo videmus, quod in morfu fortissimo lamellæ alveolorum tenues, quæ ad radicem dentis sunt, adeo debilitentur, ut sensim pertundantur, & dens magis magisque extrorsum promineat, & sic structura in diploe maxillarum penitus turbetur; & hoc fit plerumque in exteriori parte utriusque maxillæ, quia dentes in morfu perpendiculariter in se arietant, unde primi

insultus fere semper in lamellam anteriorem sunt. A quacumque harum causarum orta fuerit inflammatio vel corruptio in diploe, dolor oritur immanis, nullis remediis tollendus, solis narcoticis obtundendus. Si hic fiat suppuratio, materies retinetur, & convertitur in ichorem, qui dispergitur per cavernas diploes non resistentes, & in hoc casu visum fuit, integras squamas maxillarum separatas fuisse. Memini, quod ad me consulendum venerit vitriarius in hac urbe, qui intolerabili oris dolore jam per annos laboraverat; omnia in eo inflammata & tumida visum distinctum prohibebant; misso sanguine, exhibitis purgantibus & gargarismis, exterius applicari jubeo succos Scarpervivi majoris & Plantaginis cum aceto; incepit quidem paululum subsidere tumor, sed omnia atramenti instar erant nigerrima; caries concepta in diploe fecit, ut lamellæ frustulatum exirent, & tandem hominem ferrime mortuus est. In alio maxillæ inferioris exterior lamina laxa & mobilis erat, & frustum integrum erat separatum, hærens inter integumenta viva; decoctum Malvæ tenebat ore; emolliebat partes, & sic frustum integrum excidit.

Si vero materia exitum habeat, tum ægri semper cloacam scitentem in ore suo gerunt, & fit fistula maxillaris vel Odontalgica; quod si ægri mane has partes premunt, pus juxta dentes exilit, & toto die liberi sunt; si vero coalescit hæc cloaca, horrenda odontalgia oritur. Vidi rusticum, cui dens molaris sinistram maxillæ inferioris partem, & tandem etiam musculos & integumenta perforaverat; dente evulso, omnia, quæ ore sumebat, per hoc foramen elabebantur. Si dens cariosus fit, & fistula perpetuo manans remanet, fertur utenque in maxilla superiori; sed si fiat in inferiori, ubi tot molles glandulæ & muscoli sunt, omnes hæc partes in loquela & deglutitione læduntur, & ab hac causa sæpe

sæpe scirri & cancri fiunt. Nil autem molestius est, quam si palatum perfoditur, nam dentem eximere non possum, nisi palatum simul frangere velim. Omnia hæc mala fiunt imprimis in prima ætate, nam consolidata maxilla, tantus metus non est, & dens potius peribit, quando ergo vobis occurrunt, non facile accusare debetis catarrhos vel destillationes, sed semper cogitare, quod vitium hæreat in maxilla vel dente, unde omnia alia mala expectanda sunt, nisi dens, simulac commoda occasio adfit, evellatur.

Hujus
causa ab
acido.

Hic vero morbus a nulla re magis fit, nisi ab acido forti: si enim homo multos fructus immaturos comederit, sentiet stuporem dentium; si pergat hic morbus, crusta exterior eroditur; quando tunc tantum aer frigidus accedit, statim fit odontalgia. Pessimum ergo est artificium, quo dentes nigri redduntur albi, nempe per acidum vitriolicum, nam tunc simul crusta externa colligitur, & sentit homo, ac si dentes aqua frigida abluerentur, & post paucos dies fuscii fiunt. Tentandum tunc est, an dentes adhuc restitui possint: sumitur alcahest Olaveri, vel oleum tartari per deliquium, quæ ambo antacida sunt, hæc multa aqua diluuntur, & hoc remedium dentes per acida erosi ab imminenti malo conservari possunt; si vero malum jam penetraverit ad intima, sola evulsio juvat: hæc enim facta, vulnus recens pater; repurgatur omne, quod incipiebat corumpi, comprimuntur omnia vasa, & totum cavum deletur: frustra ergo novus dens expectatur, nisi in infantibus, in quibus secunda dentitio nondum facta est.

Cum hu-
jus mali.

Habetur in observationibus RUYCHII; quod, dum Sceleta tentabat reddere alba ope aquæ cum acidomistæ, si paulo plus spiritus nitri vel aquæ fortis immiscebat aquæ, ossa fiebant flexilia, ita ut magnum os femoris in quacumque vellet formam adaptare potuerit; ergo acida tollunt solidescens illud, quod in osse facit

osseum; hinc quando dentes habent in se aliquid, quod illos teneros & molles reddit, catenus alcalia juvant. Ut vero evulsio fiat, si malum hæserit in dentibus caninis, Chirurgus debet bis vel ter dentem leniter concutere, ut alveolus utcumque dilatetur, & sic instrumento suo rectiformi dentem potius potest eximere, quam evellere; si vero una vice hoc facere tentat, tunc lamellam perforatam sæpe penitus frangit. Si contingit in postremis dentibus molaribus, ut per morsum pressi radices suas divaricaverint, tunc oritur ingens tumor, & maxilla assidue dilatatur; si tunc dens retrocedens in dilatatam partem benignitate naturæ elevarur ab altero dente, æger in manducatione non læditur; si vero radices protensæ manent, ita ut maxillam pertundere incipiant, tunc oriuntur tot tubercula, quot sunt radices; maxilla ibi fragilis fit, & frustulatim excidit; in hoc casu danda sunt assidue collutoria oris, quæ a putredine præservant: huc faciunt Folia Rutæ, Scordii, Alliarie, Absinthii, cum vino & paucis aceto mace- rata, & æger simul debet moneri, ut hac parte oris non manducet: dens etiam sæpe contentendus, non autem per ferramenta, sed per fistulam tabacariam, quam inveni hic optimam limam esse, imprimis si vulgare tantum genus adhibeatur; hujus ope dentes tuto teri & politi reddi possunt, sed hoc tamdiu repeti debet, donec cuspides abradi sint.

Quarta species Odontalgie hæc est. Ultima
species od-
ontal-
gicæ.
Sæpe contingit, dentes caninos superiores tam longos esse, ut radicibus suis intimam antri Highmoriani lamellam attingant. Antrum hoc in homine adulto aliquot dachmas liquoris capere potest, sed in infantibus non invenitur; emissarium habet in cavum nasi, & in omni sua superficie tegitur periosteo, quod ab omni alio diversum, a solo RUYCHIO bene descriptum est, quod sit papyro longe tenuius, & arteriis innumerabilibus gaudeat, quosæro-mucosas vocat, quia non in venas patent, sed rectis trameitibus exhalant

liquidum, quod stagnando mucescit. Si ergo homo nixu fortissimo dentes ad se invicem adducit, premit radicem dentis canini contra lamellam infimam hujus antri, eamque sæpe pertundit; ita ut radix dentis assurgens inflammationem faciat in periosteo subtilissimo hujus antri, quæ se ulterius diffundere, & in suppurationem verti potest: superior lamella hujus antri facit orbitam oculi, hinc vitia, hic nata, possunt propagari ad ipsos oculos, & hæc ratio est, quare hos dentes caninos vocaverint ophthalmicos. Si membrana antri tumescit, viam in nares occludit, & nil geniti humoris per nasum exit; corrumpitur ergo hic humor, qui tunc sæpe per lamellas hujus antri sibi viam facit, & pessima ulcera producit. Nihil hic est remedium, nisi ut dens occisione evellatur, nam tunc antrum statim se repurgat, inflammatio cessat, & humor naturale suum iter recuperat; dente evulso, per immixtam fistulam potest injici vinum cum scordio, alliaria, & sale, ut sic antrum repergetur.

Confide-
ratio Ca-
tarrhi.

Quoniam vero in Odontalgia sæpe accufatur Catarrhus, paucis hic loci inquiram, quid de hac re sentiendum sit. Catarrhus vocatur subitus tumor, absque manifesta causa se ostendens in variis corporis partibus. Latini hos tumores vocant destillationes, quasi humores eo versus destillarent. Tales sæpe fiunt in membrana SCHNEIDERIANA, in faucibus, larynge, bronchiis, & tussim excitant, quam catarrhosam vocant, quæ tam frequens est in senibus, in quibus dentes jam deficiunt. Ergo homines non laborant odontalgia ex causa catarrhosa, sed semper a causa topica in dentibus hærente.

Quæritur ergo nunc, quinam nervi hic afficiantur? Scimus ex Neurologia, quod nervus quinti paris abeat in tres magnos ramos, (V. EUSTACHII Tab. XVIII.) qui ad omnes capituli externi partes distribuuntur. Nervum, qui ad maxillam inferiorem tendit, concomitantur arteria & vena. Sed præterea ramus portionis duodevigesimi nervi auditorii ingreditur aquædu-

ctum FALLOPII, & circa processum mastoideum iterum egreditur, & tunc distribuitur in ramos, qui abeunt in varios faciei & auris externæ musculos, & cum memoratis parvis quinti ramis communicant, & hi sunt nervi, qui in Odontalgia afficiuntur; hinc ægri tunc dicunt, se sentire ad loca temporalia, quasi ibi destillaret aliquid. Patet nunc, quod, si odontalgia oriretur a destillationibus, illa in decrepitis senibus & aniculis edentulis deberet esse major & frequentior, quam in tota vita præcedenti, nam in senio destillationes sunt omnium maximæ & frequentissimæ; hoc vero quum non appareat, patet, quod Odontalgia sit affectio topica dentis, quæ ab ejus nervis pendet. Observatum est multoties, quod homines, qui Odontalgia maxime erant obnoxii, postea per totam vitam inde liberati fuerint; & hujus rei causa aliquando detecta est per Anatomen, nam in substantia dentis infima, qua parte canalem habet exilissimum, qui vix capillum recipere potest, & tamen admittit tria vasa, nervum, arteriam & venam, inventa sunt exostosis vel exodontosis, quæ vasa illa comprimebat, & foramen illud reddebant nullum. Triplex ergo causa est, cur homines, qui laboraverunt Odontalgia, postea ab ea maneant liberi. 1. absentia dentis evulsi, unde concretio maxillæ omniumque nervorum abolitio. 2. talis dentis ipsius diathesis, ut nervus factus sit callosus. 3. tumor ad radicem dentis, comprimens vasa, dentem ingredientia.

DE PARONYCHIA.

Similitudo ingens est inter Paronychiam & Odontalgiam, quod fecit, ut hic loci hunc morbum explicare constituerim. Uterque enim morbus hæret in nervo detecto, qui in partem duram abit. Nervi, qui ad dentes eunt, intra eorum cavernulas distribuuntur; qui vadunt ad phalanges digitorum, progrediuntur per cartilagineam

Comparatio Paronychie cum Odontalgia

gineam thecam, in qua est causa Paronychiæ. Omnis nervus abscissus, statim retrogreditur; sed nervi, qui ad ossa hærent, semper sunt doloris constantissimi: si in dente v.g. millecavernulæ sunt, in singulis filamentum aliquod distribuitur, & dolor tunc potest manere per annos. Causa Paronychiæ similis est, quia nervus hic in ramos infinitos divisus hæret inter tegmina solida; tenuissima acicula pungitur sub unguibus, manebit fere dolor, donec homo moriatur, vix remediis resistens: in dente facilissima fit caries; sed phalanx extrema similiter est os cavernosum, quod si a Paronychia afficiatur, sæpe excidit.

Descriptio
tuo huius
malie
que
symp-
tomata.

Paronychia ab AEGINETA definitur, quod sit *abscessus, natus circa radicem unguis*. Latini vocaverunt *Reduriam*, quæ vox denotat illum semicirculum, qui est ad finem cuticulæ & cutis, ubi hæret unguis. A recentioribus vocatur *Panaritium*. Morbus illè sedem habet in articulo extremo pollicum & quatuor digitorum manuum vel pedum, ad radicem unguis, vel ad latera. Hæret inprimis, ubi papillæ cutaneæ se explicant, & horizontaliter incipiunt decurrere: in hac parte dolor fit adeo acerbus, ut totum corpus inde concutiat, & omnis somnus tollatur; imo fiunt inde febres, convulsiones, nausea, vomitus, syncope, phrenitis, & quandoque mors omnibus miseriis inposuit finem. Ipsa pars affecta sæpe non multum tumet, licet in metacarpo, carpo & brachio tumor immanis excitetur. Quo major est tumor, eo facilius sanatur morbus; quo minor tumor, eo dolor magis intolerabilis.

Symptomata.

Si morbus afficiat digitos, tumor terminatur ad flexuram cubiti, ubi biceps tendine suo in radium se inserit, omnesque digiti dolent, quia tendines, qui accedunt ad phalanges digitorum, inter se communicant; si vero pollex laborat, reliqui quatuor digiti non afficiuntur. Dolor hic uno momento sæpe insurgit, & malum intra paucas horas admodum propa-

gatur, ita ut officulum vel phalanx extrema pollicis aut aliorum digitorum cariola fiat, & licet per aliquod tempus adhuc hæreat, tandem tamen excidat. Quantum novimus, in tota Chirurgia nullum est exemplum, quod pars quædam tam cito siceretur. Incipit etiam fere semper unguis protrudi, ita ut ultra pulpam digiti assurgat, tandem vacillat, & intra paucos dies sine sensu cadit; sed, quod magis mirum est, intra mensem iterum crescit. Putrescit etiam tendo, qui supra ultimum articulum ascendens in hoc officulo radicatur: apparet tunc in fundo ulceris aliquid albi & flocculenti, quo separato, ultimo etiam putrescit tenax digamentum, illoque integre putrefacto officulum non potest manere articulum cum officulo sequenti, & tunc demum elabatur. Hac ratione in tota palma manus potest separatio fieri materiæ eujusdam flocculentæ, muscularis perfecte intactis, sed cutis pollea cum his concrevit, & tota pars fit immobilis. Hac est in genere descriptio hujus mali, sed quia singularis ejus natura a parte affecta pendet, hinc alla paulo accuratius examinanda est.

Pars affe-
cta.

Vidimus, quod Paronychia non oritur nisi in phalange superiori pollicis & digitorum, sed ad unguem non pertingit, nam sub ea tantum papillæ solæ sunt, & unguis cum his non coheret, sed incumbit, ergo nihil ad phalangem fatit. In ultimo Phalangis officulo tres distinctæ partes considerantur; apex supremus, qui tam mire fungosus est, ut vix osseus appareat; medium, quod parvum est; pars infima, quæ secundum officulum respicit, quæ habet cavum valde latum, obductum crusta cartilaginea polita & solida, cui respondet cartilago convexa ossis secundi: cæterum ipsi os est scabrum, spongiosum, cavernosum, ut omnia reliqua ossa corporis; in omnes ejus poros vasa omnis generis ingrediuntur, ejusque scabrities ligamentis inferendis intervit: crustæ cartilagineæ valde politæ sunt, & in his nullus porus vel

H 3 per

Tom. I. p. 117.

per microscopium apparet, & quantum videmus, tota hæc pars vasis ingredientibus & egredientibus destituitur. Rogavi RUYCHIIUM, ut hanc rem sollicite indagaret; & responsum ab eo accepi, quod, si injectio fieret felicissima, inveniunt cartilaginem vasculosam in infima parte; sed quod nulla vasa apparerent in alia parte, quæ sustinet articulum. Sumsi ossa boum annosorum, decoxi, & dum subito ex aqua ebulliente eximerem, vidi, quod crassa cartilaginea in omni fere puncto speciem haberet vesiculæ, pingue quid continens. Ex binis his experimentis collegi, quod hæc pars polita revera nulla habeat vasa visibilia, sed quod tamen in cavernulis quibusdam sit pinguedo transudans, quæ cartilagineam hanc crustam lubricat, ne per attritum caleseat & consummatur.

Fabrica
hujus.

Infima pars hujus ossiculi primi ita nectitur cum secundo, ut flexionem & extensionem admittat, hinc ligamenta obsequiosa esse debent. Olim in foetu constabat ex tribus partibus; crustula ossæ in parte anteriori, parte media densiori, & tunc in parte posteriori sequebatur epiphysis, facile separanda. Inter primum & secundum ossiculum est capsula ligamentosa, sed illa ossis pars, quæ nuda est a ligamentis, periosteum tegitur; illud autem eo loco, ubi ligamenta sunt, illa transcendit; & ubi venit ad alterum os, ligamenta deserit, & ossi iterum accrescit. Idem in reliquis articulis verum est, quod nempe ligamenta oriuntur in illa ossis parte, ubi in prima ætate erat epiphysis, ossi junctæ, hinc fibræ ligamentosæ distinctæ sunt ab omnibus aliis corporis partibus; extenduntur illæ ab una epiphysi ad aliam, & non inveniunt mobilis articulatione; ubi primo non fuit cartilaginea epiphysis; & faciunt hæc ligamenta capsulam cavam, tam arcte clausam, ut nullibi liquidum intrare vel exire possit. In his ergo partibus est æconomia singularis, & morbi quoque singulares; interna ligamenti superficies est valde polita & obsequiosa, nam in flexura articuli nunquam eadem manet. Si

descissa theca ligamentosa aperitur, & ad latera premitur, sudabit undique liquorem, perfecte similem albumini ovorum recentium; hoc liquidum non pingue, sed mucilaginosum, internam ligamentorum superficiem obliniunt.

RUYCHIIUS porro demonstravit, quod illa ligamenta per omnem substantiam plena sint vasis, ita ut appareant reticula arteriosa & venosa, & illæ arteriæ liquidum suum in has thecas deponunt; si hoc miscetur cum illo mucilaginoso, optima fit attenuatio, & nascitur materies, lubricando articulo aptissima. Eodem modo agunt artifices, qui novas rotas non solo oleo; vel sola pice, sed utrisque militis obliniunt. A iusta copia & conditione hujus linimenti articuli flexilitas pendet; hoc vero si stagnet, anchylosis oritur. Ampullæ hæc smegmaticæ non æqualiter perspirant, sed motu articularum nunc comprimuntur, nunc iterum laxantur, & liquorem suum exprimunt. Si alicubi in commissura ossium dehet fieri maximus attritus & motus, Creator non tantum dedit cryptas in ligamentis, sed alium etiam & mirificum apparatus. Sic duo Condylis ossis femoris inferiores, qui committuntur cum ossibus tibiæ, primo habent ligamentum ambiens, quod continet duas cartilagineas semilunares mobiles, & circa illas cartilagineas inveniuntur aliæ ampullæ quam plurimæ; in medio magnus sinus cavus hæret, & ibi adhuc alia ligamenta apponuntur; ibi sunt similes ampullæ. Os innominatum, habens acetabulum pro osse femoris, accipit ligamenta fortissima, & in medio est ligamentum aliud, Teres dictum, & circumponitur bursa flexilis; si injectio felicissime peracta est, infinitæ arteriæ & venæ hic ubique apparent, & si premitur pars, gutturæ ubique emanant. Præter hoc universale perspirans humidum, & smegma illud mucilaginosum, ad articulos etiam venit medullosum oleum, quod in quiete aggregatur, & per motum consumitur; hoc in senibus, scorbuticis, & lue venerea affectis perit; hoc

hoc difficulter penetrat, licet forte subtilissimum transudans sit; quando hoc deficit, artus vix moveri possunt; data tunc medulla alicujus animalis optimum habet effectum. Obfessa arce Suecica milites caruerunt omni annona; inceperunt laborare doloribus articularibus; unus erat in arce Chirurgus, qui suavit, ut legerent ossa mortuorum equorum, quorum medullam dicebat esse optimum remedium, unde omnes solamen acceperunt.

Prima Paronychia species.

Ossa quo sustinent majores motus, eo plus habent medullæ, & in phalange simile depopitur liquidum, quam in omni loco, ubi est magnus & assiduus attritus; si quiescit articulus, illud mucilaginosum accumulatur; sed per motum & attritum attenuatur & expellitur; quamdiu hæc liquida suppeditantur, animal se potest movere; si deficiunt, pars obrigescit. Si vero contingat, ut loco triplicis hujus mitis & insipida materię, acris accedat, vel illa acris fiat, dolor fit ad minimum motum, & hinc illi homines semper debent quiescere, ut dolorem evitent. Si acciderit, ut majori copia adferatur, quam reducitur, ideoque accumulatur, tunc liquidissima pars exhalat, crassior remanet & continuo aggregatur, hinc oritur tum anchylosis, tum tumor, quæ ligamenta expandendo dolorem facit, qui, prout hæc materia augetur, continuo incrementum accipit, & sæpe per annos durat, Talis tumor semper lente accedit, sed a plethora vel febris solet augeri; & si ægri illi majori copia bibant potus calefacientes, vel majorem fecerint motum, dolores illorum exacerbantur. Si tunc simul vasa periostei & vaginæ adiposæ tendinum afficiantur & erodantur, omnia cito corrumpuntur, & hoc malum imprimis timendum est in articulis phalangum digitorum. Hanc pono primam speciem Paronychiæ.

Hoc malum curatur, exhibendo talia, quæ nullam acrimoniam vel crudi-

tatem habent: lac ergo princeps est remedium, sed ne nimis facile acescat, parum saponis Veneti addendum est; dein serum lactis, vel jus carniū sine multo sale paratum. Lenis etiam motus fieri debet, & nil melius est, quam amol manē scēdere, & extendere, & leniter comprimere suos artus; nam hoc modo malum optime præaveri potest: tandem etiam Iridio inter remedia probatissima est.

Altera species.

Sequitur altera Paronychiæ species: Ligamenta, capsulam articulem facientia, ubique vasis sunt plenissima, ita ut injectione feliciter facta tota rubescant; injectione non facta, separato periosteo, theca ligamentosa apparet exsanguis, & tamen est pars vasculosa. Omnia hæc vasa per motum articularum continuo abbreviantur & elongantur, hinc humores omni momento mutantur; & quum, præter leges circuitus habeant hanc mutationem, ergo omnia illa vasa accipiunt omnia bona & mala, quæ possunt oriri ex hoc motu; possunt ergo in his ligamentis oriri inflammationes, suppuraciones, degeneraciones scirrosæ & gangrænosæ; possunt hic fieri inspissaciones humorum & hydropes ligamentorum; nullum tunc est vitium in cavo articuli, sola ligamenta mutantur; & si levis tantum in iis fiat inflammatio, dolor fit ad minimum motum; si accedat suppuratio, tota capsula perit; hinc fiunt tumores tam immanes & duri, ut præ magnitudine Chirurgorum & Medicorum judicium fallant; & hoc imprimis observatur, si illi homines cogantur se movere. Sed ligamentis incumbit periosteum, quod ubi eousque pervenit, deserit os, & supercandit ligamentum, hinc periosteum circa ligamentum facit sacculum, qui materiam, sub ligamento hærentem, coercere potest; hinc tumor quicumque hic natus atrocissimum sensum facit, & si hic morbus contigerit, facit lento gradu corruptionem.

Cognoscitur hic morbus, si in hominibus, ad rheumaticos & podagricos dolores dispositis, post majorem

motum subito oritur magnus dolor cum ardore circa has partes, & febre intensa; qui dolor ad minimam flexionem augetur, sed in quiete pacatior est: ligamenta enim sunt extensibilia & corrugabilia, & quia illa extensio in omnibus partibus est æqualis, hinc quando in statu naturali sunt, nullus est dolor; sed quando magis extenduntur, dolor fit vehementissimus; & si quis imprudenter flectit articulum, vasa vel crepant, vel sunt in statu crepationis proximo: si ergo podagrici insultus suos constanter, quiete, ope diætæ tenuis, per octo dies ferre possint, satis mitem morbum postea experiuntur: & si ad locum, ubi dolor fuit, oritur diaphoresis cum pruritu ad articulum, & leni desquamatione, tunc iterum possunt ambulare: si vero, præ doloris sustinendi impotentia, fomenta his partibus applicent, & sic vasa dilatent, tunc omnia quidem citius pacantur, sed junctura longiori tempore manent immobiles: si admodum plethorici sint, per moderatam venæsectionem optime juvantur; potest æger lac cum aqua, decocta levissima carniū vel cornuū cervi per octo dies; ultra nihil requiritur; abstinere ab omni cibo, crassum chylum faciente, omnibusque acribus; jus carnis vitulinæ in hoc casu optimum est remedium; ubi partes sine dolore sunt, id est, inflammatione peracta, instituat lenis motus, ne materies lubricans in articulo colligatur. Maxime metuendus est ille morbus, si articuli usque adeo exercentur, ut per lassitudinem dolere incipiant; imprimis hoc fit, si frigus ad partes calidas admissum fuerit. Dixit Hippocrates, quod a nulla causa oritur vehementior dolor, quam si agricola in summo aestu habuerint solem æstivum splendentem supra has partes; illi homines antrorum maxime inclinant, dum erectis femoribus humi legunt herbas; si tunc sol servidus luceat, oritur ardor & exsiccatio, unde dolores enormes; vix deinceps levandi; facta hic est nimia di-

stractio & exsiccatio; & si illi homines non utantur diætā blanda, tota vita miserrime laborant. Vocor jam ad morbum tertii generis, qui hæret sub membrana cellulosa, quæ capsulam ambientem separat ab articulo.

Sed mirabundi forte rogatis, quare de Paronychia agens loquor de aliis morbis, qui huc non videntur pertinere? Respondeo, quia omnes tumores, qui memoratis partibus describuntur, nullum exitum habent quam per ligamenta, & hæc scuta resistentia & flecti impotentia faciunt, ut vitia hic nata valde inter se conveniant. Creditum fuit olim, Paronychiam oriri a vermē, veneno, vel aqua acri, sed nullæ observationes hoc demonstrent; constat autem, quod theca ponatur circa articulos, nullo modo dilatabilis, & quod ligamenta, capsam articularem facientia, sint plenissima vas; omnia autem hæc vasa oriuntur ex periosteō, dum illud ligamenta superfundit; ergo quando periosteum afficitur, malum pergit ad ligamenta.

In toto corpore nullum vas, nulla fibra, nullus tendo libere decurrit, sed semper hæret in vagina quadam inflabili, facile extensili, naturaliter tenuissimo oleo repleta; hæc vagina pertinet ad membranam cellulosa, quæ ubique est in corpore. In homine obeso tota hæc membrana apparet pinguedo crassa; hæc vero si præter naturaliter aquam accipit, facit hydropem Anasarca; quando exhausta est omni liquido, tunc evanescit, & pars, quæ distinguebatur ab hac membrana, concrevit cum alia, & quidem tam arcte, ut fiat unum non perspirabile corpus. Ratio, cur membrana pulmonis non concreseat cum membrana succingente costas, est, quia humor se interponit; qui si deficiat, pulmo accrescit ad thoracem, & hi homines, antequam moriantur, asthma intolerabili vexantur.

Hæc membrana invenitur quoque, ubi periosteum, ossa deferens, ligamentum superfundit; facit hæc, ut vasa liberrime ex periosteō in liga-

Tertia species.

Fig. 1.

Consideratio membranae cellulosa.

In articulis.

men-

mentum transeat, & quod morbi possint fieri inter membranam exteriorem ligamenti, & interiorem periosteï.

Inflam-
matio in
179.

Quando materies ceracea summo cum effectu injicitur in fœtu, toto corpore repleto, epidermis & corpus reticulare nullum habent vas; papillæ nervosæ coronantur vasis rubris circumpositis; pars vasculosa cutis tota rubra est; in membrana cellulosa nullum ordinatum est vas, sed materia ceracea effunditur, & tota illa membrana est quasi integra cera: si ergo non tantum per arterias oleum pingue deponitur, sed ipse sanguis, ille tunc hæret in his cellulis, & oritur inflammatio cum summo dolore. Quando hæc in hoc loco facta est, & vasa in initio per magnam vensectionem non ita deplentur, ut sanguis resorberi possit per venas, dum adhuc fluidus est, necessario corrumpitur; & quamdiu durat, sanguis ac cumulatus hæret inter ligamentum fortissimum, resistens, & inter periosteum tenue, vasculosum, nervosum, sensilissimum; hinc tumor hic narus dilacerat periosteum, & separat a ligamento.

Interim materies aggesta, a vi cordis pulsa; impeditur transpirare, comprimit vasa, & fit duplex inflammatio, nec nullus datur locus pro evacuatione: ligamenta sunt tam tenacia, ut a quatuor equis non possint dirumpi; hinc bursa cellulosa colligit hanc materiam, quæ descendens periosteum facit dolores immanes. Nulla pars acrius sentit quam nervus minimus extensus; hoc apparet in hominibus, quibus extripatur os tibie; ferunt illi hoc malum satis constanter; sed illo momento, quando culter pervenit ad periosteum, si Chirurgus periosteum aliquantum trahat, tantus fit dolor, ut sæpe convellantur. Sed in hoc casu, de quo agimus, durat morbus per aliquot dies; elatus tumor incipit sensim destrui; membrana acutissimi sensus coercetur a limitibus ligamentosos & ossis: si ergo ramenta fibrosa periosteï incipiunt ex-

tendi, idem fit, ac si illud lenta tractione dilaceraretur, malum tota ossa inficit, & actiones partis laeduntur. Maxima vero est difficultas hanc materiam elicere, quia hæret intra periosteï thecam, supra quam ascendunt tendines, vaginæ tendinum, ligamenta cartilaginosa, materia pulposa digiti, series papillarum nervorum, membrana adiposa, cutis & epidermis; incipiat nunc materies clausa disponi, ut se liberet, tamen non poterit, nec ulla emollientia hic aliquid facere poterunt; nullus apparet tumor, quia integumenta non possunt elevari, & omnia corrumpuntur.

Intelligitia ergo, quod si inflammatio tendat in suppurationem, dum illa fit, dolor immanis esse debet. Sed in inflammatione impeditur etiam respiratio, quia vasa sunt compressa, hinc tumor fit major, qui imprimis tendit versus periosteum, quia hoc minus resistit quam ligamentum; sed quia hoc valde nervosum est, dolor fit intolerabilis. Ponamus nunc, quod hoc malum fiat in ultima phalange digitorum; quando materies hic clausa incipit disponi, ut se liberet, nullam partem elevare potest; nec ullus tumor extrorsum apparet, quia ligamenta attolli non possunt; cæterum inflammatio consuetum suum ordinem servat. Videtis, quod hæc species Paronychiæ una sit ex pessimis: si fiat suppuratio, materia colligitur sub periosteo, & supra ligamenta, & si pus abeat in ichorem vel meliceriam, tunc roduntur illæ partes; & si dissolvatur periosteum, tunc nudatur ligamentum, hinc facile concrevit cum partibus vicinis, & fit immobilitas sine ullo apparente tumore: periosteum consumpto, patet, quod articulus extremus digiti debeat privari omni affluxu arteriosi sanguinis, adeoque omnino nutrimentum desinit.

Morbus cognoscitur a loco, a celeri decursu, a tumore nullo externo, a communicatione mali per dolorem potius quam per tumorem. Si non juvetur in tempore, materies, quæ tunc continetur sub illa capsula, consumet periosteum & articulum

Et suppo-
ratio.

Diagno-
sis.

culum extremi digiti, & impedit influxum vitalis liquidi, & in hac specie Paronychia: unguis semper cadit,

Chirurgi, ad hæc mala vocati, dum tantos dolores inventiunt, statim sua emollientia applicant, sed sine fructu; imo motus augetur per calorem, hinc destructio fit major, quia materies exitum invenire nequit: tandem in extremo apice digiti apparet stigma subnigrescens, instar morsus pulicis, quasi esset carbunculus; post aliquot horas fit parvum foramen, quod pustulam purulentam minatur, qua se expandente sensim fit eruptio, & tunc actum est de illo articulo, nam periosteum destructum est, quod hic nudum est, & apicem ambebat; destructa est quoque tota capsula: hoc stigma non prius fit, nisi materia nutriendi amplius eo ferri non possit.

Curatio.

Si per omnia signa constat, hoc malum adesse, requiritur, ut conditio loci singularis in communem mutetur. Si ergo subitaneus & magnus progressus sit inflammationis, sive vitium sit in perioste, sive in tendine, aperienda est pars, antequam putrefactio nata sit, ad ossa usque, a parte laterali digiti: hæc apertura tantum fit scalpello, ut omnia ligamenta uno ictu descendant usque ad membranam perioste; tunc digitus per quadrantem horæ teneatur in aqua calida, donec tres vel quatuor unciae sanguinis effluerint; hoc petacto applicatur lene digestivum ex Balsamo Peruviano cum paucis vitello ovi: dolor tunc quidem cessat, sed post duodecim horas Chirurgus invenit ingentem exivisse fungum, ita ut partem perituram putet; materies inflammata enim incipit se exonerare per vim vitæ, & hic tantum porta aperta est; ergo omnia exeunt, & vasa extrorsum dilatata apparent; hoc vero potest præcaveri, si digitus in aqua calida maneat, ut sanguis exeat, vel si emollientissima applicentur.

Cogitatur forte, cur apertura non fit in dorso, vel infima parte digiti?

sed novistis, quod tendo flexoris digitorum ad plus quam mediam inferiorem partem primæ phalangis verniat; flexor autem a parte anteriori ulnæ & ligamento interosseo inter radium & ulnam oritur; si ergo hunc tendinem descendis, vitium usque ad radium, & ulnam propagatur: idem verum est de musculo extensore in parte superiori; sed in parte laterali disponuntur nervi, arteriæ & venæ; quæ hic sine periculo descendi possunt. Et hic locus est corrigendi maximos scriptores de rebus Chirurgicis. HINDANUS dicit, se habere remedium generale contra Paronychiam, nempe ut statim applicantur emollientia: hoc verum est, si tantum Paronychiam vocat, ubi tumor adest supra illam capsulam; nam tunc hæret in membrana cellulosa.

Quando SEVERINUS dicit, hoc malum tolli, si digitus immittatur aceto fervido: imo quando HIPPOCRATES dicit, quod Galla quercina, cocta in aceto, valeat ad Paronychiam, illi scriptores eadem ratione limitandi sunt: similia quoque in aliis scriptoribus observari poterunt. Intelligimus jam triplicem huius generis dolorem; primum a degenerante succo intercartilagineo, alterum a degeneratione ligamentorum, tertium a perioste; sed transeamus ad aliam huius morbi speciem.

Articulus ultimus digitorum habet etiam suum periosteum, sed quod in hoc loco distincti aliquid habet ab omnibus aliis locis; incipit in illo loco, ubi insertio ligamenti ultimi articuli definit, & pergit, ubi glabrities est; sed in ipso articulo incredibile quam parum sit perioste, nam phalanx pollicis ultima a parte interiori visa, tertiam partem inferiorem scabram habet, superiorem quoque pro magna parte, ita ut periosteum tantum in medio sit, nam ubi scabrities est, ibi ligamenta fuerunt: periosteum hic pervenit ad apicem; & non secedit, ut in aliis articulis, sed ambit apicem. Novimus, quod hæc membrana nil est nisi simplex

Quarta species

plex textura vasorum, quæ materiam oleosam ad cava ossium deferunt; hinc si coquatur phalanx, semper dabit aliquid pinguedinis; & si dissinditur, in omnibus ejus cellulis invenitur oleum: simulac hoc oleum quacunq; de causa ablatum est, totum os fragile existit: ne autem in hoc loco facile fiat fractura, sapiens CREATOR apposuit duos clypeos, 1. a parte anteriori mollissimum pulvinar, natum ex substantia pulpola digiti, quod omnem impetum retundit. 2. a parte posteriori unguem, qui in nobis quidem rectus est, sed naturaliter crescit incurvatum, & se opponit digito, ita ut hamulus ultimus sit in linea horizontali cum pulpa digiti: sed licet digitus ita præmunitus sit, si tamen in hoc loco a corporibus externis apex ita læditur, ut contundatur periosteum & oriatur inflammatio, oritur nova Paronychiæ species, quæ totum articulum pessundare potest, nam; fracto periosteum, & scabritie contrita, spes nulla sanationis superest; hinc pars illa putrescit, fungosa fit, & cadit: si vitium pertingit ad capsulam, tunc simul adeit prior Paronychiæ species.

Diagnosis
& cura.

Cognoscitur hoc malum a causa externa prægressa, & hinc per prophylactica antiphlogistica citissime prospici debet. Nil vero magis cavendum est, quam quod vitium ab extremo veniat ad periosteum medium: ibi enim inferius perforatur per tendinem flexoris digitorum, & superius per tendinem extensoris: dum ergo in spatio tam exiguo minimum vitium tendinem afficit, intelligitis facile, quod illud ad musculos statim avolet, & reliquis partibus communicetur: hinc cura antiphlogistica instituenda propter febrem intensam, quæ etiam in frigidis hominibus nascitur; optima ergo est missio sanguinis, & dilutio per aquosa, quibus nitrosa admiscuntur; caveatur etiam, ne alimenta nimis crassa adhibeantur, & diæta sit potius valde tenuis: curandum quoque, ne hic putrefactio oriat, quæ semel nata ossis cariem

producit; hoc vero obtineri potest per applicata externa, quia hic nec crusta cartilaginea, nec ligamenta adsunt, quæ actionem impediunt: ergo duo hic nascuntur indicata, 1. humores ab osse allicere extrorsum. 2. allectos præservare a putredine. Primum fit per emollientia, v. g. farinam secalinam cum pauco aceto, quod remedium antiquum est & optimum. Absinthium, Abrotanum, Ruta, Scordium, Acetum, Vinum, Spiritus Vini satisfaciunt his indicationibus. Si locus affectus mollescit, & in tuber asurgit, nil metuendum; sed tunc debet aperiri, & emollientia & antiseptica apponi: si vero tumor non veniat, oritur prior species Paronychiæ; hinc etiam apertura facienda, & pars ad suppurationem duci debet.

Vocatur nunc ad illas Paronychias, quæ oriuntur a læso tendine, qui finem habet in prima phalange. Tendo ille forte longissimus est in toto corpore, si consideremus originem musculi, quæ est supra inferiorem partem ulnæ inter binos flexores carpi; caro ejus supra supinatorum desinit, & ibi tendo incipit, qui transiens supra periosteum & thecam ligamentosam phalangis secundæ, tandem fere extremitati phalangis inseritur. Magna vis Mechanica impenditur movendæ phalangi; hinc implantatio tendinis ultimi fit longe magis ad finem, quam in cæteris phalangibus; & priusquam hoc fiat, periosteum, hætenus ossi accretum, secedit, & per secessum hunc ingreditur tendo, qui hic facile ossescit. Volens CREATOR flecti posse tres phalanges digitorum, adhibuit tres musculos lumbricales, qui ex quatuor tendinibus musculi perforantis oriuntur, & ad primam phalangem vadunt: hi quatuor tendines nunc imponuntur quatuor aliis, qui inseruntur phalangi secundæ, tunc hi quatuor inferiores emergunt per fissuras, & jacent super illos priores, quibus ante succumbebant.

Si consideramus auferri a palma manus omnia integumenta, tunc videtur expan-

Quinta
species.

expansio tendinosa, quæ ad unumquemque digitum bifariam definit, & qui tendo, sub armilla demissus, abit in longissimum musculum, qui oritur ab osse circa flexuram cubiti: quando ille musculus, palmaris dictus, absconditur, apparent quatuor tendines musculi sublimis; si hi absconduntur, subiacent quatuor musculi lumbricales, qui oriuntur a parte tendinea musculi profundi. Hi tendines in parte phalangis interiori propter flexionem impositum habent scutum cartilagineum, vaginale, coercens illos tendines, hinc omnis tractio determinatur; & ne exsiliant, CREATOR in metacarpo armillam posuit, sed quæ non est in dorso manus, nam ibi manus tantum præparatur ad apprehensionem; hinc tantum unus musculus extensor digitorum omnibus phalangibus datus est: ergo tendo phalangis primæ quatuor proprietates habet, 1. quod sit longissimus. 2. quod per fissuram tendinis bifidi secundæ phalangis transmittatur. 3. quod musculi lumbricales in palma manus ab illo oriuntur, & 4. quod sub armilla ponatur supra musculum pronatorem quadratum. Profundus hic musculus originem habet ex suprema ulnæ parte, unde carpes valde proceedit; huic superincumbit Flexor carpi ulnaris, qui non tantum oritur ex osse, sed ex ligamento intermedio inter ulnam, & radium: si ergo in tendine phalangis extremæ digiti oriatur morbus, habebit multa singularia, quæ in nullo alio tendinum morbo apparent.

Omnis morbus tendinis est duplex, vel enim lædit tunicam mucilaginosam, intra quam tendo hæret, vel substantiam tendinis ipsam. A tendine affecto oritur dolor & convulsio, quæ se extendit ad musculos, illi tendini affines. Affectio tendinis solvit vel irritat illius fibras, hinc afficit etiam illas fibras musculosas, quæ sunt propagatio tendinis; si ergo fibræ incipiunt agere, tunc in toto musculo enormis fit agitatio. Hoc si fiat in prima phalange digiti, non debemus cogitare, quod terminetur in solo musculo profundo; vidimus enim, quod

ejus tendo transeat per fissuram bifidam musculi sublimis; dein lumbricales etiam a mobili tendine profundi oriuntur; hinc non miramur, si tendo musculi profundi irritetur vel dissecetur, quod tunc convellantur omnes musculi phalangum. Quando diu continuatur hæc convulsio, concutitur etiam cerebrum, & totum corpus quandoque inde obrigescit.

Ab hac causa fit etiam dolor, diversus ab omni dolore alio, qui quando atrocissimus est, sequitur delirium & tunc ægri non amplius sentiunt, vel cerebro affecto, oritur syncope, & ablatio omnis motus.

Constat experimentis, nationem esse, quæ ad quævis tormenta veritatem non confitetur, modo tortor corpus vehementer concutiat; nam quando doloris causa sic concussit corpus, ut oriatur quies in sensorio communi, omnis doloris sensus ablati est.

Quum hoc tantum fiat in solis nervis abdominalibus, (de quibus postea) & in phalangibus digitorum, quaeritur, quare hoc in his locis ita obtineat? Respondeo, quod in nulla corporis parte ossicula tam parva moventur a musculis tam magnis, quam in ossiculis extremis phalangum digitorum; hinc si proportio sit inter distractionem & magnitudinem musculi, nulla etiam ossicula in toto corpore vehementius trahentur, quam hæc; hinc si fibra quædam hic incipit corrumpi & separari, fibræ tendinis superstites ita distrahuntur, ut avelantur lente ab osse, cui accreverant, & hinc fit tormentum maximum. V. CURTIUM DE VITA ALEXANDRI MAGNI L. VI. Cap. 11. ubi narratur historia PHILOTÆ, qui accusatus erat conjunctionis in Regem: hic, dum cruciatur, primo non modo vocem, sed etiam gemitus in potestate habebat; sed postquam corpus ulceribus intumesceret, flagellorum ictus, nudis ossibus incussos, ferre non poterat; hinc si tormentis modum adhibere vellent, dicturum se, quæ scire expeterent, pollicetur. Hæc mala sunt ex læsa tendinis substantia.

Nunc

Symptomata læsi tendinis.

Diagnos.
apices Paro-
nychia
lata ten-
dinum
vagina.

Nunc considerandi sunt affectus, qui læsæ tendinum vaginæ superveniunt. Hæc vagina semper super-tenditur toti musculo, nec musculus vel tendinem deserit, donec ille ossi insertus est. In hac vagina nascuntur etiam inflammationes, sed quoniam earum indoles eadem est cum iis, quæ in membrana cellulosa oriuntur, hinc non repetam, quæ antea de hoc morbo jam dixi. Quando hic suppuratio fit, non nascitur pus, sed sanies vel ichor, & in his locis cito etiam oritur gangræna. Ubi apud Auctores mentio fit lardi in ulceribus, semper debetis cogitare de affecto panniculo adiposo. Oritur, v. g. inflammatio in brachio & tumor; quod hic tumet, interjacet inter musculos & cutem; interstitium hoc moritur; emortuis sub cute vasis, illa non amplius nutrita flaccescit, aperitur, & tunc illud lardum pingue & sanguinolentum apparet: ergo gangræna in his locis nil est nisi tabesfactio illius, quod antea inflammatum vel suppuratum erat in hoc panniculo vaginali, tendine interim sano manente & mobili. Tendo & vagina musculi lumbricalis unum corpus faciunt cum membrana musculi profundi, & cum iis simul afficitur vagina tendinis musculi sublimis, qui ex ipso osse cubiti oritur. Motor extremæ phalangis sub motore secundæ phalangis & sub palmari hæret, cujus tendo hic expansum operculum facit; quia hic tendo se extendi patitur, hinc omnes illæ partes possunt assurgere, & apparet quasi pulvinar in palma manus; nec tamen in hoc loco rumpuntur apostemata, sed semper ad radices phalangum, vel ad latera manus; si vero vitium hoc pergit per volam manus, directe per brachium inferius vadit ad cubitum, & in hoc loco fit terribilis tumorum campus: ulcera hic nata sunt sinuosa, vitium per omnem musculi membranam propagatur, depascit omnes membranas, & sic sunt plura ulcera, quæ inter se mutuo communicant.

Certo scimus, quod hic morbus adsit, cognita causa externa: v. g. si hic

facta sit contusio, quæ tendinem, ad apicem phalangis fere extensum, potest lædere, & facile accidit, si quis imprudens apices digitorum in oblatum elasticum offendit; vel si ictus mallei aut fenestræ imprimatur in extremam phalangem, vel si apes hic mordeat; nam SWAMMERDAMMIUS demonstravit, quod in aculeo apes hæreat venenum, quod ergo in hoc loco miros effectus præstare potest; vel potest punctura fieri per spinas, festucas ligneas, vitreas, ferreas &c.: si hæc in reliquis phalangibus fiant, tantum periculum non habent, quam in prima phalange, ubi summum dolorem faciunt. Si ergo applicatis his causis, cito oriatur summus dolor in phalangibus, in vola manus, armilla &c. nullum dubium manet; dolor, qui hic supervenit, quasi igneus est, (sic enim ab omnibus agris vocatur) & tantus, ut nunquam possint manere quieti, imo ut imminet phrenitis anxietas circa præcordia, & tandem animi deliquium. Sequitur Prognosis.

CELSUS dicit, levem morbum extollere, quo cum curando plus præstitisse videaris, Thrasonicum est; sed magnum morbum relinquere, temerarium. Si ergo videatis, quod recens inflammatio partem occupet, hæc sine multis malis curari poterit; si vero jam tendat in suppurationem, tristia symptomata expectanda erunt; possumus tunc quidem sanationem promittere, sed simul indicandum est, quod æger usum digiti sui perditurus sit: si vero bulla in epidermide jam notat adesse gangrænam, tota cellulosa compages putrescet, hinc concretio musculi cum musculo fiet, & tota manus erit immobilis. Pergo ad curationem.

Ergo simulac Medicus vocatur ad agrum, in quo cognoscit causam latentem applicatam phalangibus, atque inde secutum fuisse dolorem, tunc statim topica antiphlogistica adhibenda sunt: fiat ergo ingens missio sanguinis, & larga diluentium potatio, iisque addatur pauxillum niiri; ponatur vas cum aceto vini supra ignem,

Prognosis.

Curatio.

Diagnos.
la.

ignem, ut illud in vaporem resolvatur; teneat æger digitum suum supra hunc vaporem, & tota manus ad ossa usque laxabitur; apponatur etiam fofus ex Oxycrato; nunquam debetis fumere acetum solum, sed semper aquam cum aceto, ita ut ad unam partem aceti sint quinque partes aquæ: si tunc appareat tumor externus, optima est spes, nam tunc per laxatas vias commercium extrosus paratum erit. Si malum hæreat circa ligamenta, tunc emollientissima, antileptica & narcotica mista, adhibenda sunt. Sumite ergo folia recentia Altheæ, Hyoscyami, Papaveris hortenſis, & flores Papaveris; hæc cum farina lini vel avenæ & lacte coquantur in cataplasma; huic addatur tam parum salis Ammoniaci, ut sapor utrunque salſus sit; tandem butyrum insuſum; & si metus putrefactionis sit, parum vini vel aceti admisceatur; nec etiam æger cibum potumve stimulantem assumat; si vero his applicatis post tres horas videas omnia esse irrita, & mala crescere, tunc eventus incertus est; hinc prudentia suadet, ut tunc alium Medicum vel Chirurgum in auxilium voces, & his incisionem proponas: si hæc approbetur, debet fieri juxta latus, & si inde oriatur remissio, sufficit; si non, in ipsa plaga fiat incisio, id est, in illo loco, ubi prima causa applicata est: cogitatis forte, an ergo lædam tendinem? Sed ubi totum corpus periclitatur, tendo non multum curandus est.

Perfistit enim.

Similac illa incisio ad vivum os usque est peracta, illico dolor remittit; applicanda tunc sunt leviter roborantia & antileptica, quia hic facile propullulat caro fungosa; & digitus in aquam tepidam inmitti debet. Si vero hoc mali genus a corpore quodam, tendinem stimulante, rodente, pungeute oriatur, tunc eadem fere sunt, quam si infelici venæsectione scalpelli apex forte pupugerit tendinem bicipitis musculi; in hoc casu locus affectus audacter incidendus est a plaga, quæ a scalpello relicta fuit, usque ad tendinem; tunc imponatur calidus Bal-

samus Peruvianus niger, quo vix aliud remedium melius habetur ad nervos vel tendines læsos, imprimis si spathula calefacta intro adigatur; si tunc loco affecto applicentur emollientia, malum etiam superari poterit. Laudatur hic Pomentum ex floribus rosarum rubrarum & sambuci, aquæ insuſis, additis etiam nitro & aceto sambucino; his peractis fit suppuratio, & membranæ cellulosa tendinem involvens separatio; in qua Medici & Chirurgi magnam spem ponunt; sed tunc sæpe fiunt abscessus sinuosi, qui circumquaque se insinuant inter musculos eorumque interstitia; & ab una parte ad aliam decurrentes nova ulcera faciunt: si hoc animadvertatur, pars fovenda vapore memorato; emollientia, laxantia, debilitantia illico applicanda, & videndum, ubi apertura fiat; reliquæ parti ita applicetur splenium, ut prematur, & unus tantum locus a pressione liberetur. Si in primo initio horum malorum statim de his cogitaretur, magna spes foret, & gros ex his periculis posse eripi.

Mulier quædam Taurinensis incidebat in dolore intolerabilem extremi digiti, duodecim noctes insomnes transigebat; dolor hærebat fixus in latere pollicis prope unguem; nullus tumor externe apparebat; ergo hic adsuit Paronychia, hærens sub ligamento; Chirurgus secabat quidem per superficiem, sed sine levamine, & fungosa caro mira excreſcebat: vocatur tunc Celebris Medicus BAYARO, qui examinans casum hujus mulieris, pollicem incidit usque ad ossis duritiem; facta sectione imposuit albumen ovi, conquassatum cum proprio vitello, & hoc circumduxit toti pollicis; nullus erat amplius dolor; mulier dormiebat per viginti quatuor horas, & solo hoc remedio continuato sanata fuit.

Transio nunc ad considerationem scuti cartilaginei. Tendinibus, duas phalanges extremas digitorum flexionibus, & vaginæ horum tendinum, circumponitur theca valde fortis chondroneuroides, sive semicartilaginea vel

Consideratio Anatomica partis affectæ.

semiligamentosa; hæc arte applicatur digito in parte interna, ubi tendines flectentes sunt; hæc in pollice & digitis oritur in illo loco, ubi finis est tendinis perforati: pergit inde usque ad finem digiti, sensim angustior, mollior, tenuior; constat duris, parvis, solidis, parallelis & semiannularibus ligamentis; ad medium digiti lateri ejus adcrevit, & format ibi vaginam; hæc sic nata includit, tegit, coercet, defendit tendinem, ne in flexione recedat ab osse, quod flectit: theca illa durior est omni ligamento cognito, molliori omni cartilagine, ita ut hac ratione aliquantum cedere possit, si manus flectitur, & in pugnum contrahitur. V. EUSTACHII *Tab. 26. in manu sinistra, & Tab. 28. 30. 32. 38:* sub hac vagina tendines eunt redeuntque; hæc habet sua ligamenta; ergo pati potest eorum morbos, tam in superficie superiori quam inferiori. Si forte rogetis, quare dorsum digiti hac vagina careat? respondeo, quia hic nullus metus est, ne exsiliunt tendines, nam quando extenduntur, quantum possunt, cum metacarpo lineam rectam faciunt; sed ad carpum datur armilla, quæ ibi etiam requirebatur, quia hic una est extensoris sive erectoris actio, nam unus ille musculus plus facere debet, quam muscoli lumbricales, profundi & sublimes; simulac unus ille musculus agit, in rectum aguntur omnes phalanges: videtis ergo, quod alia mala digitis accidant in parte interiori, quam in exteriori; illæ partes enim coercentur etiam per thecam, & impediuntur, ne extrorsum appareant; & hic potest oriri maligna valde Paronychia, quæ afflicti membranam, hanc thecam involventem.

Veteres notaverunt, dari quandam speciem Paronychiæ, in qua idem fere apparet, quam in pelle: id est, post dolores ingentes subito oriuntur rubræ & duræ bullulæ, ulcera insaniabilia relinquentes, quæ non sanantur, nisi facta majori apertura, ut hæc cartilagines se expurgare possent. RUYSCHIUS in epistola ad me data me do-

cuit, quod illud perichondrium idem sit pro cartilaginibus, quam perio-steum pro ossibus; id est, non est proprie membrana, sed textura vasorum adferentium & referentium; scribit porro, quod facta felicissima injectione perichondrium non tantum rubescat, sed ipsa cartilago adtertiam fere partem sub perichondrio vasculosa appareat: omnia ergo vitia, quæ periosteo læso accidunt, hic quoque fieri possunt. Si ergo quacunque de causa oriatur inflammatio in perichondrio, vasa illa tenerima facile corrumpentur; & malum erit eo deterius, quia cartilago, corrupto perichondrio, eo modo non separatur, quam os, quod, destructo periosteo, desquamatur; in hoc casu post summos dolores oritur illa bulla & macula, quæ exeli perichondrii signum est: si hic aquosa applicas, fit tabescentia; si balsamica, oritur inperspirabilitatis species; præcavent quidem putredinem, sed meatus, per quos putrefactum exire debet, obstruunt, hinc inflammationem & corruptionem augeat. In hoc ergo morbo, ut in omnibus morbis periostei, princeps remedium est Aloe, inprimis Socotrina dicta; hæc si in pollinem trita loco affecto applicatur, omnem fere paginam absolvit; stimulat enim vasa, putredini resistit, viscida attenuat, & amicissima est nervis. Sequitur Mastiche, quæ paulo tenacior est quam Aloe, sed optime cum ea miscetur: huc etiam faciunt Myrrha, Olibanum, Sarcocolla, Succinum; Terebinthina exsiccata, & in pulverem redacta, eadem efficit. Hæc sunt quidem optima remedia, sed sæpe applicari non possunt, quia locus impeditus est; hinc digitus per horas aliquot macerandus est in lacte, dein per lanceolam aperiendus usque ad maculam illam in theca cartilaginea, & memorata remedia tunc applicanda. Videatur HILBANUS *Cenur. 1. Observat. 97.* in qua hic morbus, & methodus cum curandi eleganter describitur. Huic thecæ in digito pars adhuc singularis superincumbit, quam pulposam vocare possumus; hæc in apice

quia differt a reliquis phalangibus , quia crassior est , & spirabilibus fossulis excavata : videtur ejus substantia quidem accedere ad adiposam , sed durior est , & intus tota vasculosa : si ergo in hac parte fiat inflammatio , suppuratio , vel gangræna , malum diu perstat ; in hoc casu fit æquabilis tumor & tensio , & epidermis secedit ; unde patet , quod malum non hæreat sub theca cartilaginea .

Curatio requirit remota temperata , quæ leniter emolliunt , & putredinem avertunt . Emplastrum de Meliloto hic satis commendari nequit , nam eximie virtutis est , ubi ambigitur , num inflammatio vel scirrus adsit . Emplastrum de Mucilaginis , & imprimis Stichticum PARACELSI requiritur , ubi partes profundæ sunt vivificandæ ; ejus ingredientia usu probata sunt præter Magnetem , quæ hic nullum usum præstat , sed emplastrum tantum pretiosum reddit : si tumor tamen pergat incrementum , pollen aluminis usui pauca tantum copia cum fructu inspergitur . Galla cum melle remedium est , ab HIPPOCRATE laudatum , quod in hoc casu etiam prodesset , quia Galla vi sua adstringente simpliciter corroborat sine ulla acrimonia . Dixit APULEJUS , quod Scilla , subacta cum pane & aceto , sanet Paronychiam ; certe hoc remedium emollit , & simul putredini resistit . Scribit HILDANUS , quod hoc malum curari possit somento ex lacte & floribus Chamæmeli : abradendo supremam cutem , & incidendo maculas rubras , ichore plenas ; & apponendo spiritum theriacalem volæ manus , carpo & brachio . Videtis , quod magnus ille vir non distinxerit species hujus mali , nam hoc remedium valet , si morbus hæreat supra vaginam cartilagineam , sed non sub illa . Saverinus in Libro de efficaci Medicina pag. 163. dicit de Paronychia , quod necessitas in hoc vitio homines docuerit , ut digitum affectum in ferventem aquam immittant , & inde iterum quam citissime eximant ; additque , illud remedium etiam approba-

tum ab HIERONYMO FABRICIO & PETRO BAYRO , licet ille acetum acre majoris æstimet : & novi , quod hoc remedium quandoque bene successerit , ubi malum in dorso digiti superiori hærebat ; nam quia acetum servidum est penetrantissimum liquidum , hinc digito immisso fit concussio , & sic separatio omnium partium sub epidermide , & resolvuntur omnes inflammationes , quæ resolvj possunt . Absolvi nunc historiam hujus morbi , in qua exemplum dedi , quod nil omnino certi de eo dici queat , nisi parte affecta exquisitissime cognita . Agam nunc

DE MORBIS UNGUIUM.

In digito jam nil amplius superest , nisi solum integumentum externum , id est cutis , quæ iterum dividitur in cutem & cuticulam , cui MALPIGHIUS addidit corpus reticulare . RUYSCHIVS per suas injectiones demonstravit , quod cutis sit membrana , infinitis vasis repleta , & quod etiam nervos habeat innumerabiles , omnes duos , qui contextuntur inter arterias & venas . Toti huic communi integumento superincumbit membrana , quæ se ubique insinuat , hinc in areolas variae figuræ dividitur . Quando epidermis exacte aufertur , tunc apparet corpus , quod MALPIGHIUS reticulare dicitur , quod in toto corpore quidem conspicuum est , sed omnium maxime in tactus organo ; in hoc corpore considerantur duæ superficies , una epidermidi contigua , & inferior , quæ texturæ vasorum & nervorum , cutem constituentium , incumbit ; ubi nervi ad hoc reticulum veniunt , amittunt suam duritiem , & non amplius vocantur nervi , sed papillæ cutaneæ : injectione feliciter facta apparet , quod vasa terminentur in concava parte hujus reticuli , & quod dictas papillas ultimo orrent & ambiant : hæ papillæ utcumque eminent supra reticulum , hinc ablata epidermide , in parte concava apparet materia quædam alba

Confide.
ratio integumentorum communium

alba flocculenta, quæ est papilla abrupta.

Quando nunc avellitur epidermis, apparet, quod nullus pilus ex eo oritur, sed tantum per eam transeat; & quia pili sunt fortiores quam epidermis vel corpus reticulare, hinc ablata epidermide pili retrahuntur; & in parte inferiori epidermidis tot sunt cornua, quot sunt pili. Putavit MALPIGHIUS, quod epidermis haberet parvas theculas, quæ laxatæ emitterent sudorem, sed constrictæ illum coercent. RUYSCHIUS vero, postquam omnia examinavit, invenit nil esse nisi inversas pilorum vaginas.

Omnes papillæ ubique in toto corpore ponuntur perpendiculariter, sed in radice unguium inclinantur horizontaliter. Ungues sunt externe gibbi, interne concavi, duriusculi, non fragiles, sed riles, sed in rusticis laboriosis fragiliores fiunt; conveniunt fere cum cornubus; nam eadem in utrisque durities, elasticitas, pelluciditas, scissilitas, incurvatio; nam si non præscindantur, crescunt in unci formam; inveniuntur ad viginti dorsa phalangum extremarum manuum & pedum; resistere quidem possunt vi externæ, sed quo duriores fiunt, eo magis sunt friabiles; apparet hoc in unguibus pollicis pedum illorum hominum, qui semper calceis induti magna itinera faciunt; patet tunc, quod ex parallelis lamellis conficiantur, nam præ duritie quandoque in squamulas dissiliunt; quando nimis gibbi crescunt, ut contingit illis, qui nimis arctos calceos gerant, tum utrimque inter vivas partes ab epidermide deferatas, se insinuant, & fit dolor intolerabilis; idem enim fit, ac si festucam sub ungue intruderet; in hoc casu pes imponatur aquæ, ut ita pars lateralis extrahatur, & æger liberetur.

Modus crescendi conspicitur, si guttula solutionis auri apice pennæ scriptoriæ radici eorum applicetur, nam tunc stigma purpureum inuritur, quod sensim versus anteriora accedit, & post septem vel octo septimanas ad extremum unguum hæret; ex abscis-

sis unguium segmentis magna copia salis volatilis educitur per Chemiam, eodem modo ut ex cornubus. Ungues in Æthiope nigri sunt, in Brasiliano flavi, in Europæo albi, imprimis circa radicem. RUYSCHIUS demonstravit pluribus exemplis, epidermidem Æthiopis albam esse & perspicuam, suppositum Reticulum MALPIGHII esse nigrum, & cutem coloris sanguinei: in Europæis epidermis est alba, secundum & tertium integumentum coloris sanguinei; ungues ergo hunc colorem sequuntur: coherent illi duplici loco cum reliquo corpore, 1. superficie sua cava infima, & ibi tantum cum papillis nervosis coherent. 2. in fine ad radicem cum epidermide. Infima cava superficies Unguium incumbit tantum papillis nervosis, sed ad extremum coheret cuticulæ & Reticulo MALPIGHIANO, quæ sub ungue non erant. Ungues papillis nervosis superincumbunt instar clypei, hinc si minimum apostema est a parte infima, cadunt.

Ex accuratissimis præparatis mihi apparuit, quod corpus reticulare, ubi ad radicem unguis venit, fiat mollissima ejus pars in homine Europæo alba, in Æthiope nigra; mox cum paulum induruit, jam est unguis; & simulac est unguis, totum reticulum desinit; & simulac unguis desinit, totum reticulum redit; hæc credo, quod ungues sint revera illud corpus reticulare, destitutum epidermide, quod hic induruit, ut papillas defendat, illasque recta deducat. RUYSCHIUS dicit, se unguem habere pro papillis elongatis & inter se concretis; sed si consideretis, quod ungues in Æthiope sint nigri, & quod ille color a Reticulo MALPIGHIANO pendeat, & quod illud reticulum emergat, ubi desinunt ungues, feretis, quod ego illos habeam pro reticulo indurato. Si manus hominis mortui immergatur aquæ calidæ, & diu in ea retineatur, ut unguis lente possit elevari, tunc apparet, quod superficies ejus interna contingat papillas nervosas: si paulo

plus eleuetur, in illa superficie sulci apparent; in quibus iterum papillæ sunt. Hæ papillæ, ungue eoque ablato, ut incipiat fieri dilaceratio, apparent unguem deferere; & quo loco unguis secedit ab anteriore parte papillarum, integumenta corporis faciunt hiatus circa unguem, qui tegit ejus radicem & latera, & a parte anteriori se supponit emergenti ungui. Sub ungue nullus invenitur reticularis plexus, hinc quando chirotheca ex epidermide conficitur, tunc ungues, a reliquis partibus separati cum cuticula coherent; nam epidermis, quæ ovalem coronam per ambitum unguum cinxerat, retrocedens introrsum, unguis radicem ambit, & ad latera etiam undique accrescit.

Pathologia unguum.

Si Epidermis nimis arida est, facile fissitur in hoc loco, quia unguis crescendo antorsum procedens, arripit secum epidermidem non cedentem, hinc fit dolor, sed qui una vel altera gutta Balsami Peruviani vel Terebinthinae in alcoholis soluta illico sanatur; dein scalpello prudenter auferatur reduplicata epidermis. Si Unguis incurvatur versus epidermidem, & attingit papillas, oritur etiam dolor intolerabilis; hoc vero malum curatur, si unguis post macerationem prudenter eleuetur, educatur, abscondatur; talem accretionem vocaverunt Reduviam, sive Duplicationem integumentis.

Amplior
hujus rei
descriptio.

Quoniam vero omnis generis vasa hærent intra illam duplicationem, quam epidermis facit, ubi ungues illi accrescunt, hinc ibi etiam potest fieri inflammatio; & si inde levis fiat suppuratio, Chirurghi statim prædicunt, quod unguis cadet, nam tunc ab omni cohaesione cum illa duplicatione liberatur.

Unguis tota parte superiori tantum coheret cum duplicata superficie epidermidis; hæc non introcedit sub corpore unguis, sed ibi nudæ hærent papillæ; & hæc fuit ratio, quare ROYSCHEUS semper dixerit, unguis est nil nisi epidermis; nam putrescat totum brachium, omnes partes secedant,

epidermis cum ungue semper manent immutabiles, sed corpus reticulare deficit. Ubiunque natura integumenta corporis communia applicat ad loca, in quibus vasa nuda decurrunt, ut ad labia, nares, palpebras, statim nudæ papillæ decurrunt sub epidermide; hinc dolor fit tam atrox, quando v. g. granum sabuli iniecit in oculum, qui non curatur, nisi aqua granum illud sabuli abluat; hic ergo non est corpus reticulare, nam illud omnem sensum obtundit. Observamus, ubi unguis deciduus factus, manente molli pulpa, quod natura ibi formet speciem pelliculæ crescentis, & epidermis ita increscit, ut forte centuplo fiat crassior; tunc pars solidescit, splendet, durescit, & fit perfectus Unguis; hoc fit imprimis in illis, qui anchoras cudunt; hinc papillæ nudæ & pulpæ sub unguibus tectæ sunt; & Viri Celeberrimi ideo credebant, unguem esse concretas illas papillas; hinc consumto vel fiso ungue sæpe tam horrendi morbi generis nervosi sunt. Si sub ungue appareat malum, concessa huic libera via, unguis servatur; aliter papillæ plerumque consumuntur, & dolor oritur inmanis: non deprehenditur in ungue ullum vas, nec in ullo corpore, etiam plethorico, rafa unguis ullos liquores dedit.

Quando inflammatio fit sub ungue, hoc malum vocatur Hyponychia; in ea oriuntur maculæ fuscæ vel nigræ; quis hic nullus datur exitus, dira symptomata sunt: in hoc casu prudens Chirurgus acuto angulo vitri subtiliter debet abrudere unguem, donec tenuissimus sit ad locum maculæ; applicentur tunc emollientia, ut locus aperiri, & suppositæ corruptioni exitus dari possit; hoc si non fiat, malum se extendit, totus unguis corrumpitur, imo phalanx tota sæpe perit.

Unguis totus crescit undique paralletis itineribus; & pars ultima Epidermidis coheret ad duas vel tres lineas sub apparente crepidine exteriori. Si epidermis nimis arefcit, quia ejus

Morbus
unguum
ab arefc.
centu Ep.
dermidis
est;

infima pars reduplicata hæret ad unguem, unguis secum arripit nimis aridam epidermidem; hæc tunc finditur, pars fissa sequitur unguem, (Nolstrates vocant eam *Nynagel*) & oriuntur inde multa mala. Nullum est remedium, nisi ut hæc epidermis per scalpellum statim prudentissime separaretur ab ungue, & pars inungatur balsamo peruviano calido.

Ariditas
unguium

Quando unguis nimis exarescunt, tunc quasi sponte fit desquammatio; & unguis brevi exorbitat. Hic morbus præcipue observatur in equis, si nimis diu in stabulis in sicco gramine stant, in quibus tunc unguis finditur; vasa sanguinea per illam fissuram luxuriantur & faciunt fungosas excrecentias. Hoc etiam fit in homine, raro autem in manibus, sed sæpe in pedibus; tunc nil conducit, nisi statim adhibere balnea, laxare epidermidem, & partem illinire unguento populeo; si inveteraverit morbus, nulla arte curari potest; nam tunc vasa adeo luxuriantur, ut non possint compesci; si malum negligitur, tandem loco unguis fit cornu, constans ex squamis sibi invicem incumbentibus, quod dissilit a se mutuo; & hinc apparet verum esse, quod dixit MALPIGHIUS, unguis ex concentricis cavis stratis esse compositus.

Mulier fuit in Hollandia Boreali, quæ conquirebatur, se nec stare, nec incedere posse; examinantur ipsi pedes, & visum fuit, quod in singulis digitis loco unguis haberet cornu extensum, duos sæpe pollices longum, digiti minimi crassitiem habens, quod ex radice angusta increverat; sed ad finem erat crassissima & adunca: in hoc casu nullum aliud remedium est, quam ut digiti prius balneo immitantur, & dein unguis eo usque abscindantur, ut in æquali linea cum pulpa digiti emineant. Quando nata minori resistentia unguis in medio sunt gibbosi, tunc tumor suppositarum partium unguem in duas partes facit dissilire juxta longitudinem, & dein oritur excrecentia; hoc malum non nisi unguem emolliendo & inun-

gendo curari potest. Quando suppuratio fit circa unguem, totus saepe cadit, & ad minimum loci attactum fiunt horrendi dolores: in hoc casu inspergitur pulvis olivani vel thuris sicci, ne papillæ lædantur ab aere externo, & tunc totus unguis a fine suo incipit iterum excrefcere, donec integre perficiatur.

DE CALLO.

Callus.

Consideremus nunc morbos, qui accidunt nervis, ubi ultimis suis extremitatibus delati sunt ad loca destina, ut ibi functiones proprias, a natura demandatas, exequantur. Inter illos primo occurrit Callus, qui in nervis ultimis, quantum scimus, oritur a concretionem canalium nervosi, olim cavi: sequitur ille, quando nervus ruditer premitur a quacunque causa, imprimis si pressio illa fuit diuturna, & sæpe repetita: contingit etiam in omnibus concretis vasibus; sed nervi ad vasa pertinent, & si illi concrecant, nullus sensus amplius in illa parte percipitur; hinc est effectus vitæ longæ, nam per diu repetitos vasorum ictus comprimuntur nervi, & sic inducitur Callus. Fit etiam ab inflammatione & suppuracione, nam nervi per corpus non decurrunt liberi, sed cinguntur membrana cellulosa, quæ post suppuracionem nervum nudum relinquit, unde facile cum nervo vel vase vicino concrefcit: idem facit corrosio & exustio, per quam nervi ad fines coalescentes functiones suas amittunt.

Visi sunt homines, qui cuniculis bellicis impositi, illis incensis fuerunt in medio pulveris pyrii; habuerunt illi cutem exustam usque ad panniculum adiposum; Dux quidam hoc malum passus semper querebatur de frigore intolerabili, quod fiebat a sensu nervorum perfecte abolito: sic etiam cicatrices sunt ex membrana alba politissima, minime porosa, & in tali loco homines postea nihil sentiunt.

Cæcitas
senilis est
species
cæli.

Ex hac causa explicari potest cæcitas, quæ per ætatem accidit: oculus in juventute est globus sphericus; hinc omnes fere pueri sunt myopes; nam omnes fibræ, tunicam scleroticam constituentes, sunt valde flexiles, & pressioni liquidi, in vasis contenti, facile cedunt; sed quando hæ fibræ per adfrictionem palpebrarum diuturnam, aeris injurias, vim vitæ, incipiunt rigescere, tunc illæ fibræ contrahuntur, & cornea liquido prementi plus resistit quam olim, & fit planior de die in diem; dato perspicillo convexo, restituta erit visus acies; sed quia hoc malum magis magisque augetur, hinc omni fere quinquennio perspicilla mutari, & convexiora dari debent. Similis occallescencia in ipso nervo optico fieri potest; sed præterea nervus ille ambitur quatuor arteriis, in quibus si major motus oritur, ut in febre ardente, talis fit nervi intercepti compressio, ut ægri nil videant, & perfecta amaurosi laborent: hi ægri perfecte curantur, si in diarrhoeam maximam, largum hæmorrhoidum fluxum, hæmorrhagiam narium, vel aliam bonam crisin incidunt.

Nervus opticus, delatus intra orbitam, ibidemque defissus, habet in medio suo centro foramen, ab EUSTACHIO demonstratum. Scripsere Viri Clari, quod nervus opticus, ingressus per scleroticam & choroideam, mucis specie expanderetur per totum cavum oculi usque ad illum locum, ubi oritur tunica uvea: hac expansio vocatur Retina; in medio vero nervi est arteria rubra, quæ ex centro diffundit ramos rubros minimos circumquaque; ergo hic loci est arteria intra medullam: hinc videmus, quare ægri in phrenitide sæpe conquerantur, se non posse videre; & si ejus impletio durat per totam vitam, tandem illa pulpa occalescere potest, & hæc est vera cæcitatæ senilis causa.

Idem etiam potest fieri in nervo acoustico: hic in initio quidem durior est, sed in cochlea fere nil est nisi mucus, qui est medulla illius nervi

ibi diffusi; ubi tres canales semicirculares labyrinthum faciunt, similis mucus nervosus deprenditur; si ad vestibulum pervenias, & membranam ovalem vel rotundam auferas, iterum nil est nisi mucus: in his omnibus locis sunt arteriæ, proxime appositæ ad ultimum illud organum acusticum; si illæ non æqualiter liquida sua transmittant, turbant medullam nervosam, & sonitum, tinnitum, vel bombum aurium faciunt; & in senectute turbabitur vel abolebitur auditus, sine ullo dolore, inflammatione, suppuratione, vel aliis causis externis progressis. Simul patet tale malum lento gradu obrepens, & de die in diem increpescens, insanabile esse. Eodem modo gustus & olfactus organa per senectutem destruuntur.

D E V E R R U C I S :

Aggredior jam Verrucas, vile morborum genus, sed ex quâquam degeneratione pessima symptomata sunt; nam papillæ degenerantes in fungosam substantiam sunt verrucæ; quam facile autem, membrana coercente oblata, nervosa substantia sic degeneret, patet in fungo cerebri; involucri enim nervorum mirifice extenduntur, non vero nervus.

Verru-
rum de-
scriptio.

Verruca est papillæ cutaneæ extra corpus reticulare MALPIGHII excrecentia, ibique dilatata epidermide tecta manens, & sic molem rotundam & asperam faciens: ergo nullo in loco deprehenditur, nisi ubi papillæ nervosæ sunt; & ubi illæ copia plurimæ sunt, uti v. g. in palpebris, ibi verrucæ etiam sunt numerosissimæ. Nec tantum sunt, ubi papillæ hærent sub corpore reticulari, sed etiam, ubi illud non adest, & ubi papillæ solummodo membrana tectæ sunt; & in illis locis verrucæ sæpe horrendæ sunt, & degenerant in cancerum vix sanabilem, uti in labiis, lingua, glande penis &c. Omnis verruca ad cutem vel reticulum fere semper est angusta; ubi vero extra reticulum assurgit,

et fungo-
sus.

expanditur; & instar fungi apparet; regitur epidermide expansa, (nam verruca nascens epidermidem attollit, & facit eam tam extensam, quam verruca magna est) quæ si findatur, degenerascit & fit cæciosa; & talis verruca scabra est eminentibus asperitatibus, & Microscopio conspecta refert fragi vel mori superficiem.

Sedes Verrucæ distinguuntur in duas classes, nam vel sunt in locis, ubi est reticulum; vel in locis, epithelio tantum tectis. Papillæ semper sunt sub reticulo, sed in locis, ubi definit cutis, vasa, quæ antea non videbantur, statim apparent per epidermidem pellucidam; nervi tunc teguntur sola epidermide: quia nunc Epithelium idem est, quam papillis imposita membrana, hinc nomen Epidermidis ad hæc loca definit. Differunt ergo, prout occupant loca, in quibus cutis est, vel ubi tantum epithelium teguntur, ut in labiis & in pene virili, in quibus locis vasa, papillam ambientia, per vim vitæ ita possunt excrescere, ut verrucæ penitus fungosæ appareant, & in hoc casu etiam intra viginti quatuor horas possunt immaniter incrementum.

Membrana interna præputii circumambit glandem penis, & ibi papillæ nudæ subjacent; quando ergo illud Epithelium finditur, papillæ antea compressæ statim emergunt. Si labium felicissimo successu impletur, & suspenditur in aqua, secedit Epithelium, & superficies labii, ante politissima, tota quanta hispida est; si papillæ ibi degenerascunt, verrucas faciunt pessimas. Nonnullis hominibus labia hyberno tempore finduntur, & erumpunt inde tumores canerosi omnia remedia eludentes. Ergo verruca est ipsa papilla nervosa; sed a naturali sua indole degenerascens: hinc cum omnes papillæ cutaneæ per invisibilia foramina tantum adscendunt, & hinc valde parvæ sunt, solum filamentum externum extrahitur, sed sub involucre cutaneo hæret tuberculum conspicuum, quod ibi coronatur vasis rubris, hinc id, quod facit verrucam, est tantum illa pars eminens,

Reticulum MALPIGHIANUM est satis callosa pars, hinc non facile cedit; sed ad illud reticulum oritur sæpe species inflammatoriuncula, quæ locum transmissus facit ampliorem fieri. Nonnullæ verrucæ tam terribili prurigine molestæ sunt, ut compesci non possit: si talis verruca scalpitur, intra paucas horas cancer fit. Hæ papillæ sub ipsa cutis substantia coronantur vasis arteriosis sanguineis, serosis & lymphaticis; hinc quando verruca transit per Reticulum MALPIGHIANUM, rarum est, vasa etiam per eundem hiatus posse transmitti: sed simulac in labiis vel præputio epithelion est ablatum, vasa sanguinea, quæ coronant papillam, illam monstrosam reddunt; hinc verruca in labiis multo periculosior est, quam in gena: intelligitur hinc, quid sit verruca hæmorrhœa, & quare ex verrucis nonnullis abscessus oriatur hæmorrhagia, vix compescenda; nam vasa, quæ effracto carcere Retis MALPIGHIANI nuda sub epidermide hærent, vix se contrahere valent.

Quamdiu verruca est albi coloris, sine pruritu, tunc est simplex; sed ubi magna adest prurigo, signum est, quod vergat in cancerum. Quando color ejus est ruber, scimus, vasa sanguifera, quæ sub reticulo coronabant papillam, nunc emerisse.

Radix harum verrucarum semper est in nervis, ergo possunt ubique fieri, ubi nervi sunt; sed experientia docuit, quod non fiant nisi in nervis, soli tactui intercurrentibus; hi vero sunt duplices, nam vel percipiunt voluptatem & dolorem, vel applicata externa; & tales sunt etiam in palato, in faucibus, parte postica Oesophagi, parte superiori Ventriculi, & in intestinis tenuibus, in quibus omnibus locis degenerationes, verrucis simillimæ, deprehensæ sunt.

Verrucæ duplici modo apparent, ^{Diff-}nam vel sunt longo collo peniles, ^{rentia.} Acrochordones dictæ; vel Myrmecia explicatæ, quæ iterum duplices sunt; vel etiam superficie scabra & dura eminent, & illæ vulga-

res sunt; vel fuscae & nigrae sunt, ut in genis vel malis hominum fortium, ubi sortes pili crescunt, qui si abscindantur, magnam hæmorrhagiam excitant; hinc Chirurgi prudentes, barbam tondentes, hunc locum relinquunt intactum.

Causa. Vera causa hæctenus non est bene detecta, sed debet esse incredibiliter parva & latens: qui Verrucas tractat in alio, ipse facile iis afficitur; ubi corpus, verrucis obstitum, inhorrescit, post septimanam ne una quidem superest. Vidi Juvenem, qui post coitum cum muliere nihil aliud mali acceperat, quam quod urinam reddere non posset; apparuit, quod hoc fieret a verrucis in membrana urethrae interna, quibus postea, dato turbith minerali, liberatus est: certum ergo est, quod hic contagium sit se disseminans, subito nascentis & abeuntis.

Diagnos. Si verruca alba est, superficies ejus non aspera, tactu mollis, colore naturali prædita, nec dolore vel pruritu molesta, tunc facile curatur; plerumque tunc negligitur, sed eximiti cito potest ita degenerare, ut maligna fiat. Si colorem rubrum acquirant, & læduntur, hæmorrhagias faciunt vix sistendas; ubi Vitriolum applicas, illudque dein escharæ modo separatur, recrudescunt. Si scabrae sunt, & se expandunt, tunc speciem canceri faciunt, qui eo pejor, si simul duræ sint, & sponte findantur: si calor accedat, tunc fit febris in parte cum dolore & pruritu, & tunc adhuc magis excrescunt & luxuriantur.

Ratione loci in quo hærent. Attendite diversitatem tam levis mali pro variis, quibus se ostendit, gradibus: queritur homo v. g. quod arenula inciderit in oculum inter palpebram & bulbum; fricat, & malum augetur; accedens Chirurgus invertit palpebram; videt tunc enatam verrucam, hærentem in tenerissima superficie cavæ palpebræ, quæ asperitate sua omni modo lædit oculum, unde inflammatio & lacrymarum profusio: hæc sensim crevit & terribilem tumorem efficit, nam quia

membrana palpebræ est adeo tenuis, moles increscens nullum habet vinculum, quo coercetur, hinc verruca facile luxuriari potest.

Frequenter quoque oritur in labiis; horum superficiem Ruyschius, facta injectione, totam hirtam vidit, & papillas squammatim sibi incumbentes; membranam, nudas hæ papillas tegentem, vocavit Epithelion; sed hoc ablato, quam horrenda mala sunt! a solo frigore & perspiratione impedita nascuntur in eo fissuræ, & nullo remedio sanabiles excrescentiæ: si applicatur quodcumque rodens, exacerbatur malum, & furit instar irritati canceri. Blanda ergo adhibenda sunt remedia, quem in finem optimum inveni oleum ceræ, geminata destillatione præparatum, diu noctuque cum linteo applicatum, donec natura subitus telam abruptam iterum composuerit.

Hærent sæpe verrucæ in glande penis, quæ pars summæ voluptatis, & summi etiam doloris capax est; abducta hujus partis subtilissima membrana, subjecta superficies se attollit instar pinnarum histricis; quando hæc aufertur per tabum virulentum, fit verruca veneræ; & si illæ se extendant in longum & latum, fit collare Hispanicum, excrescentia sua omnem urinæ exitum sæpe interceptans: in superficie interna præputii res eadem est; sed quia papillæ hic loci sunt minores, hinc natae verrucæ non sunt tam malignæ & dolentes, quam in glande penis. Verrucæ aliquando etiam oriuntur intra Urethram, quæ dolores miserrimos faciunt, nec opiatibus aliisve remediis pruriginem sistuntibus cedunt; & ubi pars incipit tentigine Venereæ arrigi, tanto crudelius malum est; dato vero Mercuriali remedio flocci verrucosi cum urina emittuntur: In pudendis mulierum omnium horrendissime sunt verrucæ, maxime si voluptatem scalpendi non cohibeant; quando hæ malignæ sunt, & minima acrimonia applicata fundunt cruorem, eodem modo ut verrucæ labiorum, oris

oris & linguae; vix compescendum.

Prognosis.

Quando lata radice parti adhærent, vix tolli possunt; feliciter vero, quæ longo collo pensiles sunt; scissæ vel usæ insanabilia sæpe ulcera relinquunt: si cancroræ fiant & luxuriantes, pars fungosa protruditur cum dolore & putredine, & quicquid remedium ars adhibet, malum refurgit: si admoveatur ignis, fit eschara, hinc latens sub ea venenum omnia supposita longe pejora facit; si tangatur oleo vitrioli, non extirpatur, sed particula ejus tantum mortua redditur, sub qua pars inferne vivens hæret.

Curatio.

In verrucis Urethrae nil melius est quam purgans hydragogum mercuriale, nam injectiones aciores in Urethram faciunt priapismum intolerabilem, & molliores nihil juvant. Verrucæ pensiles pilo vel seta equina laquei instar circumligentur, suffocato tunc collo moriuntur & decidunt. Si latiores sint, fricentur alio, capis, vel quod optimum succo sabinae, imo leniter vitrioli cyprino post singulas sex horas. Spiritus salis in hoc casu fortissimum est & maxime innoxium remedium; est enim balsamicus, acidus, putredini resistens, & uno momento extirpat, sed non facit tam magnam escharam quam oleum Vitrioli; hinc si infanti debeo extirpare verrucam, diluo hunc spiritum cum decuplo aquæ, & apicem verrucæ per penicillum attingo. Si verrucæ sint in locis, in quibus cicatrices corpus scelerant, coabibimus eradicare sine magna cicatrice remanente, præcipue in sceminis, & tunc emplastrum de mucilaginis cum recenti succo sabinae applicandum est: si apertæ sint & virulentæ, mollissime tractentur; succus portulacæ vel sempervivi majoris recens pressus cum pauxillo unguenti nutriti miram hic præstat efficaciam; succus cicutæ vel phellandrii aquatilis, quotidie de novo expressus, & cum unguento rosaceo vel nutrito sine corpore mistus, protuberantias enor-

mes compescit, & hæmorrhagias plurimas cohibet; acetum lithargyrii, multa aqua dilutum, eadem facit.

D E C L A V I S .

Clavum Latini vocaverunt degenerascentis extremæ cutis genus in duritiem corneam, & sæpe osseam, capite lato, inferne in aculeum angustiozem desinente, duro, corneo; pars ejus latior, cutem externam spectans, cultro vix cedens, pellucidam superficiem habet; pars inferior, sub cute hærens, mollis est, mucilaginosa, & dolentissima; & tanto mollior, quo magis recedit a suo fastigio.

Clavus

Demonstravit MALPIGHII, quod omne animal corniferum, dum nascitur, nunquam cornu habet; sed quod politissima & glabra sint in illis frontis & temporum ossa; quod cutis pilosa, penitus mollis, eo in loco, ubi natura exitum cornu molitur, in molle tuber assurgat, & ex triplici parte contextatur, cute proprie dicta, nervo, vasculosa; corpore reticulari, per quod papillæ emergunt, & epidermide pilosa; assurgens cornu comprimit vasa & papillas, quæ distribuebantur per cutem, ita ut amittant naturam papillarum, & fiant filamenta, vere explicabilia, & totum cornu a lateribus strilis papillaribus investitur ad finem usque: sub cornu, tegumentis tecto, cornea materia est, quæ differt ab ossibus, quod paulo plicabilior sit; si excrevit, corpus durum, pellucidum, & quasi amplius non nutritum apparet; si secas in parte summa aculeata, exit nihil, nisi lymphæ tenuis; si profundius secas, exit sanguis; si secas prope originem, ubi cornu egreditur, oritur hæmorrhagia vix sistenda.

Clavus cum cornu comparatio.

Eodem modo orluntur Clavi inde, quod papillæ nervosæ, per cutem dispersæ, & perpendiculatiter per Rete MALPIGHII assurgentes, a quacunque causa se extendi & comprimi patiuntur; comprimentur tunc etiam vasa, & oritur species inflammationis: si per-

pergit extrinsecus compressio, & causa expellens inferius urget, ex parte quidem perfectum fit cornu; sed ubi vasa viva harent, clavus est vivus & dolentissimus; hinc operculum corneum secari potest, sed particula molli inferior manet humida & sensilissima: si pars quiescit, non alius fit dolor, quam per impetum naturæ; sed si alia oritur tempestas, quæ papillas extremas variat, & perspirationem prohibet, tunc dolor præsagium variationis erit: si ruditer tractantur hi Clavi, diri morbi inde oriri poterunt, nam idem est, ac si clavus ferreus adigeretur intra cutem: si vero in parte, quam Clavus obsidet, benigna oriatur inflammatio, in suppurationem abeunt, Clavus potest excidere, & vi vitæ sanari; si vero radícula maneat, iterum renascitur.

Sedes Clavorum.

Oriuntur clavi præcipue in digitis & plantis pedum, nam papillæ in his digitis non decurrunt perpendiculatim, sed per strata parallela, hinc si ibi oriatur compressio, innumera papillæ simul comprimuntur, & cicatrix fit veluti cornea: hoc in aliis papillis fieri non potest, nam ibi papillæ solitarie decurrunt, & hinc quando ibi nervus degenerascit, fit tantum macula callosa: in plantis pedum non deprehenduntur nisi in tribus locis, 1. in apophysi ossis maximi metatarsi pollicis, ubi podagra etiam suam sedem habet. 2. in osse metatarsi, sustinente minimum digitum. 3. in parte subcutanea tuberculi ossis calcanei, nam in his locis totum corpus sustinetur: papillæ tactus ibi observantur omnium maximæ, hinc sere nullibi est sensus acrior; ibi omnium facillime comprimuntur, & quando hoc fit, oritur sensus doloris molestissimus. Callus ibi ortus est verum cornu flexile. Visæ sunt inde fieri tantæ suppurationes, ut tandem solea pedis separari visa sit; & nisi tales ægri prudentem nanciscantur Medicum, incidunt in teterrima mala, nam inflammatio hic etiam potest transire in gangrænam: ergo hoc mali genus sæpe om-

nem pedis usum prohibet; nec tutius in hoc casu remedium est, quam ut partes exteriores sic emolliantur, ut separatio fieri queat. Tertius locus sunt plicæ eminentiarum cartilaginearum in auribus, & sunt ibi vel a nimis compressis tegumentis capitis, vel in illis, qui semper coguntur in unum latus decumbere, uti Empyici: mirum est, quod milites, qui in præliis utrumque crus amiserunt, si antea habuerint Clavos, semper dicant, se æque distincte variantem tempestatem in illis locis præsentire, quam ante multos annos, quum pedes adhuc habebant. Videmus inde, quod totus nervus superior afficiatur a degeneratione inferioris, qui cum illo communicaverat.

Cura Clavorum.

Curatur hoc malum auferendo pressionem, nam si Clavus non prematur, non amplius dolet, & si vita subtilis sit integra, tunc separatur; nam superficies superior deteritur, 2. applicatione illorum, quæ pressionem & tritum impediunt; & hic optima est aluta, quæ duas partes habet, interiori superficiem, quæ olim corpori animalis adhæsit, & exteriorem papillosam holericam; si ex hac faculi sunt in calcis laxioribus, clavi optime tolluntur. 3. crebro usu balnei emollientis ex lacte recenti, cocto cum farina lini, in quo, pedes sæpe detinentur; si caput clavi vacillare incipiat, tunc vis vitalis separabit totam partem. 4. applicatione ceræ cum ærugine, sive ceræ inoculatoriæ, hortulanis *Entwafsch* dictæ. Solent agyrtæ circumcidere Clavum, in aqua maceratum, ut capitulum emineat, quod vossella apprehendunt, & una vice extrahunt, sed sic turbant totam texturam nervorum, & relinquunt sæpe vix sanabilia ulcera: ab his ergo abstinendum est.

DE PAPILLIS, IN SUPERF.
CIE CORPORIS DEGENERASCENTIBUS.Descriptio
Papilla-
rum.

Nervi, ad extrema corporis delati, sunt vigiles custodes, qui momentu nocitura, advertunt ea, quæ placeant; hinc disponunt humanitatem ad averendum prius, continuandum posterius: hos EUSTACHIUS tribus tabulis conatus fuit exhibere: hi copiosissimi sunt, imprimis in iis locis, ubi gustus & tactus exercentur; hinc in lingua, buccis, faucibus, œsophago, intestinis, vel æquales, vel longe majores sunt, quam in cute externa, & toto tactus organo. Si invertis œsophagum testudinis, hispidissimam membranam, papillis erectissimis confertissimisque constantem, invenies, quæ sursum inclinantes faciunt quasi cancellos, qui retrogressum ciborum prohibent: si deglubitur hæc membrana, iterum papillæ ex secunda membrana emergunt; simile quid in homine a RUYSCHIO inventum est; in superiori parte, quæ aditus est ex œsophago in cavum ventriculi, plaga est, ubi similis villi papillacei sunt, a quibus forte dependet effectus illi mirabiles, quos HILF. MONTIUS huic parti assignavit: omnes vero hæ papillæ ubique sibi similes sunt; semper pulposæ in extremitatibus, coronatæ vasculis tenuibus, quæ per repletionem rubra evadunt; & semper eosdem usus habent: triplici teguntur integumento, 1. Epidermide & reticulo Malpighiano, quæ communia sunt omnibus papillis, nam æquabiliter se extendunt. 2. Singuli quodam integumento, ut in palato & lingua, nam venter linguæ tegitur sola epidermide, quæ ad apicem & latera parum, sed in dorso & versus epiglottidem magis crassescit: hæc membrana proprie nec est epidermis, nec periossteum, licet illorum officio fungatur, sed habet fabricam penitus singularem, nulli alii parti similem, quæ semel destructa nunquam

videatur recrefcere; quæ, ubi cecidit, facit os separari, uti apparet in Lue Venerea, & in iis casibus, ubi forte spina piscis per palatum infixæ est in os. 3. Simpliciter quodam & tenuissimo integumento externo, uti in nervis, qui terminantur in superficie interna cavi cuiusdam, veluti duræ matris, pleuræ, mediastini, pericardii, peritonæi.

Observantur autem degenerationes harum papillarum varæ pro diversâ horum integumentorum fabrica; & læduntur vel in substantia sua pulposa, vel in vasculosa, qua coronantur; vel integumentum earum potest elevari extorsum & degenerascere. In dorso linguæ vidi assurgere incredibilia tubercula, nam cum membrana callosa linguæ valide cohæreat cum reticulo, & papillæ huic insistant, oritur summa resistentia, unde lingua fit mirifice monstrofa: varæ tunc in lingua oriuntur rhagades, fissuræ & fossæ, per quas sæpe sanguis exsilit; & si papillæ irritantur, in cancerum abeunt; sed optimum, quod hic novi, remedium, est succus Sempervi majoris. Vir honestus, Amstelædamsis, queritur de pruritu faciei, negligitur; fricat partem, conqueritur magis, donec exigua in tota facie appareant tubercula; adit RUYSCHIUM; dantur oxycrata, plumbata, purgantia; mittitur sanguis; non levatur, tota facies villosa fit, & papillæ, quæ in facie tantum apparent per microscopium, conspiciuntur instar membranæ vel potius larvæ pendulæ, ex holoserico quasi confectæ: sic remotus a consuetudine hominum, calamitatem hanc ad mortem usque ferre debuit, nullo remedio levatus.

Vidi nobilem puellam Britannicam, cui papillæ ita indurescebant, ut cornæ plagæ ad suprema digitorum manuum pedumque, & in carpo ac metacarpo apparerent; sequebatur hinc impedita perspiratio, perpetua inflammatio & ariditas: experta erat sumptuorum Medicorum consilia, thermas, balnea, mercurialia, nul-

Varia earum degenerationes.

246.

lo tamen cum successu : suasi , ut omni verno & autumnali tempore uteretur sero lactis cum succo recentis graminis & Scabiosæ , & post satis longum tempus liberata fuit ; renascebatur malum post quatuor annos , sed iisdem remediis renovatis multum levata fuit ; interim ita extenuabatur , ut vix esset nisi sceleton . Cursum hunc non facile absolverem , si vellem loqui de virginibus cornigeris,

quarum historiae habentur in actis Anglicanis & Parisinis ; neque dicam de Lepra Arabum , quæ etiam in degenerascentibus papillis cutaneis consistit : & sic absolvi morbos , qui nervum ejusque partes constituentes afficiunt . Sequuntur explicandi morbi , qui accidunt nervis , quatenus unum systema in toto corpore constituant.

Finis Tomi Primi.